

467

D. LEONIS PAPÆ,

H V I V . S N O M I N I S P R I M I ,

Quisummo iure Magni cognomentum iam olim
obtinet, Sermones & Homiliae, quæ quis-
dem extant omnes.

XUL 467
11
Alteram vice summa cuin diligen-
tia ad antiquissima exemplaria omnia
castigata, & aucta.

Cum duplii Indice.



L O V A N I I

Apud Hieronymum VVelleum
ad intersigne Diamantis.

Anno 1566.

1-~~18~~⁶ 189

REVERENDO
IN CHRISTO PATRI

AC DOMINO D. IOANNI

Lippiensi, Episcopo Cirenensi, Suffraga-
neo & Ecclesiastæ primario Co-
lonieñ. Petrus Canisius No-
uiomagus. S. P. D.



*Vriosum est hoc seculū rea-
uerēde pater, quod adeò diua-
tinos tumultus istos compo-
nere nescit, ut citius quidē
nouos excitet, atq. indies in-
peius gliscentes motus longē
latēque propaget. ~~qui~~ qui
tantorum malorum vestia-*

*gant origines, collectāq. sensim vires disjicere con-
tendunt (quo tūa præcipue spectat pietas) ij uno
velut ore immanem philautiæ rabiem incusant,
eumq. morbum, ut cæterorum omnium & caput &
causam, non improbabiliter insinuant. Ex eodem
fonte mibi deriuari videntur studia nouos quoque
scribendi libros, quod perinde ac vanæ curiositas
tis genus redarguit Ecclesiastes. Atque hinc (quod
multo pestilentius) prodit & ambitiosa doctrina
ostentatio, & præfacta quædam sapientiæ præ-
sumptio, tum effrenis illa libido comminiscendi nos-
ta dogmata, quibus vetera fastidiri simul & anti-
quari documenta incipient. Per hos demū cœu grae-*

dus omnis impietatis, hic iam nunc processit humana
temeritas, probdolor, ut sanctissimorum quorumque
pontificum ac spectatissimorum veteris Ecclesiae
patrum plerisque contempta sit & dignitas & au-
toritas, nisi hac ipsa forte ad confirmandos ipsorum
errores nouis magistris cōmodè liceat abuti. Nam
hactenus illis valet Gēnadius de communione
& transubstantiatione, Clemens de Eucharistiae
reseruatione, Hilarius de fidei iustificatione,
Epiphanius de sacrarum imaginum demolitio-
ne, Proþper de confessione, Gregorius de pri-
matus Ecclesiastici nuncupatione, Bernardus
de dispensatione. Sed plusquam rigidus, adeoque
intolerabilis videtur Hieronymus, nimirum,
quod non possit non insuavis esse Iouiniani &
Vigilatij sectatoribus. Displacet paþim Cyprianus.
Nec minus, quando merita operum & satisfactio-
nis vñam hisce fidei iactatoribus haud segniter
commendat, vt pote non nomine, sedre ipsa totus
Euangelicus. Dissimulat, inquietat, sūt tēporis coro-
ruptos mores Augustinus, quia scilicet receptam
Ecclesiæ disciplinam contemptoribus istis libenter
inculcat. Iam qui pari modestia tot ac tam reueren-
da maiorum placita, leges ac instituta contemnunt,
an hunc quæso Leonem audient, quamuis hic rara
orationis & planè Apostolica maiestate nusquam
non detonet? Num suspicent pontificem tot nominis
nibus alioqui suspiciendum? & dignitate, & gras-
uitate, & sapientia, & eloquentia, vt summo iure
Magni cognomen acceperit. Imò vel ob hoc solum
quia dicitur est Papa, nec minus vniuersalis Eccle-
sie Epis

NVN PATORIA.

Si Episcopus, quam pontifex Romanus, ut de seipso frequenter scribit, etiam sannis, non dubium, risus Sardonico virum tantum excipient. Qua verò stomachi patientia ferent unquam, ad certorum dierum ieunationes, ad nocturnas vigilias, ad designata precandi loca & tempora Dei populum relegari? Legent hic, velint nolint, benefactis cœlestem gratiam promerendam esse, nec fide, sed operum fideli studio Christianum pectus declarari. Legent identidem, eleemosynis peccata redimi, dignus penitentiae fructibus Deum placari offensum, lachrymarum visordes internas ablui, laboris item praesentis magnitudini charitatisque nostræ feruori futuram à Deo mercedem attemperari. Legent quoq; priuatam ieuniorum legem communis seu publicæ postponi. Legent ciborum delectum & Ecclesiastice obedientiae iugum pulchræ libertati Cbr; anæ congruere, neque cum superstitione Iudaica quicq; habere concurri. Legent pleraque sine scripto vel ab Apostolis vel Apostolicis viris ad constituendum religionis ordinem promanauisse. Legent sans etorum intercessione Christum redemptionis mediatorē, nō modo nihil nobis obscurari, sed vobementer etiam illustrari, totamque simul iuuari Christianam Ecclesiam. Legent denique sacrosanctam Missæ & sacrificij oblationem baud sine ratione vel in eadem basilica quotidie iterari. De primatu Petri dicere supersedeo. Testimonia sunt paßim in promptu, sacris etiam confirmata literis, ne quid addam amplius. Conuicti igitur (belli nempe iudicis) tum logissimi temporis inuiolabili obseruatione,

ne, tum sanctissimi pontificis irrefutabilis autoritate, quantum quantum fert illorum libido, papisticam eiuscmodi doctrinam calumnientur, ac iamdudum explosam à se, permittant nobis obseero, ut qui matris Ecclesiæ obseruantes filij videri cuspimus, & esse non desinimus. Quanquam non admodum difficile sit aduersus obtrectatores istos Diui Leonis innocentiam causamque tueri. Quid enim adferant quamvis versuti, quod non unico responso huius pontificis ad Martianū Augustū iam illico subuertatur & concidat? Hic docendi optimus, inquit, est modus, ut paternorum sensuum linea, plebis & cleri auribus innotescat. Ac si qui sunt (hoc demum aduersarij notent) quinostra scripta despiciunt, illis saltem, qui nobiscum Apostolicis sensibus congruunt, acquiescant. Sed nihil nè mirum, si virgam in Leonis opera censoriā arrogant sibi, quos adeò nihil pudet in arcanas etiam diuināsque literas irrumpere, his locis manifestam vim inferre, illos prorsus infringere, alios omnino negare, omnia propemodum adulterare, nimirum nouis & hac tenus in auditis interpretiunculis. Nam ubi tandem Theologorū existat aliquis, qui tot annorum abhinc centenarijs vel somniarit unquam, qualia nunc isti nouo, sed non diuino spiritu sibi reuelata produnt? Produnt, inquam, de doctrina dæmoniorum, de fermento Phariseorum, de ossibus mortuorum, de nuptijs presbyterorum, de prohibitione votorum & improbatione ieuniorum: ad haec de humanis viribus, de regno Antichristi, Babylonæ gentiumque simulaç

NUNCUPATORIA.

simulacris. Quam verò in procliui est omnibus,
plausibile dogma iustificantis fidei commendare,
Christianæ libertatis fucum obtendere, pro bus
manis constitutiunculis firma Ecclesie dogmata,
nec non traditiones Apostolicas conuellere, Theba
logorum sententias eludere, ad solam scripturam
iudicem, sed mutam illam prouocare, postremo
damnatas prius opiniones innouare. Nam hinc poa
tissimum incipiunt, bac pergunt, hic desinunt,
qui nouorum dogmatum iactatione, non minus pes
riculosa, quam vana, tantas Germaniae nostræ
cient turbas, nec cessant adhuc (proh nefas) ex
huiusmodi fontibus banc animorum labem, que
plurimos inficit, totis & viribus & artibus dea
ducere. Quo magis tua nobis suspicienda est pie
tas, & grato semper animo rememoranda isthac
sedulitas reuerende pater, ut qui tanq.
& idem inuitus Leo, tot iam annis aduersus raa
paces istiusmodi lupos te totum obiiscis, te pro doa
mo Israël murum aggeremque fortissimum oppo
nis, talem denique Christi gregem in hac beata
Germania totius metropolis sic ipse gladio spiritus
propugnas Ecclesiastes, sic custodis & curas Epio
scopus, ut in nullis quidem vicinis oppidis mino
rem contagionem religio acceperit, aut maiore
rem hactenus vigorem Ecclesiastica disciplina
conseruarit. Certè facundia tua simul & oratio
nis vi perinde ac viua Euangelij tuba percela
lis animos, & imples Christianas aures, idque
tanto efficacius, quo tua sinceritas distat logius ab
omni fastu, ambitione & pôpa. Sætit quod loqmur,

EPISTOLA

probatq; constanter clerus hic tam insignis, & po-
 pulus neutiq; effeminatus. Hinc enī ad te pro con-
 cione dicētem agminatim uterq; confluit, licet beba-
 domadatim hoc munus & saepius quidē obeas: binc
 & communia applausū excipit singularem illā, qua
 mirē polles, in detegendis hereticorum fraudibus
 industria vebemētiā. Norūt imbecilles, norunt
 fortes in fide, quantū per te cōfirmata fidei integritas
 efficiat. Sed hæc missa facere præstat, ne quid
 tuam onerem modestiā, præsertim quod ut tu verē
 iuxta ac piē nos doces, quicqd sumus aut possumus,
 id totum munificētiæ diuinæ acceptum ferre opor-
 teat. Proinde librum hunc autoritate nominis tui
 decoratum in lucē emittimus, pulcherrimum illud
 sanè munus, & sicut à pijs hac tenus desideratis-
 mū, ita per se utilissimū, maximēq; conueniens tum
 donā. hibi clericō tuo, tū accipienti tibi Episcopo
 meo, qui admirabili quadam, facūda & amabili ve-
 bemētia sic pertractas diuina dogmata, ut non im-
 merito, si liberē fateđū sit alter in hac Repub. Leo
 & dici & haberi possis. Cæterū vitæ tenore et exi-
 mias D. Leonis dotes partim ex ijs, quæ post Indis-
 eem subiiciuntur, partim ex ipsis eius operibus nō
 minus quam Leonem (ut aiunt) ex vnguib. cuiq; lia-
 cebit cognoscere. Quod superest, cū pijs omnibus ex
 animo precor, ut pastor ille pastorum conatus tuos
 prosperet, ac nō solum huius urbis, sed cūct& simul
 Ecclesiæ commodis valetudinem tuam diu seruet
 incolumem. Datum apud sanctā Vbiорū Coloniam,
 quarto Iauis Septēbris. Anno salutis humanae

M.D.XLVII.

Dimi

DIVI LEONIS

MAGNI, VERE SVMMI

Sanctissimi^z Pontificis

Vita. 1



E O Papa eius nominis primus, & Thuscus natione, & Quintiano patre, in demortui Sixti III. locum Pontifex creatus est, idq; non sine singulari suffragantii omniū concordia. Fuit hic annus à Christo natu plus minus CCCCXL.

iuxta cyclum Dionisi. Quo tempore diaconus adhuc in Galliis procul agens, magno sanctoq; studio resarcientia pacis inter Aetium & Albinū ipse destinebatur. Hinc igitur publica legatione Romam accittis, vt quē non ambitio, sed virtus, nec tam fauor humanus, quādū popitii numinis voluntas ad summā dignitatis Pontificiae fastigium euexisset, iam ardenti cultu rum desiderio magnāq; patientia diu expectatus accessit, & ægregiè confessis rebus apud Gallias, magno omniū applausu Romæ Pontifex Maximus consalutatus est. Tum vir ille contra nominis rationem humanissimus, ad collectam Episcoporum coronam vici sim gratias dixit, partim quod ex longa peregrinatione saluum & incolumem se conspiceret apud incolumes illos patres, partim quod singulari Dei Opt. Max. benignitate & illorum concordi voluntate munus amplissimum sibi concreditū esset. Sed acceptam diuini præsidii spem, fore scilicet, vt suscepτæ prouincię Christo iuuante satisfaceret, sollicitus quoque temperabat animi mœror, vt non perinde lœtandum ac tristandum sibi putaret: hac parte quidem non dissimilis illi regi, qui perpensis curis regiæ dignitatis, ne humili quidem ante oculos iacens diadema sustollendum in caput arbitrabatur. Quare quod ad boni pastoris imaginem

exprimendā attinet, cum fide in Christū ardenti modello maximam coniunxit, ut obscurum esse nemini potest si vel primos qui nunc leguntur hoc autore, sermones obiter inspiciat. Occupauit apostolicā illam cathedram pastor apostolicus annos xxi, iam inde à beato Petro Apostolorum principe xlivii. Christiane Ecclesiar curator & antistes. Porrò veluti futurorum præscius, per omnē vitā excellenti Pontificatus munere diligenter præparare voluisse videtur, dum præcipue quidem his rebus instructum habere pectus ab adolescentia curauit, nempe sacrorum voluminum recondita intelligentia, multa scripturarum exercitatione, varia doctorū lectione, iudicio sano, prudentia non vulgari, sincero fortisq; animo, ut ratio sui nominis flagitabat, denique parata linguae copia, sed paratiore simul & purgatiore corde, qui fons est orationis & efficacis, dicendi docendiq; magister. Proinde satis illi nequam fuit purum esse ob omni criminē, nisi iuxta eiusdem beati Pauli monita sese abstineret ab omni specie mala, ne qua videlicet in suspicionem criminis incurret. Nihil in eius puro pectore, quod saeuus ille tyrannus amicū diuinitarū, vel gloriæ mundanæ sitis, vel ambitionis fœda lues sibi vendicaret. Christianam philosophiam nec aptè satis à se doceri, nec constanter retineri posse putauit, nisi voluptatum illecebras & cupiditates noctis sensibus oībus procul submouisset. Hinc quod consequens est, extinctis vitiorum somnis indies magis ac magis ardebat in eo fides, magna vi tandem erumpens, ut verum Dei timorem, religiosam diuinæ maiestatis venerationem & infractum animi robur aduersus omnia terribilamenta perficeret magis quam conferret. Fides porrò gignebat illi charitatem, quemadmodum charitas vicissim alebat fidem bonis operibus. Per oculum ac lumen fidei citra errorem omnem cernebat, quid expertendum, quid fugiendum esset. Rursus per charitatem, quod fides dictasset, exequens, eam naturæ vim, quę voluntas dicitur, perficiebat. Iam inter malorū agmina, quę piis viris desunt nūq; ita spe vice baculi sese sustentabat, ut nec animū i aduersis deinceperet, nec

VITA LEONIS.

seret, nec i prospēris insolētē redderet, homo trāquillæ
semper securæque conscientiæ. Tum sicut mentem ha-
bebat igneam , & ad bene merendum de omnibus fla-
grantem, ita Christi spiritus inhabitans cor eius , mo-
uebat oris plectrum , & vim arcanam verbis proma-
nantibus adferebat. Quo factum est , vt Christianum
Demosthenem, iudicem cœlestem oratorem sonare passim
omnibus videretur . Manat enim etiamnum è sanctissi-
mo Leonis pectore grauis & autoritatis plena ora-
tio , qualem in aliis reperire sit multo difficillimum.
Etenim licet omnibus quoque dicendi virtutibus
excellant, quod Leoni maximè concessum est, ægrè ra-
men fiet, quin aliquando remittant æquale solidumq;
pondus illud verborum atque sententiarum . Taceo
quam operosum molestumque sit , in homiliis perpe-
tuam viuius dictionis gratiam fortemque splendorem
apud populū seruare . Sed hac in parte sic Leo regnat,
vt ob sapientissimam eloquentiam & eloquentissimā
sapientiam Magni cognomen apud posteros obtine-
rit, sic eloquentia nemini Theologorū cedens, vti mul-
tos excedit sapientia . Et quis demum hoc hæc præ-
stare queat , quod suis tot tantisque scriptis ~~est~~ ne
ex istis quidē opinor aliquis , qui studiū omne collo-
carūt in parāda dictionis facultate. Tanta autē erat in
Leone, tamque mirabilis ingenii facilitas, tanta sanitas
tantaque præsentia, vt paratā orationis huius copiam
cum singulari grauitate, sed & iucunditate quadam
coniuncta, nullus non impendio miraretur. Sunt sanè
viri & autoritate graues & eruditione spectabiles,
qui Leonem appellare non vereantur , Ecclesiasticae
dictionis Tullium , Theologiae Homerum, rationum
fidei Aristotelem, & quod multo est amplius, Petrum
ipsum in pontificio throno simul & Paulum in pul-
pito Christiano differentē Ita enī demulcet, inquiunt,
vt vincēt auditores teneat: ita docet , vt sensibus diui-
nis aures impleat: ita exhortatur, vt ardoribus virtutis
animos incendat . Oratione quidem parcus , sensibus
verò sublimis, in primisque cœlestis, & quod est ante
omnia admirabile, profundissimus atque planissimus.

Ad hæc

Ad hæc pontificia maiestate differens , & Apostolico
facundus eloquio, modestia illa verè Christiana virtu-
teque diuina cum nusquā nō admirabilis existat, tum
in suis præcipue sermonibus, vt nemo alius , effulget,
quod breuitatis magister & vnicus penè artifex latissi-
ma rerum diuinarū mysteria perstringat, & secundum
canonicas scripturas quendā sacri eloqui principatum
includat . Quid verd in eiusdē epistolis vltro citroque
missis vsquam desideres , quod non à maximi pōtificis
throno, & excultissimi pectoris domicilio dignissimè
profectum videri possit ? Quanquā interim pontifica-
lium negotiorum ingens ille & nunquam æstimādus
premebat labor, noctu dñiq; cruciabat omniū in orbe
Ecclesiaturum non desitura cura, miserè solicitabant tot
animorum pestes humanam superantes industriad, augebant
denique continuum illi mōrorem nunciata
piorum pericula , exilia, cruces & ignominiae. Nihilo
secius ad sapienter conficiendas tot tantāque causas,
licet etiam nouæ inciderent quotidie, semper illi præ-
sens erat animus, & (quod incredibile videtur) ad scri-
bendum æquabilis vbiique istilus. Partim autem bonæ
conuentiæ securitate, partim æternæ fœlicitatis expe-
ctatione sic manebat alacris, vt nullis prorsus humanæ
vitæ vel illecebris vel terriculamentis à cursu pietatis
ac feruentissimo de omnibus bene merendi studio re-
tardaretur. Quid ni vel ipsa sui nominis ratione pro-
uocatus, illud a sapiente sapiens in Pronerbiis didice-
rat: lustus quasi leo confidens absque terrore erit. Et il-
lud: Leo fortissimus bestiarū ad nulli⁹ pauebit occur-
sum. Triste quidem dictu ac miserabile prorsus , si
quis horrendos etiam illius seculi motus æstūque ser-
mone consequi aliqua saltē ex parte conetur . Nos
vnus hominis Athilæ nihil obscurum exemplū cum
illa singulari Leoninæ virtutis magnitudine cōpone-
mus. Igitur Athila Hunorum dux , qui flagellum Dei
vocitatus est , cuius omnium effératissimi Barbari ar-
debant oculi, totoque ex ore crudelitas emicabat , in-
flammatus furore in Italiā venit , simul atque iam
Thracias & Illyricum, Macedoniam & Moetiam,
Achiam

Achiam & Graciam, Pannoniam & Germaniam
 rabie immanissima deuastasset, adeoque germanum
 fratrem Budam regni consortem alter ipse Komulus
 iugulasset, crudelis totus in suppliciis, auar⁹ in rapinis,
 superbus in contumeliis. Quā obsecro tam immanem
 charybdim Poetæ fingendo exprimere potuerūt, quæ
 tantos exhaustire gurgites posset, quantas iste prouin-
 curum Occidentalium prædas exorbuit? Concordiam
 incendio consumpsit, Aquileiam funditus euertit, Tici-
 num & Mediolanum regias vrbes excidit. Hinc cæte-
 ris Italæ ciuitatibus, partim direptis & incensis, par-
 tim metu deditis, latè porrò inter Abduam & Athe-
 sim peruagari cœpit. Vbi præter commemoratas vrbes,
 Mantuanu, Brixiam, Cremonam, Bergomum & Ra-
 uennam pari clade afflixit. Iamque vastatis circum-
 quaque tot tantisque vrribus, Huni velut rūptis
 claustris Athila duce Romam irrumpere festinarunt.
 Quo tum Leonem esse animo oportuit? quæ hic face-
 ret tali in re ac tempore? quum ignauia ratio in fugam
 atque latebras fortissimum quemque impelleret, im-
 probitas autem & furor hostis ad desperationē coge-
 ret, populi denique clamor crudelissimum & lacu-
 fissimum exitum promitteret, ita vt incensionem vrbi,
 interacionem ciuibus, vastitatem Italæ, atque adeo
 interitum totius Christianæ reipubl. vicina quæque
 portenderent. Certè cum iam esset hostis propemo-
 dum in conspectu, vt copias etiā, qua Mintius padum
 influit, traicere pararet (mirum dictu) occurrit Leo
 vir sanctissimus, vt pote calamitatem tum Italæ, tum
 vrbis Romæ miseratus: ac Leoninæ mentis nunquam
 interitum æditurus argumentum, occurrit inquam,
 grandis iam natu cum altero Consulum & parte non
 modica Romani Senatus. Occurrit omnia depopulan-
 ti tyranno senex innocuae simplicitatis, & multa idem
 canicie simul & angustiore habitu venerabilis, qui sese
 totum pro seruandis ouibus impendere vel non roga-
 tus iam dudum exoptabat. Atque illic circa Mintium
 amnem ita regem truculentum affatus dicitur: Senatus
 populisque Romanus quondam orbis vīctor, nunc
 verē

Vero victus, suppliciter abs te veniam & salutem pre-
 catur rex regum Athila: nihil tibi in tanta rerum ge-
 starum gloria cōtingere potuit, aut ad præsens decus
 pulchrius, aut ad posteros memorabilius, quām ut is
 populus supplex ad tuos pedes iaceret, ante quē oīm
 omnes gentes & reges supplices iacuerunt. Subegisti
 quidem Athila omnem terrarum orbem, cui Romanos
 omnium victores gentium subiicere tributum est.
 Nunc tantum precamur, vt te ipsum vincas, qui vincis
 cetera. Nec est, quando iam omne humanitatis fasti-
 gium transcendisti, in quo Deo immortali similius esse
 possis, quām quo plures viceris, plures per te saluos esse
 velis. Senserunt mali flagellum tuū: sentiant nunc sup-
 plices clementiam, vel quia se vicos fatentur, vel quia
 sunt vltro imparata facturi. Hec bona conscientia inui-
 etus Leo dixerat, in cuius habitu venerabilique aspectu
 contemplando quin tacitus staret Athila delibera-
 bundo similis, en duo quidam dextera leuaque viri Pe-
 trus nimirum & Paulus Apostoli, subito ipsi conspe-
 cti sunt, qui non solum augustiore habitu pro Pontifi-
 ce quoque adstarent, verum etiam supra ipsius caput
 strigis tenerent intenderentque gladios, ac mortem
 demum minitarentur, nisi dicto Pontificis obtempe-
 raret. Quainobreni, vt autor est Eutropius, hac Leo-
 nis intercessione placatus Athila, quantum alioqui fu-
 riosus, confestim promissa pace firmissima vltra Da-
 nubium nō reditur abeensit. Nec enim diu post rebus
 humanis excessit, & humani generis dintinæ vexatio-
 ni finem aliquando vel mortuus imposuit. Rogatus
 autem ab his, qui proximè adstiterant Leoni suppli-
 canti, quid in causa esset, cur tam facilè pulcherrimam
 precibus hostium victoriam condonauisset, & prostra-
 tos ante pedes surgere ac stare iussisset (bono sitis, in-
 quiebat, animo, datur vobis venia) respondisse fertur
 palam, oportuisse sic fieri, quando medio affatu sup-
 plicantium, tales tantiq; viri sibi visi fuissent, ac subito
 mutare sententiam coegissent. Videas igitur alterum in
 Leone Mosen, qui spiritualibus armis Barbarorū vires
 expugnet, iratumq; deū peccatrici gēti cōciliat. Proinde
 hoc

Nec tam insigni beneficio principem Valentinianum
 urbemq; totam, sicut nunquam antea, sibi deuincivit,
 & vulgo receptam sua sanctitatis opinionem etiā atq;
 etiam apud omnes confirmavit. Sub hæc ad vibem re-
 diens, non sine communi omniū applausu (ut qui pa-
 trem patriæ conspicerent, cui secundum Deum, fortu-
 nas omnes, incolumitatem suā, nec minus orbis, quām
 eis salutem acceptas merito ferrent) in primis Deo
 Opt. Max. & Apostolis eius Petro & Paulo gratias di-
 xit, his omnē rei bene gestæ gloriā adscribens, quorum
 & patrocinio concessæ sedis Romanæ consortium tri-
 buere solet. Dein totus ad cōfirmandam tuendamq; ca-
 tholicam fidem cōuertitur, quæ tunc à multis quidem
 hæreticis, ut Manichæis, Donatistis, Arianis, Priscillia-
 nistis, præcipue verò à Nestorianis & Eutychianis ho-
 stiliter impugnabatur. Certè Nestorius ille Constanti-
 nopolitanus Episcopus, genere Germaniensis, cuius
 hæreses à D. Cyrillo confutatas prima synodus Ephe-
 sina damnauerat, incōparabilem illā terq; beatam vir-
 ginem Mariam negauit esse Deiparam, hoc est, homi-
 nis duntaxat genitricem esse censuit, vt aliam carnis,
 aliam diuinitatis personā in Christo faceret, ac p̄m
 se fūctim alterum Dei filium, alterum hominis impiè
 statueret. Eutyches verò presbyter & Archimandrita
 Constantino, homo senex, versipellis & im-
 pudens, qui tantum Leoni simul & Chalcedonensi
 Consilio negotium faceisset, ne iuterim blasphemio Ne-
 storio palam cōsonare videretur, diuinā cū humana na-
 turam docuit in vnum idemque compositum recidisse,
 tnumq; factū, nec ullo modo debere distingui. At Cy-
 rilli successor in Alexandrina Ecclesia Diοscorus, ho-
 mo vafer, violentus & seditiosus planè, cum imperato-
 ris Theodosii & Ephesini conciliabuli autoritatē pro-
 fe stare magna vi coegisset, repulsis etiam sedis Aposto-
 licæ, qui præsiderent synodo, Legatis, ac iniquissimè
 damnato cum reliquis orthodoxis Episcopus
 Mauriano Constantinopolitano, sic Eutychetis cau-
 lam perfidus apud perfidos egit, vt nisi Leonis cu-
 ta imperator & Augusta Pulcheria synodum apud
 Chalce-

Chalcedonā innouassent, oppressa certè pietas & de-
serta Ecclesiæ causa iacuissent. Adè quidam omnis pu-
doris & reuerentiaæ metas transgresi, iam tum eo te-
meritatis proruperat, vt insignes Ecclesiæ, quæ domus
orationis hacten⁹ efflorebat, in speluncas latronū ig-
nominiosè conuerterent, monasteria prophanata euer-
terent, sacramentorum lumen extinguerent, sacrificii
oblationem interciperent, sanctificationem chrismati
auferrent, vt iam parricidalibus manibus impiorū om-
nia demum mysteria sese subtraxerint. Et hæc velut
infanda sacrilegii genera peracerbe suggillat Leo epi-
stola lxxv. ad Leonem Augustum. Neque tantum lite-
ris absens, sed Nicephoro teste, lachrymis etiā præfens,
quo scandala tam horrenda corrigerentur, optimates
tum admonere tum obtestari non desit. Et quæ gra-
uior obtestatio, quæ dum hisce verbis Theodosii fi-
dem officiumque implorat? Ecce ego, inquit, Chri-
stianissime & venerabilis Imperator cum consacerdo-
tibus meis implens erga reuerentiam clementis vestræ
synceri amoris officiū, cupiensque vos placere per om-
nia Deo cui pro vobis ab Ecclesia supplicatur, ne ante
tribus al Christi domini rei de silentio iudicemur, ob-
secramus coram vnius Deitatis inseparabili Trinitate,
quæ tali facto læditur (cum ipsa vestri sit custos & au-
tor Imperii) & coram sanctis angelis Christi, vt omnia
in eo statu esse iubeatis, in quo fuerunt ante omne iu-
dicium, donec maior ex toto orbe sacerdotum nume-
rus cōgregetur. Nec alieno peccato patiamini vos gra-
uari, quia quod necesse est nos dicere, veremur inquit,
ne cuius religio dissipatur, indignatio prouocetur. Præ
oculis habete, & tota mentis acie reuerenter aspicite
beati Petri gloriam, & communes cum ipso omnium
Apostolorum coronas, cunctorumque martyrum pal-
mas. Verum isthæc in promouenda synodo vehemen-
tia minus apud Theodosium profecit, siue quod is in-
ter viuos diu superesse non potuit, siue quod in tuen-
da religione, sicut & in administrando Imperio segnior
haberetur, ad omnem ferè auram mobilis, adeoque in-
curias, ut chartis à se non perfectis facile subscripteret.

Constan-

Constantior alitem & pectate pietatis prudētiæq; fuit
 Martianus, quem defuncto Theodosio Imperatorem
 Pulcheria Augusta Theodosii soror pronunciarat. Re-
 ligiosam eius mulieris sollicitudinem, & præcipuum
 erga Christi Ecclesiam studium variis amicisque lite-
 ris Leo designauit. At Martianus Imperator ad cele-
 brandam synodum Chalcedonensem & componen-
 dos Ecclesiæ motus omne suum studium conuertit. Id
 quod Leoni rursus acceptum ferre oportet, qui magna
 & irrefutabili constantia necessariam cogendæ synodi
 rationem illi commendarat: æquissimum esse dicens,
 vt Christi legibus & Ecclesiæ commodis seruiret hu-
 manæ potentiae fastigiū. Inter amicos præcipue co-
 luit Prosperum Aquitanicum, postea Regiensem Epi-
 scopum, & Flauianum, cuius & antea mentionem feci-
 mus, Archiepiscopum Constantinopolitanum. Vterq;
 pietatis & religionis omnis obseruantissimus fuit, nec
 minus eruditus, quam sanctus. De illo agemus paulò
 inferius: in hoc ne martyrii quidem gloria desideratur,
 sic nimirum agente Dioscori apud Ephesum tyrannī-
 de, quod accusati ab Eusebio Eutychen hæresiarcham,
 apud suos primus ille condemnauisset. Vnde Flavius
 nomē honorificè passim citatur à Leone, multis etiam
 datis ad eū literis cohonestatum. Nec est inter Leonis
 epistolas vīla cœlebrior, quam quæ ad Flauianum deci-
 ma legitur, à Consilio Chalcedonensi summopere com-
 probata, cuius etiam vnicè Gennadius meminit, reli-
 liquis omissis Leonis operibus. Quin exacti iudicij Pa-
 pa Gelasius, vbi de receptis probatisque patrū scriptis
 pronunciat, præterquam quod inter primos illic beatum
 Leonem numerat, certè tanta religione dictam
 epistolam prosequitur, vt anathema dicat ei, quisquis
 vel textum illius vel iota vnum improbarit contentio-
 sior, vel non singulatim in ea suscepere omnia venera-
 bundus. Putant nonnulli diuino magis spiritu, quam
 humano ingenio factum, vt Eutychetis perplexa im-
 piezas tanta veritatis luce detecta profigaretur. Nam
 hic suis etiam Leo diffisus viribus, priusquam episto-
 lam illam aliquo destinasset, altari B. Petri vtcunque
 b
 scriptam

scriptam imposuit, se vero p̄i quadraginta dies tum
 ieuniis, tum precibus exercens, hoc vnum ab Aposto-
 lorū principe votis flagrantibus contendit, vt si quid
 forte corrīendum haberet ep̄stola, quæ causam fidei
 longè difficillimam tractabat, id omne suis ille mani-
 bus correctum absolueret. Nec fecellit sanctam præca-
 toris expectationem etiam rarus euētus. Tersam enim
 & elaboratam ep̄stolā dies reddidit quadragesimus,
 addita simul reuelatione certissima, successum Apo-
 stolo illi tribuēdum esse, cuius pia dignatio & fida di-
 lectio, ne in persona quidem imparis tepeſcit hæredis.
 Quid quod aliquando quum nimio libidinis æstu dis-
 cruciatetur, quando deosculata sibi manus forte fuisset
 muliercula, vt in sacra communione festo paschæ mo-
 ris erat, tanto zelo à se sponte sumpsit supplicium, vt
 manum scandalizantem amputarit penitus, veluti no-
 xiūm pestilēnsque membrum exciders. Hinc quem-
 admodū Damascenus ille Ioannes defectam manum
 fusis ad beatam virginem Mariam precibus rursum re-
 cuperauit (vt est idoneus testis Ioānes patriarcha Hie-
 rosolymitanus) ita non dissimili ratione per eiusdē fa-
 cro[n]ta virginis suffragia, quæ summo cum animi
 mœrore tum expetebat Leo, detruncatam manum de-
 nūo recepit, receptam obmurmuranti populo, quod nō
 sacrificaret, lāte protulit, acceptum quæcumq[ue] diuinitus
 beneficiūn publicis laudibus cohonestauit. Nēque ve-
 rō fidei excedit aut pietati refragatur, quod omnem
 peccatorum veniam semel consequutus dicitur, præser-
 tim & ieunando & præcādo diebus quadraginta, qui-
 bus apud beatissimi Petri corpus diuinā expetens mi-
 sericordiam, hoc tandem responsi latissimus tulit: De-
 precatus sum pro te dominum, remisit ille tibi peccata,
 vt solum hoc expendendum & à te postulandum su-
 persit, quibus aduersus apostolicam legem temerē ma-
 nus imposueris. Breuiter, his præsertim armis omnium
 valentissimis cōtinenter usus est, vigiliis, ieuniis, lachry-
 mis, & quibus rebus potissimum Leoninas vires colle-
 git, constanti in Deum fiducia, necnon ardenti in pre-
 cando instantia. Sic vibem defendit. Italiam seruavit,

Impe-

Imperium Romanum erexit, dum placato Athila ty-
ranno tam sedum Hunorum iugum à suorum cerui-
cibus excusit. Sed quale illi quoque certamen cum Gen-
serico Barbarorum omnium immanissimo? Is Alanorum & Vandalorum Imperator præterquam quod
Arianæ factio patrocinaretur, expulsis paucis Episcopis, nihil non iuris & bonorum Episcopatuum sibi
vendicabat, ac præsertim Cartagini clericorum mini-
steria, templorum cultum, sacra omnia prophanauit,
corrupit, euertit, cum in uniuersum captiui populi or-
dinem saeuus, tum præcipue nobilitati & religioni in-
festus. Hinc ab Eudoxia in auxilium vocatus, ut eius
defuncti coniugis Valentiniani Cæsar mortem vlcis-
ceretur, vacuanū præsidio urbem hostili manu inuasit.
Prodierat autem Leo Pontifex obuiam venienti, non
aliis quidem armatus præfidiis, quam quæ talem de-
cent Pontificem, lingua, precibus & vitæ sanctimoniam.
Qui precatus est inflexiblem Tyrannum, ut ab ea vr-
be prohiberet iniuriam, cui Athila omnium hominum
immanissimus, viator pepercisset: aut si urbem suis di-
ripiendam dare in animo haberet, parceret saltem tem-
plis, parceret ædificiis publicis & priuatissimis: urbē nō olis-
simam ciuibusque magna ex parte vacuam ab excidio
seruaret. Ergo quanquam nec personæ dignitas Barbarorum,
nec religionis pietas Arianum regem sat mitigaret, ab igne tamen & cæde supplicisque tyrannum
auocauit, præda contentum abductisque spolis. Quo
majori deinde cura Leo tum ad reparandam urbem,
tum ad consolandos afflictos conuersus est. Templa
diffracta restituit, sacrorum vasā vel à Barbaris com-
minuta vel ablata reformati. Demetriam à beato
Stephano condendam in fundo suo Basilicam impu-
lit, aliam in Episcopi Cornelii honorem ipse consti-
tuit, Apostolorum sepulchris clericos cubiculares addi-
dit, ac præter alia religioni consecrata loca & de-
putata officia, monasterium prope sanctum Pe-
trum extruxit. De Prospero Aquitanico dicere su-
persedemus, quando familiarem illius cum Leone
conuictum Ant. Flaminius Imolensis exposuit. Neque

VITA D. LEONIS.

Calcedoneñ. Conciliū attingem⁹, quod abūdē quidē
Leonis exhaustas p Ecclesia curas, laborēsq; tōmēdat.
Nisi fortē parum sit, à tot tantisque patribus ter san-
ctum acclamari, & hoc à sapientissimis elogium con-
sequi: Leo sanctissimus, Apostolicus & oecumenicus
seu vniuersalis patriarcha per multos annos viuat. Vi-
xit ad ætatem usque decrepitam verè magnanimus ac
planè gloriosus Leo: Sed ut non minus in hisce
suis monumentis orbi supersit etiam
defunctus.

F I N I S.

D. LEONIS

HIVVS NOMINIS PAPÆ
primi, sermones in præcipuis anni totius festis
nitatibus, ac de serijs quibusdam aliis
negocijs, habiti ad fidelem
plebem.

In anniversario die assumptionis eius ad summi
Pôfificis Romani culmen & onus, sermo primus.

*Dignitates Ecclesiasticae à quo potissimum con-
ferantur, & ad quid valeant.*



Audem domini loqua-
tur os meum, & nomen
sanctū eius anima mea
ac spiritus, caro & l̄guia Ingratit̄
benedicat: quia non ve- dinis est
recundæ, sed ingratae beneficia
mentis indicium est, be- Dei ta-
neficia tacere diuina: & re.

satis dignum est à sacrificijs dominicæ lau-
dis, obsequium consecrati Pontificis incho-
are: quia in humilitate nostra memor fuit
nostri dominus, & benedixit nobis, quia fe-
cit mirabilia magna solus, vt præsentem
me cerneret vestræ sanctitatis affectio, quæ
fecerat necessitas longæ peregrinationis
absentē. Ago igitur deo nostro gratias, actu-
rus pro omnibus, quæ tribuit mihi: veltri
quoq; fauoris arbitriū debita gratiarū acti-
one concelebro, euidēter intelligens, quan-
b iij tum mi-

tum mihi possint reuerentiæ, amoris & fidei, studia vestræ dilectionis impendere, animarum vestrarum salutem pastorali solitudine cupienti, qui tam sanctum de me nullis admodum præcedentibus meritis iudicium protulisti. Obscro igitur per misericordias domini, iuuate votis quæ desiderijs expertiſtis, vt & spiritus gratiæ maneat in me, & iudicia vestra nō fluctuēt. Præstet in commune nobis omnibus pacis bonū, qui nobis vnanimitatis studia infudit: vt omnibus diebus vitæ meæ, in omnipotentis Dei seruitium, & ad vestra paratus obsequia cū fiducia possum dominū deprecari: Pater sancte, conserua eos in nomine tuo, quos dedisti mihi, semperq; proficientibus vobis ad salutem, magnificet anima mea dominum, & futuri retributione iudicij, ita mihi a-

Ioan. 17. 1. Thes. 2. pud iustum iudicē sacerdotij mei ratio subsistat, vt vos mihi per bona opera vestra sitis gaudium, vos corona, qui bona voluntate syncerum præsentis vitæ testimonium præstitisti. Honorabilem igitur mihi dilectissimi, hodiernum diem fecit diuina dignatio: quæ dum humilitatem meam in summum gradum prouehit, quod neminem suorum sperneret, demonstrauit. Vnde etsi necessarium est trepidare de merito, religiosum est tamen gaudere de dono: quoniam qui mihi * honoris est autor, ipse mihi fiet administrationis adiutor: ne sub magnitudine gratiæ succumbat infirmus: dabit virtutem, qui contulit dignitatem. Recurrente

* oneris

igi-

igitur per suum ordinē die , quo me dominus Episcopalis ofticij voluit habere principium , vera mihi in gloriam Dei causa est lætandi: qui mihi , vt multum à me diligetur , multa dimisit: & vt mirabilem faceret gratiam suam , in eum munera sua contulit , in quo meritorum suffragia non inuenit.

Quo opere suo dominus , quid cordib⁹ nostris insinuat , quidve commendat : nisi vt de iustitia sua nemo præsumat , & de ipsius misericordia nemo diffidat ? Quæ tunc euidentius præeminet : quando peccator sanctificatur , & abiectus erigitur . Neque enim de qualitate nostrorū operum pendet cœlestium mensura donorum : aut in isto seculo , in quo tota vita tentatio est , hoc vnicuique retribuitur , quod meretur : vbi si iniquitates dominus obseruaret , nullus iudicium suum sustineret . Magnificate ergo dilectissimi dominum mecum , & exaltemus nōmen eius in inuicem : vt tota ratio celebritatis hodiernæ ad laudem sui referatur authoris . Nam quod propriè ad affectum animi mei pertinet , confiteor me plurimum de omnium vestrum deuotione gaudere . Cunq; hanc venerabilium consacerdotum meorum splendidissimam frequentiam video , angelicum nobis in tot sanctis sentio interesse conuentum : Nec duito abundantiori nos hodie diuinæ præfentiæ gratia visitari , quando simul adsunt , & uno lumine micant , tot speciosissima tabernacula Dei , tot membra excellētiſſima

Quid nos
moneat
Deus i ho-
norū col-
latione.

NE ANNIVERS. DIE ASS.

corporis Christi. Nec abest, ut confido, ab
hoc cœtu etiā beatissimi Apostoli Petri pia
dignatio, & fida dilectio: neque vestrā deuo-
tionem ille deseruit, cuius vos reuerentia
congregauit. De vestro itaque & ipse gau-
det affectu, & in consortibus honoris sui,
obseruantiam dominicæ institutionis am-
pletebitur, probans ordinatissimā totius Ec-
clesiæ charitatē, quæ in Petri sede Petrum
suscepit, & à tāti amore pastoris, nec in per-
sona tam imparis tepeſcit hæredis. Ut ergo
hæc pietas dilectissimi, quam erga humili-
tatem meam vnanimiter exhibetis, fructum
sui studij consequatur, misericordissimam
Dei nostri clementiam supplices obsecrate:
ut in diebus nostris expugnet impugnantes
nos, muniat fidē nostram, multiplicet dile-
ctionē, augeat pacē, meq; seruulū suū, quem
ad ostendēdas diuitias gratiæ suę, gubernati-
culis Ecclesię voluit pr̄fidere, sufficientem
tanto operi, & vtilem vestræ dēfensioni di-
gnetur efficere, & ad hoc tempora nostræ
seruitutis extendere, ut proficiat deuotioni,
quod fuerit largitus ætati: per Christū do-
minum nostrum. Amen.

Sermo I I. in anniversario die assumptionis eius-
dem ad summi Pontificis munus.

Pontificatus qualitas secundum ordinem Melchis
sedebit quæ sit.

Q Voties nobis misericordia Dei dono-
rum suorum dies renouare dignatur:
iusta dilectissimi & rationabilis causa est le-
tandi, si

Itāndi, si officij origo suscep̄ti, ad laudem sui
 referatūr autoris. Hanc enim obseruahtiam
 omnibus quidem sacerdotibus congruam,
 sed mihi necessariam maximē esse cogno-
 sco, qui respiciēs ad exiguitatis meā tenui-
 tatem, & ad suscep̄ti muneris magnitudi-
 nem, etiam ego illud propheticum debeo
 proclamare: Domine audiui auditum tuum, Abacuc 3.
 & timui: considerauī opera tua & expaui.
 Quid enim tam insolitum, tam pauendum,
 quam labor fragili, sublimitas humili, di-
 gnitas non merenti? Et tamen non despera-
 mus, neque deficimus, quia non de nobis,
 sed de illo præsumimus, qui operatur in
 nobis. Vnde & Dauidicum Psalmum dile-
 ctissimi non ad nostram elationem, sed ad
 Christi domini gloriam consona voce can-
 tauimus. Ipse est enim, de quo propheticè Psal. 103.
 scriptum est: Tu es sacerdos in æternū se-
 cundum ordinem Melchisedech. hoc est,
 nō secundūm ordinem Aaron, cuius sacer-
 dotium per propaginem sui seminis currēs
 temporalis ministerij fuit: & cū veteris te-
 stamenti lege cessauit: sed secundum ordi-
 nem Melchisedech, in quo æterni Pontificis
 forma præcessit: & dum quibus parentibus
 sit editus, non refertur, in eo ille intelligitur
 ostendi, cuius generatio non potest enarra-
 ri. Denique cum huius diuini sacerdotij sa-
 cramentum etiam ad humanas peruenit
 functiones, non per generationum trami-
 tem currit, nec quod caro & sanguis crea-
 uit, eligitur: sed cessante priuilegio patrum,

IN ANNIVERSARIE DIE ASS.

& familiarum ordine prætermisso eos re-
ctores ecclesia accipit, quos spiritus sanctus
præparauit: ut in populo adoptionis Dei,
cuius vniuersitas sacerdotalis atq; regalis
est, nō prærogatiua terrenæ originis obtineat
vnctionē, sed dignatio cœlestis gratiæ gig-
nat antistitem. Quamuis ergo dilectissimi
nos ad explendam nostri officij seruitutem
& infirmi inueniamur & segnes, dū si quid
deuotè & strenuè agere cupimus, ipsius no-
stræ cōditionis fragilitate tardamur: haben-
tes tamen incessabile propitiationem om-
nipotentis & perpetui sacerdotis, qui simi-
lis nostri, æqualis patri, diuinitatem vsque
ad humana submisit, humanitatem vsque ad
diuina prouexit, dignè & piè de ipsius con-
stitutione gaudemus: quoniam et si multis
pastoribus curam suarum ouium delegauit,
ipse tamen dilecti gregis custodiam non re-
liquit. De cuius principali æternoque præsi-
dio etiā Apostolicæ opis munimē accepi-
mus, quod vtique ab opere suo nō vacat: &
firmitas fūdamēti, cui totius Ecclesiæ super-
struitur altitudo, nulla incubentis sibi tem-
pli mole lassescit. Soliditas enim illius fidei
quæ in apostolorū principe est laudata, per-
petua est: & sicut permanet, quod in Chri-
sto Petrus credidit, ita permanet quod i Pe-
tro Christus instituit. Cū enim sicut Euan-
gelica lectione referatum est, interrogasset
dominus discipulos, quem ipsum (multis
diuersa opinantibus) crederent, respondis-
setq; beatus Petrus, dicens: Tu es Christus
filius

filius Dei viui: dominus ait: Beatus es Simō Bar Iona, quia caro & sanguis non reuelauit tibi: sed pater meus qui in cœlis est . Et ego dico tibi , quia tu es Petrus , & super hanc petram edificabo Ecclesiam meam, & portæ inferi non præualebunt aduersus eam: & tibi dabo claves regni cœlorum. Et quodcunque ligaueris super terrā, erit ligatum & in cœlis: & quodcunque solueris super terram, erit solutum & in cœlis . Manet ergo dispositio veritatis: & beatus Petrus in accepta fortitudine petræ perseverans, susceppta Ecclesiæ gubernacula nō reliquit . Sic enī præ ceteris est ordinat⁹, vt dū petra dicitur, dū fundamentū pronunciatur, dū regni cœlorū ianitor cōstituitur, dū ligādorū soluendorumq; arbiter, mansura etiam in cœllis iudiciorū suorū definitione , præfigitur: qualis ipsi cum Christo esset societas , per ipsa appellationum eius mysteria noscēmus. Qui nunc plenius & potentius ea quæ sibi commissa sunt, peragit: & omnes patres officiorū atq; curarum in ipso & cum ipso, per quē est glorificatus , exequitur . Si quid itaq; à nobis recte agitur , recteq; discernitur : si quid à misericordia Dei quotidianis supplicationibus obtinetur: illius est operū atq; meritorum, cuius in Sede sua viuit potestas, excellit autoritas . Hoc enim obtinuit dilectissimi illa cōfessio, quę à Deo patre Apostolico inspirata cordi , omnia humana rū opinionū incerta transcendit: & firmitatem

mitatem petræ , quæ nullis impulsioneibus
quateretur, accepit. In vniuersa namq; Eccle-
sia, Tu es Christus filius Dei viui, quotidie
Petrus dicit : & omnis lingua, quæ domi-
num confitetur, magisterio huius vocis im-
buitur. Hæc fides diabolum vincit, & capti-
uorum eius vincula dissoluit . Hæc erutos
mundo, inserit cœlo, & portæ inferi aduer-
sus eam præualere non possunt . Tanta enim
diuinitus soliditate munita est: vt eā nec he-
retica vnquam corrumpere prauitas, nec pa-
gana potuerit superare perfidia . His itaque
modis dilectissimi, rationabili obsequio ce-
lebratur hodierna festiuitas: vt in persona
humilitatis meæ ille intelligatur, ille hono-
retur, in quo & omnium pastorum sollici-
tudo cum commendatarum sibi oculum cu-
stodia perseverat, & cuius etiam dignitas in
indigno hærede nō deficit . Vnde venerabi-
lium quoq; fratrum & consacerdotum meo-
rum desiderata mihi & honoranda præsen-
tia hinc sacratori est atq; deuotior , si pietat-
e huius officij, in quo adesse dignati sunt, ei
principaliter deferunt, quem non solum hu-
ius Sedis præsulem, sed & omnium Episco-
nium Epis-
torum nouerunt esse primatem. Cum ergo
scoporum cohortationes nostras auribus vestræ san-
cti Petri omni-
bus. Et titatis adhibemus, ipsum vobis cuius vice
fungimur , loqui credite: quia & illius vos
affectu monemus, & non aliud vobis, quām
quod docuit, prædicamus , obsecrantes , vt
succincti lumbos mentis vestræ castam &
sobriam vitam in Dei timore ducatis , nec
concu-

Fidei Ec-
clesię Ro-
manæ
preconiū.

concupiscentijs carnis, mens principatus sui obliterat, cōsentiat. Breuia & caduca sunt terrenarum gaudia voluptatum, quæ ad æternitatem vocatos, à semitis vitæ conantur auertere. Fidelis ergo & religiosus animus ea quæ sunt cœlestia concupiscat, & diuinorum promissionum audius, in amorē se incorruptibilis boni, & in spem veræ lucis attollat. Certi autem estote dilectissimi, quod labor vester, quo vitijs resistitis, & carnalib⁹ desiderijs repugnatis, placens in conspectu Dei est atque preciosus, nec solum vobis, sed etiam mihi apud Dei misericordiā profuturus: quia de profectu gregis gloriatur cura pastoris. Corona enim mea, sicut A-
postolus ait, & gaudium vos estis: si fides Roman. 1
vestra, quæ ab initio Euangeliū in vniuerso mundo prædicata est, in dilectione & saecilitate permanserit. Nam licet omnem Ecclesiā, quæ in toto est orbe terrarum, cunctis oporteat florere virtutibus, vos tamen præcipue inter cæteros populos decet meritis pietatis excellere, quos in ipsa Apostolicae petræ arce fundatos, & dominus noster Iesus Christus cū omnibus quos redemit: & beatus Apostolus Petrus præ omnibus eruditus, per eūdem Christū dominū nostrum Amen.

Sermo III. in anniversario die eiusdem
assumptionis.

Sacerdotium supremum quare beato Petro & eius
collatum successoribus.

Gaudeo

GAUDEO dilectissimi de religioso vestre
deuotionis affectu, & Deo gratias ago quod
in vobis pietate Christianæ unitatis agnoscō.
Sicut enī ipsa frequētia vestra testatur,
intelligitis diei huius recursum ad cōmunē
lætitia pertinere, & honorē celebrari totius
gregis, per annua festa pastoris. Nā licet vni-
uersa Ecclesia Dei distinctis ordinata sit gra-
dibus, vt ex diuersis mēbris, sacrati corpo-
ris subsistat integritas, nos tamē omnes, si-

1. Cor. 12. cut ait apostolus, ī Christo Iesu vnu sumus,
nec quisquā ab alteri⁹ ita est diuisus officio:
vt non ad cōexionem pertineat capit⁹, cu-
iūlibet humilitas portionis. In vnitate igi-
tur fidei atq; baptismatis, indiscreta nobis
societas dilectissimi, & generalis est digni-
tas, secundū illud beatissimi Petri Apostoli
sacratiſſima voce dicentis: Et ipsi tanquam
lapides viui superedificamini in domos spi-
ritales, sacerdotium sanctū, offerentes spi-
ritales hostias, acceptabiles Deo. •per Iesum
Christū. Et infra: Vos autem genus electum
regale sacerdotium, gens sancta, populus ac-
quisitionis. Omnes enim in Christo rege-
neratos, crucis signum efficit Reges, sancti
verò spiritus vncio consecrat sacerdotes,
vt præter istam specialem nostri ministerij
seruitutem, vniuersi spiritales & rationa-
les Christiani agnoscant se regij generis &
sacerdotalis officij esse cōsortes. Quid enim
tam regium, quam subditum Deo animum

**Sacerdo-
tium qūo
competat
omnibus
Christia-
nis.**

**Hostiae
spiritales.** corporis sui esse rectorem? Et quid tam
sacerdotale, quam vouere domino con-
scien-

scientiam puram, & immaculatas pietatis
 hostias de altari cordis offerre? Quod cum
 omnibus per Dei gratiam commune sit fa-
 ctum, religiosum tamen nobis atque laudabi-
 le est, de die provectionis nostrae, quasi de
 proprio honore gaudere, ut unum celebre-
 tur in toto Ecclesiæ corpore Pontificij sacra-
 mentū, quod effuso benedictionis vnguen-
 to, copiosius quidem in superiora profluxit,
 sed non parcet etiam in inferiora descendit.
 Quum itaque dilectissimi de consortio istius
 muneris magna nobis materia sit commu-
 nium gaudiorum, verior tamen nobis &
 excellentior erit causa laetandi, si non in no-
 stræ humilitatis consideratione remoremi-
 ni cum multo utilius multoque sit dignus,
 ad beatissimi Petri Apostoli gloriā contem-
 plandam, aciem mentis attollere, & hunc
 diem in illius potissimum veneratione cele-
 brare, qui ab ipso omnium charismatum
 fonte, tam copiosis est irrigationibus inun-
 datus: ut cum multa solus acceperit, nihil in
 quenquā sine illius participatione transie-
 rit. Verbum enim caro factum fuerat, & ha-
 bitabat iam in nobis, vt reparando huma-
 no generi totū se Christus impenderat. Ni-
 hil indispositū sapientiae: nihil erat arduum
 potestati. Famulabantur elementa, mini-
 strabant spiritus, angeli seruiebant, nec ul-
 lo modo poterat inefficax esse sacramētum,
 Quod simul ipsius deitatis unitas operaba-
 tur & trinitas. Et tamen de toto mundo
 unus Petrus eligitur, qui & universarum tutus.

Ioan. x.

 Petr⁹ pri-
 ceps pasto-
 rū à Chri-
 sto conti-
 tutus.

gen-

gentium vocationi & omnibus apostolis, cuiusque Ecclesiæ patribus præponatur: ut quāuis in populo Dei multi sacerdotes sint, multiq; pastores, omnes tamen propriè regat Petrus, quos principaliter regit & Christus. Magnum & mirabile dilectissimi huic viro consortium potentiae suæ tribuit diuina dignatio: & si quid cum eo cōmune cæteris voluit esse principibus, nunquam nisi per ipsum dedit, quicquid alijs nō negauit. Omnes deniq; Apostolos dominus, quid de se homines opinentur, interrogat: & tamdiu sermo respondentium cōmunis est, quādiu humanæ intelligentiæ ambiguitas explicatur. At ubi quid habeat sensus discipulorum, exigitur, primus est in domini cōfessione, qui primus est in Apostolica dignitate.

Matth. 16 Qui cum dixisset: Tu es Christus filius Dei viut: respōdit ei Iesus: Beatus es Simon Bar Iona: quia caro & sanguis non reuelauit tibi, sed pater meus, qui ī cōglis est: Id est, ideo beatus es, quia pater meus te docuit, nec terrena opinio te fecellit, sed inspiratio cœlestis te instruxit: & non caro & sanguis, sed ille me tibi, cuius sum vnigenitus filius, indicauit. Et ego, inquit, dico tibi: hoc est, si-
Ephes. 2. cut pater meus tibi manifestauit diuinitatē meam: ita & ego notā tibi facio excellen-
1. Cor. 3. tiam tuam, quia tu es Petrus: Id est, cum ego
Petrus di- sim inuiolabilis petra, ego lapis angularis
citur pe- qui facio vtraq; vnum, ego fundamentum,
tra, super præter quod nemo potest aliud ponere: ta-
quā fun- mē tu quoque petra es, quia mea virtute so-
datur Ec- lidaris,

idaris, ut quæ mihi potestate sunt propria
 int tibi mecum participatione communia.
 Et super hanc petram ædificabo Ecclesiam
 meam, & portæ inferi non præualebunt ad-
 uersus eam. Super hâc, inquit, fortitudinem
 æternum extruam templū: & Ecclesiæ meæ
 cœlo inserenda sublimitas, in huius fidei fir-
 mitate consurget. Hanc confessionem portę
 inferi non tenebunt: mortis vincula non li-
 gabunt. Vox enim ista vox vitæ est. Et sicut
 cōfessores suos in cœlestia prouehit: ita ne-
 gatores ad inferna demergit. Propter quod
 dicitur beatissimo Petro: Tibi dabo claves
 regni cœlorum, Et quæcūq; ligaueris super
 terram, erunt ligata & in cœlis: Et quæcunq; Petr⁹ om-
 solueris super terram, erunt soluta & in
 cœlis. Transiuit quidē etiā in alios Aposto-
 latus. nib⁹ Apo-
stolis præ
 los vis potestatis isti⁹, & ad omnes Ecclesiæ
 principes decreti huius cōstitutio commen-
 uit: sed non frustra vni cōmēdantur, quod
 omnibus intimatur. Petro enī ideo hoc sin-
 gulariter creditur: quia cunctis Ecclesiæ re-
 ctoribus Petri forma p̄ponitur. Manet er-
 go Petri priuilegium: vbi cunq; ex ipsius
 fertur æquitate iudicium. Nec nimia est vel
 seueritas, vel remissio, vbi nihil erit ligatū,
 nihil solutum, nisi quod beatus Petrus aut
 soluerit aut ligarit. Instante autem passio-
 ne sua dominus, quæ discipulorum erat tur-
 bagura constantiam: Simō, inquit, Simō ecce Lucæ 22.
 S̄atanas expostulauit vos, vt cribraret sicut
 criticum: Ego autem rogaui pro te, vt non
 deficiat fides tua. Et tu aliquando con-
 uerſus,

IN ANNI VITER DIE ASS

uersus, confirmā frātēs tuos: vt nō intre
tis in tētationem. Commune erat omnibū,

Christus Apostolis periculum de tentatione formi
specialiter dinis, & diuinæ protectionis auxilio pariter
pro Petro indigebant, quoniā diabolus omnes exagi
rogauit.

tare, omnes cupiebat elidere, & tamen spe
cialis à domino Petri cura suscipitur, & pro
fide Petri propriè supplicatur, tanq̄ aliorum
status certior sit futurus, si mēs principis vi
ta non fuerit. In Petro ergo omnium forti
tudo munitur, & diuinæ gratiæ ita ordina
tur auxilium, vt firmitas, quæ per Christum
Petro tribuitur, per Petrum Apostolis con
feratur. Cum itaque, dilectissimi, tantū no
bis videamus præsidiū diuinitus institutum,
rationabiliter & iustè in ducis nostri meritis
& dignitate lætamur, gratias agentes sem
pererno Regi, redemptori nostro domino
Iēsu Christo, qui tantam potentiam dedit ei
quem totius Ecclesiæ principem fecit: vt si
quid etiam nostris temporiis fecte per
nos agitur, recteque disponitur, illius ope
ribus, illius sit gubernaculis deputandum,
cui dictum est: Et tu conuersus, cōfirmā fra
tres tuos, et cui post resurrectionem suam
dominus ad trinā æterni amoris professio
nem mystica insinuatione ter dixit: Pasce
oues meās. Quod nunc quoque proculdu
bio facit & mādatū domini pius pastor ex
pro nobis quitur, confirmās nos cohortationibus suis,
& pro nobis orare non cessans, vt nulla t
estatione superemur. Si autem hanc pietati
suæ curam omni populo Dei, sicut creden
dum est,

Lucæ 22.

Ioan. 11.

Oratio

sanctorū

pro nobis

dum est, ubique prætedit: quanto magis nobis alumnis suis opem suam dignatur impendere, apud quos in sacro beatæ dormitionis thoro, eadem qua præsedidit carne, requiescit? Illi ergo hunc seruitutis nostræ natalium diem, illi adscribamus hoc festum, cuius patrocinio, Sedis ipsius meruimus esse consortes, auxiliante nobis per omnia gratia domini nostri Iesu Christi, qui viuit & regnat cum Deo patre & spiritu sancto in secula seculorum. Amen.

SERMO I. DE COL-
lectis.

Eleemosyna quid profit, & vti præstetur.

Multis diuinarum scripturarum testimentijs edocemur: quantum eleemosynarum meritum, & quanta sit virtus. Certum est enim, vnumquemque nostrum animæ suæ benefacere: quoties misericordia sua inopias succurrit alienas. Prompta ergo & facilis dilectissimi apud nos largitas esse debet: si credim⁹ sibi vnumquemque id præstare, quod indigentibus tribuit. Thesaurum enim suum condit in cœlo: qui Christum pascit in paupere. Benignitatem itaque in hoc & dispensationem diuinæ pietatis agnosce. Idcirco enim te abundare voluit, ut per te alias non egeret, & per ministerium operis tui, pauperem ab egestatis labore, te à peccatorum multitudine liberaret. O mira prouidentia & bonitas creatoris: ut uno facto duobus vellet esse succursum. Vētura igitur dominica, dies

*Eleemosy
narū fru-*

DE COLLECTIS.

collectarum futurus est. Hortor & moneo sanctitatem vestram, vt singuli quique & pauperū memineritis & vestri, nec pro possebilitate virium vestrarum negligatis in egentibus Christum: qui tātum nobis pauperes commendauit, vt se in ipsis vēstiri, ac suscipi testaretur, & pasci: Christus dominus noster, qui cum patre & sancto spiritu viuit & regnat in secula seculorum, Amen.

Sermo I I. de collectis.

*Eleemosyna vt sit secundum lauacrum à peccatis,
& opus maximæ charitatis.*

NO tum vobis dilectissimi & familiare mandatum pastorali prædicamus hortatu: vt in opere misericordiæ studeatis esse deuoti, quod etiamsi nunquam à vestra sanctitate negligitur, nunc tamē promptius est & impensis exequendum: quia primus collectarum dies saluberrimè à sanctis patribus institutus hoc exigit, vt vnuſquisque, prout votiuum atquē possibile est, in vſus atque alimoniam pauperum de vestris facultatibus conferatis: scientes præter illud regenerationis lauacrū, in quo vniuersorum ablutæ sunt maculæ peccatorū, hoc remediu infirmitati humanæ diuinitus esse.

Eleemosynis extinguntur peccata.
1. Cor. 13. donatum: vt si quid culparum in hac terra-
1. Petr. 4. na habitatione contrahitur, eleemosynis deleatur. Eleemosynæ enim opera charitatis sunt. Et scimus, quod charitas operit multidinem peccatorum. Proinde dilectissimi in collectio-
nes secundam feriam spontaneas * collectas vestras sollicitè præparate: vt quicquid vobis de-

bis de temporalibus substantijs dempserit,
tis, id multiplicatum in æterna retributio-
ne sumatis.

Sermo III. de collectis.

*Eleemosyna quantum excruciet dæmones, quidve
sentiendum de collectis.*

Christianæ pietatis est dilectissimi, ut quæ apostolicis sunt traditionibus instituta, perseveranti deuotione seruentur. Nam illi beatissimi discipuli veritatis, hoc diuinitus inspirata commendauere doctrina, ut quoties cæcitas paganorum * in superstitionibus suis esset intentior, tunc præcipue populus Dei, orationibus & operibus pietatis instaret, quoniam immundi spiritus, quantum gentilium errore lætantur, tantum veræ religionis obseruātia atterūtur: & augmen-
ta iustitiae vrunt impietatis authorem. Cu-
ius impia & prophana commenta, ne faciat
tis Deo vero cordibus aliquid pollutionis
inferrent, Beatus magister gentium præca-
uebat, cum voce Apostolica diceret: No-
lite iugum cum infidelibus ducere. Quæ 2. Cor. 6.
enim participatio iustitiae cum iniuitate?
aut quæ societas lucis ad tenebras? Et dein-
de vocem prophetici spiritus addidit dicēs:
Exite, exite de medio eorum, & separamini,
dicit Dominus, & immūdum ne tetigeritis.
Vnde quoniam ad destruendas antiqui ho-
stis insidias in die, quo impij sub idolorum
suum nomine diabolo seruiebant, prouis-
tentissimè in sancta Ecclesia prima est in-
stituta collectio, volumus dilectionem ve-

* super in
stitutioni
bus suis.
Opera bo
na excruc
ans diabo
lum.

DE COLLECTIS.

stram tertia feria per omnes regionum ve-
strarum Ecclesias cum voluntarijs elemo-
synarum oblationibus conuenire. In quo
opere, et si non est omnium æqualis facultas,
debet esse par pietas: quoniam fidelium lar-
gitas, non de muneris pensatur pondere, sed
de benevolentiae quantitate. Habeat in hoc
misericordiae commercio etiam pauperes lu-
crum, & ad sustentationem egentiū, de quan-
tacunq; substantia aliquid, quod eos non
contristet, excerpant. Sit diues munere co-
piosior, dum pauper animo non sit inferior.
Quamvis enim maior speretur redditus de
maiore semente: potest tamē etiam de exigua
satione multus fructus prouenire iustitiae.
Iustus enim est iudex & verax, qui nemini
fraudat mercede meritorū. Et ideo nos
curam pauperum vult habere, vt in futuræ
retributionis examine, misericordib⁹, quam
promisit, misericordiam largiatur Christus
Deus noster, qui cum patre & spiritu sancto
viuit & regnat in secula seculorum, Amen.

Sermo III. de collectis & eleemosyna.

Eleemosyna vt saluet hominem.

Misericordia dilectissimi & iustitia Dei,
formam retributionum suarum à mun-
di constitutione dispositam, per doctrinam
domini nostri Iesu Christi, benignissima no-
bis expositione reseruauit, vt acceptis re-
rum significationibus, quæ futura credi-
mus, iam quasi gena nosceremus. Sciebat
enim redemptor noster atque seruator, quan-
tos fallacia diaboli per totum mundum spar-
asset

fuisse errores, & quam multis superstitionibus maximam sibi partem humani generis subdidisset. Sed ne ultra per ignorantiam veritatis, creatura ad imaginem Dei condita, in præcipitia perpetuæ mortis ageatur: Euangelicis paginis iudicij sui inseruit qualitatem, quæ omnem hominem à callidissimi hostis reuocaret insidijs, quum iam nulli esset incognitum, quæ bonis speranda præmia, & quæ malis essent inferenda supplicia. Incentor nanque ille auctor peccati, primum superbus, ut caderet, deinde inuidus, vt noceret, quia in veritate non stetit, totam vim suam in mendacio collocavit, omniaque deceptionum genera de hoc venenatissimo artis sue fonte produxit, vt ab illo bono, quod ipse propria elatione perdiderat, spem humanæ deuotionis excluderet, eosq; in consortium damnationis suæ traheret, ad quoru; ipse recōciliationem pertinere non posset. Quicquid igitur hominum quibuslibet impietatibus Deum læsit, huius fraude traductum, huius est nequitia depravatū. Facilè enim in omnia flagitia impulit, quos in religione decepit. Sciēs autem Deum non solū verbis, sed etiam factis negari, multis quibus auferre non potuit fidē, sustulit charitatē: & agro cordis ipsorum avaritiæ radicibus occupato, spoliauit fructu operum, quos non priuauit confessione fabiorum. Propter has ergo dilectissimi virtutias hostis antiq; scire nos voluit ineffabilis benignitas Christi, quid in die retributio-

Ioan.8.
 Diaboli astus & malitia in deceptione generis huma-

ni.
 Fides sine charitate esse po-

test.

Ad Tit.1.

DE COLLECTIS.

nis de vniuersitate hominū esset decernēndum, vt dum in hoc tempore legitimorum remediorum medicina præbetur, dum elitis reparatio non negatur, & qui diu fuerunt steriles, possint tandem esse fœundi, præueniatur disposita censura iustitiæ, & nunquam à corde, oculis, diuinæ discretionis imago discedat. Veniet enim in maiestatis suæ glo-

Matt. 25. ria dominus, sicut ipse prædixit, aderitque cum eo radians in splendoribus suis, innumerabilis angelicarū multitudo legionum,

Judicii ex tremi for m4. congregabuntur ante thronum potentiarum eius omnium gentium populi, & quicquid

hominum vniuersis seculis toto terrarum orbe progenitum est, in conspectu iudicantis adstabit. Separabuntur ab iniustis iusti, à nocentibus innocentes: & cum preparatum sibi regnum recensitis misericordiæ operibus filij pietatis acceperint, exprobrabitur duritia sterilitatis iniustis: & nihil habentes sinistri commune cum dextris, lignem ad diaboli & angelorum eius tormenta dispositum, omnipotentis iudicis damnatione mittentur: cum illo habituri pœnæ communione, cuius eligerunt facere voluntatē. Quis

Opera misericordiae saluat hominem. igitur istam sortem æternorum cruciatuum non pauescat? Quis mala nunquam finienda non timeat? Sed cum ideo denunciata sit severitas, vt misericordia quereretur, in diebus præsentibus cū misericordiæ est largitate viuendum, vt homini post periculosam negligentiam, ad pietatis opera reuertenti, possibile sit ab hac sententia liberari. Hoc enim

emm' agit potentia iudicis, hoc gratia serua-
 toris, vt reliquat impius vias suas: & ab ini-
 quitatis suae consuetudine peccator absce-
 dat. Misereantur pauperum, qui sibi volunt
 parcere Christum. Faciles sint in alimenta
 miserorū , qui cupiunt ad societatem * per- * pertine-
 uenire fidelium. Non sit vilius homini ho- ^{re}
 mo , nec in quoquam despiciatur illa natu-
 ra quam rerum conditor suam fecit . Cui
 enim laborantium licet negare: quod Chri-
 stus sibi profitetur impēdij? Iuuatur conser-
 uus, & gratiam refert dominus. Cibus ege-
 ni, regni cœlestis est preciū: & largitor tem-
 poralium, hæres efficitur æternorum. Vnde
 autem exigua ista impendia , tanta æstimari
 taxatione meruerūt, nisi quia pondera ope-
 rū charitatis lance pensantur , & quū ama-
 tur ab homine, quod Deus diligit, merito in
 eius ascenditur regnum , in cuius transtur
 affectum? Ad horum ergo operum dilectissimi
 p̄fancuram dies nos Apostolicæ in-
 stitutionis inuitat , in quo sanctorum col-
 lectionum prima collectio est prudenter
 à patribus & vtiliter ordinata : vt quia in
 hoc tempore gentilis quondam populus
 supersticiosius dæmonibus seruiebat, cōtra
 prophanas hostias impiorum, sacratissima à
 nobis nostrarum eleemosynarum celebra-
 retur oblatio. Quod quia incremētis Eccle-
 siæ fructuofissimum fuit , placuit esse per-
 petuum . Vnde hortamur sanctitatem ve-
 stram, vt per Ecclesias regionum vestratum
 quarta feria de facultatibus vestris , quan-

Instituti-
 ones Apo-
 stolorum
 seruandas
 sunt.

DE COLLECTIS.

tum luadet possiblitas & voluntas expensas misericordiae conferatis, ut possitis illa beatitudinē pmereri, in qua sine fine gaudiebit, qui intelligit super egenum & pauperem. Ad quem intelligendum dilectissimi, sollicita benignitate vigilandū est: ut quem modestia tegit, & verecundia præpedit, inuenire possumus. Sunt enim, qui palam poscere ea, quibus indigent, erubescunt: & malunt miseria tacite egestatis affligi, quam publica petitione confundi. Intelligendi ergo isti sunt, & ab occulta necessitate subleuandi, ut hoc ipso amplius gaudeant, cum & paupertati eorum consultum fuerit & pudori. Recte enim in egeno & paupere, ipsius Iesu Christi domini nostri persona sentitur: qui cū esset diues, sicut dicit Apostolus, inops factus est, ut nos sua paupertate ditareret. Et ne decesseret nobis sua præsentia viseretur, ita humilitatis & gloriæ sue tēperavit mysterium, ut quem regē & dominum in maiestate patris adoramus, eundem in suis pauperibus pasceremus, liberandi ob hoc in die mala à damnatione perpetua, & pro intellecti pauperis cura, regni cœlestis confortijs inferendi. Ut autem in omnibus dilectissimi placeat domino vestra deuotio, etiam ad hanc vos hortamur industriam: ut Manichæos vbiq; latentes vestris presbyteris publicetis. Magna est enim pietas prodere latebras impiorum: & ipsum in eis, cui seruiunt, diabolum debellare. Contra istos enim dilectissimi, omnem quidem orbē terrarum,

Psal. 40.
Pauperibus vere
cūdis sub
ueniendū
est.

* relevan
di,

2. Cor. 8.

Hæretici
prodendi
fuit.

SERMO IIII.

rarum, & totam ubique Ecclesiam decet fidei
arma arripere. Sed vestra in hoc opere de-
uotio debet excellere, qui in progenitori-
bus vestris Euangelium crucis Christi ab
ipso beatissimorum Apostolorum Petri &
Pauli ore didicistis. Non sinantur latere ho-
mines, qui lege per Mosen data, in qua Deus
vniuersitatis conditor ostenditur, recipien-
dam esse non credunt: prophetis & sancto
spiritui contradicunt: Psalmos Dauidicos,
qui per vniuersale Ecclesiam cum omni pie-
tate cantantur, dominabili impietate ausi sunt
refutare: Christi domini nativitate secundum
carnem negant: passionem & resurrectio-
nem eius simulatam dicunt fuisse, non vera:
Baptismum regenerationis totius gratie vir-
tute dispoliant. Nihil est apud eos sanctum,
nihil integrum, nihil verum. Cauendi sunt,
ne cuiqua noceant: prodendi sunt, ne in an-
qua ciuitatis nostrae parte consistant. Vo-
bis dilectissimi ante tribunal domini pro-
derit, quod indicimus, quod rogamus. Di-
gnum est enim, vt eleemosynarum sacri-
ficio & huius operis palma iungatur: au-
xiliante nobis per omnia domino Iesu
Christo, qui viuit & regnat in secula secu-
lorum, Amen.

Sermo V. de collectis & eleemosynis.

Eleemosynae ac temperantiae bona quae, virtus
tesque omnes non prodeesse sine misericordiae ope-
ribus.

Aposto-

DE COLLEC. ET ELEVA.

Patriū tra-
ditiones.

A Politicæ traditionis dilectissimi Su-
bituta seruantes, pastorali vos fōlicitu-
dine cobortamur, vt diem, quem illi ab im-
piorum superitione purgatum, misericor-
diæ operibus consecrarunt, deuotione re-
ligiosæ consuetudinis celebremus: osten-
dentes apud nos autoritatem patrum vi-
uere, eorūmque doctrinam in nostra obedi-
entia permanere, quoniam sancta tātæ con-
stitutionis vtilitas, non præterito tantum
tempori, sed etiam nostræ prospexit ætati:
vt quod illis profuit ad destructionem vani-
tatum, hoc nobis proficeret ad incrementa
virtutum. Quid autem tam aptū fidei, quid
tam conueniens pietati, quām clementium iu-
uare paupertatem, infirmorum curam reci-
pere, fraternis necessitatibus subuenire? &
conditionis propriæ in aliorum labore me-
minisse? In quo opere, quantum quis possit:
quantumq; non possit, solus veraciter ille

Terrenā-
rū faculta-
tū, non tā
possessio
q; dispen-
satio no-
bis cōmis-
sa est.
discernit, qui nouit, quid quibusq; contulerit. Non solū enim spiritales opes & do-
na cœlestia Deo donante capiuntur, sed etiā terrenæ & corporeæ facultates ex ipsius largitate proueniunt, vt merito rationem
earum quæsiturus sit, quæ nō magis possi-
denda tradidit, quām dispensanda commi-
sit. Muneribus igitur Dei iustè & sapienter
vtendū est, ne materia boni operis fiat cau-
sa peccati. Nam diuitiæ quidem, quantum
ad ipsas speciēs earum atque substātias per-
tinet, bonæ sunt, & humanæ societati pluri-
mum prosunt, cum à benevolis habentur &
largis,

largis nec illas aut luxuriosus prodigit, aut
 auarus abstrudit, vt tam pereant male con-
 ditæ , quæm insipienter expensæ. Quamuis
 autem laudabile sit , intemperantiam fuge-
 re , & turpum voluptatum damna vitare,
 multique magnificè deditgentur facultates
 suas occulere , & in copia affluentes vilem Tempe-
 atq sordentem horreant parcitatem: nō est ratiæ mo-
 tamen talium aut felix abundantia aut pro-
 banda frugalitas , si ipsis tantum propriæ
 opes seruiunt, si eorum bonis nulli iuuatur
 pauperes , nulli fouentur infirmi: si de ma-
 gnarum abundantia facultatum, non capti-
 uus redemptionem , non pereginus sola-
 tium,non exul sentit auxiliū. Huiusmodi di-
 uites,egentiores sunt omnibus egenis. Per-
 dūt enim illos redditus,quos possunt habe-
 re perpetuos:& dum breui nec semper libe-
 tro incumbunt vsui, nullo iustitiæ cibo,nul-
 la misericordiæ suavitate pascuntur , foris
 splendidi , intus obscuri : abundantes tem-
 poralium, inopes æternorum:quia ipsi ani-
 mas suas fame afficiunt , & nuditate deho-
 nestat: qui de īs,quæ terrenis horreis com-
 mēdarūt , nihil thesauris cœlestibus intule-
 runt. Sed fortè sunt aliqui diuitum,qui licet
 nullis largitionibus pauperes Ecclesiæ sole-
 ant adiuuare : alia tamen mandata Dei cu-
 stodiunt , & inter diuersa fidei & probitatis
 merita,venialiter sibi æstimant vnā deesse
 virtutem . Verum hæc tanta est,vt sine illa
 cæteræ,etsi sint, prodesse nō possint. Quā-
 uis enim quis fidelis sit,& castus,& sobrius,
 & alijs

Auarorū
& prodi-
gorū ege-
stas.

Matth. 5. & alijs moribus ornatus insignibus, miseri-
Virtutes cors tamē si non est, misericordiam nō me-
aliae absq; retur. Ait enī dominus: Beati misericordes,
misericor- quoniā ipsorū miseribitur Deus. Cum au-
dix operi- tem venerit filius hominis in maiestate sua,
bis non & federit in throno gloriæ suæ: & congrega-
prosunt, gatis omnibus gentibus, bonorum & malo-
rum fuerit facta discretio, in quo laudabun-
Matth. 5. tur qui ad dexterā Dei stabunt, nisi in ope-
ribus benevolentiae & charitatis officijs,
quæ Iesus Christus sibi impensa reputabit?
Quoniam qui naturam hominis suam fecit,
in nullo se ab humana humilitate discrevit.
Sinistris verò quid obijcietur, nisi neglectus
dilectionis, duritia inhumanitatis, & paupe-
ribus misericordia denegata? Quasi nec alias
virtutes dextri, nec alias offensiones habe-
ant sinistri. Sed illo magno summoque iudi-
cio tanti æstimabitur vel largitatis beni-
gnitas, vel tenacitatis impietas, vt pro ple-
nitudine omnium virtutum, & p̄fūlumma
omniū cōmissorū, & per vnum bonum isti
introducantur in regnum, & per vnum ma-
lum illi mittantur in ignem æternum. Ne-
mo igitur dilectissimi de vllis sibi bonæ vi-
tæ meritis blandiatur: si illi defuerint opera
charitatis. Nec de sui corporis qualitate se-
curus sit, qui nulla eleemosynarū purifica-
tionē mūdatur. Eleemosynę enī peccata de-
bent, mortem perimunt, & pœnā perpetui
ignis extiguūt. Sed qui ab earū fructu fuerit
vacuus, erit ab indulgētia retribuentis alic-
Prouer. 21: nus, dicente Salomone: Qui obdurat aures,
ne au-

SERMO V.

ne audiat imbecillem , & ipse vocabit dominum , & non erit , qui exaudiat eum . Vnde & Tobias filium suum præceptis pietatis instituens : Ex substantia , inquit , tua fac eleemosynam , & noli auertere faciē tuā ab ullo paupere : ita fiet , vt nec à te auertatur facies Dei . Hæc virtus omnes facit utiles esse virtutes , quæ ipsam quoq; fidē , ex qua iustus viuit , & quæ sine operibus mortua nominatur , sui admixtione viuiscat : Quia sicut in fide est operū ratio , ita in operibus fidei fortitudo . Dū ergo tēpus habemus , sicut ait Apostolus , operemur bonū , maximè autē ad domesticos fidei . Bonum autem facientes non deficiamus , tempore enim suo metemus . Præsens itaq; vita tēpus est sationis & retributionis , tēpus est messis : quando vnuſquisq; seminum fructus , secundq; sationis suæ percipiet quantitatem . De prouentu autē istius segetis nemo falletur , quia animorum ibi magis quam impendiorum mensura taxabitur : & tantum reddent exigua de exiguis , quantum magna de magnis . Et ideo dilectissimi satisfiat Apostolicis institutis . Et quia die dominica , prima est futura collectio , omnes vos deuotioni voluntarię preparate : vt vnuſquisq; secūdū sufficientiā suā habeat in sacratissima oblatione cōsortiū . Exorabūt pro vobis & ipsæ eleemosynę & h̄ qui vestris munerib⁹ iuuabuntur , vt ad omne op⁹ bonū idonei semp esse possitis , in Christo Iesu dño nostro : q; viuit & regnat p infinita secula seculorū , Amen .

Sermo

Tob. 4.
Fides sine
operibus
mortua
est .
Abac. 2.
Rom. 1.
Galat. 3.
Heb. 10.
Iacob. 2.
Galat. 6.

DE IEIV. DEC. MENS.
SERMO I. DE IEIVNIO DEC.
mi mensis & collectis.

Creatio hominis ut fuerit ad Dei imaginem, quans
tumve oratio, ieiunium, & elemosyna, nos Deo
commendent.

Si fideliter dilectissimi atque sapienter
creationis nostræ intelligamus exor-
dium, inueniemus hominem ideo ad
imaginem Dei conditum, ut imitator sui
esset autoris: & hanc esse naturalem nostri
generis dignitatem, si in nobis quasi in quo-
dam speculo diuinæ benignitatis forma
resplendeat. Ad quam quotidie nos vtique
reparat gratia seruatoris, dum quod cecidit
in Adam primo, erigitur in secundo. Causa
autem reparationis nostræ non est nisi mi-
sericordia Dei, quem non diligeremus, nisi
prius nos ipse diligeret: & tenebras ignorâ-
tia nostræ, suæ veritatis luce discuteret.
Quod per sanctum Esaiam dominus de-

Esaiz. 42. nuncians ait: Adducam cæcos in viam,
quam ignorabant, & semitas quas nescie-
bant, faciam illos calcare. Faciam illis tene-
bras in lucē, & praua in directa. Hæc verba
faciam illis, & non relinquam eos. Et ite-

Esaiz. 65. rum: Inuentus sum, inquit, à non quærenti-
bus me, & palam apparui īs, qui me non in-
terrogabant. Quod quo modo impletū sit,

I. Ioan. 5. Ioánes Apostolus docet, dicēs: Scimus quo-
niā filius Dei venit, & dedit nobis sensum,
ut cognoscamus verum, & simus in vero fi-
I. Ioan. 4. lio eius. Et iterū: Nos ergo diligamus Deū,
quoniam ipse prior dilexit nos. Diligendo
itaque

itaque nos Deus, ad imaginem suam nos preparat, et ut in nobis formam suæ bonitatis inueniat, dat vnde ipsi quoq; quod operatur, operemur: accédens scilicet mentium nostrarum lucernas, & igne nos suæ charitatis inflammans, vt nō solū ipsum, sed etiam quicquid diligit, diligamus. Nam si inter homines ea demum firma amicitia est, quam morum similitudo sociarit, cum tamen paritas voluntatum sæpe in reprobos tendat affectus: quantum nobis optandum atq; nitendum est, vt in nullo ab ihs, quæ Deo sunt placita, discrepemus? De quo dicit Propheta: Quoniam ira in indignatione eius, & vita in voluntate eius: quia non aliter in nobis erit dignitas diuinæ maiestatis, nisi imitatio fuerit voluntatis. Dicente itaq; domino: Diliges dominum Deum tuum ex toto corde tuo, & ex tota mente tua, & diliges proximum tujm sicut teipsum, suscipiat fidelis anima autoris sui atque rectoris immarcescibilem charitatem, totamq; se etiā eius subiiciat voluntati, in cuius operibus atque iudicij nihil vacat à veritate iustitiae, nihil à miseratione clemētiae: quoniam etsi magnis quis laboribus & multis fatigetur incommodis, bona est illi causa tolerandi, qui se aduersis, vel corrigi intelligat, vel probari. Charitatis vero istius pietas perfecta esse non poterit, nisi diligatur & proximus. Quoniam non i tantum intelligendi sunt, qui nobis amicitia & propinquitate iunguntur, sed omnes prorsus homines, cum quibus

Amicitia
vera quæ
sit.

Psal 29.

Mat: h. 22

Proxim⁹
noster q̄s
sit.

d nobis

nobis natura communis est, siue illi hostes
sint, siue socij, siue liberi, siue servi. Vnu
enim nos conditor finxit, vnu nos creator
animauit, eodem cuncti cælo & aere, h[ic]dem
vtimur diebus & noctibus. Quumque alij
sint boni, alij mali, alij iusti, alij iniusti: Deus
tamen omnibus largitor, omnibus est be-
nignus, sicut Licaonijs à Paulo & Barnaba
Apostolis dicitur de prouidentia Dei, qui
in præteritis generationibus dimisit omnes
gentes ingredi vias suas. Et quidem non
sine testimonio semetipsum reliquit, bene-
faciens eis, de cælo dans pluuiam & tem-
pora fructifera, & implens cibo & iustitia
corda nostra. Dedit autem nobis maiores
diligendi proximum causas Christianæ gra-
tiæ latitudo, quæ se per omnes partes to-
tius orbis extendens, neminem despectat,
dum docet neminem negligendum: Et
Matth. 5.
Kom. 12.
Philip. 2.
merito etiam inimicos diligi, & pro perse-
quitoribus sibi præcipit supplicari, qui
ex omnibus quotidie gentibus fractis oli-
uæ suæ ramis, germen inferens oleastri, de
inimicis reconciliatos, de alienis adopti-
uos, de impijs facit iustos, vt omne genu
flectatur, cœlestium, terrestrium, & inferno-
rum: & omnis lingua confiteatur, quia do-
minus Iesus Christus in gloria est Dei pa-
tris. Cum ergo Deus bonos nos esse velit,
quia bonus est, nihil nobis debet de eius iu-
dicij displicere. Nam nō per omnia illi gra-
tias agere, quid est aliud, quam ex quadam
eum parte reprehendere? Audet plerunque
humani

humana insipientia aduersus creatore suum,
non solum de inopia, sed etiam de copia,
murmurare: ut & quum aliquid, non sup-
petit, querula, & quum quædam exuberant,
sit ingrata. Multæ messis dominus horre-
rum suorum plenitudinem fastidiuit, & ad
copiam vindemiæ affluentis ingemuit: nec
de magnitudine fructuum gratulatus, sed
de vilitate conquestus est. Si autem par-
cior fuerit in susceptis terræ seminibus, &
castigatiore prouentu vites oleæq; defluxer-
int, accusatur annus; arguuntur elementa,
& nec aeri parcitur nec cœlo, quum fideles
& pios discipulos veritatis nihil magis com-
mendet & muniat, quam perseverans in
Deum indefessa laudatio, dicente Aposto-
lo: Semper gaudete, sine intermissione ora-
te, in omnibus gratias agite. Hæc enim vo-
luntas Dei est in Christo Iesu in omnibus
nobis. Huius autem deuotionis quæadmo-
dum poterimus esse participes, nisi rerum
varietas constantiam mentis exerceat: ve
amor directus in Deum, nec inter secunda
superbiat, nec inter aduersa deficiat. Quod
placet Deo, placeat: & omnib' nobis, de om-
ni mensura munera eius gaudeamus. Qui
bene vsus est magnis, vtatur bene & modi-
cis. Tam nobis copia, quam parcitate con-
sulitur. Nec in spiritualibus lucris angustia
grauabimur fructuū, si fœcunditas, non are-
scat animorū. Oriatur de cordis agro, quod
terra non dedit. Semper illi, quod largiatur,
occurrit, cui bene velle nō deficit. Ad omnia
dij igitur

Marth. 9.
Lucæ 16.

1. Thes. 5.

igitur dilectissimi opera pietatis, omnium
nobis qualitas prospicit annorum, nec benevol-
entiam Christianam difficultas tempora-
lis impedit. Nouit dominus vasa hospita-
lis viduae in opus pietatis suae vacuata com-
plere: nouit aquas in vina conuertere: nouit

4 Reg. 4.

de paucissimis panibus, quinque milia esu-
rientium saturare populorum, & ille, qui
in suis pascitur, quae potuit augere dando,

Joan. 2.

potest multiplicare sumendo. Tria verò sunt
quae maximè ad religiosas pertinent actio-
nes, oratio scilicet, iejunium, & eleemosyna,

Joan. 6

Tria po-
tissimum
misericor-
dia opera

Quibus exercendis omne quidem tēpus ac-
ceptum, sed illud est studiosius obseruādum,

quod Apostolicis accepimus traditionibus
consecratum, sicut etiam decimus hic men-
sis morem refert veteris instituti, ut tria il-
la de quibus locutus sum, diligentius exe-
quamur. Oratione enī propitiatio Dei quæ-

Daniel. 4.

ritur, ieunio concupiscentia carnis extin-
guitur, eleemosynis peccata redimuntur,
simulq; per omnia Dei in nobis imago re-
nouatur, si & in laudem eius semper parati,
& ad purificationem nostram sine cessatione
soliciti, & ad sustentationem proximi inde-
finenter simus intēti. Hęc triplex obseruan-
tia dilectissimi, omnium virtutum compre-
hendit effectus. Hęc ad imaginem & simili-
tudinem Dei peruenit, & à spiritu sancto in-
separabiles facit. Quia in orationibus per-
manet fides recta, in ieunio innocens vita,
in eleemosynis mens benigna. Quarta igitur
& sexta feria ieunemus. Sabbato autem

**Interces-
sio sancto
rum.**

apud

apud beatissimum Apostolum Petrum vigilias celebremus: qui & orationes, & ieunia & eleemosynas nostras, precibus suis dignabitur adiuuare, per dominum nostrum Iesum Christum, qui cum patre & sancto spiritu vivit & regnat in secula seculorum, Amen.

Sermo II. de ieunio decimi mensis, & collectis eiusdem.

*Ieiunium mensis Septembris cur institutum,
eiusq; efficacia.*

Quod temporis ratio & deuotionis nostrae admonet consuetudo, pastorali vobis dilectissimi sollicitudine praedicamus, decimi mensis celebrandum esse ieunium, quo pro consummata perceptione omnium fructuum, dignissime largiri eorum Deo, continentiae libamen offertur. Quid enim potest efficacius esse ieunio? cuius observationia appropinquamus Deo, & resistentes diabolo, vita blanda superamus. Semper enim virtuti cibus, ieuniū fuit. De abstinentia denique prodeunt castæ cogitationes, rationabiles volūtates, salubriora consilia, & per voluntarias afflictiones caro cōcupiscētijs moritur, virtutibus spiritu innouatur. Sed quia non solo ieunio animarum nostrarum salus acquiritur, ieunium nostrum misericordijs pauperū suppleamus. Impendamus virtuti, quod subtrahimus voluptati. Fiat refectionis pauperis, abstinentia ieunantis. Studeamus viduarum defensioni, pupillorum vtilitati, lugentium consolationi, dissidentium paci. Suscipiatur peregrinus, adiuuetur op-

Ieiunii
efficacia.

d ij pressus

pressus, vespiciatur nudus, foueatur ægrotus, vt quicunque nostrum de iustis laboribus auctori bonorum omnium Deo sacrificium huius pietatis obtulerit, ab eodem regni cœlestis præmium percipere mereatur. Quarta igitur & sexta feria iejunemus. Sabbato autem apud beatum Petrum Apostolum pariter vigilemus, cuius suffragantibus meritis, quæ possimus impetrare possimus, per dominum nostrum Iesum Christū, qui cum patre & sancto spiritu viuit & regnat in secula seculorum, Amen.

Sermo III. de iejunio decimi mensis, & de eleemosynis eiusdem.

Ager dominicus ut fide muniatur, ieunijs exerceatur, eleemosyna seratur, orationibusque fœcundetur.

In dominico agro dilectissimi, cuius operarij sumus, oportet nos prudenter atque vigilanter spiritalem exercere culturam, vt perseveranti industria, quæ legitimis temporibus sunt exequenda, curantes, de sanctorum operum fruge lætemur. Quæ si pinguis ocio & inertis desidia negligantur, terra nostra nihil generosi germinis pariet, & spinis ac tribulis subdita, non producit, quæ condenda sint horreis, sed quæ vrenda sint flammis. Ager autem iste dilectissimi, rorat desuper gratia Dei, fide munitur, ieunijs exerceatur, eleemosynis seritur, orationibus fœcundatur, vt inter plantationes rigationesque nostras, nullius amaritudinis radix pullulet, nec se incrementa cuiusquam noxiæ.

nokiae stirpis attollant, sed enteato omni re-
mune Vitiorum, conualescat seges læta vir-
tutum. Ad quam diligentiam omni quidem
nos tempore pietatis magister adhortatur,
sed in his diebus, qui huic operi sunt specia-
lius præstituti, maior animositas & cura est
excitanda feruentior, ne quod pium est age-
re non dictum, impium sit negligere prædi-
catum. Decimi itaq; mensis ieuniū, ad quod
charitatem vestrā religioso proposito no-
uimus præparatam, vnanimiter auxiliante
Christo celebrantes, hortamur monentes,
vt vnuſquisque secundum mensuram pos-
ſibilitatis, quam accepit à Deo, in bonis ope-
ribus enitescat, Quia & inimici nostri, qui
noſtra ſanctificatione torquentur, in his die-
bus, quos ad maiorem obſeruantiam nobis
dispositos eſſe nouerunt, vehementius ſæ-
uiunt, & ſubtiliore insidiātūr aſtutia, vt ſi
immittendo metum inopie de largitatis ex-
pensis, immittendo triftiam de labore
ieuniij, quām plurimos à cōfertio huius de-
uotionis abducant. Contra quas tētationes
dilectissimi, vigilet in nobis p̄ij cordis inten-
tentio, & à Christianis mentibus cogitatio-
nes diffidentiæ repellātur. Modicū eſt enim
quod pauperi ſatis eſt, nec vixtus illius, nec
veſtitus onerosus eſt. Vile enī eſt, quod eſu-
rit: vile eſt, quod ſitit: & nuditas, quæ indi-
get operiri, non poſcit ornari. Et tamē do-
min⁹ noster tā operū pius noſtrorū arbiter,
tam benignus eſt æſtimator, vt etiam pro
calice aquæ frigidæ ſit præmium redditu-

Diabolus
bene ope-
rantibus
magis inſi-
diatur.

rus. Et quia iulus est inspector animorum, non impendium solum operis, sed etiam affectū est remuneratus operatis, per Christum dominum nostrum.

Sermo IIII. de ieunio decimi mensis, & de eleemosynis eiusdem.

Ieiunium in utroque testamento obseruatum, quid valeat contra peccata.

Confidenter vos dilectissimi ad pietatis opera hortamur, quia experimentis didicimus, libenter vos suscipere, quod monemus. Scitis nanque, & Deo docente cognoscitis, ad æternum vobis gaudium profuturam diuinorum obseruantiam mandatorum. In quibus exequendas quia humana fragilitas plerunque lassescit, & in multis per lubricum suæ infirmitatis offendit, misericors & pius dominus remedia nobis & adiutoria dedit, per quæ veniam obtinere possimus. Quis enim tot illecebras mundi, tot insidias diaboli, tot deniq; pericula suæ mutabilitatis euaderet, nisi clementia regis æterni mallet nos reparare, quam perdere?

Pugna cōtinua chriſtianorū. Nam & qui iam redempti, iam regenerati, filii lucis effecti sunt, quam diu tamen in hoc mundo, qui totus in maligno positus est, detinentur: quam diu infirmitati carnis, corruptibilia & temporalia blādiuntur, non possunt istos dies sine tentatione transire. Nec facile cuiquam prouenit tam incruēta victoria, ut inter multos hostes frequentesq; conflictus, etiam si sit liber à morte, sit quoque immunitis à vulnere. Curandis igitur læsionibus, quas

q̄ias s̄æpe incidunt, qui cū inuisibili hoste
configunt, triū maximè remediorū est ad-
hibenda medicina: in orationis instantia, in
castigatione ieunij, in eleemosynę largitate.
Quę cū pariter exercentur, Deus propicia-
tur, culpa deletur, tentator eliditur. Et h̄s
quidem præsidij semper fidelis anima de-
bet accingi, sed tunc studiosius p̄parari, cū
iñ adsunt dies, qui ppriè sunt ad hæc pietatis
officia p̄stituti. De quorū ordine est
etiam decimi huius mensis solenne ieunium,
quod nō ideo negligendū est, quia de obser-
uantia veteris legis adsūptū est, tanquam
hoc de illis sit, quę inter discretiones cibo-
rum, inter baptismatū differentias, & auiū
pecudumq; hostias, esse destiterunt. Illa
enim quæ rerum futurarum figuras gere-
bant, impletis, quę significauere, finita sunt.
Ieiuniorum verò vtilitatē, noui testamen-
ti gratia non remouit, & continentiam cor-
pori atq; animę semper profuturam, pia ob-
seruatione suscepit, quoniā sicut permanet
apud intelligentiam Christianā: Dominum
Deum tuum adorabis & illi soli seruies. Et:
Diliges dominū dēū tuū ex toto corde tuo,
& diliges proximū tuum sicut teipsum, &
cætera talium mandatorum: ita quod in eis-
dem libris de ieuniorum sanctificatione &
curatione præceptum est, nulla interpreta-
tione vacuatur. In omni enim tempore om-
niq; vita huius seculi, ieunia nos contra
peccata faciunt fortiores. Ieiunia contra
concupiscentias vincunt, tentationes repel-

Ieiunium
licet i ve-
teri testa-
mento sit
obseruatū
tame etiā
in nouo
obseruan-
dum eit.
Matth. 4.
Matth. 21.

Junt superbia inclinant, iram mitigant, & omnes bonæ voluntatis affectus, ad natiuitatem totius virtutis enutriunt: si tamen in societatem sibi benevolentiam charitatis assumant, & in operibus misericordiae se prudenter exerceant. Ieiunium enim sine eleemosyna, nō tam purgatio animæ: quām carnis afflictio est, magisq; ad auaritiā, quām ad continentiam referendum est, quādo aliquis sic à cibo abstinet, vt etiā à pietate abstineat. Nostra ergo ieiunia dilectissimi abūdent fructibus largitatis, & pauperes Christi benignis sint fœcunda muneribus. Nec tardentur in hoc opere mediocres, quia pa-rum sit, quod possint de sua facultate decerpere. Nouit dominus omnium vires, & scit iustus inspector, de qua mensura quisque quid tribuat. Dissimiles quidem substantię, similes erogationes habere non possunt. Sed æquatur plerunq; merito, quod distat impendio. Qui potest esse par animus, etiam vbi impar est sensus? Hæc itaq; vt adiuuante Deo pia deuotione currentur, quarta & sexta feria ieiunemus. Sabbato vero apud beatum Petrum Apostolum vigilias celebremus, cuius orationibus adiuti in omnibus misericordiam Dei mereamur.

Sermo V. de ieiunio decimi mensis & de eleemosynis eiusdem.

Ieiunij & eleemosynarum fructus, ac hæreticorum prodigiosa seruitus.

SVblimitas quidē dilectissimi gratiæ Dei hoc quotidie operatur in cordibus Christianis,

stianis, vt omne desiderium nostrū à terre-
nis ad cœlestia transferatur. Sed & præsens
vita per creatoris opem dicitur, & per ip-
sius prouidentiam sustinetur: quia idem est
largitor temporaliū, qui promissor est æter-
norū. Sicut enim pro spe futuræ felicitatis,
ad quam per fidem currimus, gratias Deo
agere debemus, quod ad perceptionem tan-
tæ preparationis euehimur: ita pro ihs quoqu
commodis, quæ singulorum annorum re-
uolutione consequimur, Deus à nobis ho-
norandus atque laudādus est, qui sic terræ fœ-
cunditatem ab initio dedit: sic pariendorum
fructuū leges in quibus germinibus & se-
minibus ordinavit, vt nunquam sua institu-
ta desereret, sed in rebus conditis benigna
conditoris administratio permaneret. Quic-
quid ergo ad usus hominum segetes, vineæ,
oleæque pepererint, totū hoc diuinæ bonita-
tis largitate profluxit: quæ elementorū qua-
litate variata, dubios agricolarum labores
clementer adiuuit, vt vtilitatibus nostris
ventis & imbres, frigora & aestus, dies no-
ctesque seruirent. Non enim sibi ad effectus
operum suorum humana ratio sufficeret, ni-
si plantationibus & rigationibus solitis do-
minus incrementa præberet. Vnde plenum
pietatis & iustitiae est, vt de ihs, quæ nobis
cœlestis pater misericorditer contulit, nos
quoque alias adiuuemus. Sunt enim plu-
rimi, qui nullam in agris, nullam in vineis,
nullam habent in oleis portionem, quorum
inopiae de ea, quam dominus dedit, copia
consu-

**Eleemosy
ne fruct^o.** consulendum est , vt & ipsi nobiscum Deo pro terræ fœcunditate benedicāt , & gaudent possidentibus fuisse donata , quæ etiam pauperibus ac perigrinis fuerunt facta communia . Felix est illud horreum , & omnium fructuum multiplicatione dignissimum , de quo egentiū & debiliū saturatur esuries , de quo releuatur peregrini necessitas , de quo desiderium fouetur infirmi . Quos ideo sub diuersis molestijs iustitia Dei laborare permisit , vt & miseros pro patientia , & misericordes pro benevolētia coronaret . Huic autem operi dilectissimi cū omnia oportuna sint tempora , hoc nunc præcipue aptum est atq; conueniens , in quo sancti patres nostri diuinitus inspirati , decimi mēsis sanxere ie- iunium , vt omnium fructuum collectione co- clusa , rationabilis Deo abstinentia dicaretur : & meminisset quisq; ita vti abundan- tia , vt & circa se abstinentior , & circa pau- peres esset effusior . Efficacissima enim pro peccatis deprecatio est in eleemosynis atq; ieiunijs , & velociter ad diuinās cōscēdit au- res talibus oratio eleuata suffragijs . Quoniam , sicut scriptum est , animę suę benefacit vir misericors , & nihil vniuscuiusque tam proprium , quām quod impendit in proximū . Pars enim corporalium facultatum , quę indigētibus ministratur , in diuitias trā- fit æternas : & illę opes de hac largitate pari- untur , quæ nullo vſu minui , nulla poterunt corruptione violari . Beati autē misericor- des , quoniam ipsorum miserebitur Deus : &
Prouer. xi ipse

ipie erit illis summa præmij , qui est forma
præcepti. Inter hæc autem dilectissimi ope-
ra pietatis, quæ nos Deo magis magisq; cō-
mendant, dubium nō est, quin hostis noiter,
nocendi cupidus & peritus, acrioribus inui-
diæ stimulis incitetur, vt quos apertis & cru-
entis persecutionibus impugnare non fini-
tur , sub falsa Christiani nominis professio-
ne corrūpat, habens hereticos huic operi ser-
uientes, quos à catholica fide deuios , sibi q;
subiectos, militare in castris suis sub diuer-
sis erroribus fecit. Et sicut decipiendis pri-
mis hominibus ministeriū sibi serpentis ad-
sumpsit : ita horum linguas ad seducendos
rectorū animos, veneno suę falsitatis arma-
uit. Sed ihs insidijs dilectissimi pastorali soli-
citudine , in quantum dominus auxiliatur,
occurrimus. Et ne quid de sancto gregore
rebeat, precauentes, paternis vos denunciatio-
nibus admonemus, vt labia iniqua & lin-
guam dolosam, à quibus animam suam pro-
pheta liberari postulat , declinetis: quoniam
sermo eorū, sicut ait beatus Apostolus, ser-
pit vt cācer. Humiliter irrepūt, blandè capi-
unt, molliter ligāt, latenter occidunt. Veni-
unt enī, sicut seruator prædixit , sub vestitu
ouium, intus autem sunt lupi rapaces : quia
non possent veras & simplices oues fallere,
nisi Christi nomine tegerent rabiem bestia-
lem. In ihs autē omnibus operatur , qui cum
sit veræ illuminationis inimicus , in lucis se
angelum transfigurat. Huius arte Basilides,
huius Marcion callet ingenio, hoc duce agi-
tur

Hæretici
ministrā
diaboli.

Genes. 3.

Psal. 119.

2. Tim. 2.

Matth. 7.
Hæretici
mentiun-
tur se
Christia-
nos.

tur Sabellius, hoc præcipitatur rectore Pho-
tinus, huius potestati famulatur Arrius, hu-
ius spiritui seruit Eunomius. Tota denique
bestiarū taliū cohors hoc præside ab Eccle-
siæ vnitate discessit, hoc magistro à verita-
te * descivit. Sed cū in cunctis peruersitati-
bus multiformem teneat principatū, arcem
tamen sibi in Manichæorum struxit insania,
& latissimā in eis aulam, in qua se exultan-
tius iactaret, inuenit, vbi non vnius prauita-
tis speciem, sed omnium simul errorum im-
pietatumq; mixturam generaliter posside-
ret. Quod enī in paganis prophanū, quod in
Iudeis carnalibus cecū, quod in secretis ma-
gicæ artis illicitum, quod deniq; in omni-
bus hæresibus sacrilegum atq; blasphemum
est, hoc in istos, quasi in sentinā quandā cum
~~enī~~ sordium concretione cōfluxit. Vnde
vniuersas eorū impietates ac turpitudines
enarrare, per longū est, superat enim verbo-
rū copiā, criminū multitudo. Ex quibus ad
indicandum pauca sufficiunt, vt de ḥs quæ
audieritis, etiam illa, quæ verecundè præter-
mittimus, æstimetis. De sacris tamen eorū
quæ apud illos tā obscēna sunt, quām ne-
fanda, quod inquisitioni nostrę dñs manife-
stare voluit, nō tacemus, ne quisquā putet
nos de hac re dubię famę & incertis opinio-
nibus credidisse. Residētibus itaq; mecum
Episcopis ac presbyteris, ac in eundē cōses-
sum Christianis viris ac nobilibus congrega-
tis, electos & electas eorum iussimus præ-
sentari. Qui quum de peruersitate dogma-
tis suj

* discre-
uit

Manichæ-
orum im-
pietas.

Manichæ-
orum sa-
crificia.

ti sui, & de festinatum suarum consuetudine multa reserarent, illud quoqz scelus, quod eloqui verecundū est, prodiderūt, quod tanta diligentia inuestigatum est, vt nihil minus credulis, nihil obtrectatoribus relinqueretur ambiguum. Aderant enim omnes personæ, per quas * nefandum facinus fuerat perpetratum, puella scilicet vt multum decenis, & duę mulieres, quę ipsam nutriabant, & huic sceleri prepararant. Pr̄sto erat etiā adolescentulus vitiator puelle, & Episcopus ipsorum detestandi criminis ordinatōr. Omnia par fuit horum & vna confessio, & patefactū est execratum, quod au- res nostræ vix ferre potuerunt. De quo ne apertius loquētes, castos offendamus auditus, gestorum documenta sufficiunt: quibus plenissimè docetur nullā in hac secta p̄icitiam, nullam honestatem, nullam penitus reperiri castitatem, in qua lex est mendacium, diabolus religio, sacrificium turpitudo. Hos ideo homines dilectissimi per oīa execrabilis atqz pestiferos, quos aliarum regionum perturbatio nobis intulit crebriores, ab amicitia vestra penitus abdicare, vōsqz præcipue mulieres à talium notitia & colloquijs abstinete: ne dum fabulosis narrationibus incautus delectatur auditus, in diaboli laqueos incidatis. Qui sciens, quod primum virum mulieris ore seduxerit, & per fœmineam credulitatem omnes homines à paradi felicitate deiecerit, vestro nunc quoqz sexui securiore insidiatur astutia, vt eas, *infandū quas

Hæretici
prodendi
funt.

quas sibi potuerit per ministros suæ falsitatis illicere, & fide spoliet & pudore. Illud quoq; vos dilectissimi obsecrans moneo, vt si cui vestrum innotuerit, vbi habitent, vbi doceant, quos frequentent, & in quorū societate requiescāt, nostrę solicitudini fideliter indicetis, quia parum prodest vnicuiq;, quod protegente spiritu sancto ab istis ipse non capitur, si cum alios capi intelligit, non mouetur. Contra cōmunes hostes pro salute communi, vna cōmunis debet esse vigilantia, ne de alicuius membra vulnere etiam alia possint membra corrumpi. Et qui tales nō prodendos putant, in iudicio Christi inueniantur rei de silentio, etiā si non contaminantur assensu. Adsumite igitur religiosę solicitudinis pium zelum, & contra fæuissimos animarum hostes, omnium fidelium cura consurgat. Ideoque enim misericors Deus quandam nobis partem prodidit hominum noxiorum, vt manifestato periculo, excitaretur diligentia cautionis. Non sufficiat, quod actum est, sed eadem inquisitio perseueret: quæ hoc auxiliante Deo consequitur, vt non solum, qui recti sunt, incolumes perseuerēt, sed etiam multi, qui diabolica seductione decepti sunt, ab errore reuocentur. Vestrę autē orationes & eleemosynę atq; iejunia, misericordi Deo per hanc ipsam deuotionē sacratius *adserentur, cum etiā hoc opus fidei ad omnia officia pietas accesserit. Quarta igitur & sexta feria iejunemus. Sabbato autem apud præseptem b̄atis-

* offeren.
ux,

beatissimum Apostolum Petru^m vigiliis célébremus. Qui sicut experimur et credimus pro commendatis sibi à domino ouibus inde sinenter pastorales prætendit excubias, exoraturus deprecationibus suis, ut Ecclesia Dei, quæ ipsius est prædicationibus instituta, ab omni errore sit libera, per Christū dominum nostrum, Amen.

Intercessio sanctorum.

Sermo VI. de ieunio decimi mensis, & de misericordiæ operibus.

Morbis avaritiae quis, & fructus eleemosynarum ac ieuniorum Christianorum.

Evangelicis sanctiōnibus dilectissimi multum * autoritatis præbet doctrina legalis, cum quædam de mandato veteri ad nouam obseruantiam transferuntur: & ex i[n] Ecclesiastica deuotione demonstratur, quod dominus Iesu Christus non venit legem soluere, sed adimplere. Cessantibus enim in noua significationibus, quibus saluatoris nostri nunciabatur aduentus: & peractis figuris, quas abstulit ipsa præsentia veritatis, ea quæ vel ad regulas morum, vel ad simplicem Dei cultum, ratio pietatis instituit, in eadem apud nos forma, in qua sunt condita, perseverant: & quæ vtrique testamento erant congrua, nulla sunt commutatione variata. Ex ihs autem est etiam decimi mensis solenne ieuniū, quod à nobis nūc est annua cōsuetudine celebrandum, quia plenum iustitiae est atq[ue] pietatis, gratias agere diuine largi-

* utilitas
Matth. 5.
Vetus lex

Largitati pro fructibus, quos in usus hominum secundū summæ prouidentiæ tēperamentū terra produxit. Quod ut prōpto animo nos facere monstremus, nō solum continentiam iejunij, sed etiā eleemosynarum curam oportet assumi: ut de terra quoque cordis nostri, germen iustitiæ & fructus charitatis oriatur, & misericordiam Dei pauperum ipsius miserendo mereamur. Efficacissima enim est ad exorandum Deum postulatio, cui pietatis opera suffragātur, quoniam qui suum ab inope non auertit animum, cito ad se domini conuertit auditum, dicente domino: Estote misericordes, sicut & pater vester misericors est. Dimitte, & dimittetur vobis. Quid hac iustitia benignius?

**Lucæ 6.
Eleemosy-
narū vti-
litas.**

Quid hac retributione clemētius, vbi sententia iudicaturi in potestate ponitur iudicādi? Date inquit, & dabitur vobis. Quā cito diffidentiæ sollicitudo & auaritiæ est amputata cūctatio, ut quod redditurā se promittit veritas secura expendat humilitas. Constans esto Christiane largitor: da quod accipias: sere, quod metas: sparge quod colligas. Noli metuere dispendium, noli de dubio suspirare prouentu. Substantia tua cum bene erogatur, augetur: & concupiscere iustum misericordiæ lucrū, æterni quæstus est sectari cōmerciū. Munerator tuus vult te esse munificum, & qui dat ut habeas: mandat ut tribuas dicens: Date, & dabitur vobis. Amplectenda est tibi promissionis istius gratulanda conditio. Quamuis enim non habeas, nisi quod

**Lucæ 6.
1. Cor. 4.**

quod acceperis: non potes tamen nō habere, quod dederis. Qui ergo pecunias amat, & multiplicare opes suas immodicis optat augmentis, hoc potius sanctum fœnus exerceat, & hac usurarū arte ditescat, vt non hominum laborantium captet necessitates, ne per dolosa officia laqueos incidat insolubilium debitorum, sed illius sit creditor, illius fœnerator, qui dicit: Date, & dabitur vobis, & qua mensura mensi fueritis, eadem remetietur vobis. Infidelis autē & iniquus est etiam sibi, qui quod estimat diligendum, non vult habere perpetuum. Quantalibet adiūciat, quantalibet condat & congerat, in-ops in hoc mūdo & egenus abscedet, dicente David propheta. Quoniam cum interierit, non accipiet omnia, necq; descendet cum eo gloria domus eius. Qui si benignas Auaritiae animæ suæ, illi bona sua erederet, qui & idoneus fidei usor est pauperum, & largissimus redditor usurarum. Sed iniustitia & impudens avaritia, quæ beneficium sedicit præstare, cum decipit, non credit Deo veraciter promittenti, & credit homini trepide pacienti. Dumq; certiora existimat præsentia quā futura, merito i hoc frequenter incurrit, ut ei cupiditas iniusti lucri non iniusti causa sit damni. Vnde quilibet sequatur euentus, Fœnera-mala semper est ratio fœnerantis, cui pecuniā & minuisse & auxisse peccatum est: vt toris ma-aut miser sit amittendo, quod dedit, aut miserior accipiendo, quod non dedit. Fugienda rorsus est iniquitas fœnoris, & lucrū,

quod omniū cārēt humanitate, vitandum est.
 Multiplicatur quidem facultas iniustis &
 tristibus incrementis, sed mentis substantia
 contabescit: quoniam fœnus pecunie, funus
 est animæ. Quid enim de huiusmodi homi-
 nibus sentiat Deus, sacratissimus propheta
 Dauid manifestat. Qui cum diceret: Domine
 quis habitabit in tabernaculo tuo, aut quis
 regescat in mōte sancto tuo? respōso diuinæ
 vocis instruitur, & eū ad æternā requiē per-
 tinere cognoscit, qui inter alias piæ cōuer-
 sationis regulas, pecuniam suam non dedit
 ad usuram, & à tabernaculo Dei ostenditur
 alienus, & à sancto monte eius extraneus,
 qui dolosum quæstū de pecuniæ suæ captat
 usuris: & dū per aliena cupit damna ditari,
 æterna dignus est egestate puniri. Vos itaq;
 dilectissimi, qui ex toto corde promissioni-
 būs domini credidistis, fugiētes auaritiæ le-
 pram immundissimam, donis Dei piè & sa-
 pienter vtimini? E quoniam de ipsius largi-
 tate gaudetis, date operam vt possitis gau-
 diorum vestrorum habere cōsortes. Multis
 enī, quæ vobis suppetūt, desunt: & in quo-
 rundam indigentia, materia vobis data est
 diuinæ bonitatis imitandæ: vt per vos & in
 alios beneficia diuina transirent, & bene di-
 spensantes temporalia, acquireretis æterna.
 Quarta igitur & sexta feria ieiunemus. Sab-
 bato autem apud beatissimū Petru Aposto-
 lum vigilemus, cuius orationibus nobis per
 omnia obtineatur diuina protectio, p Chri-
 stum dominum nostrum, Amen.

Psal. 14.

Ser-

Sermo III. de iejunio decimi mensis & eleemosynis.

*Vt homo Christianus impugnetur assidue, quæc
sint ipsi arma contra inuisibiles hostes.*

PRæsidia militiæ Christianæ dilectissimi
sanctificandis méribus nostris atque cor-
poribus diuinitus instituta, ideo cum die-
rum temporumq; curriculis sine cessatio-
ne reparantur, vt infirmitatum nostrarum
ipsa nos medicina cōmoneat. Natura quippe
mutabilis & de peccati labe mortalis, li-
cet etiam iam redempta & sacro baptisme
sit renata, in quantum est passibilis, in tan-
tum est ad deteriora procliuis, corrumpere-
turq; carnali desiderio, nisi spiritali munire-
tur auxilio, quia sicut illi nunquā deest,
de corrutat: ita semper præsto est, vnde sub-
sistat dicens Apostolo: Fidelis Deus qui vos
non patietur tētari supra id, quod potestis,
sed faciet prouentum, vt possitis sustinere.
Quāvis ergo dominus protegat bellatores,
& milites suos ille, qui potens est in prælio,
cohortetur & dicat: Nolite timere, quia ego
vici mundum, sciendum tamē est dilectissi-
mi, hoc incitamento formidinem sublatam
esse, non pugnam, & retuso aculeo timoris,
causam manere certaminis: quod ab hoste
versuto, terribiliter quidē furore p̄secutio-
nis mouetur, sed innocentibus specie pacis
infertur. Vbi enim in aperto sunt pugnæ, in
manifesto sunt & coronæ. Et hoc ipsum alit

Naturæ
humanæ
infirmitas

1. Cor. 10.

Psal. 23.
Ioan. 16.
Pugnan-
dum ho-
mini con-
tinuè.

e iij atque

atq; accendit patientiæ fortitudinem: quod
sicut proxima est tribulatio, ita est & vicina
promissio, cessantibus publicis impugna-
tionibus impiorum, & à cædibus & suppli-
cij fidelium diabolo continente, ne pertina-
cia crudelitatū, multiplicatio fieret trium-
phorum vestrorum. Fremit aduersarius, &
cruentas inimicitias ad quietas cōuertit in-
fidias, vt quos vincere fame & gelu, flam-
mis ferróque non poterat, ocio tabefaceret,
cupiditatibus irretiret, ambitione inflaret,
voluptate corrumperet. Sed h̄s malis atque
alijs omnibus destruendis habet acies Chri-
stiana potentes munitiones & arma viatri-
cia, Deo scilicet instruente milites suos, vt
spiritu veritatis mansuetudo iram, largitas
auaritiam, benignitas extinguat inuidiam.
Commutante enim dextera excelsi corda
multorum, rediit in nouitatem vetustas, &
de iniquitatis famulis ministri prodigere iu-
sticiæ. Subegit luxuriam continentia, humi-
litas arrogantiam propulsavit: & qui impu-
dicitia sorduerant, castitate nituerunt. His
autem conuersionibus dilectissimi, prouide-
nente gratia Dei, addita sunt sancta ieunia,
quæ in quibusdam diebus ab vniuersa Ec-
clesia deuotionem obseruantia generalis
exigerent. Quamuis enim pulchrum sit atq;
laudabile, vt singula quæque membra cor-
poris Christi, proprijs ornentur officijs, ex-
cellentioris tamen est actionis sacratorisq;
virtutis, cum in vnum propositū, pie plebis
corda cōcurrunt: vt illi cui sanctificati o no-
stra,

Arma
Christia-
norum.

stra supplicium est, non solum à parte, sed
 Petiam à solidate superetur. Cui nunc operi
 dilectissimi decimus mensis offertur, admo-
 nens quodāmodo pro qualitate temporis
 sui ne quisquam frigore infidelitatis obtor-
 peat, sed potius charitatis spiritu concale-
 scat. Quoniam & per ipsa elementa mundi,
 tanquam per publicas paginas, significatio-
 nem diuinæ voluntatis accipimus, nec vñq
 cessat superna eruditio, quando etiam
 de īs, quæ nobis famulantur, imbuimur.
 Præter illam nanq̄ Apostolicam sentētiam,
 qua homines fructu pietatis carentes, va-
 cuiis arboribus comparātur, etiam illa ficus
 nobis cauenda est de suæ infœcunditatis
 exemplo, quam dominus Iesus, sicut Euan-
 gelium refert, nihil habētem, quod esuriens
 sumeret, perpetua sterilitate damnauit: vt
 intelligeremus, quoniam qui esurientē nō
 refouet egenum, illi denegat cibū, qui quod
 pauperi est dātum sibi dixit impensum. Et
 huius maledictionis arbores erunt, quibus
 à iudicante dicetur: Discedite à me maledi-
 cti in ignem æternum, quē præparauit pa-
 ter meus diabolo & angelis eius. Esuriui
 enim, & nō dedistis mihi manducare. Sitiui,
 & non dedistis mihi bibere, etc. Quæ ideo
 singula recoluntur, vt aduertamus non fu-
 turum extra misericordiam, qui vel par-
 tem horum operum fuerit executus. Ani-
 ma autem neminem iuuans, erit arbor non
 habens poma cum totius fructu pietatis in-
 menietur aliena. Decimi ergo mēsis ieuniū,

Matth. 3.

Matth. 21.
 Poena co-
 rum, qui
 eleemosy-
 nas nō fe-
 cerunt.

Matth. 25

e iiiij quod

quod est h̄yēmāis temporis , ad agricultū-
ram nos mysticam vocat , qua segetūm &
palmitum atque arborum vires , quibus
humana sustentatur infirmitas , spiritualibus
studīs excolantur , vt dominicus ager suis
ditetur impendīs , & quem nunquam ex-
pedit esse sine fructu , de propria fiat vber-
tate fœcundior. Quod vtique intelligit san-
ctitas vestra , ad totius Ecclesiæ profectū esse
referendum , quorum in fide gerimen est , in
spe incrementum , in charitate maturitas .
Quia castigatio corporis , & instātia oratio-
nis , tunc veram obtinent puritatem , cum
eleemosynarum sanctificatione nitescunt ,
dicente domino : Date eleemosynam , & ecce
omnia munda sunt vobis . Quarta igitur &
sexta feria ieiunemus . Sabbato autem apud
b̄ḡtissimum Petrum Apostolum vigilias
celebremus , ipso præstante & adiuuāte , qui
cum patre & sancto spiritu viuit & regnat
per omnia secula seculorum . Am̄en .

Sermo V I I I . de ieiunio decimi mensis , &
eleemosynis .

Ieiuniorum Christianorum tempora quæ sint , dē
duplici ieiunio .

Lucæ 21. C Vm de aduentu regni Dei , & de mundi
fine ac temporum , discipulos suos ser-
uator instrueret , totamq; Ecclesiam suam
in Apostolis suis erudiret : Cauete , inquit ,
ne forte grauētur corda vestra crapula &

elicitate, & cogitationib^o secularib^o. Quod
 utiq^p præceptum dilectissimi ad nos specia-
 lius pertinere cognoscimus, quibus denun-
 ciatus dies etiam si est occultus, nō dubita-
 tur esse vicinus. Ad cuius aduentū omnem
 hominem conuenit præparari, ne quēquam
 aut ventri deditum, aut curis secularibus in-
 ueniat implicatum. Quotidiano enim dilec-
 tissimi experimento probatur, potus satie-
 tate aciem mentis obtundi, ciborum nimie-
 tate vigorē cordis hebetari, ita vt delectatio
 edendi, etiam corporum contraria sit saluti,
 nisi ratio temperantiæ obsistat illecebræ, &
 quod futurum est oneri, subtrahat volupta-
 ti. Quamuis enim sine anima nihil caro de-
 sideret, & inde accipiat sensus, vnde sumit &
 motus, eiusdem tamen est animæ, quædam
 sibi subditæ negare substantiæ, & interi-
 iudicio, ab inconuenientibus exteriora fre-
 nare vt à corporeis cupiditatibus sæpius li-
 bera, in aula mentis possit diuinæ vacare sa-
 pientiæ, vbi omni strepitu terrenarum silen-
 te curarum, in meditationibus sanctis, & in
 delicijs lætetur æternis. Quod si in hac vita
 difficile est continuari, potest tamē frequen-
 ter adsumi, vt sæpius ac diutius spiritualibus
 potius quā carnalibus occupemur. Et cum
 melioribus curis maiores impendimus mo-
 ras, ad incorruptibiles diuitias, etiam tem-
 porales transeunt actiones. Huius obseruan-
 tiæ utilitas dilectissimi in Ecclesiasticis est
 præcipue constituta ieiunijs, quæ ex doctri-
 na sancti spiritus ita per totius anni circu-

Intempe-
rantiaæ mæ-
lum.Animæ
corp^o de-
bet esse
subiectū.

Ium distributa sunt, ut lex abstinentiae omnibus sit ascripta temporibus. Siquidem ie-
junium vernum in Quadragesima, aestiuum
in Pentecoste, autumnale in mense septimo,
hyemale autem in hoc, qui est decimus, cele-
bramus, intelligentes diuinis nihil vacuum
esse praeceptis, & verbo Dei ad eruditionem
nostram omnia elementa seruire, dum per
ipsius mundi cardines, quasi per quatuor
Euágelia, incessabili tuba discimus, quod &
prædicemus & agamus. Dicente enim pro-
pheta: Cœli enarrant gloriam Dei & opera
manuum eius annunciat firmamentū. Dies
diei eruat verbū, & nox nocti indicat sci-
entiā: quid est, per quod veritas nobis nō lo-
quitur? Ipsius voces in die, ipsius audiuntur
in nocte. Et pulchritudo rerum vnius Dei
opificio conditarum, nō desinit cordis auribus
magistrum insinuare rationem, ut inui-
sibilia Dei per ea, quæ facta sunt, intellecta
conspiciantur, & non creaturis, sed creatori
omnium seruiatur. Cum ergo vniuersa vi-
tia per continentiam destruantur, & quic-
quid avaritia sitit, quicquid superbia am-
bit, quicquid luxuria concupiscit, huius vir-
tutis soliditate supereretur, quis nō intelligat,
quātū nobis per ieunia cōferatur? in quibus
indicitur, ut non solū à cibis, sed etiā ab om-
nibus carnalibus desiderijs temperetur. A-
lioqui superfluum est suscipere esuriem, &
iniquam non deponere voluntatē: reciso af-
fligi cibo, & à cōsepto non desilire peccato.
Carnale est, nō spiritale ieuniū, vbi soli cor-
pori

ieiunii
tempora ab
Ecclēsia p
totū an-
num de-
scripta.
Quadra-
getimæ
obserua-
tio.

Psal. 18.
Rom. 1.

Jeunii
venitas.

pōri non parcitur: & in ijs, quē omnibus de-
licijs sunt nocētiora, permanetur. Quid pro-
dest animę foris agere quasi dominam, & in-
tus seruire captiuā? membris proprijs impe-
rare, & ius propriæ libertatis amittere? Et
merito plerunq; patitur famulam rebellan-
tem, quæ non reddit domino debitam ser-
uitutem. ieunet ergo corpus ab escis, mens
ieunet à vitjs, & curas cupiditatēsque ter-
renas, regis sui lege dījudicet. Meminerit
primam dilectionem Deo, secundam de-
beri proximo, omnēsque affectus suos hac
regula dirigēdos, vt nec à cultu recedat do-
mini, nec ab vtilitate conserui. Quomodo
autem Deus colitur, nisi vt quod ipsi placet,
placeat & nobis? Nec ab eius imperio no-
ster vnquā resultet affectus, quoniā si hoc,
quod ille vult, volumus, ab illo sumet in-
firmitas nostra virtutem, à quo ipsam accepi-
mus voluntatē. Deus est enī, sicut ait Apo-
stolus, qui operatur in nobis & velle & per-
ficer pro bona voluntate. Nec superbia de-
nique homo inflabitur, nec desperatione
frangetur, si bonis diuinitus datis, in gloriā
dantis vtatur, & ab ijs desideria sua reuocet
quæ sibi nocitura cognoscit. Abstinēs enim
ab inuidiæ malignitate, à luxurię dissolutio-
ne, à perturbatione iracundia, à cupiditate
vindictæ, purificabitur veri sanctificatione
ieiunij, & incorruptibilium deliciarum vo-
luptate pascetur, vt per vsum spiritualē etiā
terrenas copias in cœlestem nouerit trans-
ferre substantiam, non sibi condēdo, quæ ac-
ceperit,

Philip. 2.

ceperit , sed magis magisq; multiplicando quod dederit . Vnde paternæ charitatis affectu dilectionem vestram monemus , vt iejunium decimi mensis fructuosum vobis elemosynarum largitate faciat , gaudentes , quod per vos dominus pauperes suos pascit & vestit . Quibus vtique posset eas , quas vobis contulit , tribuere facultates , nisi pro ineffabili misericordia sua , & illos iustificare vellet de patientia laboris , & vos de opere charitatis . Quarta igitur & sexta feria iejunemus . Sabbato autem apud beatissimum Apostolum Petrum vigilias celebremus , qui & orationes , & ieunia , & elemosynas nostras , precibus suis dignabitur adiuuare , præstante domino nostro Iesu Christo , qui cum patre & sancto spiritu viuit & regnat in ipsis cula seculorum , Amen .

Intercessio
no san-
ctorum .

In solennitate Natiuitatis domini nostri Iesu Christi Sermo I.

De lætitia in hac solennitate habenda , & quid Christus sua natiuitate nobis attulerit .

SAluator noster dilectissimi hodie natus est , gaudeamus . Neque enim fas est locum esse tristitia , vbi natalis est vita : quæ consumpto mortalitatis timore , nobis ingredit de promissa æternitate lætitiam . Nullus ab huius alacritatis participatione secernitur , vna cunctis lætitiae communis est ratio : quia Dominus noster , peccati mortisque destructor , sicut nullum à reatu librum

bérum repperit, ita pro liberandis omnibus
venit. Exultet sanctus, quia propinquat ad
palmam. Gaudeat peccator, quia inuitatur
ad veniam. Animetur gentilis, quia voca-
tur ad vitam. Dei nanque filius secundum
plenitudinem temporis, quā diuini consilij
inscrutabilis altitudo disposuit, reconcilian-
dam autori suo naturam generis adsumpsit
humani, ut inuentor mortis diabolus, per
ipsam, quā vicerat, vinceretur. In quo con-
flictu pro nobis inito, magno & mirabili
æquitatis iure certatū est, dum omnipotens
dominus cum sœuissimo hoste, non in sua
maiestate, sed in nostra conreditur humi-
litate, ob̄n̄ciens ei eandem formam, ean-
dēm̄q̄ naturam, mortalitatis quidem nostrę
participē, sed peccati totius expertem. Aliē-
nūm quippe ab hac natuitate est, q̄d
de omnibus legitur: Nemo mundus à for-
de, nec infans, cuius est vnius diei vita su-
per terram'. Nihil ergo in istam singularem
natiuitatem de carnis concupiscentia tran-
ſiuit, nihil de peccati lege manauit. Virgo
regia Dauidicæ stirpis eligitur, quæ sacro
grauidanda fœtu, diuinam humanamque
prolem prius conciperet mente, quām cor-
pore. Et ne superni ignara consilij, ad inusit-
tatos paueret * affatus, quod in ea operan-
dum erat à spiritu sancto, colloquio di-
scit angelico. Nec damnum credit pudoris,
Dei genetrix mox futura. Cur enim de
conceptionis nouitate desperet, cui effici-
entia de altissimi virtute promittitur? Con-
firmatur

Incarna-
tionis my
steriū ex-
penditur.

Maria pri
us mente
Deū con-
cepit quā
corpoce.

*effectus,

IN RIVIT. DOMINI.

firmatur credentis fides etiam præeun-
tis attestatione miraculi , donaturq; Elisa-
beth inopinata fœcunditas , vt qui conce-
ptum dederat sterili, datus non dubitare-
tur & virginī. Verbum igitur Dei Deus , fi-
lius Dei , qui in principio erat apud Deum ,
per quem facta sunt omnia , & sine quo fa-
ctum est nihil, propter liberandū hominem
ab æterna morte , factus est homo , ita se ad
susceptionē humilitatis nostræ sine diminu-
tione suæ maiestatis inclinans , vt manens

Philip. 2. quod erat , assumēnsque quod non erat , ve-
ram serui formam ei formæ, in qua Deo pa-
tri est æqualis , vñiret : & tanto fœdere natu-
ram vtranque consereret , vt nec inferiorem
consumeret glorificatio , nec superiorē mi-
nueret assumptio . Salua igitur proprietate
vñscj substantiæ , & in vnam coeunte per-
sonam , suscipitur à maiestate humilitas , à
virtute infirmitas , ab æternitate mortalitas

Mediator Dei et ho-
minum Christus. & ad rependum nostrę conditionis debi-
tum , natura inuiolabilis naturæ est vñita
passibili , Deūsque verus & homo verus , in
vnitatem domini temperatur , vt quod no-
stris remedij cōgruebat , vñus atq; idē Dei

1. Tim. 2. hominumq; mediator , & mori posset ex
vno , & resurgere posset ex altero . Merito igi-
tur virgineæ integritati nihil corruptionis
intulit partus salutis , quia custodia fuit pu-
doris , æditio veritatis . Talis igitur dilectissi-
mi nativitas decuit Dei virtutem & Dei
sapientiam Christū , qua nobis & humilita-
te congrueret , & diuinitate præcelleret nisi

1. Cor. 1. ¶
Venimus

enim esset Deus verus , non adferret reme-
diū: nisi esset homo verus , non præberet
exemplum. Ab exultatibus ergo angelis na- Lucr. 2.
scēte domino gloria in excelsis Deo canitur:
& pax in terra bonæ voluntatis hominibus
nuinciatur . Vident enim cœlestem Hieru-
salem ex omnibus mundi gentibus fabrica-
ri, de quo inenarrabili diuinę pietatis opere,
quantum lætari debet humilitas hominum,
quū tantum gaudeat sublimitas angelorū?
Agamus ergo dilectissimi gratias Deo pa-
tri per filium eius in spiritu sancto, qui pro- Ephes. 2.
pter multam charitatem suam , qua dilexit
nos, misertus est nostri: & cū essemus mor-
tui peccatis , conuiuiscauit nos Christo , vt
essemus in ipso noua creatura , nouumq; fi- Ephes. 4.
gmentum . Deponamus ergo veterē homi- Colos. 3.
nem cū actibus suis , & adepti participati-
nem generationis Christi , carnis renuncie-
mus operib; Agnosce o Christiane di-
gnitatem tuam , & diuinæ consors factus
naturæ, noli in veterem vilitatem degeneri
conuersatione redire. Memento , cuius capi-
tis & cuius corporis sis membrum. Remi-
niscere , quia erutus de potestate tenebra-
rum, translatus es in Dei lumen & regnum.
Per baptismatis sacramentum, spiritus san-
cti factus es templum. Noli tantū habitato-
rem prauis de te actibus effugare, & diaboli
te iterū sub̄cere seruituti , quia preciū tuū
sanguis est Christi, q; i veritate te iudicabit,
q; a misericordia te redemit , qui cū patre &
spū sancto regnat in secula seculorū, Amen.

Sermo

Natiuitatis Christi quæ fuerit necessitas,
qualitas & militas.

EXultemus in domino dilectissimi, & spirituali iucunditate lætemur, quia illuxit nobis dies redemptionis * nouæ, reparacionis antiquæ, felicitatis æternæ. Reparatur enim nobis salutis nostræ annua reuolutione sacramentum, ab initio promissum, in fine redditū, sine fine mansurum. In quo dignum est nos erectis sursum cordibus, diuinum adorare mysterium, ut quod magno Dei munere agitur, magnis Ecclesiæ gaudijs celebretur. Deus enim omnipotens & clemens, cuius natura bonitas, cuius voluntas potentia, cuius opus misericordia est, statim ut nos diabolica malignitas veneno suæ mortificauit inuidiæ, prædestinata renouādis mortalibus suæ pietatis remedia inter ipsa mudi primordia præsignauit, denuncians serpenti futurum semen mulieris, quod noxij capitis elationem sua virtute contereret, Christū scilicet in carne venturū Deū hominem signans, qui natus ex virgine violatorem humanæ propaginis incorrupta natiuitate dānaret. Nam quia gloriarabatur diabolus, hominem sua fraude deceptum, diuinis caruisse muneribus, & immortalitatis doce nudatū, durā mortis subiisse sententiam, sēcū in malis suis quoddam de præuaricatoris consortio inuenisse so-

Genes. 3.

Christi ī carnē venturi præmissio.

Lxxviii.

laclum, Deum quoque iuste, leueritatis exigente ratione, erga hominem, quem in tanto honore considerat, antiquam mutasse sententiā: opus fuit dilectissimi, secreti dispensatione consilij, ut incommutabilis Deus (cuius voluntas nō potest sua benignitate priuari) primam pietatis suæ dispositionem, sacramento occultiore compleret, & homo diabolicæ iniquitatis versutia actus in culpam, contra Dei propositum non périrēt.

Incarnationis necessitas.

Aduenientibus ergo temporibus dilectissimi, quæ redemptioni hominum fuerant præstituta, ingreditur hęc infima Iesus Christus dominus nōster, de cœlesti sede descendens, & à paterna gloria non recedens, novo ordine, noua natuuitate generatus. Nouo ordine, quia inuisibilis in suis, visibilis factus est, in nostris, Incomprehensibilis valuit comprehendendi: Ante tempora manens, esse cœpit ex tempore. Vniuersitatis dominus seruilem formam obūbrata maiestatis suæ dignitate suscepit. Impassibilis De⁹ non deditgnatus est homo esse passibilis, & immortalis mortis legib⁹ subiacere. Noua autem natuuitate genitus est, conceptus à virgine, natus ex virgine, sine paternæ carnis concupiscentia, sine maternæ integratitatis iniuria, quia futurū hominū saluatorem talis ortus decebat, qui & in se haberet humanæ substancialiæ naturā, & humanæ carnis inquinamēta nesciret. Autor enim in carne nascenti, Deus est, testāte Archāgelo ad beatam virginē Mariam: Quia spiritus sanctus

IN STIVIT. DOMINA.

superueniet in te , & virtus altissimi obum
brabit tibi : ideoque quod nascetur ex te ian-
ctum, vocabitur filius Dei. Origo dissimilis,
sed natura consimilis : humano vsu & con-
suetudine , quod credimus, caret, sed diuina
potestate subnixum est , quod virgo conce-
perit:quod virgo pepererit , & virgo per-
manserit . Non hic^{*} consideretur parientis
cogite-
tur
Partus di
uini qua-
litas.
conditio , sed nascentis arbitrium , qui sic
homo natus est, vt volebat & poterat. Si ve-
ritatē quæris, humanæ naturę cognosce ma-
teriam: si rationem scrutaris originis, virtu-
tem, confitere diuinam . Venit enim domi-
nus Iesu Christus contagia nostra auferre,
non perpeti:nec succumbere vitjs , sed me-
deri. Venit, vt omnem languorem corrupti-
onis & vniuersa vulnera fordanum cura-
et animarū , propter quod oportuit, vt no-
uo nasceretur ordine:qui nouam impollutę
synceritatis gratiam humanis corporibus
inferebat . Oportuit enim vt primam geni-
tricis integritatem , nascens incotruptio
custodiret , & complacitum sibi claustrum
pudoris & sanctitatis hospitiū , diuini spiri-
tus virtus infusa seruaret, quæ statuerat de-
iecta erigere, confracta solidare, & superan-
dis carnis illecebribus , multiplicatam pudi-
citiae donare virtutem:vt virginitas, quæ in
alijs non poterat salua esse generādo, fieret
alijs imitabilis confitendo , renascendo.
Hoc ipsum autem dilectissimi , quod Chri-
stus nasci elegit ex virgine:nōne appetet al-
tissimæ fuisse rationis?vt scilicet humano
in generi

Diaboli
tyrannis
iustè de-
structa.

rentri natam salutem diabolus ignoraret,
et spiritali latente conceptu, quē non alium
videret quam alios, non aliter crederet na-
tum esse quam cæteros . Cuius enim simi-
lem cum vniuersis aduertit naturam, parem
habere arbitratus est cum omnibus causam.
Nec intellexit à trāsgressionis vinculis libe-
rum, quem ab infirmitate mortalitatis non
inuenit alienum. Verax namq; misericor-
dia Dei , cum ad reparandum humanum ge-
nus ineffabiliter multa suppeterēt, hanc po-
tissimū consulendi viam elegit , qua ad de-
struendum opus diaboli, non virtute vtere-
tur potentiae : sed ratione iustitiae. Nam su-
perbia hostis antiqui non immerito sibi in
omnes homines ius tyrannicum vendica-
bat, nec indebito dominatu premebat, quos
à mādato Dei spontaneos in obsequium
voluntatis allexerat. Non itaq; iustè amitte-
ret originalem deditiij generis seruitutem,
nisi de eo, quod subegerat, vinceretur. Quod
vt fieret, sine virili semine æditus est Chri-
stus ex virginē: quam non humanus coitus,
sed spiritus sanctus fœcundavit . Et cum in
omnibus matribus non fiat sine peccati sor-
de conceptio, hæc inde purgationem traxit,
vnde concepit . Quo enim paterni seminis
transfusio non peruenit: peccati se illic ori-
go non miscuit . Inuiolata virginitas con-
cupiscentiam nesciuit , substantiam mini-
strauit. Assumpta est de matre * domini na-
tura, non culpa: creata est forma serui sine
conditione virili, quia nouus homo sic con-

f ij tempe-

* hominis

IN TIVIT. DOMINI.

temperatus est veteri, vt & veritatem peret generis, & vitium excluderet vetustatis. Quum igitur misericors omnipotensque saluator ita susceptionis humanæ moderatur exordia, vt virtutē inseparabilis à suo homine deitatis, per velamen nostræ infirmitatis absconderet, illusa est securi hostis astutia, qui natuitatem pueri, in salutem generis humani procreati, non aliter sibi, quām omnium nascentium putauit obnoxiam. Vedit enim vagientē atq; lachrymantem, vedit pannis inuolutum, circuncisioni subditum, & legalis sacrificij oblatione perfunctū. Agnouit deinceps solita pueritię incrementa, & usq; in viriles annos de natura libus nō dubitauit augmentis. Inter hęc intulit cōtumelias, multiplicauit iniurias, adiūcit maledicta, opprobria, blasphemias, conuitia, omnē postremo in ipsum vim furoris sui effudit. Omnia testamentorum genera percurrit, & sciens, quo humanam naturam infecisset veneno, nequaquam credidit primae transgressionis exortem, quem tot documentis didicit esse mortalem. Persticit ergo improbus prædo & auarus exactor in eum, qui nihil ipsius habebat, insurgere: & dū vitiatae originis præiudicium generale persequitur, chirographū, quo nitebatur, *excidit, ab illo iniqtatis exigens pœnam, in quo nullam reperit culpam. Soluitur itaq; letiferæ pactionis malesuada conscriptio, & per iniustitiā plus petendi, totius debiti summa vacuatur. Fortis ille nec titus suis

Lucr. 2.

*excedit,

inclusis , & omne commentum mali-
gni in caput ipsius retorquetur. Ligato mū-
di principe, captiuitatis vasa rapiuntur. Re-
dit in honorem suum ab antiquis contagīs
purgata natura; mors morte destruitur, nati-
uitas natuuitate reparatur, quoniam simul &
redemptio aufert seruitutem, & regeneratio
mutat originem , & fides iustificat peccato-
rem. Quisquis igitur Christiano nomine piē
& fideliter gloriaris, reconciliationis huius
gratiam iusto perpende iudicio . Tibi enim
quondā abiecto, tibi extruso à paradisi sedi-
bus , tibi per longa exilia morienti , tibi in
puluerem & cinerem dissoluto, cui iam non
erat spes vlla viuendi, per incarnationē ver-
bi potestas data est , vt de longinquo ad
tuum reuertaris autore, recognoscas paren-
tē, liber efficiaris ex seruo , de extraneo pr
ueharis in filium: vt qui ex corruptibili car-
ne natus es, ex Dei spiritu renascaris, & ob-
tineas per gratiā, quod non habebas per na-
turam: vt si te Dei filium per spiritum ado-
ptionis agnoueris , Deum patrem audeas
nuncupare. Malae conscientiæ reatu absolu-
tus, ad cœlestia regna suspires: voluntatem
Dei facias diuino fultus auxilio: imiteris an-
gelos super terram : immortalis substantiæ
virtute pascaris : securus aduersus inimicas
tentationes * propria libertate configelas: & *proprie-
si cœlestis militiæ sacramēta seruaueris, non tate
dubites te in castris triūphalibus regis æter-
ni pro victoria coronādum, cum te resurre-
ctio pīs parata susceperit in regni cœlestis

Humanæ
natura p
Christi
sublimata

IN **TRIVIT. DOMINA** I.

consortium prouehendum . Habentes
tantæ spei fidutiam dilectissimi, in fide, qua
fundati estis , stabiles permanete, ne idē ille
tentator, cuius iam à vobis dominationem
Christus exclusit, aliquibus vos iterū sedu-
cat insidijs, & hæc ipsa præsentis diei gau-
dia, fallaciæ suę arte corrumpat, illudēs sim-
plicioribus animis de quorundam * persua-
sione pestifera, quibus hæc dies solennitatis
nostræ, non tam de nativitate Christi, quam
de noui, vt dicūt, solis ortu honorabilis vi-
deatur. Quorū corda vastis tenebris obuo-
luta & ab omni incremento veræ lucis aliena-
na sunt , trahuntur enim adhuc stultissimis
gētilitatis erroribus. Et quia supra id, quod
carnali intuentur aspectu , nequeunt aciem
mentis erigere , ministra mundi luminaria
et in honore venerantur. Absit ab animis
Christianis impia superstitione , prodigio-
fūmq; mendaciū. Ultra omnem modum di-
stant à sempiterno temporalia , ab incorpo-
reo corporea, à dominatore subiecta. * Quæ
etsi mirandam habent pulchritudinem , ad-
orandam tamen non habent deitatem . Illa
ergo virtus, illa sapientia, illa est colēda ma-
iestas, quæ vniuersitatem mundi creauit ex
nihilo, & in quas voluit formas atq; mensu-
ras, terrenam cœlestemq; substantiā omni-
potēti ratione produxit. Sol & luna, & syde-
ra, sint commoda vtētibus, sint speciosa cer-
nentibus, sed ita , vt de illis gratiæ referan-
tur autori, & adoretur Deus , qui condidit,
nō creatura, quę seruit , Laudate igitur Deū
dile-

* presum-
tione

*Quia
Adorādus
sol⁹ Deus

ssimi in omnibus operibus eius atq*ue*
iudic*ans*. Sit in vobis indubitata credulitas
virgine*rum* integratis & partus. Reformatio-
nis humanae sacrum diuinum*que* mysterium
sancto atq*ue* syncero honorate famulatu. Am-
plectimini Christum in nostra carne nascen-
tem, vt eundem Deum glori*rum* videre mere-
amini in sua maiestate regnante*m*, Qui cum
patre & spiritu sancto manet in unitate dei-
tatis in secula seculorum, Amen.

Sermo III. in eadem solennitate.

*Vt sentiendum sit de Christi diuinitate &
humanitate, & quare eius incarnatio
tam diu dilata fuit.*

Nota quidem sunt nobis dilectissimi , &
frequenter audita , quæ ad sacramenta
pertinent solennitatis hodiernæ , sed sicut
illæsis oculis voluptatem adfert lux ista
visibilis : ita cordibus sanis æternum dat
gaudium nativitas saluatoris, quæ à nobis
nunquam est reticenda . Non enim ad illud
tantummodo sacramentum , quo filius Dei
consempernus est patri, sed etiam ad hunc
ortum, quo verbum caro factum est , credi-
mus pertinere, quod dictum est: Generatio-
nen eius quis enarrabit? Deus itaq*ue* Dei fi- *Esaia 55.*
lius, par atq*ue* eadem de patre & cū patre na-
tura , vniuersitatis creator & dominus, to-
tus ubiq*ue* presens, & vniuersa excedēs, in or-
dine temporū, quæ ipsius dispositione decur-
f iiii runt,

IN Nativit. domini

runt, hunc sibi diem, quo in salutem ex beata virgine nasceretur, elegit, integro per omnia pudore generantis. Cuius virginitas sic non est violata partu, ut non fuerat temerata conceptu, ut impleretur, sicut ait Euangelista, quod dictum est a domino per

Esaie 7.

Natura di-
uina &
humana
in vna pso-
na substi-
tit.

Esaiam prophetam: Ecce virgo concipiet in vtero, & pariet filium, & vocabitur nomen eius Emmanuel, quod interpretatur, nobiscum Deus. Hic enim mirabilis sacræ virginis partus, verè humānam, verè diuinam, vna ædedit prole naturam, quia nō ita proprietates suas tenuit vtraq; substātia, ut personarum in eis possit esse discretio: nec sic creatura in societatē sui creatoris est assumpta, ut ille habitator & illa habitaculū esset, sed ita, ut naturæ alteri altera misceretur. Et

Ioan. 14.
Ioan. 10.

Quāvis alia sit, quæ suscipitur, alia verò quæ suscipit: in tantā tamē vnitatē cōuenit vtriusq; diuersitas, ut vnum idēq; sit filius, qui se, & secundum quod verus est homo, patre dicit minorem: & secundum quod verus est Deus, patri profitetur æqualem. Hanc vnitatē dilectissimi, qua creatori creatura conseritur, intelligentiæ oculis cernere cæcitas Arriana non potuit, quę vnigenitū Dei, eiusdem cum patre gloriæ atq; substantiæ esse nō credens, minorem dixit filij deitatem, de ijs argumenta sumens, quæ ad formam sunt referenda seruilem, quam idem filius Dei, ut ostendat in se nō discretæ, neq; alterius personæ, sic cum eadē dicit: Ego & pater vnum sumus. In forma enim serui, quam nostrę re-

) para-

ionis causa in fine seculo: um suscepit,
 minor est pater: in forma autem Dei, in qua
 erat ante secula, æqualis est patri. In humili-
 tate humana factus est ex muliere, factus sub
 lege: in maiestate diuina, manens Dei ver-
 bum, per quod facta sunt omnia. Proinde
 qui in forma Dei fecit hominem, in forma
 serui factus est homo, sed vtrunque Deus de
 potentia suscipiens, vtrunque homo de
 humilitate suscepti. Tenet enim sine defectu
 proprietatem suam vtracq; natura. Et sicut
 formam serui, forma Dei non adimit: ita
 formam Dei, serui forma non minuit. Sa-
 cramentum itaque vnitæ cum infirmitate
 virtutis, propter eandem hominis natu-
 ram minorem patre dici filium sinit. Dei-
 tas autem, quæ vna est in Trinitate patris
 & filij & spiritus sancti, omnem opinionem
 inæqualitatis excludit. Nihil enim ibi habet
 æternitas temporale, nihil natura dissimile:
 vna illic voluntas est, eadem substantia, par-
 potestas, & non tres dñi, sed unus est Deus:
 quia vera & inseparabilis est vnitas, vbi
 nulla potest esse diuersitas. In integra igitur
 veri hominis perfectaq; natura, verus natus
 est Deus, totus in suis, totus in nostris. No-
 stra autem dicimus, quæ in nobis ab initio
 creator cōdidit, & quæ reparanda suscepit.
 Nā illa, quæ deceptor inuexit, & homo de-
 ceptus admisit, nullū habuerūt in saluatore
 vestigiū. Nec quia cōmunionē humanarum
 subiit infirmitatum, ideo nostrorum parti-
 ceps fuit delictorum. Assumpsit, formā ser-

Galat. 4.

Ioan. 1.

Philip. 2.

Christus
 quomodo
 maior &
 minor se
 patre.

ui sine sorde peccati, humana prouenit
uina non minuens. Exinanitio enim illa, qua
se inuisibilis visibilem praebuit, inclinatio
fuit miserationis, non defectio potestatis. Ut
ergo ad aeternam beatitudinem ab origina-
libus vinculis, & a mundanis reuocemur er-
roribus, ipse ad nos descendit, ad quem nos
non poteramus ascendere: quia et si multis
inerat amor veri, incertarum tamen opinio-
num varietas, fallentium dæmonum deci-
piebatur astutia, & falsi nominis scientia in-
diuersas compugnantēsque sententias huma-
na ignorantia trahebatur. Ad auferendum
autem hoc ludibrium, quo captiuæ mentes
superbienti diabolo seruilebant, non sufficie-
bat doctrina legalis, nec per solas cohorta-
tiones propheticas poterat natura nostra
reparari, sed abiectiæ erat veritas redemptio-
nis mortalibus institutis, & corrupta ab initio
originem nouis renasci oportebat exordijs.
Offerenda erat pro reconciliâdis hostia,
quæ esset nostri generis socia, & nostræ con-
taminationis aliena, ut hoc propositū Dei,
quo peccatum mundi in Iesu Christi placuit
natiuitate ac passione delere, ad omniū ge-
nerationum secula pertineret: nec turbarent
nos, sed potius confirmarent mysteria, pro

Fides una & eadem semp fuit.
Incarna-
tio Chri-
sti non fru-
stra dilata

temporum ratione variata, quum fides, quæ
viuimus, nulla fuerit ætate diuersa. Cessent
igitur illorum querelæ, qui impio murmure
diuinis dispensationibus obloquètes, de do-
minicæ natiuitatis tarditate causantur, tan-
quam præteritis temporibus non sit impen-
sum,

sum quod in ultima mundi ætate * est getum. Verbi incarnatio hæc contulit facienda, quæ facta, & sacramentum salutis humanæ in nulla vñquam antiquitate cessauit. Quod prædicauerunt Apostoli, hoc annunciauerunt prophetæ, nec sero est impletum, quod semper est creditū. Sapientia vero & benignitas Dei hac salutiferi operis mora, capaciores nos suæ vocationis effecit, vt quod multis signis, multis vocib⁹, multisq⁹ mysterijs per tot fuerat secula prænūciatum, in his diebus Euāgelij nō esset ambiguum: & natuītas, quæ omnia miracula, omnemq⁹ intelligentiæ erat excessura mēsurā, tanto constantiorē in nobis gigneret fidem, quanto prædicatio eius & antiquior præcessisset & crebrior. Non itaq⁹ nouo consilio Deus rebus humanis, nec sera miseratione consuluit, sed à cōstitutione mudi vnam eandemq⁹ omnibus causam salutis instituit. Gratia autem' Dei, qua semper est vniuersitas iustificata sanctorum, aucta est Christo nascente, nō cœpta. Et hoc magnæ pietatis sacramentum, quo totus iam mūdus impletus est, tam potēs etiam in suis significatiōibus fuit, vt non minus adepti sint, qui in illud credidere promissum, quam qui suscepere donatū. Vnde cū manifesta pietate dilectissimi tantæ in nobis diuinæ bonitatis effusæ sint gratiæ, quibus ad æternitatē vocandis, non solum exemplū præcedentium utilitas ministrauit, sed etiam ipsa veritas, visibilis & corporalis apparuit, non segni neque

IN Nativit. Domini

nec carnaли laetitia diem dominicę natatis celebrare debemus, quod dignè ac intelligēter fiet à singulis, si meminerit quisq; eius corporis membrum sit, & cui capit coaptatū, ne sacrę edificationi discors compago non hæreat. Considerate dilectissimi, & secundum illuminationem spiritus sancti prudenter aduertite, quis non in se suscep-
rit, & quem susceperimus in nobis. Quoniam sicut factus est dominus caro nostra nascendo: ita & nos facti sumus ipsius renascendo: Ideo & membra Christi, & tēplum sumus spūs sancti. Et ob hoc beat⁹ Apostolus dicit: Glorificate & portate Deum in corpore vestro, Qui formā nobis suę mansuetudinis & humilitatis insinuans, ea nos virtute imbut, qua remedit, ipso domino pollicente. Venite ad me omnes, qui laboratis, & onerati estis, & ego reficiam vos. Tollite iugum meū super vos, & discite à me, quia mitis sum & humili corde, & inuenientis requiem animabus vestris. Suscipiamus ergo regentis nos veritatis non graue nec asperum iugū, & simus eius humilitati similes, cuius gloriæ volumus esse conformes: ipso auxiliante & perducāte nos ad promis-
siones suas, qui secūdum magnā misericordiam suā potens est peccata nostra delere, & sua in nobis dona perficere, Iesus Christus dominus noster qui viuit & regnat in secula seculorum, Amen.

Sermo IIII. in eadem solemnitate.

Ratio-

sumq; ationem incarnationis Christi explicat,
erroresque circa eandem quorundam
bæreticorum refellit.

Emper quidem dilectissimi diuersis mo-
dis multisque mensuris humano generi
bonitas diuina consuluit, & plurima pro-
uidentiae suæ munera omnibus retro seculis
clementer impartit, sed in nouissimis tem-
poribus omnem abundantiam solitæ beni-
gnitatis excessit, quando in Christo, ipsa ad
peccatores misericordia, ipsa ad errantes ve-
ritas, ipsa ad mortuos vita descendit, ut
verbum illud coæternum & coæquale ge-
nitori in unitatem deitatis suæ naturam no-
stræ humilitatis assumeret, & Deus de Deo
natus, idem etiâ de homine nasceretur. Præ-
missum quidem hoc à constitutione mundi,
& multis significationibus rerum atq; ver-
borum semper fuerat prophetatum, sed quan-
tam hominum portionem figuræ illæ & my-
steria obumbrata saluarent, nisi longa & oc-
cultâ promissa aduentu suo Christus imple-
ret? & quod tunc paucis creditibus profuit
faciendum, innumeris iam fidelibus prodes-
set effectum. Iam ergo nos non signis, neque
imaginibus ad fidem ducimur, sed Euange-
lica historia confirmati, quod factum credi-
mus, adoram⁹, accedētibus ad eruditionem
nostram propheticis instrumentis, ut nul-
lo modo habeamus ambiguū, quod tantis
oraculis scimus esse prædictum. Hinc enim
est,

- Genes. 22.** est quod dominus Abrahæ ait: in semine tuo benedicetur omnes gentes. Hinc Dāuid promissionem Dei propheticō spiritu canit,
- Psal. 130.** dicēs: Iurauit dominus Dāuid, & nō frustrabitur eum, de fructu ventris tui ponam super sedē tuā. Hic idem dominus per Esaiā:
- Esaiā 7.** Ecce virgo, inquit, in vtero accipiet, & pariet filium, & vocabitur nomen eius Emmanuel: quod interpretatur nobiscū Deus.
- Esaiā 11.** Et iterum: Exiet virga de radice Iesse, & flos de radice eius ascēdet. In qua virga non dubiè beata virgo Maria prædicta est, quæ de Iesse & Dāuid stirpe progenita, & spiritu sancto fœcundata, nouum florem carnis humanæ, vtero quidem materno, sed partu est enixa virgineo. Exultent ergo in laudem Dei corda credētium, & mirabilia eius confiteantur filij hominum: quoniam in hoc præcipue Dei opere humilitas nostra cognoscit, quāti eam suus cōditor estimarit. Qui cum origini humanæ mūltum dederit, quod nos ad imaginem suam fecit, reparationi nostræ longè amplius tribuit, cū seruili formæ ipse se dominus coaptauit. Quāuis enim ex vna eademq; pietate sit, quicquid creaturæ creator impendit, minus tamē mirum est, hominē ad diuina proficere, quam Deum ad humana descendere. Hoc autē nisi facere dignaretur omnipotens, nulla quēquā species iustitiæ, nulla forma sapiētiæ à captiuitate diaboli, & à profundo æternæ mortis erueret. Condemnatio enim ex uno in omnes cum peccato trāsiens permaneret,

& le-

& letali vulnerè tabefacta natura, nullum remedium reperiret, quia conditionē suam suis viribus mutare non posset. Primus nāq̄ homo carnis substantiam accepit è terra, & rationali spiritu per insufflationem creantis animatus est, vt ad imaginem & similitudinem sui authoris viuens, formam Dei bonitatis atque iustitiae in splendore imitationis tanquam in speculi nitore seruaret. Quam naturae suæ speciosissimam dignitatem si per obseruantiam legis datæ perseveranter excoleret, ipsam illam terreni corporis qualitatem ad cœlestem gloriam mens incorrupta perduceret. Sed quia inuido & deceptorí temerè atque infeliciter credidit, & superbiæ cōsilijs acquiescēs, repositum honoris augmentum occupare maluit quam mereri, non solum ille homo, sed etiam uersa in illo posteritas eius audiuit: Terra es, & in terram ibis. Qualis ergo terrenus, tales & terreni: & nemo immortalis, quia nemo cœlestis. Ad hūc itaque peccati & mortis vinculis resoluendum, omnipotens filius Dei omnia implens, omnia continens, & equalis per omnia patri, & in vna ex ipso & cum ipso consempiternus essentia, naturam in se suscepit humanam, & creator ac dominus omnium rerum, dignatus est vnuſ esse mortalium, electa ſibi matre, quam fecerat: quæ ſalua integritate virginea, corporeæ eſſet tantum ministra ſubstantiæ, vt humani ſeminis ceſſante cōtagio, nouo homini & putitas ineſſet & veritas. Non ergo in Christo ex

Genes. 2.

Adam in
ſtatu inno-
centiæ po-
tuit mere-
ri.Genes. 3.
2. Cor. 15.

sto ex vtero virginis genito , quia natiuitas est mirabilis , ideo est natura dissimilis . Qui enim verus est Deus , idem verus est homo , & nullum est in vtraq; substantia mendacium . Verbū caro factū est prouectione carnis , non defectione deitatis : quæ sic potentiam suā bonitatēq; moderata est , vt & nostra suscipiendo proueheret , & sua communicando nō perderet . In hac natiuitate Chri-

Psal. 84. sti secundum prophetiam Dauid , Veritas de terra orta est , & iustitia de cœlo prospexit . In hac natiuitate etiam Esaiæ sermo

Esaiæ 45 cōpletus est dicentis : Producat terra , & germinet saluatorem , & iustitia oriatur simul . Terra enī carnis humanæ , quæ in primo fu-

Baptism⁹ erat p̄uaricatore maledicta , in hoc solo beatæ virginis partu germen ædedit benedi-
ctū , & à vitio suæ stirpis alienum . Cuius spi-
ritalē originē in regeneratione quisq; con-
sequitur , & omni homini renascenti aqua
baptismatis instar est vteri virginis , eodem
spiritu sancto replente fontem , qui repleuit
& virginem , vt peccatum , quod ibi vacua-
uit sacra conceptio , hic mystica tollat abluti-
o . Ab hoc sacramēto dilectissimi insanus

Manichæ- Manichæorum error alienus est , nec vllā ha-
borum in- bient in Christi regeneratione consortium ,
sanīa. qui eum de Maria virgine negant corpora-
liter natū : vt cuius non credūt veram nati-
uitatem , nec verā recipiāt passionē , & quem
non confitētur vere sepultum , abnuant ve-
raciter suscitatum . Ingressi enim pr̄ruptam
execrandi dogmatis viam , in qua nihil non
te tēbro-

tenebrosum, nihilq; non lubricum est, ruunt
in profunda mortis per præcipitia falcitatis:
nec aliquid solidum, cui innitantur inue-
niunt, qui propter omnia diabolici probra
commenti, in ipso præcipuo obseruantias
suæ festo, sicut proxima eorum confessione
patefactum est, vt animi, ita & corporis pol-
lutione lètantur, neq; in pudore, neq; in fide
integritatem seruantes, vt & in dogmatibus
suis impij, & in sacris inueniantur obscœni.

Aliæ hæreses dilectissimi, licet merito om-
nes in sua peruersitate dānādæ sint, habent,
tamen singulæ in aliqua sua parte, quod ve-
rum est. Arrius Dei filium minorē patre & Arrius,
creaturam esse definiens, & ab eodem inter
omnia creatum putans spiritum sanctū, ma-
gna impietate se perdidit: sed sempiternam
atque incommutabilem deitatem, quam in
trinitatis vnitate nō vidit, in patris essentia
nō negauit. Mæcedonius à lumine veritatis Macedo-
alienus diuinitatem sancti spiritus non rece- nius.
pit, sed in patre & filio vnam potentiam, &
candem cōfessus est esse naturam. Sabellius Sabellius,
in explanabili errore confusus, vnitatē sub-
stantiæ in patre & filio & spiritu sancto inse-
parabilem sentiens, quod æqualitati tribue-
re debuit, singularitati dedit. Et cum veram
trinitatem intelligere non valeret, vñā ean-
dēq; credidit sub triplici appellatione per-
sonam. Photinus mentis cæcitate deceptus, Photin^s.
in Christo verum & substantiæ nostræ con-
fessus est hominē, sed eūdem Deum dē Deo
ante omnia secula genitum esse nō credidit.

Apollina- Apollinaris tidei soliditate priuatus, filium
Dei ita veram humanæ carnis credidit iui-
cepisse naturam, vt in illa carne diceret ani-
mam non fuisse, quia vicem eius expleuerit
ipsa diuinitas. Hoc modo si omnes, quos ca-
tholica fides damnat, retractentur errores,
in alijs atq; alijs quiddam inuenitur, quod à
damnabilibus possit abiungi: In Manichæo-
rum autem scelestissimo dogmate prorsus
nihil est, quod ex villa parte possit tolerabile
iudicari. Sed vos dilectissimi, quos nullis di-
gnius quam beati Petri alloquor verbis, ge-
nus electum, rigale sacerdotium, gens san-
cta, populus acquisitionis edificati super in-
uiolabilem petram Christum, ipsiq; domino
saluatori nostro per veram susceptionem
nostræ carnis inserit, permanete stabiles in

Petr. 2. gnia fide, quam confessi estis coram multis te-
stibus, & in qua renati per aquâ & spiritum
sanctum, accepistis chrisma salutis & signa-
culum vitæ eterne. Si quis autem vobis ali-
ud annunciauerit preter id, quod didicistis,
anathema sit. Nolite impias fabulas præpo-
nere lucidissimæ veritati, & quicquid con-
tra regulam catholici & apostolici symboli
aut legere aut audire contigerit, id omnino
mortiferum & diabolicum iudicate. Non vos

Ioan. 3. seducant deceptorij artibus ficta & simula-
Galat. 1. ta ieunia, que non ad purificationem, sed ad
perditionem proficiunt animarum. Specie qui-
dem sibi pietatis & castitatis assumunt, sed
hoc dolo actuum suorum obscena circute-
gunt, & de prophani cordis penetralibus ia-
cula,

tula, quibus simplices vulneretur, emittunt Psal.10.
 vt sicut ait propheta, sagittet, in obscuro re- Fidei cō-
 atos corde. Magnum præsidium est fides in- médatio.
 tegra, fides vera, in qua nec augeri ab ullo
 quicquam, nec minui potest: quia nisi una
 est, fides non est, dicēte Apostolo: Vnus do- Ephes.4.
 minus, una fides, vnu baptismus: vnu Deus
 & pater omnium qui super omnes, & per
 omnia, & in omnibus nobis. Huic unitati
 dilectissimi inconcussis mentibus inhærete,
 & in hac omnem sectamini sanctitatem, &
 in hac præceptis domini deseruite: quia sine Hebr.12.
 fide impossibile est placere Deo. Et nihil si-
 ne illa sanctum, nihil castum, nihil viuum, Abac.1.
 Iustus enim ex fide viuit. Quam qui diabo-
 lo decipiente perdiderit, viuens mortuus
 est. Quia sicut per fidem iustitia, ita etiam
 per fidem veram vita obtinetur æterna, li-
 cente domino saluatore: Hæc est autem vi- Ioan.17.
 ta æterna, vt cognoscant te solum verum
 Deum, & quem misisti Iesum Christum. Qui
 vos proficere & perseverare faciat usque in
 finem, qui viuit & regnat cum patre & spi-
 ritu sancto in seculorum, Amen.

Sermo V. in eadem solennitate.

Humanitas Christi ut fuerit ad credendum difi-
 fícilis, déque stulta sapientia mundi, quidq[ue]
 obedientia & humilitas Christi no-
 bis attulerint.

Quamuis dilectissimi ineffabilis sit nativitas domini nostri Iesu Christi in qua se naturae nostrae carne vestiuit, audeo tamen non de facultate mea, sed de ipsius inspiratione presumere, ut in die, qui in sacramentum humanae restorationis electus est, aliquid a nobis, quod audientes posset edificare, promatur. Non enim quia maior pars Ecclesie Dei, quod credit, intelligit, ideo necessarium non est, etiam quae dicta sunt dicere, cum utique nunc multis ad fidem primum venientibus, oris nostri officium debeamus, meliusque sit doctos onerare iam notis, quam rudes fraudare descendis. Quod ergo filius Dei, qui cum patre & spiritu sancto non unius personae, sed unius essentiae est, dignatus est humanitatis nostrae particeps fieri, & unus possibilium, unus voluit esse mortaliū, tam sacram tamque mirabile est, ut ratio diuini consilij sapientibus mundi patere non possit,

fidei diffidunt cultas.

Matth. 7. nisi humanae ignorantiae tenebras lux vera discusserit. Non enim in solo opere virtutum, aut in sola obseruantia mandatorum, sed etiam in tramine fidei angusta & ardua via est, quae dicit ad vitam, & magni laboris est magnique discriminis, inter dubias imperitorum opiniones & verisimiles falsitates per unam sanae doctrinæ semitam inoffensis gressibus ambulare, & cum vndeque se laqueo erroribus opponant, omne periculum deceptionis evadere. Quis autem ad haec idoneus, nisi qui spiritu Dei & docetur & regitur? dicente Apostolo: Nos autem non spiritum huius mun-

mundi accepimus, sed spiritum, qui ex Deo est, ut sciamus, quæ à Deo donata sunt nobis: Canente etiam Dauid : Beatus homo, Psal. 93.
quem tu erudieris domine, & de lege tua docueris eum . Habentes itaq; dilectissimi inter pericula erroris præsidia veritatis , & non humanæ sapientiæ verbis, sed doctrina spiritus sancti erudit, quod didicim⁹, credimus: quod credimus, prædicamus, Dei filiū Deum ante secula genitū, & patri sempiterna & cōsubstantiali æqualitate coæternum venisse in hunc mundum per vterum virginis, in hoc sacramentum pietatis electæ , in qua & ex qua ædificauit sibi sapientia dominum, & formam sibi serui in similitudinem carnis peccati, incommutabilis verbi deitas coaptauit, in nullo apud se & patrē & spiritum sanctū minor gloria sua, quia diminutionē & varietatē summæ & æternæ essentiæ natura nō recipit. Propter nostrā autem infirmitatē extenuauit se in capacibus sui, & velamine corporis splendorē maiestatis suæ, quem visus hominum non ferebat, obtexit. Vnde etiā exinanisse se dicitur , tāquā se propria virtute euacuauerit, dū in ea humilitate, qua nobis consuluit, non solū patre, sed etiam se ipso factus est inferior. Nec aliquid illi hac inclinatione decessit: cui cū patre & spiritu sancto, hoc quod est , cōmune est, ut hoc ipsum intelligamus ad omnipotentiam pertinere, quod qui secundū nostra minor est , secundum propria minor non est. Quia enim lux ad obsecatos, virtus

Roma.8.

Philip.2.

g ij ad im-

IN ~~AN~~ IVIT. DOMIN

ad imbecilles, misericordia respexit ad infimos, de magna factum est potestate, ut Dei filius substantiam humanam causamque suscepit, qui & nostram naturam, quam condidit, reformaret: & mortem, quam non fecit, aboleret. Repudiatis igitur longeque abiectis omnibus opinionibus impiorum, quibus aut stultitia est crux Christi aut scandalum, exultet rectarum mentium fides, & verum unumque Dei filium, non solum secundum deitatem, qua a patre genitus, sed etiam secundum humanitatem, qua de matre virgine est natus, intelligat. Ipse enim in humanitate nostra, qui est in maiestate diuina, verus homo & verus Deus, sempiternus in suis, temporalis in nostris: unum cum patre in substantia, quae nunquam fuit minor patre:

Cum cum matre in corpore, quod creauit. In assumptione enim naturae nostrae nobis factus est gradus, quo ad ipsam per ipsum possimus ascendere. Nam illa essentia, quae semper ubique tota est, locali descensione non egredit, & tam ei proprium fuit, totam homini inferi, quam ei proprium est, totam a patre non diuidi. Manet ergo, quod in principio erat verbum, & non est ei accidens, ut quod est aliquando non fuerit. Sempiterne enim filius, filius est, & sempiterne pater, pater est.

Ioan.14. Vnde cum ipse filius dicat. : Qui videt me, videt & patrem: excœcauit te o heretice impietas tua, ut qui maiestate filij non vidiisti, patris gloria non videres: dicendo enim genitum esse, qui non erat, filium afferis temporale: & dum

1. Cor. 2.

Diuinitas
Christi.

Ioan.14.

& dum filium afferis temporalem, credidi-
sti patrem esse mutabilem. Mutabile enim
est, nō solū quod minuitur, sed etiam quic-
quid augetur, & si ideo patri impar est geni-
tus, quia ut tibi videtur, generando eū, qui
non erat, genuit, imperfecta erat etiā gene-
rantis essentia, quae ad habēdum, quod non
habuit, generando proficit. Sed hāc impiam
peruersitatem tuam fides catholica execra-
tur & dānat, quae in deitate vera nihil tem-
poralitatis agnoscit, sed vnius sempiterni-
tatis & patrem cōfitetur & filiū, quia splen-
dor ex luce ortus, nō est luce posterior. Et
lux vera, nunquā est sui splendoris indiga-
sic substantiale semper habens fulgere, sicut
substantiale semper habet existere. Huius au-
tem splendoris manifestatio, missio, dicitur,
qua Christus mundo apparuit: & cum om-
nia inuisibili maiestate sua semper impleret,
tamen quasi de remotissimo altissimōq; se-
creto, ijs quibus erat ignotus, aduenit, cum
cæcitatem ignoratiæ sustulit, sicut scriptum
est: Sedentibus in tenebris & in umbra mor- Esaiae 9.
tis lux orta est eis. Quamuis enim etiā prio-
ribus seculis ad illuminationem sanctorum
patrum & prophetarum lumen veritatis
emissum sit, dicente Dauid : Emitte lucem Psal. 42.
tuā & veritatem tuā: & diuersis modis mul-
tisq; signis opera præsentiaæ suæ deitas filij
declarauit, omnes tamen illæ significationes
cunctaæ miracula, testimonia fuerunt istius
missionis, de qua dicit Apostolus: Cum er- Galat. 4.
go venit plenitudo temporis, misit Deus fi-

IN Nativit. Domini.

lium suum, natum ex muliere, factum suo
lege. Quid vero hoc est, nisi verbum carnem
fieri? conditorem mundi per uterum virginis
nasci? dominum maiestatis, humanis se
coaptare primordijs? licet conceptui spiri-
tuali nulla sint terreni seminis mixta conta-
gia, ad suscipiendum tamen verę carnis sub-
stantiam, solam sumpsit de matre naturam?

Filius minor patre. Hac missione, qua Deus unitus est homini,
filius impar est patri, non in eo, quod ex pa-
tre, sed in eo, quod est factus ex homine.
Æqualitatem enim inuiolabilem, quam ha-
bet deitas, non corruptit humanitas: &
creatoris ad creaturam descensio, credētium
est ad æterna prouectio. Nam quia, sicut ait

2. Cor. 1. Apostolus: In sapientia Dei non cognouit
mundus per sapientiam Deum: placuit Deo

Sapientia mundi.
stultitiam prædicationis saluos facere
credentes. Mundo ergo, id est, prudentibus
mundi, sapientia sua cæcitas facta est, nec
potuerunt per illam cognoscere Deum, ad
cuius notitiam non nisi in sapientia eius ac-
ceditur. Et ideo, quia mundus de vanitate
suorum dogmatum superbiebat, in eo con-
stituit dominus saluandorum fidem, quod
& indignum videretur & stultum, vt & de-
ficientibus omnibus opinionū præsumpti-
onibus, sola Dei gratia reuelaret, quod com-
prehendere humana intelligentia non vale-
ret. Agnoscat igitur catholica fides in humi-
litate domini gloriam suam, & de salutis
suæ sacramentis gaudeat Ecclesia, qui corp⁹
est Christi, quia nisi verbum Dei caro fieret
& ha-

& habita et in nobis, nisi in communionem
creaturæ creator ipse descenderet, & vetu-
statem humanā ad nouū principium sua na-
tiuitate reuocaret, regnaret mors ab Adam Rom. 5.
vscq; in finē, & super homines condemnatio
insolubilis permaneret, cum de sola condi-
tione nascēdi, vna cūctis esset causa pereun-
di. Solus itaq; inter filios hominum dñs Ie-
sus innocens natus est, quia solus sine carna-
lis concupiscentiæ pollutione conceptus.
Factus est homo nostri generis, vt nos diui-
næ naturæ possimus esse cōfortes. Originē,
quam sumplit in vtero virginis, posuit in
fonte baptismatis. Dedit aquæ, quod dedit
matri. Virtus enim altissimi & obumbratio
spiritus sancti, quæ fecit, vt Maria pareret
saluatorem, eadem fecit, vt regeneret vnda
credentē. Quid enī sanādis ægris, illuminan-
dis cæcis, viuificantis mortuis aptius fuit,
q; vt superbiæ vulnera, humilitatis remedij
curarentur? Adam præcepta Dei negligens,
peccati induxit damnationem: Iesus factus
sub lege, reddidit iustitiæ libertatē. Ille dia-
bolo obtēperans vscq; ad præuaricationem,
meruit vt in ipso oēs morerentur: hic patri
obediēs vscq; ad crucem, fecit vt in ipso om-
nes viuificantur. Ille cupidus honoris an-
gelici, naturæ suæ perdidit dignitatē: hic in-
firmitatis nostræ suscipiens conditionem,
propter quos ad inferna descendit, eosdem
in cœlestibus collocavit. Postremo, illi per
elationem lapsō dictum est: Terra es, &
in terram ibis; huic per subiectionē exaltato

Lucæ 1.

Christi
obediētia
& humili-
litas.
Adæ ino-
bedientia
& super-
bia.

IN NATIVIT. DOMINI.

- Psal.109. dictum est : Sede à dextris meis donec ponā
inimicos tuos scabellum pedum tuorum.
Hæc domini nostri opera dilectissimi , non
solū sacramento nobis vtilia sunt, sed etiam
imitationis exemplo , si in disciplinam ipsa
remedia transferātur, quodq; impensum est
mysterijs, proſit & moribus : vt memineri-
mus , nobis in humilitate & mansuetudine
redemptoris nostri esse viuendum, quoniam
ſicut ait Apostolus: Si cōpatimur, & conre-
gnabimus . Frustra enim appellamur Chri-
ſtiani, ſi imitatores non ſimus Christi , qui
ideo ſe viam dixit eſſe, vt cōuersatio magi-
ſtri, forma eſſet discipuli , & illam humilita-
tem eligeret ſeruus , quam ſectatus eſt do-
minus. Qui viuit & regnat in ſecula ſeculo-
rum, Amen.
- Rom.8.
- Ioan.14.

Sermo VI. in eadem ſolennitate.

Filius Dei quare factus ſit filius hominis, &
opera bona quid proſint.

O Mnibus quidem diebus dilectissimi atq;
temporibus , animis fidelium diuina
meditantum , domini & ſaluatoris nostri
ex matre virgine ortus occurrit , vt mens
ad confessionem ſui autoris erēcta , ſiue
in gemitu supplicationis , ſiue in exultati-
one laudis , ſiue in sacrificij oblatione ver-
ſetur, nihil crebrius , nihilque magis fiden-
ter ſpirituali attingat intuitu, quā quod Deus
Dei filius, genitus de patre coæterno , idem
etiam

etiam partu est natus humano. Sed hanc adorandam in cœlo & in terra natuitatem nullus nobis dies magis quàm hodiernus insinuat, & noua etiam in elementis luce radiante, totam sensibus nostris mirabilis sacramenti ingerit claritatem. Non solum enim in memoriam, sed in cōspectum quodammodo redit angeli Gabrielis cum Maria stupente colloquium, & conceptione de spirito sancto tam mirè promissa quam credita, autor mundi æditus est vtero virginali. Et qui omnes naturas condidit, eius est factus filius quam creauit. Hodie verbum Dei carne apparuit vestitum, & quod nunq̄ fuit humanis oculis visibile, cœpit etiā manibus esse tractabile. Hodie genitum in nostræ carnis animæq; substantia saluatorem angelicis vocibus didicere pastores, & apud dominorum præsules gregum hodie euangelizandi forma præcondita est, vt nos quoque cum cœlestis militiæ dicamus exercitu: Gloria in excelsis Deo, & in terra pax hominibus bonæ voluntatis. Quamuis igitur illa infantia, quam filij Dei non est dignata maiestas, in virum perfectum ætatis adiectione prouecta sit, & consummato passionis & resurrectionis triūpho, omnes suscepτæ pro nobis humilitatis transierint actiones, renouat tamen nobis hodierna Festiuitas nati Iesu ex Maria virgine sacra primordia, & dum saluatoris nostri adoramus ortū, inueniuntur nos nostrū celebrare principium. Generatio enim Christi, origo est populi

Festorum
celebran-
dorū ra-
tio.

Lucæ 2.

IN NATIVIT. DOMINI.

populi Christiani, & natalis capit is, natalis est corporis . Habeat licet singuli quicq; vocatorum ordinem suum, & omnes Ecclesiæ filij temporū sint successione distincti, vniuersa tamen summa fidelium, fonte orta baptismatis , sicut cū Christo in passione crucifixi , in resurrectione resuscitati, in ascensione ad dexteram patris collocati , ita cum ipso sumus in hac nativitate cōgeniti. Quicquid enim hominum, in quacunque mundi parte credentium , regeneratur in Christo: interciso originalis tramite vetustatis, transit in nouum hominem renascendo, nec iam in propagine habetur carnalis patris , sed in germine saluatoris, qui ideo filius hominis est factus, vt nos filij Dei esse possimus. Nisi enim ille ad nos hac humilitate descendens, nemo ad illum ullis suis meritis perueniret. Nihil hic vocatorum cordibus caliginis inferat terrena sapientia , nec se contra altitudinē gratiæ Dei, mox in ima redditurus terrenarū cogitationum puluis attollat. Impletū est in fine seculorum , quod erat ante tempora æterna dispositū, & sub præsentia rerum, signis cessantibus figurarum , lex & prophetiæ veritas facta est, vt Abraham fieret omnium gentium pater , & in semine eius daretur mundo promissa benedictio, ne ī tantum essent Israel , quos sanguis & caro genuisset, sed in possessionē h̄ereditatis fidei filijs præparatæ, vniuersitas adoptionis intraret. Nec obstrepāt ineptarū calunię quæstionum, nec effectus diuini operis , ratiocinatio

natio humana discutiat. Nos cum Abraham Rom. 4.
 credimus Deo , nec hæsitamus diffidentia,
 sed plenissimè scimus , quoniam quod pro-
 misit dñs, potens est & facere . Nascitur ergo
 non de carnis semine dilectissimi, sed de
 spiritu sancto saluator, quē primę transgres-
 sionis condemnatio non teneret , vnde ipsa
 collati munera magnitudo dignam à nobis
 exigit suo spléodore reuerentiam. Ideo enim,
 sicut beatus Apostolus docet, non spiritum 1. Cor. 2.
 huius mundi accepimus , sed spiritum , qui
 ex Deo est: vt sciamus , quæ à Deo donata
 sunt nobis: qui non aliter piè colitur, nisi id
 ei, quod ipse tribuit, offeratur. Quid enim in
 thesauro dominicæ largitatis ad honorem
 præsentis festi tam congruum possumus in-
 uenire, quam pacé, quæ in natuitate domini
 prima est angelico prædicata concentu? Ipsi Pacis cō-
 enim est, quæ parit filios Dei, nutrix dilecti- mēdatio.
 onis, & genitrix vnitatis : requies beatorū,
 & æternitatis habitaculum, cuius hoc opus
 proprium spiritale beneficium est , vt iungat
 Deo, quos secernit de mundo. Vnde Apo-
 stolus ad hoc bonū nos incitat dicens: Iusti- Rom. 5.
 ficiati ergo ex fide pacé habeamus ad Deum,
 cuius sententiæ bræuitate, omniū ferè man-
 datorum continetur effectus: quia ubi fu-
 erit veritas pacis , nihil ibi potest deesse vir-
 tutis. Quid est autem dilectissimi, pacem ha-
 bere ad Deum, nisi velle quod iubet, & nol-
 le quod prohibet ? Si enī humanæ amicitiæ
 pares animos & similes expetunt voluntas,
 nec vñquā diuersitas morum ad firmam
 potest

Pax cum
Deo qua-
lis sit.

poteſt venire cōcordiam: quōmōdū diuinā
particeps erit pacis, cui ea placent, quae Deo
displacent, & ihs appetit delectari, quibus il-
lum nouit offendī? Non eſt iſte animus filio-
rum Dei, nec talem sapientiam recipit ad-
optiua nobilitas. Genus electus & regium,
regenerationis ſuæ respōdeat dignitati. Di-
ligat, quod diligit pater, & in nullo ab auto-
re ſuo diſſentiat, ne iterum dicat Dominus:
Filios genui & exaltaui, iſfi autem spreue-
runt me. Agnouit bos poffefforem ſuum, &
aſinus præſepe domini ſui: Iſrael autē me nō
cognouit, & populus meus me non intelle-
xit. Magnum eſt dilectiſſimi huius muneriſ
ſacramenṭū, & omnia dona excedit hoc do-
num, vt Deus hominem vocet filium, & ho-
mo Deum nominet patrē. Per has enim ap-
pellationes ſentitur & diſcitur, quis ad tan-
tam altitudinem ascēdat affectus. Nam si in
progenie carnali & stirpe terrena claris pa-
rentibus genitos vitia malæ conuerſationis
obſcurant, & ipſo maiorum ſuorum lumine
ſoboles indigna confunditur: in quem exi-
tum venient, qui propter amore mundi
à generatione Chriſti non metuunt abdi-
ca-

Opera bo- ri? Si autem ad humanam. pertinet laudem,
na neceſ- vt patrum decus in prole resplēdeat, quan-
ſaria filiis to magis gloriosum eſt, ex Deo natos in au-
Dei. toris ſui imaginem refulgere? & illum in ſe,
qui illos generauit, ostendere, dicente domi-
no: Sic luceat lux veftra coram hominibus.

Matth. 5. vt videant opera veftra bona, & glorificant
patrem veftrum, qui in cœlis eſt. Scimus
qui-

quidem, quod sicut Ioannes Apostolus dicit: Totus mundus in maligno positus est: & 1.Ioan. 5. insidiante diabolo & angelis eius, hoc innumeris temptationibus laboratur, ut hominem ad superna nitentem aut aduersa terreant, aut secunda corrumpant: sed maior est, qui in nobis est, quā qui aduersum nos est: & pacem cum Deo habentibus, ac semper patri cum toto corde dicētibus: Fiat voluntas tua: nulla præualere certamina, nulli possunt nocere cōflictus. Accusantes enim nosmetipos confessionibus nostris, & consensum animi carnis concupiscentijs denegantes, inimicitias quidem aduersum nos eius, qui peccati autor est, commouemus, sed inexpugnabilem cum Deo pacem, gratiæ ipsius seruiendo firmamus, ut regi nostro non solū obedientia subiçiamur, sed etiam iudicio copulemur. Quoniam si in eadē sententia sumus, si quod vult, volum⁹, & quod improbat, imprōbam⁹, ipse iā pro nobis omnia bella conficiet, ipse qui dedit velle donabit & posse, ut scimus cooperatores operum eius, & propheticū illud, cū fidei exultatione dicamus: Dominus illuminatio mea & salus mea, quem timebo? Dominus defensor vitæ meæ, à quo trepidabo? Qui ergo nō ex sanguinibus, neq; ex volūtate carnis, neq; ex voluntate viri, sed ex Deo nati sunt, offrant patri pacificorum concordiam filiorū, & in primogenitum nouæ creaturæ, qui venit non suam, sed mittentis facere voluntatem, vniuersa adoptionis membra concurrant:

Matt.6.

Coope-
ratores
dei sum⁹.

Psal.26.

Ioan.1.

IN NATIVIT. DOMINI.

currant : quoniam gratia patris non discordes , neq; dissimiles , sed vnum sentientes , vnumq; amantes , adoptauit hæredes. Ad vnam reformatos imaginem oportet animum habere conformem . Natalis domini,

Ephes. 2.

natalis est pacis. Sic enim ait Apostolus: Ille est pax nostra, qui fecit vtraq; vnum , quoniam siue Iudæus siue gætilis, per ipsum habemus accessum in uno spiritu ad patrem: qui ante passionis diem, voluntaria dispositione

Ioan. 14.

præelectū, discipulos suos hac præcipuè doctrina sua informauit, ut diceret: Pacem meam do vobis, pacem meam relinquo vobis. Et ne sub nomine generali, pacis sue qualitas latet, adiecit: non quemadmodum mundus dat, ego do vobis. Non habet, inquit, mundus amicitias veras , & multos fecit peruerso

Pax mun
di qualis.

gnignit affectuum. Et si quidam forsitan repellantur , quibus prava & inhonesta non placeant, quique illicitas consensiones à fœdere suæ charitatis excludant : tamē etiam tales, si vel Iudei sint, vel heretici, vel pagani, non de amicitia Dei, sed de pace sunt mundi. Pax autem spiritualium & catholicorum, à supernis veniens, & ad superna perducēs, cū amatoribus mundi nulla nos vult communione misceri, sed omnibus obstaculis resistere, & ad vera gaudia à pernitiosis delectationibus euolare, dicente domino: Vbi fuerit thesaurus tuus , ibi est & cor tuum . Hoc est,

Matth. 6.

si deorsum sunt, quæ amas , ad ima descendes: si

des: si sicutum sunt, quæ diligis, ad summa
peruenies. Quo nos vnum volentes, vnum
sentiētes, & in fide ac spe & in charitate con-
cordes, spiritus pacis agat atque perducat:
quoniam quicunque spiritu Dei aguntur, h̄i
filii sunt Dei, qui regnat cum filio & spiritu
sancto in secula seculorum, Amen.

Sermo V I I. in eadem solennitate.

*Duarum naturarum in Christo rationem ex-
plicat, & quatenus creaturis utendum.*

FEstivitatis hodiernæ dilectissimi verus
venerator est & pius cultor, qui nec de
incarnatione domini aliquid falsum, nec de
deitate aliquid sentit indignum. Paris enim
periculi malum est, si illi aut naturæ nostræ
veritas, aut paternæ gloriæ negatur æqua-
litas. Cum ergo ad intelligendum sacramen-
tum nativitatis Christi, qua de matre vir-
gine est ortus, accedimus: abigatur procul
terrenarum caligo rationum, & ab * illumi- * illumi-
nato fidei oculo mundanæ sapientiæ fumus natae
abscedat. Diuina est enim autoritas, qui cre-
dimus: Diuina est doctrina, quā sequimur.
Quoniam siue legis testificationi, siue oracu-
lis prophetarū, siue Euangelicæ tubæ, inter-
riorem admoueamus auditum, verum est,
quod Ioannes plen' spiritu sancto intonuit:
In principio erat verbum, & verbum erat Ioan. 1.
apud Deū, & Deus erat verbū. Hoc erat in
principio apud Deū. Omnia per ipsum facta
h sunt,

IN NATIVIT. DOMINI.

Naturæ
duæ in
Christo.

Ioan.14.
Ioan.10.

sunt, & sine ipso factum est nihil. Et simili-
ter verum est, quod idem prædictor adiecit:
Verbum caro factum est, & habitauit in no-
bis: & vidimus gloriam eius, gloriam qua-
si vnigeniti à patre. In utraque ergo natura
idem est DEI filius, nostra suscipiens, &
propria non amittens. In homine homi-
nem renouans, in se incommutabilis per-
seuerans. Deitas enim, quæ illi cum patre
communis est, nullum detrimentum omni-
potentiae subiit, nec Deiformam serui for-
ma violauit: quia summa & sempiterna es-
sentia, quæ se ad humani generis inclinauit
salutem, nos quidem in suam gloriam tran-
stulit, sed quod erat, esse non destitit. Vnde
cum vnigenitus Dei minorem se patre con-
fitetur, cui se dicit æqualem, veritatem in se
formæ utriusq; demonstrat, ut & humanam
probet imparilis, & diuinam declarat
equalitas. Maiestati igitur filij Dei, corporeæ
natiuitas nihil abstulit, nihil contulit: quia

Caro pro
toto ho-
mine su-
mitur.
Christus
intempo-
raliter de
essentia
patris ge-
nitus, &
tempora-
liter de v-
tero virgi-
nis natus.
Aliter enim ab æternæ mortis vinculis non

posse-

poteremus absoluī, nisi in nostris fieret humi-
 lis, qui omnipotens permanebat in suis.
 Nascēs itaq; dominus noster Iesu Christus
 homo verus, qui nūquam destitit esse Deus
 verus, nouæ creaturæ in se fecit exordium,
 & in ortu sui forma dedit humano generi
 spiritale principium, vt ad carnalis genera-
 tionis abolenda contagia, esset regenerādis
 origo sine semine criminis, de quibus dici-
 tur: Qui non ex sanguinibus, neq; ex volun-
 tate carnis, neque ex voluntate viri, sed ex
 Deo nati sunt. Quæ hoc sacramentum mens
 comprehendere, quæ hanc gratiā valet lin-
 gua narrare? Redit in innocentia iniquitas,
 & in nouitatem vetustas: in adoptionē ve-
 niunt alieni, & in hæreditatem ingrediūtur
 extranei. De impijs iusti, de auaris benigni,
 de incōtinētibus casti, de terrenis incipiunt
 esse cœlestes. Quę autem est ista mutatio, ni-
 si dextræ excelsi? Quoniam venit filius Dei
 dissoluere opera diaboli: & ita se nobis, nos
 quoq; inseruit sibi, vt Dei ad humana descen-
 sio, fieret hominis ad diuina prouectio. In
 hac autē dilectissimi misericordia Dei, cuius
 erga nos magnitudinē explicare non vale-
 mus, multa sollicitudine præcauendum est
 Christianis, ne diabolicis iterum capiantur
 insidij, & eisdē rursus, quibus renūciauerat,
 erroribus implicentur: Nō enim desinit ho-
 stis antiquus, transfigurās se in angelū lucis
 deceptionum laqueos vbiq; prætendere, &
 vt quoquo modo fidem credentium cor-
 rumpat, instare. Nouit, cui adhibeat æstus
 h̄j cupi-

Ioan.1.

1.Ioan.3.

2. Cor.11.

IN NATIVIT. DOMINI.

Diaboli
astus &
infidæ.

cupiditatis, cui illecebras gulæ ingerat, cui apponat incitamenta luxuriæ, cui infundat virus inuidiæ. Noluit, quæ mœrore conturbet, quem gaudio fallat, quem metu opprimat, quem admiratione seducat. Omnium discutit consuetudinem, vétilat curas, scrutatur affectus: & ibi causas quærerit nocendi, vbi quæc̄ viderit studiosius occupari. Habet etenim multos ex eis, quos tenacius obligavit, aptos suis artibus, quorū ad alios decipiēdos & ingenīs vtatur & līguis. Per istos remedia egreditudinum, indicia futurorū, placentes dæmonum, & depulsiones promittuntur vmbrae. Adduntur & illi, qui totam humanæ vitæ conditionē de stellarum pendere effectibus mentiuntur, & quod est aut diuinæ voluntatis aut nostræ, indeclinabilium dicunt esse fatorum. Quæ tamen

Fatorum
obserua-
tio & so-
lis venera-
tio super-
stitionis.

vt cumulatius noceant, spondent posse mutari, si illis, quæ aduersantur syderibus supplicetur. Vnde commentum impium sua ratione destruitur, quia si prædicta non permanent, non sunt fata metuenda: si permanent, non sunt astra veneranda. De talibus institutis etiam illa generatur impietas, ut sol inchoatione diurnæ lucis exurgens, à quibusdā insipientioribus de locis eminentioribus adoretur: quod nonnulli etiā Christiani adeò se religiosè facere putant, vt priusquam ad beati Petri Apostoli Basilicam quæ vni Deo viuo & vero est dedicata perueniant, superatis gradibus, quibus ad suggestum aræ superioris ascenditur, conuerso

cor-

corpore ad nascentem se solem reflectant,

& curuatis ceruicibus, in honorem se splendi
didi orbis inclinent. Quod fieri partim igno-
rantię vitio, partim paganitatis spiritu, mul-
tum tabescimus & dolemus. Quia et si qui-
dam fortè creatorē potius pulchri luminis,
quā ipsum lumē, quod est creatura, veneran-
tur: abstinentēdum tamen est ab ipsa huiusmo-
di specie officij, quam cū in nostris inuenit,
qui Deorum cultum reliquit, nonne hanc
secum partem opinionis vetustae tanquam
probabilē retentabit, quā Christianis & im-
pijs videret esse communem? A bīciatur
ergo à consuetudine fidelium dānanda per-
uersitas, nec honor vni Deo debitus, eorum
ritibus, qui creaturis deseruiunt, misceatur.
Dicit enī scriptura diuina: Dominū Deum Matth. 4.
tuum adorabis, & illi soli seruies. Et beatus
Iob, Homo sine querela, vt ait Dominus, & Iob 31.
continens se ab omni re mala. Nunquid vidi Sol.
inquit, solem, cum fulgeret, & lunam ince- Luna.
dentem clarē & lætatum est cor meū in ab-
scondito? Et osculatus sum manum meam,
quæ est iniquitas maxima, & negatio con-
tra Deum altissimum. Quid autem est sol,
vel quid est luna, nisi visibilis creaturæ &
corporeæ lucis elementa? quorū vnū est ma-
ioris claritatis, & aliud minoris est luminis.
Sicut enī alia diurna, alia nocturna sunt té-
pora: ita diuersam in luminaribus qualitatē
creator instituit, cū tamen prius, quam hæc
fuerint, & dies sine solis officio, & no-
ctes sine lunæ ministerio præcessissent. Sed

IN NATIVIT. DOMINI.

conditā sunt ista ad faciendam hominis utilitatē, ut rationale animal, nec in distinctione mensium, nec in recurso annorū, nec in dinumeratione temporum falleretur, cum per ⁺ inæqualium horarum impares moras & dissimilium ortuum signa manifesta, & annos sol concluderet, & menses luna regnaret. Quarto namque, vt legimus, die, dixit

Genes.1. Deus: Fiant luminaria in firmamento cœli, & luceant super terram, & diuidant inter diem & noctem, & sint in signa & tempora, & dies & annos: & sint in firmamento cœli, vt luceant super terram. Experciscere omnis homo, & dignitatem tuæ cognosce naturę. Recordare te factum ad imaginem Dei: quæ etsi in Adam corrupta, in Christo tamen est reformata. Vtene quomodo vtendum est visibili-

Ibidem

Elemen-
tis huius
mundi
vtendum.

Ioan.1.

bus creaturis, sicut vteris terra, mari, cœlo, aere, fontibus, atque fluminibus, & quicquid in eis pulchrū atque mirabile est, refer ad laudem & gloriam conditoris. Noli esse deditus illi lumini, quo volucres & serpentes, quo bestiæ & pecudes, quo muscæ delectantur & vermes. Lucem corporeā sensu tangere corporeo, & toto mentis affectu illud verum lumen amplectere, quod illuminat omnem hominem venientem in hunc mundum,

Psal 33. & de quo dicit Propheta: Accedite ad eum, & illuminamini, & vultus vestri nō erubescant.

1. Cor.3. Si enim templum Dei sumus, & spiritus Dei habitat in nobis, plus est, quod fidelis quisque habet in sua anima, quam quod miratur in cœlo. Non utique vobis dilectis-

simi

Si mihi hoc autem indicimus aut suademus, ut despiciatis opera Dei, aut contrarium aliquid fidei vestrae in Iesu, quem Deus bonus bona condidit, aestimat, sed ut omni creaturarum specie, & universo huius mundi, ornatu rationabiliter & temporanter videntur. Quae enim videtur, sicut ait Apostolus, temporalia sunt: quae autem non videntur, æterna sunt. Unde quia ad presentia sumus nati, ad futura autem renati, non temporalibus bonis dedit, sed æternis sumus intenti. Ut & spem nostram possimus proprius intueri, in ipso sacramento natalis domini cogitemus, quid naturæ nostræ gratia diuina contulerit. Audiamus Apostolum dicentem: Mortui enim estis, & vita vestra abscondita est cum Christo in Deo. Cum autem Christus apparuerit vita vestra, tunc & vos apparebitis cum ipso in gloria. Qui viuit & regnat cum patre & spiritu sancto per omnia secula seculorum, Amen.

Sermo VIII. in eadem solennitate.

*Incarnationis Christi modum, necessitatemque
& hereticorum circa eandem diuersorum
mendacia expendit.*

Cum semper nos dilectissimi gaudere in domino, omnia diuina eloquia exhortentur, hodie procul dubio ad spiritalem laetitiam copiosius incitamus, nativitatis dominicae sacramento nobis clarus coruscante, ut recurretes ad illam diuinæ misericordiae ineffabilem inclinationem, qua cre-
b. iiiij ator

NATIVIT. DOMINI.

* terra.

ator hominū homo fieri dignatus est, in ipsius nos inueniamur natura, quē adoramus in * nostra. Deus enim Dei filius, de sempiterno & ingenito patre vnigenitus, sempiternus manēs in forma Dei, & incōmutabiliter atq; intemporaliter habēs nō aliud esse quā pater, formam serui sine suæ detrimen-to maiestatis accepit, vt in sua nos proueheret, non ipse in nostra deficeret. Vnde utriq; naturæ in suis proprietatibus permanenti, tāta est vnitatis facta cōmunio, vt quicquid ibi est Dei, nō sit ab humanitate disiūctum: quicquid autem est hominis, non sit à deitate diuisum. Celebrātes igitur dilectissimi natalē diem domini saluatoris, partum beatæ virginis integre cogitemus, vt carni animæq; cōceptæ virtutē verbi nullo temporis p̄ncto defuisse credamus, nec prius formatum atq; animatum templū corporis Christi, quod sibi superueniens vendicaret habitator, sed ipsum & in ipso, nouō homini datum esse principium, vt in vno Dei atq; hominis filio, & sine matre Deitas, & sine patre esset humanitas. Simul enim per spiritū sanctum fœcundata virginitas, sine corruptiōis vestigio ædidiit, & sui generis sobolē, & suæ stirpis autorē. Vnde & idē dominus, sicut Euanglista commemorat, quæsuit à Iudeis, cuius filium Christum scripturarum autoritate didicissent, & eisdem respondentibus, quod ex Dauid venturus semine tra-deretur: Quomodo, inquit, illum domi-num suum Dauid in spiritu vocat, dicens:

Dixit

Corpus
Christi
non prius
formatū
quam ani
matum.

Mat.22.

Psal.109.

Dixit dominus domino meo sede à dextris
meis, donec ponam inimicos tuos scabellū
pedum tuorū? Nec potuerunt ludēi propo-
sitā soluere quēstionē, quia nō intelligebant
in vno Christo , & progeniem Dauidicam,
& naturam prophetatam esse diuinā. Ma-
iestas autem filij Dei æqualis patri, vesti-
ens se humilitate seruili , nec metuebat mi-
nui , nec indigebat augeri: ipsumq; effe-
ctū misericordiæ suæ, quem restitutiōni im-
pendebat humanæ, sola exequi poterat vir-
tute deitatis , vt creaturam ad imaginē Dei Genes.1.
conditā, à iugo diræ dominationis erueret.
Sed quia non ita in primum hominē diabo-
lus violētus extiterat, vt eum in partes suas
sine liberi arbitrii consensione transferret:
sic destruendum peccatum fuerat voluntati-
rium & hostile consilium , vt dono gratiæ
non obesset norma iustitiæ. In totius igitur Incarna-
humani generis strage cōmuni, vnum solum
fuit remedium sub diuinæ rationis occulto,
quod posset subuenire prostratis , si aliquis
filiorum Adam , originalis præuaricationis
alienus atq; innocens nasceretur, qui cæte-
ris exemplo prodesset & merito . Sed quia
hoc naturalis generatio non sinebat, nec po-
terat vitiatæ radicis fine semine propago es-
se, de quo scriptura dicit, Quis potest facere Iob 14.
mundū de immundo cōceptū semine? Non-
ne tu, qui sol⁹ es? dñs Dauid, factus est filius
Dauid, & de pmissi generis fructu proles est
orta sine vitio in vnam personam gemina
conueniente natura, vt eodem conceptu eo-
demq;

demq; partu gigneretur dominus noster Iesus Christus, cui vera inesset deitas ad miracula operum, & vera humanitas ad tollerantiam passionis. Fides igitur catholica dilectissimi, oblatrantium haereticorum spernat errores, qui mundanæ sapientiæ vanitate decepti, à veritatis Euangelio recesserunt, & incarnationem verbi intelligere non valentes, de causa illuminationis fecerunt sibi materialiam cæcitatibus. Nam omnium ferè falsa credentium opinionibus, quæ etiam in sancti spiritus negatione proruunt, retractatis, neminem penè deuiasse cognoscimus, nisi qui duarum in Christo naturarum veritatē sub vnius personæ cōfessione non credidit. Alij etenim domino solam humanitatem, alij solam adscripsere deitatem. Alij veram quidē in ipso diuinitatē, * sed carnē dixerūt fulme simulatam. Alij professi sunt veram eum suscepisse carnē, sed Dei patris non habuisse naturā: & deitati eius, quę erat humanę substantiæ, deputantes, maiorē sibi Deū minoremq; finxerunt, cum gradus in vera diuinitate esse non possint. Quoniā quicquid Deo minus est, Deus nō est. Alij cognoscētes patris & filij nullam esse distantiam, quia non poterant unitatem deitatis intelligere nisi in unitate personæ, eundem asseruerūt esse patrem, quem filium, & nasci & nutriri, pati & mori, sepeliri & resurgere, ad eūdē pertinere, qui per omnia & hominis personā impleret & verbi. Quidam putauerunt dominum Iesum Christum non nostræ substantię corpus

corpus habuisse, sed ab elementis superioribus ac subtilioribus sumptum. Quidam autem aestimauerunt in carne Christi animam humanam non habitasse nec fuisse, sed partes animae ipsam verbi impletisse deitatem. *Quorundam imprudentia in hoc transiit, ut animam quidem fuisse in domino faterentur, sed eandem decerent mente caruisse, quia sufficeret homini sua deitas ad omnia rationis officia. Postremo, idem asserere presumperunt, partem quandam verbi in carnem fuisse conuersam, ut in unius dogmatis varietate multiplici, non carnis tantum animaeque natura, sed etiam ipsius verbi solueretur essentia. Multa sunt & alia prodigia falsitatum, quibus enumeradis charitatis vestre non est fatigandus auditus, sed post diuersas impie-tates, quae sibi inuicem sunt multiformiū blasphemiarum cognitione connexae, & de ipsis potissimum erroribus declinadis obseruantia vestrae deuotionis admoneo, quorum unus dudu Nestorio autore consurgere non impunemente tetauit. Alius nuper pari execratione damnandus, Eutiche assertore prorupit. Nam ille beatam Mariam virginem tantummodo ausus est hominis praedicare genitricem, ut in conceptu eius & partu nulla verbi & carnis facta unitio crederetur. Quia Dei filius non ipse factus est hominis filius, sed creatus homo sola se dignatione sociauerit. Quod catholicæ aures nequaquam tolerare potuerunt, quicquid euangelio veritatis imbutæ sunt, ut firmissime nouerint, nullâ esse humano generi spe salutis,

* Quo-
rum im-
pudentia

Eutiche-
tis haer-
esis.

IX NATIVIT. DOMINI.

salutis, nisi ipse esset filius virginis, qui creator est matris. Hic autem recentioris sacrilegii prophanus assertor, vnitio quidem in Christo duarum confessus est naturarum, sed ipsa vnitio id dixit effectum, ut ex duabus una remaneret, nullatenus alterius existente substantia, quae utique fieri nisi aut consumptio aut separatione non posset. Hec vero tam inimica sunt sanctae fidei, ut nequeant recipi sine excidio nominis Christiani. Si enim verbi incarnationis non vnitio est diuinus humanae naturae, sed hoc ipso concursu, quod erat geminum, factum est singulare, sola diuinitas utero virginis nata est, & per ludificatoriam speciem sola subiecta nutrimenta & incrementa corporea: utque omnes mutabilitates humanae conditionis omittantur, sola diuinitas crucifixam, sola diuinitas mortuam, sola diuinitas est sepulta, ut iam secundum talia sentientes, sperandae resurrectionis nulla sit ratio, nec sit primogenitus ex mortuis Christus: quia non fuit, qui deberet resuscitari si non fuit qui posset occidi. Absint a cordibus vestris dilectissimi, diabolicarum inspirationum virulenta mendacia: & scientes, quae semper terna filij deitas nullo apud patrem crevit augeamento: prudenter aduertite, quod cui naturae in Adam dicta est, Terra es, & in terram ibis: eidem in Christo dicitur, Sede a dextris meis. Secundum illam naturam, qua Christus equalis est patri, nunquam inferior fuit vniigenitus sublimitate genitoris, nec temporalis est ei cum patre gloria, quae est ipsa patris dextera. De

I. Dom. 8.
Colos. 1.

Genes. 3.
Psal. 109

ra. De qua in Exodo dicitur : Dexter^a tua Exod. 15.
 dñe glorificata est in virtute . Et in Esaia: Dexter
 Dñe , quis credidit auditui nostro ? & bra- patris f-
 chium dñi cui reuelatum est ? Assumptus ilius Dei.
 igitur homo in filiū Dei,sic in vnitatē perso- Esaix 53.
 næ Christi ab ipsis corporalib^z est receptus Rom. 10.
 exordijs,vt nec sine deitate cōceptus sit,nec
 sine deitate ęditus,nec sine deitate nutritus.
 Idē erat in miraculis, idē in contumelijs,per
 humanā infirmitatē crucifixus , mortuus &
 sepultus, per diuinam virtutē die tertia re-
 fuscitatus,ascēdit ad cœlos, sedet ad dexterā
 Dei patris, & in natura hōis accepit à pa-
 tre,quod in natura deitatis etiam ipse dona-
 uit.Hæc dilectissimi pio corde meditantes,
 Apostolici semper memores estote præce-
 pti,qui vniuersos admonet dicēs: Videte, nō Colof. 2.
 q̄s vos seducat per philosophiā & inanē
 illaciam,secundum traditionem hominum,&
 non secundum Christum, quia in ipso habi-
 tat oīs plenitudo diuinitatis corporaliter,&
 estis repleti in illo . Nō dixit spiritualiter, sed
 corporaliter, vt verā intelligamus substatiā
 carnis, vbi est plenitudine diuinitatis inha-
 bitatio corporalis. Qua vtiq̄ tota etiā reple- Ephes. 1.
 tur Ecclesia,quæ inhærens capiti,corpus est Colof. 1.
 Christi,qui viuit & regnat cū patre & spiri-
 tu sancto Deus in secula seculorū , Amen.

Sermo IX: in eadem solennitate.

Diuinitas immutabilis vt nostra infirma sus-
 ceperit,& quid libertatis nobis per
 hoc ipsum condonarit.

Excedit

Excedit quidem dilectissimi, multumque supereminet humani eloquij facultatem diuini operis magnitudo, & inde oritur difficultas fandi, vnde adest ratio non tacendi. Quia in Christo Iesu filio Dei non solum ad diuinam essentiā, sed etiam ad humanam spectat naturam, quod dictū est per prophētā:

Esaiæ 53. Generationē eius quis enarrabit? Vtrāq; enī substātiā in vnam cōuenisse personam, nisi fides credat, sermo non explicat: & ideo nūq; materia deficit laudis, qua nūq; sufficit copia laudatoris. Gaudeamus igitur, q; ad eloquendū tantæ misericordiæ sacramentū impares sumus, & cū salutis nostræ altitudinē promere nō valeamus, sentiamus nobis bonū esse, q; vincimur. Nemo enim ad cognitionē veritatis magis propinquat, quā qui intelligit in rebus diuinis, etiā si multū proficiat semper sibi superesse quod quærat. Nā qui se ad id, in quod tēdit, peruenisse præsumit, non quærita reperit, sed in inquisitione defecit. Ne autē infirmitatis nostræ perturbemur angustijs, euāgelicę nos & prophetiæ adiuuant voces, quibus ita accēdimur & docemus, vt nos nativitatē dñi qua verbum caro factū est, non tā præteritā recolere quā præsentē videamur inspicere. Quod enī pastorib. pro gregū suorū custodia vigilātibus nunciauit angelus, etiam nostrum impleuit auditum: & ideo dominicis ouibus præsumus, quia verba diuinitus ædita, cordis aure seruamus, tanquam & in hodierna festiuitate dicatur: Euāgelizo vobis gaudium

Ioan. 1.

Lucæ. 2.

Ibidem.

magnum.

magnum , quod erit omni populo: quia na-
tus est vobis hodie saluator, qui est Christus
Dominus in ciuitate Dauid. Cuius prædica-
tionis summitati exultatio innumerabilium
iungitur angelorum , vt excellentius fieret
testimonium,cui militię cœlestis multitudo
concineret angelorum in honorem Dei una
benedictione dicentium : Gloria in excelsis
Deo,& terra pax hominibus bonæ volun-
tatis. Dei ergo gloria est ex matre virgine
Christi nascéritis infantia,& reparatio huma-
ni generis merito in laudem sui refertur au-
toris,quia & ipse beatæ Marię missus à Deo
Gabriel angelus dixerat: Spiritus sanctus su-
perueniet in te , & virtus altissimi obubra-
bit tibi: ideoq; & quod nascetur ex te san-
ctū, vocabitur filius Dei. In terra autem illa
pax cōceditur,quę homines efficit bonę vo-
luntatis. Quo enī spiritu de intemeratę ma-
tris visceribus nascitur Christus,hoc de san-
ctæ Ecclesiæ vtero renascitur Christianus,
cui vera pax est, à Dei voluntate non diuidi,
& ihs solis,quę Deus diligit,delectari. Na-
talem igitur dilectissimi diem domini cele-
brantes,qui ex omnibus præteriorum tem-
porum diebus electus est, licet dispensatio
actionum corporalium,sicut eterno consilio
fuerat præordinata,transierit,totaq; redem-
ptoris humilitas in gloriā paternæ maiesta-
tis euecta sit , vt in nomine Iesu omne genu Phil.ii.
flectatur,cœlestium, terrestrium,& inferno-
rum , & omnis lingua confiteatur,quia Do-
min⁹ Iesus in gloria est Dei patris:indesinen-
ter ta-

ter tamen ipsum partum salutiferæ virginis adoramus, & illam verbi & carnis indissolubilem copulâ non minus suscipimus in præsepe iacentem, quam in throno paternæ altitudinis confidétem. Immutabilis enim deitas quamvis intra semetipsam & claritatem suam & potentiam contineret, non tamen ideo non erat conserta nascenti, quia humano aspectui non patebat, vt per veri hominis inusitata primordia ille agnosceretur genitus, qui regis Dauid & dominus esset & filius. Ipse enī prophetico spiritu cātat, dicēs:

Psal. 109. Dixit dominus domino meo, Sede à dextris meis. Quo testimonio, sicut Euangelium refert, confutata est impietas Iudeorum. Nam cū Iesu interrogante Iudæos, cuius filiū dicērent Christum, respondissent, Dauid, cōfē-

Matt. 22. Sim dominus cæcitatē illorum arguens, ait: Quomodo ergo Dauid in spiritu vocat eum dominum, dicens: Dixit dominus dñs meo, Sede à dextris meis? Interclusisti vobis ḥ Iudæi intelligentiæ viā, & dum solam naturam carnis aspicias, tota vos veritatis luce priuatis. Expectantes enim secūdum vestræ persuasionis fabulosa figmēta, Dauid filium de sola stirpe corporea, dum spem vestrā in homine tantum constituistis, Deum Dei filiū repulisti, vt quod nobis cōfiteri gloriosum est, vobis prodesse non possit. Nam & nos interrogati, cuius filius sit Christus, voce Apostoli confitemur, quod factus est ex semine Dauid secūdū carnē: & de ipso initio Euangelicæ prædicationis instruimur, legentes:

Rom. 1.

gentes: Liber generationis Iesu Christi filij Matth.i.
 Dauid. Sed ideo à vestra impietate discerni-
 mur, quia quem ex progenie Dauid homi-
 nem nouimus natum, eundem secundum
 quod verbum caro factum est, Deum Deo Ioan.2.
 patri credimus coæternum. Vnde si te-
 neres, o Israel, tui nominis dignitatem, &
 propheticas denunciationes non obcæcato
 corde percurreres, Esaias tibi Euangelicam
 panderet veritatem, & non surdus audires
 diuina inspiratione dicentem: Ecce vir-
 go accipiet in vtero, & pariet filium, & vo-
 cabitur nomen eius Emmanuel, quod est
 interpretatum, nobiscum Deus. Quem si
 in tanta proprietate sacri nominis non vi-
 debas, in Dauidica saltem voce didicisses, ne
 contra testificationem noui & veteris testa-
 menti, Iesum Christum Dauid filium dene-
 gares, quem Dauid dominum non fateris.
 Quapropter dilectissimi, quoniam per in-
 effabilem gratiam Dei, Ecclesia fidelium
 gentium consecuta est, quod carnalium Iu-
 dæorum synagoga non meruit, dicente Da-
 uid: Notū nō fecit dominus salutare suum, Psal.97.
 in conspectu gentium reuelauit iustitiam
 suam: & Esaia similiter prædicante: Populus Esaia 9.
 qui sedebat in tenebris, vidi lucem magnā:
 qui habitabant in regione vmbrae mor- Esaia 55.
 tis, lux orta est eis, & iterum: Gentes quæ te
 non nouerunt, inuocabunt te, & populi qui
 te nesciunt, ad te cofugient: exultemus in
 die salutis nostræ, & per nouum testamen-
 tum in consortiū ejus assumpti, cui dicitur

- Psal.2. à patre per Prophetam : Filius meus es tu,
ego hodie genui te: postula à me, & dabo ti-
bi gentes hæreditatem tuam, & possessio-
nem tuam terminos terræ: in adoptatis nos
misericordia gloriemur: quia sicut Aposto-
lus ait: Non accepistis spiritum seruitutis,
iterum in timore, sed accepistis spiritū ado-
ptionis filiorum, in quo clamamus, Abba
pater. Dignum enim est atq; conueniens, ut
testantis patris voluntas ab adoptionis filijs
impleatur, & dicente Apostolo: Si compati-
mur, & conglorificabimur. Sint humilitatis
Christi participes, qui sunt futuræ glo-
riæ cohæredes. Honoretur in infantia sua
dominus, nec ad deitatis referatur iniuriam
exordia & incrementa corporea. Quoniam
naturæ incommutabili nec addidit aliquid
nostra naura nec minuit, sed qui in simi-
litudinem carnis peccati dignatus est ho-
minibus esse conformis, in unitate deitatis
patri permanet æqualis, cum quo & spiritu
sancto viuit & regnat in secula seculorum,
Amen.
- Ibidem.
- Ibidem.

Sermo decimus in eadem solennitate.

Verbum paternæ maiestatis vt habie-
t auit in nobis, & de eiusdem
excellentia.

Sæpe, vt nostis, dilectissimi de excellen-
tia festiuitatis hodiernæ officium vobis
sermonis salutaris impendimus, nec am-
bigi-

bigimus ita cordibus vestris diuinæ pietatis resplenduisse virtutē, vt quod vobis fide est insitum, id sit etiam intelligentia cōprehensum. Sed quia domini saluatorisq; nostri natuitas nō solum secundum deitatem de patre, sed etiam secundum carnē de matre, ita facultatem humani excedit eloquij, vt mērito ad vtrumq; referatur, quod dictū est: Generationem eius quis enarrabit? In eo enim ipso, quod dignè nō potest explicari, semper exuberat ratio differendi, non quia liberum sit diuersa sentire, sed quia dignitati materię nulla potest lingua sufficere. Magnitudo igitur sacramenti, in salutem humani generis ante secula æterna dispositi, in seculorum fine reserati & integritati suæ nec auferri aliquid patitur nec augeri: & sicut propria non amittit, ita aliena non recipit. Sed multi opinionum suarum sequaces, & quod nondum intellexerunt, paratores docere q; discere, sicut ait Apostolus, circa fidem naufragauerunt: quorum prauas compugnatisque sententias breui significatione perstringam, vt errorum tenebris à veritatis luce discretis, & religiosè honorentur beneficia diuina, & scienter caueantur mundana mendacia.

Quidā enim ex documētis natuitatis domini Iesu Christi, quæ eū verū hominis filiū demonstrabāt, nihil ipsum amplius quam hominis filium crediderunt, non putātes illi adscribendam esse deitatem, quem & primordia infantiae, & incrementa corporea, & passionum usq; ad crucem mortemq; con*i* i*n* ditio,

Hæreses
diuersæ
circa incar-
nationem
verbi.

• esse

ditio, nō dissimilem cæteris mortalibus ap-
probassent. Alij verò virtutum admiratio-
ne permoti, & originis nouitatem, & dictio-
rum sanctorum p̄ potentiam, ad diuinam in-
telligētes pertinere naturam, nihil illi pu-
tauerūt nostræ * inesse substantiæ, totum p̄
illud, quod corporeæ fuit actionis & formæ,
aut de sublimioris generis prodijse mate-
ria, aut simulatam carnis specie habuisse, vt
videntium & tangentium sensus iudicato-
ria imagine fallerentur. Fuit autem in qui-
busdam errantibus etiam illa persuasio, qua
conarentur asserere, ex ipsa verbi substantia
quiddam in carnē fuisse conuersum, nato p̄
Iesu ex Maria virgine, nihil maternæ fuisse
naturæ, sed & quod erat Deus, & quod erat
homo, vtrumq; ad id pertinuisse, quod ver-
bum est: vt scilicet in Christo & per diuersi-
tatem substantiæ falsa fuerit humanitas, &
per defectū mutabilitatis nō vera diuinitas.

Has ergo dilectissimi, aliisque impietates
diabolica inspiratione conceptas, & in mul-
torum noxam per vasa perditionis effusas,
olim catholica fides, cui Deus & magister est
& auxiliator, obtruiuit, exhortante & instru-
ente spiritu sancto per legis testificationem,
per vaticinia prophetarum, & per Euange-
licam tubā, Apostolicam p̄ doctrinā, vt con-
stanter intelligenter p̄ credamus, quia, sicut
ait beatus Ioannes: Verbum caro factum est
& habitauit in nobis. In nobis vtiq; , quos
sibi verbi diuinitas coaptauit, cuius caro d-
vtero virginis sumpta nos sumus. Que si de
nostro,

Ioan. i.

nostro, id est, verè humana nō esset, verbum caro factum non habitasset in nobis. In nobis autē habitauit, qui naturā nostri corporis suam fecit, ædificante sibi sapientia dominum, nō de quacunq; materia, sed de substantia propriè nostra, cuius assumptio est manifestata, cum dictum est: Verbum caro factum est, & habitauit in nobis. Huic autem sacratissimè * assertioni & beati Pauli Apostoli doctrina concordat, dicentis, Videte, ne quis vos decipiatur per philosophiam & inanem fallaciam, secundum traditionem hominum, secundum elementa mundi, & non secundū Christum: quia in Christo habitat omnis plenitudo diuinitatis corporaliter, & estis repleti in illo. Totum igitur corpus implet tota diuinitas, & sicut nihil deest illius maiestatis, cuius habitatione repletur habitaculum: sic nihil deest corporis, quod non suo habitatore sit plenū. Quod autē dictum est. Et estis repleti in illo, nostra vtiq; significata est natura, ad quos illa repletio nō pertineret, nisi Dei verbū, nostri sibi generis & animā & corpus vniasset. Agnoscendū sanè dilectissimi, & toto corde est confitendum, quod hæc generatio, qua & verbū & caro. i. Deus & homo vn^o Dei fili^o vnusq; Christus efficitur, supra omnē originē humanę creationis excellit. Nec enim aut Adæ de limo terrae formatio, aut Euæ de veri carne plasmatio, aut cæterorum hominū de vtriusq; sexus permixtione cōditio, Iesu Christi potest ortui comparari. Genuit Abrahā senex

Ibidem.
Lexus ver-
bū quo-
modo ha-
betauit in
nobis.

* predica-
tioni eius.

IN NATIVIT. DOMINI

- Genes. 25. diuinæ promissionis hæredem, & transgres-
Malac. 1. sa fœcunditatis annos , sterilis Sara conce-
Rom. 9. pit. Iacob dilectus est à Deo, antequam na-
Hier. 1. tus, & præueniente gratia voluntarias acti-
Generati- ones ab hispida congeniti fratri asperitate
ones mira- biles om- discretus est. Hieremias dicitur: Prius, quām
nium eta- te formarem in vtero, noui te, & antequam
tum. exires de vulua, sanctificaui te. Anna diu fœ-
1. Reg. 1. cunditatis aliena , Samuelem prophetam,
Lucæ 1. quē Deo offerret, enixa est, vt & partu cla-
ra esset & voto. Zacharias sacerdos de Eli-
zabeth sterili sanctam suscepit prolē: & pre-
cursor Christi futurus Ioannes , spiritum
propheticum intra viscera matris acce-
perat, & nondum æditus puer, genitricem do-
mini signo clausæ exultationis ostenderat.
Magna hæc omnia , & diuinorum operum
sunt plena miraculis: sed hoc ipso immode-
natius stupenda, quo plura . Natiuitas enim
Natiuita- domini nostri Iesu Christi omnem intelli-
tis christi excellētia. gentiam superat, & cuncta exempla trāscen-
dit. Nec potest ullis esse comparabilis, quæ
est inter omnes singularis . Electæ nanci
virgini de semine Abrahæ ac de radice lesse,
per propheticas voces & per mystica signa
promissæ, denunciatur ab archangelo sine
damno pudoris beata fœcunditas , sacram
virginitatem nec conceptu violatura nec
partu. Superueniente quippe in eam spiritu
sancto, & altissimi obumbrante virtute, in-
commutabile Dei verbum de incontamina-
to corpore habitum sibi humanæ carnis as-
sumpsit, quæ & nullum contagium de con-
cupi-

eupiscentia carnis traheret, & nihil eorum,
qua ad animæ corporisque naturam perti-
nent, non haberet. Recedant, atq; procul in
tenebras suas eant hæreticarum monstra
opinionum, & insanarum sacrilegia falsita-
tum. Nos, exultas in laudem Dei cœlestium
multitudo, & instructi ab angelis docuere
pastores, ut cognitis naturæ vtriusq; docu-
mētis, & verbū in Christo homine, & Chri-
stum hominem adoremus in verbo. Nam si,
vt Apostolus ait, qui adhæret Deo, vnuſ 1. Co. 6.
spiritus est: quanto magis verbum caro fa-
ctū vnuſ est Christus? vbi nihil est alterius
naturæ, quod non sit vtriusque. Non er-
go infirmemur in cōſilijs misericordię Dei,
quæ nos & innocentiae reformat & vitæ,
nec quia in ſaluatore nostro manifestè co-
gnoscimus geminæ signa nature, aut in glo-
ria Dei de veritate carnis, aut in humilitate
hominis de deitatis maiestate dubitemus.
Idem est in forma Dei, qui formam ſuſcepit
ſerui: idem est incorporeus manens, & cor-
pus aſſumens. Idem est in ſua virtute inuio-
labilis, & in noſtra infirmitate paſſibilis.
Idē est à paterno nō diuifus throno, & ab im-
pijs crucifixus in ligno. Idem est ſuper cœlo-
rū altitudines victor mortis ascēdēs, & vſq;
ad conſummationem ſeculi vniuersam Ec-
clesiā non relinquens. Idem poſtremo eſt,
qui in eadem, qua aſcendit, carne venturus,
ſicut iudicium ſuſtinuit impiorum, ita iudi-
caturus eſt de omnium actione mortalium.
Vnde ne plurimis testimonijſ immoremur,

Ioan. 5.

vnum sufficit ex Euāgelio beati Ioannis adhiberi, quo ipse dominus noster dicit: Amen amen dico vobis, quia venit hora, & nunc est, quando mortui audient vocem filij Dei; & qui audierint, viuēt. Sicut enim pater habet vitam in semetipso: sic dedit & filio vitam habere in semetipso: & potestatem dedit ei iudiciū facere, quia filius hominis est. Ergo sub vna sententia ostendit, quia filius Dei atque filius hominis est. Vnde apparet, quemadmodum Christum dominū in unitate personæ credere debeamus, quia cum sit filius Dei, per quem facti sumus, etiam filius hominis per assumptionē carnis est factus, ut moreretur, sicut ait Apostolus, propter delicta nostra, & resurgeret propter iustificationem nostram.

Rom. 4.

Hæc confessio directissimi nullas metuit cōtradictiones, nullis cedit erroribus. Agnoscimus enim misericordiam Dei ab initio promissam, & ante secula præparatam, per quam resolui captiuitatis humanæ vincula potuerunt, quibus primum hominem omnemq; eius posteritatem male suasus peccati autor obstrinxerat, & propaginem dedititiā originali sibi præiudicio vendicabat. Quia igitur iustificādis hominibus hoc principaliter opitulatur, quod vnigenitus Dei, etiam filius hominis esse dignatus est, vt ὁ μούσιος patri Deus, id est, vnius substatię, idem homo verus & secundū carnem matri cōsubstantialis existaret, vt roq; gaudem⁹, quia nō nisi vtroq; saluamur, in nullo diuidentes visibilem ab inuisibili-

uilibili, corporeū ab incorporeo , passibilem ab impassibili, palpabilem ab impalpabili , formam serui à forma Dei . Quia etsi ynū manet ab eternitate, aliud cœpit à tempore : quę tamen in vnitatem conuenerunt, nec separationem possunt habere nec finem, dū exaltans & exaltatus, glorificans & glorificat⁹, ita sibimet inhæserūt, vt siue in omnipotentia, siue in contumelia , nec diuina in Christo careant humanis, nec humana diuinis. Hæc credentes dilectissimi, Christiani sumus , veri Israelitæ , & in consortium filiorum Dei veraciter adoptati . Quia & omnes sancti , qui saluatoris nostri tempora præcesserunt, per hanc fidem iustificati, & per hoc sacramentum Christi sunt corpus effecti, expectantes vniuersalem credentium redemtionem in semine Abrahæ, d^a quo dicit Apostolus: Abrahæ dictæ sunt re- Galat.3. promissiones & semini eius. Non dicit & semibus eius , quasi in multis , sed quasi in vno, & semini tuo, qui est Christus. Propter quod Matthæus Euanglista, vt promissio- Matth.1. nem ad Abraham factā ostenderet in Christo esse completam, generationum ordinem percurrit, & in quo omnibus gētibus disposita fuisset benedictio , demonstrauit. Lucas quoq^z Euāgelista ab ipso dñi ortu seriē generis sui sursum versus retexuit , vt etiā illa secula, quę diluuiū puererunt, & huic sacramēto doceret fuisse connexa, oēsq^z ab initio successionū gradus, ad eum, in quo vno erat salus oīm, tetēdisse . Nō ergo dubitandū est, i v quia

Act. 4.

quia præter Christum non est aliud nomen
sub cœlo datū hominibus, in quo nos oportet
saluos fieri. Qui cum patre & spiritu
sancto æqualis in Trinitate viuit & regnat in
secula seculorum, Amen.

SERMO PRIMVS IN SOLEM-
nitate Epiphaniae Domini nostri
Iesu Christi.

*Epiphanie celebritas quid insinuet, & de
trium Magorum aduentu ac
muneribus.*

Celebrato proximo die, quo intemerata virginitas humani generis ædit saluatorem, Epiphaniae nobis dilectissimi veneranda festivitas dat perseverantiam gaudiorum, ut inter cognatarum solennitatum vicina sacramenta, exultationis vigor & seruor fidei non tepescat. Ad omnium enim hominum spectat salutem, quod infantia saluatoris ac mediatoris Dei & hominum iam in vniuerso declarabatur mundo, cum adhuc exiguo detineretur oppidulo. Quāuis enim Israeliticam gentem, & ipsius gentis vnam familiā delegisset, de qua naturam vniuersam humanitatis assumeret, noluit tamen intramaternę habitationis angustias ortus sui latere primordia, sed mox ab omnibus voluit agnoscī, qui dignatus est omnibus nasci.

Tribus

Tribus igitur Magis in regione Oriëtis stella nouę claritatis apparuit, quę illustrior cęteris pulchriorę syderibus, facilè in se intuentiū oculos animosę conuerteret, vt confessim aduerteretur non esse ociosum, quod tam insolitum videbatur. Dedit ergo aspicientibus intellectum, qui præstítit signum: & quod fecit intelligi, fecit inquire, & se inueniendū obtulit requisitus. Sequuntur tres Magorū viri superni luminis ductū, & præeuñ fulgoris indicium intenta contemplatione comitantes, ad agnitionem veritatis, gratię splendore ducūtur, qui humano sensu significatū sibi regis ortum estimauerunt in ciuitate regia esse quęrendum. Sed qui serui suscepérat formam, & non iudicare venerat, sed iudicari, Bethleem prælegit nativitati, Hierosolymam passioni. Herodes vero audiens dæorum principem natum, successorem iuspicatus expauit, & molitus necē salutis auctori, falsum spopōdit obsequium. Quam felix foret, si Magorū imitaretur fidē, & conuerteret ad religionem, quod disponebat ad fraudem. O cæca stultæ æmulationis impietas, quæ perturbandum putas diuinum tuo furore consilium? Dominus mundi, tempore non quærerit regnū, qui præstat eternum. Quid incommutabilem dispositarum rerum ordinem vertere, & aliorum facinus præoccupare conaris? Mors Christi nō est temporis tui. Ante condendum est Euangeliū, ante prædicandum est Dei regnum, ante sanitates donandę, ante sunt facienda miracula.

Cur,

IX. NATIVIT. DOMINI.

Magorum
munera.

Cur, quod alieni futurum est operis, tui vis
esse criminis? & non habiturus effectum sce-
leris, in solum te reatum præcipitas volun-
tatis? Nihil hac molitione proficis, nihil per-
agis. Qui volūtate natus est, arbitrii sui po-
testate morietur. Cōsummāt ergo Magi de-
sideriū suū, & ad puerū dominū Iesum Chri-
stum eadē stella præcunte perueniunt. Ado-
rant in carne verbum, in infantia sapiētiam,
in infirmitate virtutem, & in hominis veri-
tate dominū maiestatis: vtqe sacramentum
fidei suę intelligētiqe manifestet, quod cor-
dibus credūt, muneribus protestātur. Thus
Deo, myrrham homini, aurum offerūt regi,
scienter diuinā humanāqe naturā in vnitate
venerantes, quia quod erat in substātjs pro-
prium, non erat in persona diuersum. Re-
fusis autem Magis in regionem suam, trās-
latoqe Iesu in Aegyptū, ex admonitione di-
uina exardescit frustrata in meditationibus
suis Herodis insania. Necari omnes Bethleē
paruulos iubet: & quoniā quē metuat, nescit
infantem, generalem seuitiam in suspectam
sibi tendit etatem. Sed quos rex impius exi-
mit mundo, Christus inserit cœlo: & quibus
nondum sanguinis sui impendit redemptio-
nem, iam martyrij tribuit dignitatem. Erigi-
te igitur dilectissimi fideles animos ad co-
ruscantē gratiā luminis sempiterni, & impē-
sa saluti humanę gratię sacramēta veneran-
tes, studium vestrum īs, quæ pro vobis
gesta sunt, subdite. Diligite castimoniæ pu-
ritatem, quia Christus virginitatis est filius:
abstinete

abstinete vos à carnalibus desiderijs , quæ 1.Petri.2.
 militant aduersus animam , quemadmodum
 nos præsens beatus Apostolus suis , vt legi-
 mus , verbis hortatur : Malitia paruuli esto- 1.Co.14.
 te , quia dominus glorię mortaliū se confor-
 mavit infantiae . Sectamini humilitatē , quam
 Dei filius discipulos suos docere dignatus Matth.11.
 est : Induite vos virtutem patientiæ , in qua
 animas vestras possitis acquirere , quoniam
 qui cunctorum est redemptio , ipse est om-
 niū fortitudo . Quæ sursum sunt , sapite , non Colof.3.
 quæ super terram . Per viam veritatis &
 vi- tæ cōtanter incedite , nec vos impedianter ter-
 rena , quibus sunt parata cœlestia . Per domi-
 num nostrum Iesum Christum , qui cum pa-
 tre & spiritu sancto viuit & regnat in secula
 seculorum , Amen .

Sermo secundus in eadem solennitate .

*Epiphaniæ dominicæ ratio , & quid Christianis
 profuerit execratio Iudeorum .*

Gaudete in domino dilectissimi , iterum Phil.4.
 dico gaudete , quoniam breui interuallo
 temporis post solennitatē nativitatis Chri-
 sti , festiuitas declarationis eius illuxit , &
 quem in illo die virgo peperit , in hoc mun-
 dus agnouit . Verbum enim caro factum sic
 susceptionis nostræ temperauit exordia , vt
 nat' Iesus , & credētibus manifestus , & per- 1oan.1.
 sequentibus esset occultus . Iam tunc ergo Psal.18.
 cœli enarrauerūt gloriam Dei , & in omnem Rom.10.
 terram

DE EPIPHANIA DOMINI.

terram sonus veritatis exiuit: quando & pa-
storibus exercitus angelorum saluatoris editi
annunciator apparuit, & Magos ad eum ador-
andū praeuia stella perduxit, vt à solis ortu
vsq; ad occasum veri regis generatio coru-
scaret, cum rerū fidem & regna Oriētis per
Magos disceret, & Romanū imperium non
lateret. Nam & sœvitia Herodis, volens pri-
mordia suspecti sibi regis extinguere, huic
dispensationi nesciens seruiebat, vt dū atro-
ci intentus facinori, ignotum sibi puerum
indiscreta infantū cede persequitur, annun-
ciatum cœlitus dominatoris ortum insig-
nior vbiq; fama loqueretur, quā promptio-
rem ad narrandum diligētioremq; faciebat,
& supernæ significationis nouitas, & crue-
tissimi persecutoris impietas. Tunc autem

Christus
sur i Ae-
gyptum
celatus.

Ægypto saluator illatus est, vt gens anti-
quias erroribus dedita, iam ad vicinam sa-
lutem, per occultam gratiam signaretur: &
quæ nondum eiecerat ab animo supersticio-
nem, iam hospitio reciperet veritatē. Me-
rito igitur dilectissimi dies iste manifestati-
one domini cōsecratus, specialē in toto mū-
ndo obtinuit dignitatem, quę in cordibus no-
stris digno debet splendore clarescere, vt re-
rum gestarum ordinem non solum creden-
do, sed etiā intelligendo veneremur. Quan-
tam enim gratiarum actionē debeamus do-
mino pro illuminatione gentiū, probat ob-
cæcatio Iudæorum. Quid enim tam cœcum,
quid tam lucis alienum, quam illi sacerdotes
& scribæ Israelitarum fuerunt? qui percon-
tantibus

Exægatio
Iudeorū
illuminata.

tantibus Magis , & Herode quærente , vbi tio fuit
Christus secundum scripturarum testimo- gétium.
niū nasceretur, hoc respōderunt de prophe- Matth.2.
tico eloquio, quod indicabat stella de cœlo:
que utiq̄ poterat Magos Hierosolymis pre-
termisis usq; ad cunabula pueri, sicut post-
modum fecit , sua significatione perducere,
nisi ad confutandā Iudæorum duritiam per-
tinuisse, vt non solum ductu syderis , sed
etia ipsorū professione innotesceret natiui-
tas saluatoris . Iam ergo ad eruditionē gen-
tiū propheticus sermo transibat, & prēnun-
ciatū oraculis antiquis Christum alienige-
narum corda discebant,cum Iudeorum insi-
delitas veritatem ore proferret, & menda-
ciū corde retineret . Noluerunt enim agno-
scere oculis, quem de sacris indicabāt libris,
vt quem non adorabant in infantiae infirmi-
tate humilem, postea crucifigerent in virtu-
tum sublimitate fulgentem . Quæ ista Iu-
dæi tam imperita in vobis scientia est , tam
indocta doctrina? Interrogati , vbi Christus
nasceretur , veraciter & memoriter dicitis,
quod legistis: In Bethleem Iude: Sic enī scri-
ptum est per Prophetā: Et tu Bethleem ter- Mich.5.
ra Iuda, non es minima in principibus Iuda.
Ex te enī exiet princeps, qui regat populum
meum Israel. Hunc principem natum, & pa- Lucx.4.
storibus angeli, & vobis annūcianere pasto-
res. Hunc principem natum longinque Ori-
entalium gētiū nationes in insolito noui sy-
deris splēdore didicerunt. Et ne de loco ędi-
tū regis ambigerent , vestra eruditio prodi-
dit, quod

IN NATIVIT. DOMINI

dit, quod stella nō docuit. Cur vobis viam, quam alijs aperitis, obstruitis? Cur in vestra infidelitate residet dubium, quod ex vestra sit responsione manifestum? Locum nativitatis de scripturarum testimonio demonstratis, presentiam temporis de cœli & terre attestatione cognoscitis, & tamē ubi ad persequendum animus Herodis exarsit, ibi ad nō credendum vester sensus obduruit. Felicior

Matth. 2. ergo ignorantia infantū, quos persequutor occidit, quā vestra scientia, quos in sua perturbatione consuluit. Vos noluistis regnum eius recipere, cuius oppidum potuistis ostendere. Illi potuerunt pro eo mori, quem nondum poterant cōfiteri. Itaq; Christus, ne vñlum ei tempus esset absque miraculo, ante vñsum linguaꝝ potestatē verbi tacitus exere-

Matth. 18. fiat, & quasi iam diceret: Sinite paruulos venire ad me, talium est enim regnum cœlorum: noua gloria coronabat infantes, & de initijs suis paruolorum primordia consecrabat, vt disceretur neminem hominum diuini non capacem esse sacramenti, quando etiam illa ætas gloriæ esset apta martyrij.

Agnoscamus ergo dilectissimi in Magis adoratoribus Christi, vocationis nostræ fideiꝝ primitias, & exultantibus animis beatæ spei initia celebremus. Exinde enim in æternam hæreditatem cœpimus introire. Exinde nobis Christum loquentia scripturarum arcana patuerunt, & veritas, quam Iudæorum obcæcatio nō recepit omnibus nationibus lumen suum inuexit.

uexit. Honoretur itaque a nobis sacratissimus dies, in quo salutis nostrae autor apparuit, & quem Magi infantem venerati sunt in incunabilis, nos omnipotentem adoramus, in cœlis. Ac sicut illi de thesauris suis mysticas domino munorum species obtulerunt: ita & nos de cordibus nostris, quæ Deo sunt digna, promamus. Quamvis enim omnis bonorum sit ipse largitor, etiam nostræ tamen fructum quaerit industriae. Non enim dormientibus prouenit regnum cœlorum, sed in mandatis Dei laborantibus atque vigilantibus, ut si dona illius irrita non fecerimus, per ea, quæ dedit, mereamur accipere, quod promisit. Vnde cohortamur dilectionem vestram, ut abstinentes vos ab omni opere malo, quæ sunt casta & iusta sectemini. Filij enim lucis abidere debent opera tenebrarum. Itaque odia declinate, mendacia abicite, superbiam humilitate destruite, auaritiæ largitate delete. Decet enim, ut capiti sua membra conueniant, ut promissarum beatitudinum mereamur esse consortes, per dominum nostrum Iesum Christum, qui cum patre & spiritu sancto viuit & regnat Deus in secula seculorum. Amen.

Laborantibus, non
ociosis re-
gnum dei
promis-
sum.

Rom. 13.

Sermo III. in eadem solennitate.

Declarationis Christi causam, necessitatem,
utilitatemque explicat.

k

Quam-

Quamvis sciam dilectissimi, quodam san-
 citatem vestram hodiernæ festiuitatis
 causa non lateat, eamq; secundum consue-
 tudinem Euangelicus vobis sermo resera-
 uerit: tamen ut nostri nihil desit officij, lo-
 qui de eodem, quod dominus donauerit,
 audebo, ut in communi gaudio, tanto re-
 ligiosior sit omnium pietas, quanto magis
 omnibus fuerit intellecta solennitas. Pro-
 uidentia nanque misericordiae Dei, dispo-
 situm habens pereundi mundo in nouissi-
 mis temporibus subuenire, saluationem
 omnium gentium præfiniuit in Christo, ut
 quia & cunctas nationes à veri Dei cultu
 impius dudum error auerterat, & ipse pecu-
 liaris Dei populus Israel ab institutis legali-
 bus penè totus exciderat, conclusis omni-
 bus sub peccato, omnium miseretur. De-
 ficiente enim vbiique iustitia, & toto mun-
 do in vana & maligna prolapso, nisi iudi-
 cium suum diuina potestas differret, uni-
 versitas hominum sententiam damnationis
 exciperet. Sed in indulgentiam ira transla-
 ta est, & ut clarior fieret exercendæ gratiæ
 magnitudo, tunc placuit abolendis peccatis
 hominum, sacrametum remissionis adferri,
 quando nemo poterat de suis meritis glori-
 ari. Huius autem ineffabilis misericordiae
 manifestatio facta est Herode apud Iudæos
 ius regium tenente, vbi legitima regum suc-
 cessione cessante, & Pontificum potestate
 destructa, alienigena obtinuerat principatū,
 ut veri regis ortus, illius prophetiae pro-
 bare-

Rom.

Incarna-
 tionis
 Christi
 tempus
 promis-
 sum.

Baretur vox, quæ dixerat: Nō deficiet prin- Genes. 49
ceps ex Iuda, neque dux de femoribus eius,
donec veniat, cui repositum est, & ipse erit
expectatio gentium. De quibus quondam Genes. 22.
beatissimo patriarchæ Abrahæ innumera-
bilis fuerat promissa successio, nō carnis se-
mine, sed fidei fœcūditate generāda. Et ideo
stellarum multitudini comparata, vt ab om-
ni gentium patre, non terrena, sed cœlestis
progenies speraretur. Ad creandā ergo pro-
missam posteritatem, hæredes in syderibus
designati, ortu noui syderis excitantur, vt in
quo cœli adhibitū fuerat testimonium, cœ-
li famularetur obsequium. Commouet Ma-
gos remotioris Orientis habitatores stellis
cæteris stella fulgentior, & de mirandi lumi-
nis claritate, viri ad hæc spectanda non in-
scj, magnitudinem significationis intelli-
gunt, agente hoc sine dubio in eorum cor-
dibus inspiratione diuina, vt eos tantæ vi-
sionis mysterium non lateret, & quod oculi
ostendebatur insolitum, animis non esset
obscurum. Deniq; officium suum cum reli-
gione disponunt, & his se instruūt donis, vt
adoraturi vnum, tria se simul credisse de-
monstrent, auro honorantes personam re-
giam, mirra humanam, thure diuinam. In-
grediuntur enim Iudaici regni præcipuam
ciuitatem, & in vrbe regia ostēdi sibi postu-
lant puerum, quem ad regnandum sibi di-
dicerant procreatū. Conturbatur Her-
odes, timet saluti suæ, metuit potestati. Re-
quirit à sacerdotibus & doctoribus legis,

DE EPIPHANIA DOM.

quid de ortu Christi scriptura prædixerit, in notitiā venit, quod fuerat prophetatū. Veritas illuminat Magos, infidelitas obcæcat magistros. Carnalis Israel non intelligit, quod legit, non videt, quod ostendit, vtitur paginis, quarum non credit eloquijs. Vbi est

Rom. 2. Genes. 25. Rom. 9. Iudæe gloriatio tua? Vbi de Abraham pater ducta nobilitas? Nonne circuncisio tua præputium facta est? Ecce maior seruis minori, & alienigenis in sortem hæreditatis tuę intrantibus, eius testamenti, quod in sola litera tenes, recitatione famularis. Intret,

intret in patriarcharū familiā gentium plenitudo, & benedictionē in semine Abrahæ, qua se filij carnis abdicant, filij promissionis accipient. Adorent in tribus Magis vniuersi populi vniuersitatis autorem, & non in Iu-

Psal. 75. Malac. 1. dæa tatum Deus, sed in toto orbe sit notus, ut vbique in Israel sit magnum nomen eius.

Quoniam hanc electi generis dignitatem sicut infidelitas in suis posteris conuincit esse degenerē: ita fides omnibus facit esse com-

Magi cur per aliam viam reuersi sunt. munem. Adorato autem domino Magi, & omni deuotione completa, secundum admonitionem somnij non eodem, quo venerant, itinere reuertutur. Oportebat enim, vt iam in Christum credentes, non per antiquas conuersationis semitas ambularent, sed nouam ingressi viam, à relictis erroribus abstinerent. Tum vt etiam Herodis vacuarentur insidiæ, qui in puerum Iesum impietatem dolii per simulationē disponebat officij. Vnde quia spes istius erat soluta commenti,

in ma-

in maiorem furorem iracundia regis arde-
scit. Nam recolens tempus , quod indicaue-
rant Magi, in omnes Bethleem pueros ra-
biem crudelitatis effundit , & cæde generali
vniuersæ ciuitatis illius in æternā gloriam
transituram trucidat infantiam , æstimans
fore, vt nullo illic paruulo non occiso, occi-
deretur & Christus. At ille , qui sanguinem
suum pro mundi redemptione fundendum
in aliam differret ætatem, Ægypto se paren-
tū ministerio subiectus intulerat , repetens
scilicet Hebrææ gentis antiqua cunabula,
& principatum veri Ioseph , maioris prouai-
dentiæ potestate disponens vt illâ diriorem
omni inedia famem, qua Ægyptiorū men-
tes veritatis inopia laborabant , veniens de Ioan. 6.
cœlo panis vitæ & cibus rationis , auferret,
nec sine illa regione pararetur singularis ho-
stiæ sacramentum , in qua primum occisio-
ne agni , salutiferum crucis signum & pa-
scha domini fuerat præformatum . His igit-
tur dilectissimi diuinæ gratiæ mysterijs eru-
diti, diem primitiarum nostrarum , & voca-
tionis gentium inchoationem , rationabili
gaudio celebremus, gratias agentes miseri- Colos. 6.
cordi Deo, qui dignos nos fecit, sicut ait A-
postolus , in partem sortis sanctorum in lu-
mine, qui eripuit nos de potestate tenebra-
rum, & transtulit in regnum filij dilectionis
suæ . Quoniam sicut prophetauit Esaias:
Gentium populus, qui sedebat in tenebris, Esaiæ 9.
vidit lucem magnam: & qui habitabant in
regione ymbræ mortis , lux orta est eis.

DE EPIPHANIA DOMINI

Esaie 55.

De quibus idem dicit ad dominū: Gentes, quæ te non nouerunt, inuocabunt te: & populi, qui te nesciebant, ad te confugient. Hunc diēm Abraham vidi, & gauisus est, quum benedicendos fidei suę filios in semine suo, quod est Christus, agnouit, & omnium se futurum gentium patrem credendo prospexit, dans gloriam Deo, & plenissimè sciens, quoniam quod promisit, potens est & facere. Hunc diem Dauid canebat in

Psal. 85.

psalmis dicens: Omnes gētes, quascunque fecisti, veniet & adorabunt coram te domine, & glorificabunt nomen tuum. Et illud:

Psal. 97.

Notum fecit dominus salutare suum, ante conspectum gentium reuelauit iustitiam suam. Quod vtique exinde fieri nouimus, ex quo tres Magos, de longinuitate suæ

regionis excitatos, ad cognoscendum & adorandum regem cœli & terræ stella perduxit & recte intuentibus quotidie apparet nō desinit: Et si potuit notū facere Christum in infantia latentem, quāto magis potest eūdem manifestare in maiestate regnante? Cuius vtiqꝫ famulatus ad formam nos sui obsequiū hortatur, vt huic gratiæ, qua omnes inuitantur ad Christū, quātum possumus, seruiamus. Quicunqꝫ enim in Ecclesia piè viuit & castè: qui ea quæ sursum sunt, sapit, non quæ super terram: cœlestis quādāmodo instar est luminis. Et dū ipse sancta vitæ nitorē seruat, multis viā ad dominum quasi stella demonstrat. In quo studio omnes dilectissimi vobis inuicem prodesse de-

Colos. 3.

betis.

betis, ut in regno Dei, ad quod recta fide & bonis operibus peruenitur, sicut lucis filij splendeatis, per dominum nostrum Iesum Christum qui cum Deo patre & spiritu sancto viuit & regnat per omnia secula seculum, Amen.

Sermo IIII. in eadem solennitate.

Epiphanie festum (in quo magnum praesidium prouidentia diuina constituit) summis laudibus celebrandum docet, spiritusq; sancti in magos opus ostendit, atq; Manichaeorum hæresim detegendo confutat.

Justum & rationabile dilectissimi veræ pietatis obsequium est, in diebus, qui diuinæ opera misericordiæ protestantur, toto corde gaudere & honorificè ea, quæ ad salutem nostram gesta sunt, celebrare, vocantes nos ad hanc deuotionem ipsa recurrentium temporum lege, quæ nobis post diē, in quo coæternus patri filius Dei natus ex virginе est, breui interuallo Epiphaniæ intulit festū, ex apparatione domini consecratum. In quo fidei nostræ magnum praesidium prouidentia diuina constituit, ut dum soleni veneratione recolitur adorata in exordijs suis salvatoris infantia, per ipsa originalia documenta probaretur veri hominis in Christo orta natura. Hoc enī est, quod iustificat impios, hoc est quod ex peccatoribus facit sanctos, si in vno eodemq; domino nostro Iesu Christo, & vera deitas, & vera credatur hu-

manitas. Deitas, qua ante omnia secula in forma Dei æqualis est patri. Humanitas, qua nouissimis diebus in forma servi unitus est homini. Ad roborandum ergo hanc fidem, quæ contra omnes pronunciabatur errores, ex magna gestum est diuini pietate consilij, ut gens in longinqua Orientalis plagæ regione consistens, quæ spectandorum syderum arte pollebat, signum natu pueri, qui supra omnem Israel esset regnaturus, acciperet. Noua etenim claritas apud Magos stellæ illustrioris apparuit, & intuentium animos ita admiratione sui splendoris impleuit, ut nequaquam sibi crederent negligendum, quod tanto nunciabatur indicio. Præerat autem, sicut res docuit, huic miraculo gratia Dei, & * quum Christi na

* cum

Natiuitatem nec ipsa adhuc Bethlehem tota didicisset, iam illam credituris gentibus inferebat: & quod nondum poterat humano eloquio differi, cœlo faciebat euangelizante cognosci. Quamuis autem diuinæ dignationis esset hoc munus, ut cognoscibilis gentibus fieret natiuitas saluatoris, ad intelligendum tamen miraculum signi potuerunt Magi & de antiquis Balaam prænunciationibus commoneri, scientes olim esse prædictum, & celebri memoria diffamatum: Orietur stella ex Iacob, & exurget homo ex Israel, & dominabitur gentium. Tres itaque viri, fulgore insoliti syderis diuinitus incitati, præmium micanis luminis cursum sequuntur, existimantes se sig-

Tum. 24.

se signatū puerum Hierosolymis in ciuitate regia repertos. Sed cum eos hęc opinio fefelleret, per Iudæorum scribas atq; doctores, quod sacra de ortu Christi prænunciauerat icriptura, didicerunt, vt gemino testimonio confirmati, ardenter fide expeteret, quem & stellę claritas, & prophetiæ manifestabat autoritas. Prolato autem diuino oraculo per responsa pontificum, & declara- Mich. 5.
tata spiritus voce, quę dicit: Et tu Bethleem Matth. 2.
terra Iudeę, nequaquā minima es in principi-
bus Iuda, Ex te enī exiet dux, qui regat po-
pulum meum Israhel: quam facile & quam
consequens fuit, vt Hebræorum proceres
crederent, quod docebant. Sed apparet illos
carnaliter cum Herode sapuisse, & regnum
Christi commune cum huius mundi pote-
statibus æstimasse, vt & isti temporalē sper-
nerent ducem, & terrenum metueret ille
consortem. Superfluo Herodes timore tur-
baris, & frustra in suspectum tibi puerum
sæuire moliris. Non capit Christum regia
tua, nec mundi dominus potestatis tuæ sce-
ptri est contentus angustijs. Quem in Iudea
regnare nō vis, vbiq; regnat, & felicius ip-
se regnares, si eius imperio ipse subdereris.
Cur syncero officio non facis, quod subdo-
la falsitate promittis? Perge cum Magis, &
verum regem suppliciter adorando vene-
rare. Sed tu Iudaicæ sectator cæcitatis non
imitaris gentium fidem corq; peruersum
ad crudeles conuertis insidias, nec illū occi-
surus, quę metuis, nec illis nocitus, quos

k v perimis.

DE EPIPHANIA DOMINI

perimus. Deducti igitur dilectissimi in Bethleem Magi stellæ præcedentis obsequio, gauisi sunt gaudio magno valde, sicut Euangelista narravit. Et intrantes domum, inuenierunt puerum cum Maria matre eius. Ecce procidentes adorauerūt eum: & apertis thesauris suis, obtulerunt ei munera, aurū, thus, & myrrham. O perfectæ scientiæ mirabilem fidem, quam non terrena sapientia erudiuit: sed spiritus sanctus instituit. Vnde enim ḥ viri, cū proficiscerentur de patria, qui nondum viderant Iesum, nec aliquo contuitu eius, quod eum tam ordinate venerarentur, aduerterant, hanc deferendorum munerum seruauere rationem? nisi quia præter illam stellæ speciem, quæ corporeū incitauit ob tutum, fulgētior veritatis radius corū corpora perdocuit, ut priusquam labores itineris inchoarent, eum signati sibi intelligerent, cui in auro regi⁹ honor, in thure diuina veneratio, in myrrha mortalitatis confessio debetur. Et hæc quidem, quantum ad illuminationem fidei pertinebat, potuerunt illis credita & intellecta sufficere, ut corporali intuitu nō inquirerēt, quod plenissimo visu mētis inspexerant. Sed diligentia sagacis officij, usque ad videndum puerum perseverans, futuri temporis populis, & nostri seculi hominibus seruiebat, ut sicut omnibus nobis profuit, quod post resurrectionē domini vestigia vulnerum in carne eius Thomæ Apostoli explorauit manus, ita ad nostram utilitatem proficeret, quod infantiam ipsius

Spiritus
sancti
opus in
Magos.

Nobis
profuit,
quod Ma
gi infan
tiā Chri
sti vide
runt.

ipsius Magorum probauit aspectus . Vide-
runt itaq; Magi , & adorauerunt puerum de-
tribu Iuda,de semine Dauid secundum car-
nem , factum ex muliere , factum sub lege,
quam non soluere venerat , sed adimplere.
Viderunt & adorauerunt puerum, quantita-
te paruulum,alienæ opis indigum,fandi im-
potem,& in nullo ab humanæ infantiæ gene-
ralitate dissimilem . Quia sicut fidelia erant
testimonia,que in eo maiestatem inuisibilis
diuinitatis assererent : ita probatissimū esse
decebat verbum carnem factum , & semi-
piternam illam essentiam filij Dei , hominis
veram suscepisse naturā, ne vel ineffabilium
operum secutura miracula , vel excipienda-
rum supplicia passionum , sacramentum fi-
dei ex rerū diuē sitate turbarent, cum iusti-
ficari omnino nō possent,nisi qui dominum
Iesum & verum Deum & verum hominem
credidissent . Huic singulari fidei dilectissi-
mi & prædicatæ per omnia secula veritati Manichæ-
diabolica Manichæorū resistit impietas: qui orum im-
sibi ad interficiendas deceptorum animas pietas.
nefandi dogmatis ferale commentum de sa-
cilegis & fabulosis mendacij̄ texuerunt,
& per has insanarum opinionum ruinas eo-
usq; præcipites proruerunt, vt sibi falsi cor-
poris fingerent Christum, qui nihil in se so-
lidum , nihil verū,hominū oculis actibūsq;
præbuerit , sed simulatæ carnis vacuam
imaginem demonstrarit. Indignum enim vi-
deri volunt, vt credatur Deus Dei filius fœ-
mineis se inseruisse visceribus , & maiestatē

Rom.ii.
Gal.4.
Matth.5.

DE EPIPHANIA DOMINI

suam huic contumeliæ subdidisse , vt natu-
ræ carnis immixtus , in vero humanæ sub-
stantiæ corpore nasceretur, cum totum hoc
opus non iniuria sit ipsius, sed potentia, nec
credenda pollutio , sed gloria dignatio. Si
enim lux ista visibilis nullis immundicjs,
quibus superfusa fuerit, violatur, nec radio-
rum solis nitorem, quem corporeā esse crea-
turam non dubium est , loca vlla sordentia
vel cœnosa contaminant , quid illius sem-
piternæ & incorporeæ lucis essentiam po-
tuit qualibet sui qualitate polluere ? quæ se-
ei, quam ad imaginem suam cōdidit, socian-
do creaturæ purificationem p̄fstitit, macu-
lam non recepit: & sic sanauit vulnera infir-
mitatis , vt nulla pateretur damna virtutis.
Quod diuinæ pietatis magnum & ineffabi-

sacramētum , quia omnibus sanctarum
scripturarū testificationibus est nunciatum,
isti, de quibus loquimur , aduersarij verita-
tis, legem per Mosen datam, & inspirata di-
uinit̄ prophetarū oracula respuerūt, ipsasq;
Euangelicas & Apostolicas paginas , quæ-
dam auferendo , & quædam inferendo vio-
lauerunt, cōfingentes sibi sub Apostolorum
nominibus , & sub verbis ipsius saluatoris,
multa volumina falsitatis , quibus erroris
sui commenta munirent, & decipiendorum
mentibus mortiferum virus infunderent .
Videbant enim sibi vniuersa obſistere , om-
nia reclamare , & non ſolū nouo, ſed etiam
veteri testamēto sacrilegę impietatis ſuę de-
mentiā confutari. Et tamen in furiosis men-
dacijs

dacijs persistentes, Ecclesiam Dei deceptio-
nibus suis perturbare non desinunt: hoc mi-
seris (quos illaqueare potuerunt) persuaden-
tes, vt negent à domino Iesu Christo huma-
nam naturam verè esse suscep tam : negent
eum verè pro mundi salute crucifixum: ne-
gent de eius latere lancea vulnerato sanguinem
redemptionis & aquam fluxisse baptis-
matis: negent eum sepultum, ac die tertia
fuscatū : negent eū in conspectu discipulo-
rum ad confidendum in dextera patris su-
per omnes cœlorum altitudines eleuatū, &
vt tota Apostolici veritate Symboli sublata,
nulla spes incitet san̄tos: negent à Christo
viuos & mortuos iudicandos , & quos tan-
torum sacramentorum virtute priuarint,
doceant in sole & luna colere Christum , &
sub nomine spiritus sancti, ipsum talium im-
pietatum magistrum adorare Mani-
chæum . Ad confirmanda igitur dilectissimi
corda nostra in fide & veritate proficit omni-
bus hodierna festiuitas, & ex testimonio ma-
nifestatē saluatoris infantię confessio catho-
lica muniatur , & naturae nostrae carnem in
Christo negantium anathematizetur impie-
tas, de qua nos beatus Ioānes Apostolus nō
dubio sermone p̄monuit dicēs: Oīs spiritus,
qui confitetur Christum Iesum in carne ve-
nisse, ex Deo est: & oīs spirit⁹, qui soluit Ie-
sum, ex deo nō est, & hic est Antichrist⁹. Ni-
hil ergo cū huiusmodi hominibus commu-
ne sit cuiquā Christiano , nulla cum talibus
habeatur societas , nullumq̄ consortium.

Proficit

Maniche
orū impi-
etas ana-
themati-
zanda
1. Ioan. 4.
Manichei
vitandi.

•DE EPIPHANIA DOM.

Profit vniuersæ Ecclesiæ, quod multi ipso-
rū, domino miserante, detecti sunt, & in qui-
bus sacrilegjs viuerent, corundē confessio-
ne patefactum est. Neminē fallant discretio-
nibus ciborum, sordibus vestiū, vultuumq;
palloribus. Non sunt casta ieunia, quæ non
de ratione veniunt continentia, sed de arte
fallaciæ. Hactenus nocuerint incautis, ha-
ctenus illuserint imperitis, post hoc nullius
excusabilis erit lapsus: nec iam simplex ha-
bendus est, sed valde nequam atque peruer-
sus, qui deinceps repert⁹ fuerit nefando ob-
strictus errore. Ecclesiasticū sanè atq; diui-
nitus institutum non solum nō inhibemus,
sed etiam incitamus affectum, vt etiam pro
talibus nobiscum domino supplicetis, quo-
niam & nos deceptarum animarum ruinas

Orādum
pro hęre-
ticiis.

Cor. 11.
Rom. 12.

Psal. 145.

cum fletu & mœrore miseramur, exequētes
Apostolicę pietatis exemplū, vt cum infir-
mantibus infirmemur, & cum flentibus de-
fleamus. Speramus enim exorandam mis-
ericordiam Dei multis lachrymis & legitima
satisfactione lapsorū, quia dum hoc in cor-
pore viuitur, nullius desperanda reparatio,
sed omnium est optanda correctio, auxilian-
te domino, qui erigit elisos, soluit compedi-
tos, & illuminat cæcos, cui est honor & glo-
ria in secula seculorum, Amen.

Sermo V. in eadem solennitate.

Epiphania festum quare celebrandum sit, quid
Bella designet, quid Herodes, & quomodo in Ma-
gis,

gis, (personam gentium gerentibus) eorum vocatio, iudeis in errore obstinatis, indicata sit, quae tandem ad resipiscientiam reuocare conatur.

HOdiernam festiuitatem dilectissimi appetitio domini & saluatoris nostri (sicut nostis) illustrat. Et hic ille dies est, quo ad cognoscendum adorandumque Dei filium tres Magos prævia stella perduxit. Cuius facti memoriam merito placuit honore annuo celebrari, ut dum Evangelica historia incessanter recensetur, semper se intelligentium sensibus inferat salvificum mysterium per insigne miraculum. præcesserant quidem multa documenta, quæ corpoream nativitatem domini manifestis indicij declararent: siue quum beata Maria virgo fœcundandam se spiritu sancto, parituramque Dei filium audiebat & eredit: siue quum ad salutationem ipsius in utero Elisabeth nondum natus Iohannes prophetica exultatione cōmotus est, & quasi etiam intra matris viscera iam clamaret, Ecce agnus dei, ecce qui tollit peccata mundi: vel cum ortū domini angelo nunciante pastores cœlestis exercitus sunt claritate circundati, ut non ambigerent de maiestate pueri, quem erat in præsepe visuri: nee putarent, quod in sola natura hominis esset seditus, cui supernæ militiæ famularetur occursus. Sed haec atq[ue] alia huiusmodi paucis

Nativitatē Christi corporis documenta declarantur.
Lucas 1.
Ioan. 1.
Lucas 2.

tunc

•DE EPIPHANIA DOM.

func videntur innotuisse personis , quæ vel ad cognitionem Mariæ virginis , vel ad sancti Joseph familiam pertinebant . Hoc autem signum , quod magos in longinquo positos & efficaciter mouit , & ad dominum Iesum perseveranter attraxit , illius sine dubio gratiæ sacramentū , & illius fuit vocationis exordium , qua nimirum nō in Iudæa tantum , sed etiam in toto mundo Christi erat Euangelium prædicandum : vt per illam stellam , quæ Magorum visu splenduit , Israelitarum verò oculis non resulſit , & illuminatio significata sit gentium , & cœcitas declarata Iudæorum . Permanet igitur dilectissimi , sicut euidenter apparet , mysticorum forma gestorum : & quod imagine inchoabatur , veritate completur . Radiat nanque è cœlo

Matth. 2. ¹ Stella per gratiam , & tres Magi coruscatione Euangelici fulgoris acciti , in omnibus quotidie nationibus ad adorandam potentiam summi regis accurrunt . Herodes in diabolo quoq; fremit , & auferri sibi iniquitatis suæ regnum in ihs , qui ad Christum transiunt , ingemiscit . Vnde si paruulos interficiat , Iesum sibi videtur occidere : Quod vtq; facere sine cessatione molitur , dum primordijs renatorū spiritū sanctū eripere , & quandā teneræ fidei velut infantiā tētā extingue-re . Iudæi verò , qui extra regnum Christi esse voluerūt , adhuc quodammodo sub Herodis sunt principatu . Et dominante sibi saluatoris inimico , alienigenæ seruiunt potestati , quasi nesciant prophetatum , dicente Jacob:

Jacob: Non deficit princeps ex Iuda, & dux Genes. 49
 de femoribus eius, donec veniat cui reposita sunt: & ipse est expectatio gentium. Sed nondum intelligunt, quod negare non possunt, & mente non capiunt, quod scripturarum narratione nouerunt. Quoniam insanis magistris veritas scandalum est, & cęcis doctribus sit caligo, quod lumen est. Respondent itaque interrogati, quod in Bethleem nascitur Christus, & scientiam suam, qua alios instruunt, non sequuntur. Perdiderunt igitur placationē hostiarum, successionem regum, locum supplicationum, & ordinem sacerdotum: & quum omnia sibi clausa, omnia experiantur sibi esse finita, non vident ea in Christum esse transalata. Vnde quod illi tres viri vniuersarum gentium personam gerentes, adorato domino sunt adepti, hoc in populis suis per fidem, quae iustificat impios totus mundus assequitur: & hereditatem domini ante secula præparatam accipiunt adoptiui, & perdunt, qui videbantur esse legitimi. Resipisce tandem Iudæe, resipisce, & ad redemptorem tuum deposita infidelitate conuertere. Noli sceleris tui immanitate terreri. Non iustos Christus, sed peccatores vocat: Nec impietatem tuam repellit, qui pro te, dum crucifixus esset, orauit. Immitem crudelium patrum tuorum solue sententiam, neque te eorum maledicto patiaris astringi, qui clamantes de Christo, Sanguis eius super nos & super filios nostros, facinus in te sui criminis transfuderunt. Re-

Magi gen
tiū perso-
nā
runt.

Iudæoru
vocatio ad
resipiscen
tiam.
Matth. 9.
Lucæ 23.

Matth. 27

• DE EPIPHANIA DVM

dite ad misericordem, ut imini clementia remittētis. Seuitia enī vestre iniuitatis conuersa est in causam salutis. Viuit, quem perire voluistis. Confitemini negatum, adorate venditum, ut vobis bonitas illius proficit, cui vestra malignitas nocere nō potuit. Quod ergo ad veram dilectissimi pertinet charitatem, quam etiam inimicis nostris ex dominica eruditione debemus, & optandum nobis est & studendum, ut hic populus, qui ab illa spirituali patrum nobilitate defecit, ramis suæ arboris inseratur. Multū enim nos Deo benevolentia ista commendat: quia ideo delictum eorum nobis misericordię locū fecit, ut eos ad æmulationem salutis recipiēdę fides nostra reuocaret. Nam vitā piorū non solum sibi, sed etiam alijs esse utilem decet,

**Opus
commen-
datio.** vt quod apud eos agi non potest verbis, obtineatur exemplis. Considerantes igitur dilectissimi ineffabilē erga nos diuinorū munierum largitatem, cooperatores simus gratiæ Dei operantis in nobis. Non enim dormientibus prouenit regnum cœlorum, nec ocio desidiāq; torpentibus beatitudo æternitatis ingeritur: sed quia, sicut Apostolus ait, si compatimur, & cōglorificabimur, illa nobis currēda est via, quā ipse dominus se esse testatus est: qui nobis nullis operū meritis suffragantibus, & sacramēto consuluit & exemplo, ut in adoptionem vocatos per illud proucheret ad salutē, per hoc imbueret ad laborem. Hic autē labor dilectissimi p̄hs filijs & bonis seruis nō solum nec asper-

Rom. 8.

Ioan. 14.

**Humili-
bus & ob-
edienti-
bus nihil
difficile.**

nec

nec onerosus, sed etiā suavis & leuis est, di-
cente domino: Venite ad me omnes, qui la-
boratis & onerati estis, & ego reficiam vos.
Tollite iugum meum super vos, & discite à
mē, quia mitis sum & humilis corde, & inue-
nietis requiem animabus vestris. Iugū enim
meum suave est, & onus meum leue. Nihil
ergo dilectissimi arduum est humilibus, ni-
hil asperū mitibus, & facile omnia præcepta
veniunt in effectum, quando & gratia præ-
tendit auxilium, & obedientia mollit impe-
rium. Intonante enim quotidie auribus no-
stris eloquio Dei, omnis homo, quid diuinæ
iustitiae placeat, scire conuincitur. Sed quia
iudiciū illud, quo vnuſquisq; recipiet, prout
gessit, siue bonum, siue malum, iudicatur
patientia & bonitate differtur, impunitatem
sibi iniquitatis infidelium corda promit-
tunt, & putant humanorum actuū qualita-
tes ad diuinæ prouidentiæ non pertinere
censuram, quasi nō euidentissimis plerunq;
supplicijs male gesta plementur, aut non sæ-
pe cœlestium comminationū terror ostentet:
quibus vtiq; & fides monetur, & infide-
litas increpatur. Inter hæc autem perma-
net super omnes benignitas Dei, & nulli mi-
sericordiā suam denegat, cū indiscretè vni-
uersis bona multa largitur, eōsq; quos meri-
to subderet pœnis, magis vult inuitare be-
neficij. Dilatio enim vindictæ dat locū pœ-
nitentiæ. Nec tamē dici potest, nulla ibi esse
vltio, vbi nulla conuersio est: quia mēs dura
& ingrata iam sibi ipsa supplicium est, & in

2.Cor.3.

conscientia sua patitur , quicquid Dei bonitate differtur . Non ita igitur delinquentes peccata delectent, vt illos in suis actibus vi- tæ huius finis inueniat. Quoniam in inferno nulla est correctio , nec datur remedium sa- tisfactionis, vbi iam non superest actio vo- luntatis, dicente propheta David: Quoniam non est in morte, qui memor sit tui: in inferno autem quis confitebitur tibi ? Fugiantur noxiæ voluptates, inimica gaudia, & deside- ria iam iamq; peritura. Quis fructus est, quæ vtilitas, ea indesinenter cupere , quæ etiam si non deserunt , deserenda sunt ? Amor re- rum deficientium ad incorruptibilia trans- feratur, & ad sublimia vocatus animus cœ- lestibus delectetur . Confirmate amicitias cum sanctis angelis , intrate in ciuitatem Dei , cuius vobis spondetur habitatio , & Patriarchis , Prophetis , Apostolis , Mar- tyribusque sociamini . Vnde & illi gau- dent, inde gaudete . Horum diuitias con- cupiscite, & per bonam æmulationem ipso- rum ambiente suffragia . Cum quibus enim fu- erit vobis consortium deuotionis , erit & communio dignitatis . dum itaq; tēpus vo- bis ad mandata Dei exequenda conceditur, glorificate Deum in corpore vestro, & luce- te dilectissimi sicut luminaria in hoc mūdo . Sint lucernæ mentium vestrarū semper ar- dentes , & nihil resideat vestrīs in cordibus tenebrosum . Quoniam sicut ait Apostolus: Fuitis aliquando tenebræ, nunc autem lux in domino , vt filij lucis ambulate : implea- turq;

Psal. 6.

Sanctorū
ambiendā
suffragia.
1. Cor. 6.
Philip. 2.
Lucæ 12.
T̄phes. 5.

türque in vobis quod in trium Magorum imagine præcessit. Et sic luceat lux vestra coram hominibus, vt videntes opera vestra bona, magnificenter patrem vestrum, qui in cœlis est. Sicut enim magnum peccatum est, cum inter gentes propter malos Christianos nomen domini blasphematur: ita magnum pietatis est meritum, cum eidem in sancta seruorum suorum conuersatione benedicitur. Cui est honor & gloria in secula seculorum, Amen.

Sermo V I. in eadem solennitate.

*Quomodo munera mysticè offerre debeamus
docet, diaboli (per Herodem significati)
insidiandi rabiem & furorem, & quomo-
do persecutionibus tyrannorum Ecclesia crea-
uerit, indicat, & quam periculosa sit
tranquillitas ista à tyrannorum
persecutionibus.*

Diles dilectissimi, quo primum gentibus
saluator mundi Christus apparuit, sa-
cro nobis honore venerandus est. Illa ho-
die cordibus nostris concipienda sunt gau-
dia, quæ in trium Magorum fuere pecto-
ribus, quando regem cœli & terræ signo
& ductu noui syderis incitati, quem credi-
derant promissum, adorauere conspicuum.

• DE EPIPHANIA DOMINI

Neque enim ita ille emensus est dies, ut virtus operis, quae tunc est reuelata, transferit, nihilq; ad nos nisi rei geste fama peruererit, quam fides susciperet, & memoria celebraret, cum multiplicato munere Dei, etiam quotidie nostra experiantur tempora, quicquid illa habuere primordia. Quamuis ergo narratio Euangelicæ lectionis illos propriè recenseat dies, in quibus tres viri, quos nec prophetica prædicatio docuerat, nec testificatio legis instruxerat, ad cognoscendum Deum à remotissima orientis parte venerunt, hoc idem tamen & manifestius nunc & copiosius fieri in omnium vocatorum illuminatione perspicimus, quoniam impletur prophetia Esaiæ dicentis: Reuelavit dominus brachium sanctum suū in conspectu omnium gentium, & viderunt omnes gentes terrę salutem, quę à domino Deo nostro est. Et iterum: Et quibus non est annunciatum de eo, videbunt, & qui non audiverūt, intelligent. Vnde cum cernimus homines mundanæ sapientiæ deditos, & à Iesu Christi confessione longinquos, de profundo erroris sui reduci, & ad cognitionem veri luminis aduocari, diuinæ procul dubio gratiæ splendor operatur, & quicquid in cordib⁹ tenebrosis nouæ lucis appetet, de eiusdem stellæ radīs micat, ut mentes quas suo fulgore contigerit, & miraculo mouat, & ad Deum adorandum præeundo perducat. Si autem sollicito intellectu velimus aspicere, quomodo etiam triplex illa species mune-

Esaiæ 53.

Esaiæ 52.

rum ab omnibus, qui quia ad Christum gressu fidei veniunt, offeratur, nonne in cordibus recte credentium eadem celebratur oblatio? Aurum etenim de thesauro animi sui promit, qui Christum regem vniuersitatis agnoscit. Myrrham offert, qui vnigenitum Dei credit veram sibi hominis vniuersitatem. Et quodam eum thure veneratur, qui in nullo ipsum paternae maiestati imparem confitetur. His comparationibus dilectissimi prudenter inspectis, inuenimus etiam Herodis non deesse personam, cuius ipse diabolus, sicut tunc fuit occultus incensor, ita nunc quoque indefessus est imitator. Cruciatur enim vocatione gentium, & quotidiana potestatis suae destructione torquetur, dolens ubique se deserit, & verum regem in locis omnibus adorari. Parat fraudes, fingit dissensiones, erumpit in cædes, & ut reliquias eorum, quos adhuc fallit, vtratur, inuidia vritur in Iudeis, simulatione insidiatur in hereticis, saevitia accenditur in paganis. Videt enim insuperabilem esse potentiam regis æterni, cuius mors ipsius vim mortis extinxerit, & ideo totam nocendi artem in eos, qui vero regi famulantur, armavit: alios per inflationem scientię legalis obdurās, alios vero in furorē persequutionis instigans: alios per falsas fidei commēta depauās. Sed hāc Herodis istius rabiē ille vincit & destruit, qui etiam paruulos martyrij* gloria palma coronauit: & fidelibus suis tam inuictam indidit charitatem, vt Apostoli verbis

Herodis
& diabolici
famulis
insidiandi
furor.

Rom. 8. audeant dicere. Quis nos separabit à charitate Christi? tribulatio? an angustia? an persecutio? an fames? an nuditas? an periculum? an gladius? sicut scriptum est: Quia propter te mortificamur tota die, æstimati sumus sicut oves occisionis. Sed in his omnibus superamus propter eum, qui dilexit nos. Hanc fortitudinem dilectissimi, non illis tantum temporibus necessariam fuisse credimus, quibus reges mundi, & omnes seculi potestates, cruenta impietate in Dei populum sæuebant, quum ad maximum pertinere gloriam suam ducerent, si de terris nomen Christianum auferrent, ne-tyrānorū scientes Ecclesiam Dei per furorem sue crudelitatis augeri: quoniam in supplicijs & mortibus beatorum martyrum, qui putabantur minui numero, multiplicabantur exemplo. Denique tantum cōculit fidei nostra.

Persecutionibus & **tyrānorū** **creuisse ecclēiam.** **Oci &** **abstantib.** **Persecutione noua**

magis regium ornet principatum, quām quod domini mundi membra sunt Christi: nec tam gloriantur, quod in imperio geniti, quām gaudent, quod in baptisme sunt renati. Sed quia tempestas priorum turbinum conquieuit, & dudum cessantibus prælijs quædā videtur arridere tranquillitas, vigilanter cauenda sunt illa discrimina, quæ de ocio ipsius pacis oriuntur. Aduersarius tamen, qui in apertis inefficax persecutionib⁹ fuit, tecta nocēdi arte desæuit, vt quos nō percultit istu afflictionis, lapsu deñciat voluptatis. Videns itaq; sibi resistere principum fidem,

fidem , & vnius deitatis inseparabilem Trinitatē nō segnius in palatijs, quam in Ecclesijs adorari, interdictā dolet sanguinis Christiani effusionem , & quorum obtinere non potest mortes , impedit mores. Terrores proscriptionum in auaritię mutat incendium, & quos damnis non fregit, cupiditate corrumpit . Malignitas enim longo vsu proprię imbuta nequitiae, nō depositus odiū, sed vertit ingenium , quo sibi mentes fidelium blandius subdat. Inflammatur enim concupiscentijs, quos nō potest vexare tormentis serit discordias , accedit iras, incitat linguas , & ne ab illicitis dolis cautiora corda se reuocent , cōsummandorum scelerum ingredit facultates : quia illi totius fraudis hic fructus est , vt qui immolatione pecudum & thuris incensione nō colitur, quibuslibet criminibus seruiatur . Habet igitur dilectissimi pax nostra pericula sua, & frustra de fidei libertate securi sunt , qui vitiorum desiderijs non resistunt . Cor hominū de operū ostenditur qualitate, & formas mentium species detegit actionum . Nam sunt quidam, sicut ait Apostolus, qui Deū profitentur se scire , factis autem negant . Verè enim reatus negationis incurritur , quando bonum, quod in sono vocis auditur, in conscientia nō habetur . Fragilitas enim humanae conditionis facilè in delicta prolabitur. Et quia nullum sine delectatiōe peccatum est, cito acquisicitur deceptoriae voluptati. Sed à carnalibus desiderijs recurritur ad spirita-

Ad Tis.

DE EPIPHANTIA DOM.

ie præsidium, & mens habens notitiam Dei
sui , à consilijs se malesuadi hostis auertat.
Profit illi patiētia Dei, nec ideo delinquen-
di pertinacia nutriatur, quia vindicta differ-
tur. Nō sit peccator de impunitate securus,
quia si tempus pœnitentiæ amiserit, locum
indulgentiæ non habebit, dicente propheta:
Psal. 6. Quia non est in morte, qui memor sit tui: in
inferno autem quis cōfitebitur tibi? Qui au-
tem sibi correctionis reparationem experi-
tur esse difficilem configiat, ad auxiliantis
Dei clementiam, & vincula malæ consuetu-
dinis ab illo poscat abrūpi , qui alleuat om-
Psal. 44. nes, qui corruūt, & erigit omnes elisos. Non
erit vacua confitentis oratio , quoniam mi-
sericors Deus voluntatem timentium se fa-
ciet, & dabit quod petitur , qui dedit vnde
neteretur, per dominū nostrum Iesum Chri-
stum, qui viuis & regnat in secula seculo-
rum, Amen.

Sermo V I I . in eadem solennitate.

De humilitate & infantia saluatoris, ad quā nos cobortatur.

MEmoria rerum ab humani generis sal-
uatorē gestarum , magnam nobis
dilectissimi confert vtilitatem , si quæ ve-
neramur credita , suscipiamus imitanda.
In dispensationibus enim sacramentorum
Christi, & virtutes sunt gratiæ, & incitamē-
ta doctrinæ: ut quem confitemur fidei spiri-
tu ope-

tu operum quoq; sequamur exemplo. Nam etiam ipsa primordia, quæ Dei filius per matrem virginem nascendo suscepit, ad prouectum nostræ pietatis instituunt. Simul enim apparet cordibus rectis in vna eademq; persona, & humana humilitas, & diuina maiestas. Quem cunq; testantur infanté, cœlum & cœlestia suū loquuntur autorē. Puer corpore paruus, mundi rector & dñs: & genitricis gremio continetur, qui nullo fine concluditur. Sed in his nostrorum vulnerum est curatio, & nostræ deiectionis erectio: quia nisi in vnū tanta diuersitas conueniret, recōciliari Deo humana natura nō posset. Legem ergo viuēdi remedia nobis nostra sanxerūt: & inde data est moribus forma, vnde mortuis est impēsa medicina. Nec immerito, cū tres Magos ad adorādum Iesum noui sydēris claritas deduxisset, non eū imperantē dēmonibus, nō mortuos suscitantem, non cæcis visum, aut claudis gressum, aut multe eloquium reformantem, vel in aliqua diuinarum virtutum actione viderunt: sed puerum silentem, quietum, & sub matris sollicitudine cōstitutum: in quo nullum quidem appareret de potestate signum, sed magnum præbetur de humilitate miraculum. Ipsa itaq; species sacræ infantiæ, cui se Deus Dei filius aptarat, prædicationem auribus intimandam oculisq; gerebat: & quod adhuc vocis nō proferebat sonus, visionis iam docebat effectus. Tota enim victoria saluatoris, quæ & diabolum superauit & mundum, humili-

DE EPIPHANIA DOM.

humilitate est concepta, humilitate est confecta. Dispositos dies sub persequutione inchoauit, & sub persequutione finiuit, nec puer tolerantia passionis, nec passuro defuit mansuetudo puerilis: quia vnigenitus Dei sub vna maiestatis suæ inclinatione suscepit, vt & homo vellet nasci, & ab hominibus posset occidi. Si igitur omnipotēs Deus causam nostrā nimis malam, humilitatis priuilegio bonā fecit, & ideo destruxit mortē & mortis autorē: quia omnia, quæ persequutores intulere, non renuit, sed obediens patri crudelitates sœuentiū mitissima lenitate tolleravit, quantum nos humiles, quantum oportet esse patientes, qui si quid laboris incidimus, nunquā nisi nostro merito sustinemus? Quis enī gloriabitur castum se habere cor? aut mundū se esse à peccato? & diente beato Ioanne, Si dixerimus, q̄a peccatum nō habemus, nos ipsos seducimus, & veritas in nobis nō est: qs inuenietur ita immunitas à culpa, vt in eo non habeat vel iustitia quod arguat, vel misericordia quod remittat? Vnde tota dilectissimi Christianæ sapientię disciplina, nō in abundantia verbi, non in astutia disputādi, neq; in appetitu laudis & gloriæ, sed in vera & voluntaria humilitate cōsistit: quam dñs Iesus Christus ab utero matris usq; ad suppiciū crucis, p omni fortitudine & elegit & docuit. Nā cū discipuli eius intra se, vt ait Euāgelista, disquirerent, quis eorū maior esset in regno cœlorū, vocauit parvulum, & statuit eum in medio eorum,

Humili-
tatis Chri-
sti mag-
num exē-
plum.

Humilita-
vis laus.

Lucæ 22.
Matth. 18.

sum, & dixit: Amen dico vobis, nisi conuerteritis, & efficiamini sicut paruuli, non intrabitis in regnum cœlorum. Quicunq; ergo humiliauerit se sicut puer iste, hic maior erit in regno cœlorum. amat Christus infantiam, quam primum suscepit, & animo & corpore. Amat Christus infantiam, humilitatis magistrā, innocētiæ regulā, mansuetudinis formam. Amat Christus infantiam, quæ maiorū dirigit mores, ad quā senum reducit ætates, & eos ad suū inclinat exemplum quos ad regnum sublimat æternum. Ut autem pleni valeamus agnoscere, quomodo apprehēdi possit tam mira confessio, & in puerilem gradū qua nobis imitatione redeundum sit doceat nos beatus Paulus, & dicat : Nolite pueri effici sensibus, sed malitia paruuli estote. Non ergo ad lubrici infantiae & imperfecta nobis primordia redeundū est, sed aliquid quod etiam graues annos deceat, inde sumendū est, velox commotionum transitus, citus ad pacem recursus. Nulla sit memoria offensionis, nulla cupiditas dignitatis. Amor sociæ dilectionis, æqualitas naturalis. Magnum enim bonum est, nocere non nosse, & ad maligna non sapere: quia inferre ac referre iniuriam, mūdi huius prudentia est: nemini autem malū pro malo reddere, Christianæ est equanimitatis infantia. Ad hāc vos dilectissimi similitudinem paruolorū mysterium hodiernæ festiuitatis inuitat, & hāc vobis humilitatis forma adoratus à Magis puer saluator insinuat, qui

DE EPIPHANIA DOMINI

at, qui ut imitatoribus suis quid gloriæ pararet, ostenderet, ortus sui tempore æditos, martyrio consecrauit, ut in Bethleem, vbi Christus natus est, geniti, per communionem etatis cōsortes fierent passionis. Ametur igitur humilitas, & omnis à fidelibus vietetur elatio. Alter alterum sibi præferat, & nemo quod est suum, quærat, sed quod alterius, vt cum in omnibus abundauerit affectus benevolētiæ, in nullo virus inueniatur
Lucæ 14. inuidiæ: quoniam qui se exaltat, humiliabitur, & qui se humiliat, exaltabitur: eodē ipso testante domino nostro Iesu Christo, qui cum patre & spiritu sancto viuit & regnat Deus in secula seculorum, Amen.
Lucæ 16.

Sermo VIII. in eadem solennitate.

*Non indigna cestimanda de Christi maiestate,
& quibus argumentis deprahens
datur, Deum in nobis habitare.*

Causam dilectissimi & rationem solennitatis hodiernæ sœpe vobis & Evangelica narratio, & obseruantiae consuetudo patefecit: nec necesse est ita nunc, quæ inter saluatoris nostri primordia humana sunt gesta, replicari, vt de splendore noui syderis, de Magis Magorumq; muneribus, de saeuitia Herodis & de imperfectione infantū differamus, cum sicut nostis, & in stellæ fulgore Dei gratia, & in tribus viris vocati gentium,

gentium , & in rege impio crudelitas pag-
norū , & in occisione infantium , cunctorum
martyrum forma præcesserit . Sed quia in
sacratisimo die reddendum expectationi
vestræ est sacerdotalis sermonis officium ,
nitamur , vt possimus adiuuante spiri-
tu Dei , eo per intelligentiæ semitas per-
uenire , vt cognoscamus sacramentum
præsentis festi ad omnium fidelium tem-
pora pertinere : nec ullo modo habeatur
insolitum , quod in dispensationum ordi-
ne adoratur antiquum . Quamuis ergo
omnis anima Christiana nihil indignum
habeat de filij Dei maiestate sentire , & tran-
scensis incipientis fidei rudimentis oport-
eat vnumquenque ad sublimiora profi-
cere : necesse est tamen infirmitatem men-
tis humanæ , dum verum hominem acci-
pit Christum , de ipsa naturæ nostræ com-
munione trepidare , & per initia vel incre-
menta corporea ad agnitionem vnius cum
patre deitatis difficulter accedere , sed ubi
inter caligantes cogitationes radius super-
næ lucis refulserit , cunctantes fidei moras
splendor veritatis abrumpat , vt cor libe-
rum , & à visilibus absolutum , lumen in-
telligentiæ tanquam ducem stellam sequa-
tur : quia sicut Apostolus ait , Dominus Ie- Philip.
sus Christus gloria est Dei patris , quem
vt venerabatur in cunis humiliter ia-
centem , ipsum sine diffidentia adoret cum
patre regnantem . Hæc autem manifestatio
dilectissimi , quæ hæsitantium nebulas dissol-
uit ani-

DE EPIPHANIA DOM.

tit animarum, & ita facit innotescere Dei filium, ut de hoc, quod idem est etiam hominis filius, nihil patientur obstaculi, ad praesentis festi pertinet dignitate, & vera est infanta saluatoris, declaratio deitatis, quādo carnis sensus ab humanis ad diuina transfertur, ut quos deprimunt experimenta infirmitatum, erigant signa virtutum: Quia tali auxilio & natura nostra indigebat, & causa, ut reparare genus humanam, nec sine maiestate posset humilitas, nec sine humilitate maiestas. Iam vero cum in singulorum fidelium profectib⁹ diuinorū elucet custodia mādatorum, impleturq; quod dicit⁹ est: Sic luceat lux vestra coram hominibus, ut videant opera vestra bona, & magnificent patrem vestrum, qui in cœlis est: quis illic non praesentem intelligat maiestatem, ubi veram videt apparere virtutem? quæ utiq; sine Deo nulla est, nec proprietatem obtinet dignitatis, nisi spiritu sui vegetetur autoris. Dicēte enī discipulis suis dño, Sine me nihil potestis facere, dubiū nō est, hominē bona agentem, à Deo habere & effectum operis, & initium voluntatis, Vnde & Apostolus copiosissimus fidelium cohortator, cum timore, inquit, & tremore vestram salutem operamini. Deus est enim, qui operatur in vobis & velle & operari pro bona voluntate. Et hæc sanctis causa est tremendi, atq; metuendi, ne ipsis operibus pietatis elati, deserantur opere gratiæ, & remaneant in infirmitate naturæ.

Qui autem experiri cupit, an in ipso Deus
habitet,

Matth. 5.

Ioan. 15.

Philip. 2.

In hac vi-
ta nemo
sit secu-
rus.

nabitet, de quo dicitur, Mirabilis Deus in sanctis suis: syncero examine cordis sui interiora discutiat, & sagaciter querat, qua humilitate resistat superbiæ, qua benevolentia obliquetur inuidiæ, quam nō capiatur adulantium linguis, quamq; bonis delectetur alienis, an pro malo non cupiat malum reddere, malitq; inultas obliuisci iniurias, quām imaginem & similitudinem sui conditoris amittere, qui omnes ad cognitionem sui generalibus incitans donis, pluit super iustos & iniustos, & solem suum oriri facit super bonos & malos. Ac ne in multis laboret sollicitæ discretionis inspectio, ipsam matrem virtutum omnium charitatē in secretis suæ mentis inquirat: & si in ea dilectionem Dei & proximi toto corde intenti repererit, ita ut etiam inimicis suis eadē velit tribui, quæ sibi optat impendi, quisquis huiusmodi est, Deum & rectorem & habitatorem sui esse non dubitet: quē tanto magnificentius recipit, quanto magis non in se, sed in domino gloriatur: Quoniā quibus dicitur, Regnum Dei intra vos est: nihil non illius aguntur spiritu, cuius reguntur imperio. Scietes igitur dilectissimi, quoniam charitas Deus est, qui operatur omnia in omnibus sectamini charitatem, ita ut in vnum castæ dilectionis affectum, vniuersorum fidelium corda concurrant. Transeuntia nos & vana non occupent: constanti desiderio ad ea, que sunt semper mansura, tendamus. Sacramentum enim presentis festi oportet in nobis esse

Experi-
menta in-
habitatio
nis diuina

Matth. 5.

Charitas
omnium
virtutum
mater.

2 Cor. 20.

Lucæ 17.

1. Ioan. 4.

DE QVADRAGESIMA.

bis esse perpetuum. Quod utiq; sine fine celebrabitur , si in omnibus actib; nostris dominus Iesus Christus appareat, qui cum patre & spiritu sancto viuit & regnat in secula seculorum, Amen.

S E R M O P R I M V S
de Quadragesima.

Ieiunandum esse Hebraeorum exemplo & Christi ad victoriam obtinendam contra hostes inuisitibiles, & de modo ieiunandi.

HEbraeorum quondam populus & omnes Israeliticæ tribus , quum propter peccatorum suorum offendit graui Philistinorum dominatione premerentur , vt superare hostes suos possent, sicut sacra manifestat historia, vires animi & corporis indicto sibi reparauere ieiunio . Intellexerant enim duram & miseram illam subiectionem neglectu se mandatorum Dei & morum corruptione meruisse , frustraque se armis certare , nisi prius vitis repugnassent . Abstinentes ergo à cibo & potu , seueræ sibi castigationis adhibuere censuram , & vt hostes suos vincenterent , gulæ illecebram in seipsis ante vicerunt . Factumque est hoc modo , vt saevi aduersarij & graues domini esurientibus cederent,

derent, quos sibi saturos subiugarāt. Et nos itaq; dilectissimi, inter multas aduersitates & prælia constituti, si similibus remedijis uti cupimus, simili obseruatione curemur. Eadem enim propemodum causa nostra est, quæ illorum fuit: quoniam sicut illi à carna-
libus aduersarijs, ita & nos à spiritualibus maximè impugnamur inimicis. Qui si donata nobis per Dei gratiam morum correctione vincatur, & corporeorum nobis hostium fortitudo succumbet, & emendatione nostra infirmabuntur, quos graues nobis, non ipsorum merita, sed nostra delicta fecerūt. Quapropter dilectissimi, vt omnes hostes nostros superare valeamus, per obseruantiam coelestium mandatorum diuinum quæramus auxilium, scientes non aliter nos præualere posse aduersarijs nostris, nisi præualuerimus & nobis. Sunt enim intra nos metipsos multa certamina, & aliud caro aduersus spiritū, aliud aduersus carnem: spiritus concupiscit. In qua dissensione si cupiditates corporis fuerint fortiores, turpiter animus amittet propriam dignitatē, & perniciosum erit eum seruire, quem decuerat imperare. Si autem mens rectori suo subdita, & supernis muneribus delectata, terrenæ voluptatis incitamenta calcauerit, & in suo mortali corpore regnare peccatum non sive rit, ordinatissimum tenebit ratio principatum, & munitiones eius nulla spiritualium nequitiarum labefactabit illusio: quia tunc est vera pax hominis & vera libertas, quam
do &

Rom. 8.

• DE QVADRAGESIMA.

do & caro animo iudice regitur & animus
Deo præside gubernatur. Hæc autem præ-
paratio dilectissimi, licet omni tempore sa-
lubriter assumatur, vt per uigiles hostes in-
cessabili superentur industria, nunc tamen
solicitius expetenda est & studiosius instru-
enda, quando & ipsi subtilissimi aduersarij
acriori insidiatur astutia. Scientes enim age-
re nos sacratissimos Quadragesimæ dies, in
quorum obseruantia omnes præteritæ desi-
diæ castigantur, omnes negligentiae diluun-
tur, ad hoc totam vim suæ malignitatis in-
tendunt, vt celebratur sanctum pascha do-
mini, in aliquo inueniamur indigni: & vn-
de nobis obtainenda erat propitiatio, inde
contrahatur offensio. Accedentes ergo dile-
ctissimi ad quadragesimæ initium, id est, ad
diligentiorem domini seruitutem, quia quasi
ad quandam agonem sancti operis introi-
mus, ad pugnas tentationum animos prepa-
remus, & intelligamus quanto studiosiores
pro nostra salute fuerimus, tanto nos vehe-
mentius ab aduersarijs impetendos. Sed for-
tior est, qui in nobis est, quam qui aduersum
nos est, & per ipsum validi sumus, in cuius
virtute confidimus: quia ob hoc dominus se-
tentari à tentatore permisit, vt cuius muni-
mur auxilio, eiusdem erudiremur exemplo.
Vicit enim aduersarij, vt audistis, testimo-
nijs legis, non potestate virtutis, vt hoc ipso
& hominé plus honoraret, & aduersarium
plus puniret: cum hostis generis humani
non solum quasi à Deo, sed etiam quasi ab
homi-

ntari
tur Chri-
stus volu-
erit.

homine impugnaretur & vinceretur. Pugnauit ergo ille tūc, vt & nos postea pugnaremus: vicit ille, vt & nos similiter vinceremus. Nulla sunt enim dilectissimi sine temptationum experimentis opera virtutis, nulla sine perturbationibus fides, & nullū sine hoste certamen, nulla sine congreſſione victoria. Vita hæc nostra in medio insidiatorum, in medio præliorū est. Si nolumus decipi, vigilandū est: si volumus superare, pugnādū est. Et ideo sapiētissimus Salomon: Fili, inquit, accedens ad seruitutem Dei, præpara animam tuam ad temptationem. Vir enim Dei sapientia plenus, sciens studium religio-
 nis laborem habere certaminis, cum præui-
 deret pugnæ periculum, ante admonuit pu-
 gnaturū, ne forte si ad ignorantem tentator
 accederet, imparatū citius vulneraret. Nos
 itaq; dilectissimi, qui diuinis institutioni-
 bus eruditi, ad agonem præsentis certami-
 nis scienter accedimus, audiamus dicentem
 Apostolum: Nō est nobis colluctatio aduer-
 sus carnem & sanguinem, sed aduersus prin-
 cipes & potestates, aduersus mundi recto-
 res tenebrarum harum, contra spiritalia ne-
 quitiæ in cœlestibus. Et non ignoremus, q;
 hi hostes nostri cōtra se geri omnia sentiūt,
 quæcunq; nos pro nostra salute agere ten-
 tamus, & hoc ipso, quod boni aliquid appeti-
 mus, aduersarios prouocamus. Hæc enim
 inter nos atq; illos diabolicæ inuidiæ fomi-
 tē inquietata dissentio est, vt q; illi ab alijs
 bonis exciderūt, ad quæ nos Deo auxiliante

Prouer. 5.

Ephes. 6.

DE QUADRAGESIMA.

prouehimur , nostris iustificationibus torqueatur. Si ergo nos erigimur, illi corrunt: si nos conualescimus, illi infirmantur . Remedia nostra plagæ ipsorum sunt , quia curatione nostrorum vulnerum vulnerantur.
Ibidem. State ergo dilectissimi, vt Apostolus ait, sucinæ lumbos mentis vestræ in veritate , & calceati pedes in præparatione Euangeli pacis , in omnibus sumentes scutum fidei , in quo possitis omnia tela nequitiæ ignea extinguere, & galeam salutis assumite, & gladium spiritus, quod est verbum Dei. Vide te dilectissimi , quâm potentibus nos telis, quâm insuperabilibus munimétiis dux multis insignis triumphis, & inuitus Christianæ militiae magister armauerit . Succinxit lumbos baltheo castitatis , calceauit pedes vinculis pacis, quia & discinctus miles cito ab impudentiæ incentore vincitur , & non calceatus, facile à serpente mordetur. Scutum fidei ad protectionem totius corporis dedit, capiti galeam salutis imposuit , dexterâ gladio, id est, verbo veritatis instruxit, vt spiritualis præliator non solum sit tutus a vulnere, sed & repugnantē valeat vulnerare . His igitur dilectissimi freti armis, impigrè atque intrepidè propositum nobis certamen ineamus, vt in isto iejuniorū studio, non eo tantum simus fine contenti, vt solam ciborum abstinentiam putemus esse seständam. Parum enim est, si carnis substantia tenuatur, & animæ fortitudo non alitur. Afflito pauculum exteriore homine, reficiatur interior, & sub-

unam
aut quo-
modo sit.

& subtrahit carni saturitate corporea, spiritualibus mēs delicijs roboretur. Circūspiciat se oīs anima Christiana, & seuero examine cordis sui interna discutiat. Videat, ne quid ibi discordiæ inhæserit, ne quid cupiditatis insiderit. Incōtinentiam castitas procul pellat, mendacijs tenebras lux abigat veritatis.

Quia os, quod mentitur, animam mentientis interficit. Detumescat superbia, humilitas assumatur, recipiscat iracundia, comminuantur iacula noxarum, & obtrectatio linguae frenetur. Cessent vindictæ, & obliuioni mandetur iniuriæ, Omnis postremo plantatio, quam non plantauit pater cœlestis, radicitus auferatur.

Sapien. 1.

Tunc enim in nobis bene virtutum semina nutriuntur, quando ab agro cordis nostri omne germen externum euellitur. Si quis ergo in quempiam ita cupiditate vltionis exarsit, vt eum aut carceri traderet, aut vinculis alligaret, absolutio nem non solum insontis, sed etiam eius, qui pœna dignus videtur, acceleret, vt illa dominicæ orationis regula fidenter vtatur, dicens:

Matth. 13

Dimitte nobis debita nostra, sicut & nos dimittimus debitoribus nostris. Quam partem petitionum ita dominus speciali insinuatione commendat, vt totius orationis effectus in hac conditione consistat. Si enim inquit, dimiseritis hominibus peccata eorum, dimittet & pater vester vobis, qui in cœlis est.

Matth. 6.

Si autem non dimiseritis hominibus, nec pater vester dimittet vobis peccata vestra. Proinde dilectissimi memores in-

Matth. 18

m iiiij armi-

DE QVADRAGESIMA.

firmitatis nostræ, quia facile in quælibet delicta prolabimur, hoc potentissimum remedium & istam efficacissimam vulnerum nostrorum curationem nullatenus negligamus. Remittamus, ut remittatur nobis, demus veniam, quam rogamus, & non studeamus vindicari, qui nobis præcamur ignosci. Pauperum gemitus surdo non transeamus auditu, & misericordiam indigentibus prompta benignitate præstemus, ut misericordiam in iudicio possumus inuenire. Ad quam perfectionem qui studium suum gratia Dei adiutus intendetit, hic sanctum iejunium fideliter peraget, hic à fermento malitiæ veteris alienus, in azymis synceritatis & veritatis ad beatum pascha perueniet, & per nouitatem vitæ dignè lætabitur in sacramento reformationis humanæ, per Christum dominum nostrum, qui cum patre & spiritu sancto viuit & regnat in secula seculorum, Amen.

Sermo I I. de Quadragesima.

*Viuendum est in Quadragesima religiosius,
quia tunc diabolus aduersum nos acris
ore sequit inuidia.*

LIcet nobis dilectissimi appropinquante festiuitate paschali iejunium Quadragesimæ ipse legitimi temporis recursus

cursus indicet, cohortatio tamen etiam nostri sermonis adhibenda est, quæ auxiliante domino, nec inutilis sit pigris, nec onerosa deuotis. Nam cum omnem obseruantia nostram ratio istorum dierum poscat augeri, nemo est (vt confido) de vobis, qui se ad opus bonum non gaudeat incitari. Natura enī nostra, manēte adhuc mortalitate, mutabilis, etiam si ad summa quæcꝫ virtutum studio prouehatur, semper tamē sicut potest habere, quo recidat, ita potest habere, quo crescat. Et hēc est perfectorū vera iustitia, vt nunquam pr̄sumant se esse perfectos, ne ab itineris nondum finiti intentione cessantes, ibi incident deficiendi periculum, vbi proficiendi deposuerint appetitum. Quia ergo nemo nostrū dilectissimi tam perfectus est & sanctus, vt perfectior & sanctior esse non possit, oēs simul sine differētia graduū, sine discretione meritorum, ab īs, in quæ peruenimus in ea quæ nondum apprehendimur, pia auiditate curramus, & ad mensurā consuetudinis nostræ necessarij aliquid addamus augmenti. Parum enim religiosus alio tempore demonstratur, qui in his diebus religiosior nō inuenitur. Vnde oportunè auribꝫ nostris lectio Apostolicæ prædicationis insonuit dicens: Ecce nunc tempus acceptabile, ecce nunc dies salutis. Quid enī acceptius hoc tempore? quid salubrioris his diebus? in quibus vitijs bellum indicitur, & omnium virtutum profectus augetur. Semper quidem tibi ò anima Christiana vigiladum

Pr̄sumē-
dum nū-
quam de
virtutibus
propriis.

2. Cor. 16.

contra salutis tuę aduersarium fuit, ne vilus
 pateret locus tētatoris insidijs, sed modo ti-
 bi maior cautio & solicitior assumēda pru-
 dentia est, quando idem hostis tuus acriori
 s̄ævit inuidia. Nunc autem in toto mundo
 potestas ei antiquae dominationis aufertur,
 & innumerabilia illi captiuitatis vasa rapi-
 untur. Renunciatur atrocissimo prædoni à
 populis omnium nationum omniumq; lin-
 guarum, & nullum iam genus hominū repe-
 ritur, quod tyrannicis legibus reluctetur,
 dum per omnes fines terræ regeneranda in
 Christo multorum milium milia præparan-
 tur: & appropinquante nouę creature ortu,
 spiritualis nequitia, ab ihs quos possidebat,
 excluditur. Fremit ergo expoliati hostis im-
 pius furor, & nouum quærit lucrum, quia
 ius perdidit antiquum. Captat indefessus &
 peruigil, si quas reperiat oues à sacris gre-
 gibus negligentius euagantes, quas per pro-
 cliva voluptatum & per deuexa luxuriæ in-
 diuersoria mortis inducat. Inflammat itaq;
 iras, nutrit odia, acuit cupiditates, irridet
 continentia, incitat gulā. Quem enim ten-
 tare nō audeat, qui nec ab ipso domino no-
 stro Iesu Christo conatū suę fraudis abstinu-
 it? Nam sicut Euangelica patefecit historia,
 cum saluator noster, qui erat verus Deus, ut
 verum se hominē etiam demōstraret, & im-
 pias opiniones totius erroris excluderet,
 post quadraginta dierum noctiumq; ieui-
 niū infirmitatis nostræ in se recepisset esu-
 riem, gauisus diabolus signū se in eo paſi-
 bilis

Demo-
nis calli-
ditas.

Matth. 4.

bilis atq; mortalis inuenisse naturæ , vt ex-
ploraret potentiam , quam timebat: Si filius
Dei, inquit, es, dic vt lapides isti panes fiant.
Poterat itaq; istud omnipotēs , & facile erat,
vt ad creatoris imperium , in quam iubere-
tur specie , cuiuslibet generis creatura tran-
siret, sicut cum voluit , in conuiuio nuptiali Ioan. 2
aquam mutauit in vinum : sed hoc magis
salutiferis dispensationibus congruebat,
vt nequissimi hostis astutia , non potentia
deitatis, sed humilitatis mysterio vincere-
tur. Deniq; fugato diabolo , & omnibus arti-
bus callidi tentatoris elisis , accesserunt
ad dominum angeli , & ministrabant ei, vt
veri hominis & veri Dei , & apud dolo-
sas interrogations inuiolata esset humani-
tas , & apud sancta obsequia manifesta diui-
nitas. Confundantur itaq; filij diaboli atq;
discipuli , qui repleti inspiratione viperea,
simplices quosque decipiunt , negantes in
Christo vtramq; veram esse naturam , dum
aut deitatem homine aut hominem deitate
dispoliant,cum vnius temporis gemino do-
cumento vtraque falsitas sit perempta: quia
& per famem corporis perfecta humanitas,
& per famulantes angelos demonstrata est
perfecta diuinitas. Quia ergo dilectissimi, si-
cut redēptoris nostri magisterio edocti su-
mus, non in solo pane viuit homo, sed in o-
mni verbo Dei , dignumq; est , vt populus Matth. 4.
Deute. 6.
Christianus in quantacunq; abstinentia con-
stitutus, magis desideret se Dei verbo, quam
cibo satiare corporeo , prōpta deuotione &
alacri

DE QVADRAGESIMA.

Ieiunium valacri fide suscipiamus solenne iejunium,
verum non in sterili inedia , quam plerunque &
imbecillitas corporis & auaritiae mor-
bus inducit , sed in larga benevolentia cele-
brandum , vt scilicet simus de illis , de qui-

Matth. 5. bus ipsa veritas dicit : Beati , qui esuriunt
& sitiunt iustitiam , quoniam ipsi satiabun-
tur . Deliciae igitur nostrae sint opera pietatis , & illis cibis , qui non ad æternitatem
nutriunt, impleamur . Letemur in refectionibus pauperum , quos impendia nostra sa-
tiauerint . Iucundemur in vestitu eorum,
quorum nuditatem indumentis necessarijs
texerimus . Sentiant humanitatem nostram
ægritudines decumbentium , imbecillitates
debilium , labores exulum , destitutio pu-
pillorum , & desolatarum lamenta vidua-
rum , in quibus iuuandis nemo est , qui
non aliquā possit exequi benevolentiae por-
tionem . Nulli enim parvus est census , cui
magnus est animus : nec de rei familiaris
modo, mensura miserationis pendet ac pie-
tatis . Nunquam merito caret , etiam in te-
nui facultate , bonæ voluntatis opulentia .
Maiora quidem impendia sunt diuitum &
minora mediocrium: sed non discrepat fru-
ctus operum , vbi idem est affectus ope-
rantium . In ista autem dilectissimi exer-
cendarum opportunitate virtutum , sunt
etiam aliarum insignia opera coronarum ,
quæ nullo horreorum dispendio , nulla di-
minutione pecuniae capiantur , si pella-
tur lasciuia , si abdicetur ebrietas , & car-
nalitis

voluntas
re-
munera-
tur.

nalis concupiscentia, castitatis legibus edometur. Si odia transeant in dilectionem, si inimicitiae conuertantur in pacem, si tranquillitas extinguat iram, si mansuetudo remittat iniuriam, si denique dominorum atque seruorum tam ordinati sint mores, vt & illorum potestas mitior, & istoru sit disciplina deuotior. Hac igitur obseruatio dilectissimi obtinebitur misericordia Dei, & abolito peccatorum reatu, religiosè venerandum pascha celebrabitur. Quod & Romani orbis p̄fissimi Imperatores sancta antiquitus obseruatione custodiunt, qui in honorem dominicæ passionis altitudinem suæ potestatis inclinant, & constitutionum suarum seueritate molita, multarum culparum reos præcipiunt relaxari, vt in diebus, quibus mundus saluatur miseracione diuina, etiam ipsorum supernæ bonitatis imitatrix sit æmulanda clementia. Intentur igitur Christiani populi principes suos, & ad domesticam indulgentiam regijs incitentur exemplis. Non enim priuatas leges fas est austiores esse quàm publicas. Remittantur culpæ, vincula soluantur, deleantur offendæ, pereant vltiones, vt sacra festiuitas per diuinam atque humanañ benignitatem omnes lætantes, omnes habeat innocentia, per dominum nostrum Iesum Christū, qui cum Deo patre & spiritu sancto viuit & regnat Deus per infinita secula seculorum, Amen.

Sermo III. de Quadragesima.

Non præsumendum de non peccandi facilitate, & de calliditate diabolice temptationis.

Emper quidem nos dilectissimi sapienter & sanctè viuere decet, & in id voluntates nostras actionesque dirigere, quod diuinæ nouimus placere iustitiae. Sed quum in appropinquant dies, quos illustriores nobis salutis nostræ sacramenta fecerunt, diligenter sollicitudine corda nostra sunt mundanda, & studiosius exercenda est disciplina virtutum, ut sicut ipsa mysteria quadam sui parte maiora sunt, ita & nostra obseruantia superet in aliquo consuetudinem suā, & cui festiuitas est celebrāda sublimior, ipse quoq; in ea reperiatur ornatior. Si enim rationabile & quodammodo religiosum videtur, per diem festum in vestitu nitidiore prodire, & habitu corporis hilaritatem mentis ostendere, si ipsam quoq; orationis domum propiore tunc cura & ampliore cultu, quantum possumus, adornamus: nonne dignum est, ut anima Christiana, quæ verum viuumq; Dei templum est, speciem suam prudenter exornet, & redemptionis suę celebratura sacramentum, omni circumspectione præcaueat, ne vlla eam macula iniquitatis obfuscat, aut duplicis cordis ruga dedecoret? Nā quid prodest honestatis formam præferens cultus

Festini
diebus
animus
maxime
purgatus.

cultus exterior, si interiora hominis aliquorum sordeant contaminatione vitiorum? Omnia igitur, quæ animi puritatem & speculum mentis obnubilat abstergenda sedulo, & quadam eliminatione radeda sunt. Scrutatur quisque conscientiam suam, scilicet ante se statuat proprij censura iudicij. Videat, si in secreto cordis sui illam, quam Christus dat, inuenit pacem, si desiderium spiritus nulla concupiscētia carnis impugnat, si humilia non spernit, si alta gloriæ appetit, si iniquo non delectatur lucro, si immoderato rerum suarum non gaudet augmento, si denique aliena felicitate non vritur, aut inimici miseria non letatur. Et quū harum perturbationum nihil in se fortè repererit, sincero disquirat examine, qualium cogitationum specie frequentetur: & utrum nullis vanitatum imaginibus acquiescat, vel quam cito animum ab his, quæ noxiè blandiuntur, abducat. Nam nullis illecebris cōmoueri, nullis cupiditatibus titillari, nō est istius vita, quæ tota tentatio est & qua nimur vincitur, qui vinci ab eadem non veretur. Superbum est Job 7. enim, de non peccandi facilitate presumere, quum hoc ipsum præsumpsisse, peccatum sit, dicente beato Ioanne Apostolo: Si dixerimus, quia peccatum non habemus, nos ipsos seducimus, & veritas in nobis non est. Nemo igitur dilectissimi se fallat, nemo se decipiat. Neq; enī quisquam de cordis sui puritate confidat, ut putet se nullis tentationum periculis subiacere, quum per uigil ille tentator

Ioan.14.

1. Ioan.8.

tentator eos acrioribus pullet in lidijs, quos
 maximè videt abstinere à peccatis. Nā à quo
 dolos suos contineat, qui ipsum quoq; do-
 minum maiestatis ausus est calliditatis suæ
 fraude tentare? Viderat suberbiam suam ba-
 ptizati domini Iesu humilitate calcatam, in-
 tellexerat quadraginta dierum ieunio om-
 nem cupiditatem carnis exclusam, & tamen
 non desperauit de artibus suæ malitiæ * spi-
 ritalis improbitas, tantumq; sibi de natu-
 ræ nostræ mutabilitate promisit, vt quem
 verum experiebatur hominem, præsumeret
 posse fieri peccatorē. Si ergo ab ipso domi-
 no & saluatore nostro deceptionum suarum
 diabolus non reuocauit insidias, quāto ma-
 gis fragilitatem nostram impugnare præ-
 sumet, quos exinde vehementiore odio &
 inuidia sœuiore persequitur, ex quo ei in ba-
 ptismo renunciauimus, & ab illa, cui domi-
 nabatur, origine in nouam creaturam diui-
 na regeneratione transiuimus? Vnde quia
 dum mortali carne circundamur, non desi-
 nit nobis antiquus hostis laqueos peccati
 vbiq; prætendere, & tunc maximè aduersus
 Christi membra sœuire, quando ab eis sunt
 celebranda sacratiora mysteria, merito do-
 ctrina spiritus sancti hac eruditione imbuit
 populum Christianum, vt ad paschale fe-
 stum quadraginta dierum cōtinentia se præ-
 pararet. Cuius purificationis ratio iam nos
 ad obseruantiam suæ salubritatis inuitat,
 & diligentiam nobis propositæ castigatio-
 nis indicit. Quanto enim sanctius quisque
 hos di-

* specialis

hos dies inuenietur egisse , tanto probabi-
 tur pascha domini honorasse religiosius. In
 diebus igitur sanctorum ieiuniorum piet-
 atis opera, quibus semper studendū est, abun- Galat.6.
 dantius exequamur , misericordes simus
 ad omnes, maximè autem ad domesticos fi-
 dei, vt in ipsis quoq; eleemosynarum distri- Matth.5.
 butionibus , bonitatem patris cœlestis imi-
 temur, qui solem suum oriri facit super bo-
 nos & malos , & pluit super iustos & iniu-
 stos. Quamuis ergo fidelium præcipue adiu-
 uāda sit paupertas, etiā illi tamen, qui non
 dū Euangeliū receperūt, in suo labore mise-
 randi sunt. Quia in omnibus hominibus na-
 turæ est diligēda communio, quę nos etiam
 īs benignos debet efficere , qui nobis qua-
 cunq; conditione subiecti , maximè si ea-
 dem gratia iam renati, & eodem sanguinis
 Christi precio sunt redempti. Simul enim
 & cum istis habemus , quod ad imaginem
 Dei conditi sumus, nec carnali origine à no-
 bis nec spiritali nativitate diuisi sunt. Eo-
 dem spiritu sanctificamur , eadem fide viui-
 mus , ad eadem sacramenta concurrimus.
 Nō spernatur hæc vñitas, nec vilis nobis sit
 tanta communio, sed hoc ipso nos per om-
 nia faciat mitiores, quod eorū vtimur subie-
 ctione, cum quibus vni domino eadem sub-
 īcimur seruitute. Si qui ergo horum graui-
 oribus dominos suos offendere delictis, in-
 indulgentiam nunc in diebus reconciliationis
 accipient. Auferat miseratio ſequituratem, &
 venia deleat vltionem. Nullum custodia te-

DE QUADRAGESIMA.

neat, nullum carcer includat, quoniam Deus noster misericordiam suam hac conditione promisit, ut remittenda sibi is nosset peccata propria, qui remisisset aliena. Dissensio-
num materiæ dilectissimi & inimicitiarum aculei conteratur. Cessent odia, deficiant si-
multates, in unitate dilectionis omnia Christi membra conueniant. Beati enim pacifici,
. Matt. 5. Rom. 8. quia filij Dei vocabuntur, nec solum filij, sed etiam hæredes, cohæredes autem Christi, qui viuit & regnat in secula seculorum, Amen.

Sermo IIII. de quadragesima.

Abstinendum in Quadragesima ab omnibus vitijs, & misericordiae operibus incumbendum, atque de Manicheorum impietate.

Prædicaturus vobis dilectissimi saceratissi-
mum maximumque ieiunium, quo ap-
tius utar exordio, quam ut verbis Apo-
stoli, in quo Christus loquebatur, incipiam?
a. Cor. 6. Dicamusque, quod lectum est: Ecce nunc tempus acceptabile, ecce nunc dies salutis? Quamuis enim nulla sint tempora, que diuinis non sint plena muneribus, & semper nobis ad misericordiam Dei per ipsius gratiam præstetur accessus: nunc tamen omniū men-
tes maiori studio ad spiritales profectus mo-
neri, & ampliori fidutia oportet animari,
quanc

quando ad vniuersa pietatis officia , illius
nos diei,in quo redēpti sumus, recursus in-
uitat,vt excellēs super omnia passionis do-
minicæ sacramētum purificatis & corpori-
bus & animis celebremus . Debebatur qui-
dem tātis mysterijs ita incessabilis deuotio,
& continuata reuerentia, vt tales permane-
remus in conspectu Dei , quales nos in ipso
paschali festo dignum est inueniri . Sed quia
hæc fortitudo paucorum est , & dum carnis
fragilitate austerior obseruantia relaxatur,
dumq; per varias actiones vitæ huius soli-
citudo distenditur , necesse est de mundano
puluere etiam religiosa corda sordescere;
magna diuinę institutionis salubritate prouī
sum est, vt ad reparandam mentium purita-
tem quadraginta nobis dierum exercitatio
mederetur,in quibus aliorū temporum cul-
pas,& pia opera redimerent , & ieiunia ca-
sta decoquerent. Ingressuri igitur dilectissi-
mi dies mysticos , & purificandis animis
atq; corporibus sacratiis institutos , præce-
ptis Apostolicis obedire curemus , emun-
dantes nos ab omni inquinamento carnis ac
spiritus,vt castigatis colluctationibus , quæ
sunt inter vtranc; substantiā, animus, quem
sub Dei gubernaculis cōstitutū, corporis sui
debet esse rectorem, dominationis suæ obti-
neat dignitatatem,vt nemini dantes vllā of-
fensionem, vituperationibus obloquētium
non simus obnoxij. Digna enim ab infideli-
bus reprehensione carpemur & nostro vitio
languæ impiæ in iniuriam se religionis ar-
mabunt,

DE QUADRAGESIMA.

mabunt, si iejunatiū mores à puritate pēfectae continentiae disreparint. Non enim in sola abstinentia cibi stat nostri summa iejunij, aut fructuosè corpori esca subtrahitur, nisi mens ab iniuitate reuocetur, & ab obtrectationibus lingua cohibeatur. Sic ergo nobis edendi est moderanda libertas, vt etiam aliæ cupiditates eadem lege frenentur. Mansuetudinis & patientiae, pacis & tranquillitatis hoc tempus est, in quo exclusa omnium contaminatione vitiorum, perpetuitas nobis est obtinenda virtutum. Nunc piarum mentium fortitudo donare culpas, negligere contumelias, & obliuisci assuecat iniurias. Nunc fidelis animus per arma iustitiae à dextris se exerceat & sinistris, vt per gloriam & ignobilitatem, per infamiam & bonam famam, securam conscientiam constantemque probitatem, nec laudes inflent, nec opprobria defatigent. Religiosorum modestia non sit mœsta, sed sancta, nec inueniantur in eis vllarum murmura querelarum quibus nunquam desunt sanctorum solatia gaudiorum. Non timeatur inter opera misericordiae terrenarum diminutio facultatum. Semper diues est Christiana paupertas, quia plus est quod habet, quām quod non habet. Nec pauet in isto mundo indigentia laborare, cui donatum est, in omnium rerum domino omnia possidere. Operantibus ergo, quæ bona sunt, non est omnino metuendum, ne eis desit facultas operandi, quum & in duobus

bus nummis Euangelice illius viduę sit lau-
 data deuotio, & pro calice aquæ frigide præ-
 miū habeat gratuita largitio. Ex affectibus
 enim piorum benignitatis mensura taxatur,
 & nunquam eum miserendi efficacia deserit,
 in quo misericordia ipsa non deficit. Exper-
 ta est hoc vidua illa de Sarepta, quæ beato
 Heliæ in tempore famis, vnius diei cibum,
 quem solum habebat, apposuit, & prophetæ
 esuriem necessitati suæ præferens, exi-
 guum farinæ & pusillis olei incunctâter ex-
 pendit. Sed non defuit ei, quod fideliter ero-
 gauit, & in vasis pia effugione vacuatis, fons
 nouę vbertatis exortus est, ut sanctis vſibus
 non minueretur eius substantiæ plenitudo,
 cuius non fuerat formidata defectio. Iis au-
 tem studijs dilectissimi, ad quæ vos volun-
 tariè confidimus præparatos, non ambiga-
 tis diabolum, qui omnium virtutum est ad-
 uersarius, inuidere, & ad hoc vim suæ malig-
 nitatis armare, vt pietati laqueos de ipsa
 pietate prætendat: & quos non potuerit de-
 h̄cere per diffidentiam, conetur superare per
 gloriam. Vicinum est enim rectis actionibus
 superbię malum, & de proximo semper vir-
 tutibus insidiatur elatio. Quia difficilē est,
 vt laudabiliter viuentem laus non capiat
 humana, nisi vt scriptum est, qui gloriatur,
 in domino glorietur. Cuius verò ille hostis
 nequissimus non audeat impugnare propo-
 fitum? cuius non appetat violare ieunium?
 quando versutias suas, sicut Euangelica le-
 ctione patefactum est, nec ab ipso mundi sal-
 n iiiij uato-

Lucæ 21.
Matth. 10

3.Re.19.

Superbia
bonis ope-
ribus i
Quatuor /
1. Cor. 4.
2. Cor. 10

ODE QUADRAGESIMA.

natore continuit? Expauescens enim in illo quadraginta dierum noctiumque ieiunium, explorare callidè voluit, vtrum hanc continentiam donatam haberet, an propriam: ut non metueret deceptionum suarum opera soluenda, si Christus eius esset conditionis, cuius est corporis. Primo itaque dolo scrutatus est, an ipse esset substantiarum creator qui rerum corporearum posset, iusque vellet mutare naturas. Secundo, an sub humanae carnis specie diuinitas obumbrata tegeretur, cui facile esset peruum sibi aera facere, & terrena per vacuum membra librare. Sed cum illi dominus iustitiam maluisset opponere veri hominis, quam potestiam manifestare deitatis, ad hoc conuertit tertiae fraudis ingenium, ut eum, in quo diuinae potestatis signa cessauerant, dominandi cupiditate tentaret, & ad venerationem sui regna mundi pollicendo traduceret. Sed prudentiam diaboli stultam fecit sapientia Dei, ut superbus hostis hominem videntem, quem aliquando superauerat, non metueret eum persequi quemque pro omnibus oportebat occidi. Huius igitur aduersarij dolos, non solum in illecebris gulæ, sed etiam in proposito abstinentiæ caueamus. Qui enim scivit humano generi morte inferre per cibum, nouit & per ipsum nocere ieiuniū: & ad contrariae fraudis effectum, famulis utendo Manichæis, sicut per serpentem intulit interdicta presumi: ita per famem suadet concessa vitari. Utilis quidem est abstinentia, quæ parso assueta victu, deliciarum cohibet appetitum.

Tentatio-
nis Chri-
stiana dia-
bolo ordo
explica-
tur.

cum. Sed vae illorum dogmati , apud quos etiam ieiunando peccatur. Dānant enim creaturarum naturam in creatoris iniuriam, & contaminari edentes afferunt ihs, quorū non Deum, sed diabolum conditorem esse definiunt, cum prorsus nulla sit substātia mala, nec ipsius mali sit vlla natura. Omnia enim bona bonus autor instituit , & vnum est vniuersarum rerum creator, qui fecit cœlum & terram, mare & omnia , quæ in eis sunt. Ex quibus quicquid homini ad cibū potumq; concessum est , sanctū & mundum est in sui generis qualitate. Quod si immoderata auditate sumatur , nimetas edaces & bibaces dedecorat, non cibi neq; poculi natura contaminat. Omnia enim , sicut Apostolus ait, Ad Tit. 1. mūda sunt mūdis. Coinquinatis enim & infidelibus nihil est mundum, sed coinquinata sunt eorum mens & consciētia. Vos autē dilectissimi catholicæ matris sancta generatio, quos in schola veritatis spiritus sanctus erudiuit, libertatem vestram congrua ratione moderamini, scientes quoniā bonum est, & à licitis abstinere, & cū castigatius viendum est, ita discernere cibos, vt vsus eorum semoueatur, non natura dānetur. Nulla itaq; vos contagionis huius aspergat impietas, q; sua maximè obseruantia polluitur, seruientes creaturæ potius quām creatori, & luminalibus cœli stultam abstinētiā deuouentes, quos nemo ambigat esse Manichæos, qui in honorem solis ac lunæ die dominico & secunda feria deprehensi fuerint ieiunare.

Rom. 1.

Vno enim peruersitatis suę opere, bis in
pij, bis prophani sunt, qui ieiunium suum, &
ad syderum cultū, & ad resurrectionis Chri-
sti instituere contemptum. Abdicant enim
se sacramento salutis humanæ, & Christum
dominum nostrum, sicut in veritate carnis
nostræ denegant natum : ita verè mortuum
& resurrexisse non credunt. Et ob hoc diem
salutis & lætitiae nostræ sui ieiunij mœrore
condemnant. Cumque ad tegendam infide-
litatem suam nostris audeant interesse my-
sterijs, ita in sacramentorum communione
se temperant, ut interdum tutius lateant: ore
indigno Christi corpus accipiunt, sanguinem
autem redemptionis nostræ haurire o-
mnino declinant. Quod ideo vestram volu-
mus scire sanctitatem, ut vobis huiuscemo-
di homines & his manifestentur indicijs, &
quorū deprehensa fuerit sacrilega simula-
tio, notati & proditi à sanctorum societate,
sacerdotali autoritate pellantur. De talibus

Rom. 16. enim beatus Paulus Apostolus Ecclesiā Dei
prouide monet, dicēs: Rogamus autem vos
fratres, ut obseruetis eos, qui dissensiones &
offendicula pr̄ter doctrinam, quam vos di-
dicistis, faciunt, & declinate ab illis. Huius-
cmodi enim Christo domino nō seruiunt,
sed suo ventri, & per dulces sermones & be-
nedictiones seducunt corda innocentium. His
ergo dilectissimi admonitionibus nostris,
quas auribus vestris contra execrabilem se-
ctā frequenter ingessimus, sufficiēter instru-
ēti, sanctos Quadragesimæ dies pia deuotio-
ne su-

ne iuscipte, & ad promerendam misericordiam Dei per opera vos misericordiae præparate, iram extinguite, odia deponite, vna nimitatem diligte, & synceris vos humili tatis officijs inuicem præuenite. Seruis, & his qui vobis subiecti sunt, cū equitate domina mini. Nullus eorum aut claustris crucietur aut vinculis: cessent vindictæ, remittatur offendæ, seueritas lenitate, indignatio mansuetudine, discordia pace mutetur. Omnes nos modestos, omnes placidos, omnes experientur benignos, vt ieunia nostra accepta sint Deo. Cui ita demum sacrificium veræ abstinentiæ & veræ pietatis offerimus, si nos ab omni malitia contineamus. Cum inimicis autem crucis Christi nulla consensione iungamur, ne impiorum cōsortio sanctitas fidelium polluatur. Lux separetur à tenebris, & fugiant filios diaboli filij veritatis. In templū enim domini, quod est Ecclesia Christi, nil contaminatum inferri, nil prophanum oportet admitti, vt omni immunditia à penetralibus cordis exclusa, sanctificetur ieunium nostrum, & simus æternum sancti spiritus habitaculum, qui nos à peccatorum sordibus emundatos & possidere dignetur semper & regere. Secunda igitur & quarta & sexta feria ieunemus. Sabbato autem apud sanctum Petrum vigilias celebremus, qui commendati sibi gregis curam habere non desinens custodiā nobis de suis precibus obtinebit, auxiliante Deo nobis per omnia, cui cum filio & spiritu sancto una est deitas,

DE QUADRAGESIMA.
vga maiestas, in secula seculorum, Amen.

Sermo V. in Quadragesima.

De multititudine periculorum huius vite &
peccatis remittendis.

Ephes.4. Collos.3. **A** Postolica dilectissimi doctrina nos admonet, ut deponamus veterem hominem cum actibus suis, & de die in diem sancta conuersatione renouemur. Si enim templum Dei sumus, & medium nostrarum spiritus sanctus habitator est, dicente Apostolo: Vos estis templū Dei viui: multa nobis vigilantia laborandum est, ut cordis nostri receptaculum tanto hospite non sit indignū. Et sicut in domibus manu factis laudabili diligentia prouidetur, ut si quid aut infusione imbriū, aut turbine procellarum, vel ipsa fuerit antiquitate corruptum, in integrum cura restituat: ita iugi oportet solitudine præcaverti, ne quid in nostris animis incompositum, ne quid inueniatur immūdum. Quamuis enim ædificiū nostrum sine opere sui nō subsistat artificis, nec fabrica nostra possit esse incolmis, nisi ei protectio præfuerit cōditoris: tamē quia rationabiles lapides sumus & viua materies, sic nos autoris nostri extruxit manus, vt cū opifice suo etiā is, qui reparatur, operetur. Gratiae igitur Dei obediētia se humana nō subtrahat, nec ab illo bono, sine quo non potest bona esse, deficiat. At si qd sibi impossibile aut

1. Cor.6. Coopera-
tores Dei
sumus.

aut arduum in mandatorum effectibus experitur, non in se remaneat, sed ad iubentem recurrat: qui ideo dat præceptum, ut excitet desiderium, & præstet auxiliū, dicente Prophetæ: Iacta in Deum cogitatum tuum, & ipse te enutriet. An fortè insolenter quisquam ita superbit, & ita se illæsum, ita immaculatum esse præsumit, ut nullius iam renouationis indigeat? Fallitur prorsus ista persuasio, & nimia vanitate veterascit, quicunque inter tentationes huius vitæ ab omni se vulnere credit immūnem. Plena omnia periculis, plena sunt laqueis. Incitant cupiditates, plena pe-
insidiantur illecebræ, blandiuntur lucra, ridiculis.
damna deterrent, amaræ sunt obloquétium linguæ, nec semper veracia sunt ora laudantium. Inde sœuit odium, hinc decipit mendax officium, ut facilius sit vitare discordē, quam declinare fallacem. In ipsis autem virtutibus obtinendis tam dubius modus & tam incerta discretio est, vt si quisquam inter bonorum malorūmque confinia, subtilissimi discriminis potuerit seruare mēsuras, difficile sit, vt bene sibi consciā probitatem obtrectantiū lingua nō mordeat, & ini-
quorū euadat opprobria, cui est amica iustitia. Iam cum ad ipsas rerum temporaliū va-
rietates cogitatio humana conuertitur, quantæ se opponunt caligines, quanti prauarum opinionum oboriuntur errores, vt de obiectu contrariorum sumatur materia querelarum. Nam licet omniū fideliū corda non dubitent, nullis huius mundi partibus, nullisq;

Psal. 54.

DE QUADRAGESIMA.

nullisque temporibus prouidentiam abesse diuinam, nec de stellarum potestate, quæ nulla est secularium negotiorum pendere prouentus, sed æquissimo & clementissimo summi regis arbitrio cuncta disponi, quoniam sicut scriptum est : Vniuersæ viæ domini misericordia & veritas : tamen cum quædam non secundum desideria nostra procedunt, & sub humani iudicij errore superior est plerunque iniqui causa quam iusti, vicinum nimis atque contiguum est, ut etiam magnanimos ista concutiant, & in aliquod illicitæ causationis murmur impellant. Si quidem ipsis varietatibus etiam excellētissimus propheta Dauid usq; ad periculum se turbatum profitetur, & dicit: Mei autem penè moti sunt pedes, penè effusi sunt gressus mei, quia zelaui in peccatoribus, pacem peccatorum videns. Vnde quia paucorum est tam solida fortitudo, vt nulla inæqualitatū perturbatione quatiantur, & multos fidelium non aduersa tantū, sed etiam secunda corrumpant, sanandis vulneribus, quibus humana infirmitas sauciatur, diligēs est adhibenda curatio. Ideo enim de periculis, quibus mundus hic plenus est, quædam breuiter percurri, vt dicente scriptura: Quis gloriabitur castum se habere cor? aut mundum se esse à peccato? omnes sibi intelligent delictorum indulgentiam & reparations necessariam esse medicinam. Quando autem opportunius dilectissimi ad remedia diuina recurrimus, quam cum ipsa nobis sacramen-

Psal. 72.

Pro. 10.

cramenta redemptionis nostræ temporum
 lege referuntur? quæ vt dignius celebremus,
 saluberrimè nos quadraginta dierū ieiunio
 præparemus. Non enim ī tantum, qui per
 mortis Christi resurrectionisq; mysteriū in
 nouam vitam baptismo sunt regenerante
 venturi, sed etiam omnes populi renato-
 rum vtiliter sibi & necessariè præsidium hu-
 ius sanctificationis assumunt: illi, vt quæ
 nondum habent, accipient:isti, vt accepta
 custodiant. Dicente nāq; Apostolo: Qui stat,
1. Cor. 19.
 videat ne cadat: nemo est tāta firmitate suf-
 fultus, vt de stabilitate sua debeat esse se-
 curus. Ut amur igitur dilectissimi saluberri-
 mi tēporis venerabilibus institutis, & solici-
 tiore cura cordis nostri piacula tergamus.
 Quantumlibet enim castè & sobriè mortalis
 hæc vita ducatur, quodā tamen puluere ter-
 renq; cōuersationis aspergitur, & nitor men-
 tium ad Dei imaginem conditarum non ita
 à fumo totius vanitatis alienus est, vt nulla
 possit sorde fuscari, & non semper indigeat
 expoliri. Quod si etiam cautissimis animis
 necessariū est, quanto illis amplius est expe-
 tendum, qui tota ferè anni spatia aut secu-
 rius, aut fortè negligentius trāsierunt? Quos
 charitate debita commonemus vt non ideo
 sibimet blandiantur, quia nobis consci-
 entiæ singulorum patere non possunt, cum
 oculos Dei simul vniuersa cernentes, non
 abdita locorum, non parietum septa seclu-
 dant: nec solum ei acta & cogitata, verum
 & agenda & cogitanda sint cognita. Istæ
ergo

DE QUADRAGESIMA.

ergo scientia summi iudicis, iste est tremen-
dus aspectus, cui peruiū est omne solidum,
& apertum omne secretum: cui obscura clari-
rent, muta respondent, silentiū confitetur, &
sine voce mēs loquitur. Nemo patientiā bo-
nitatis Dei de peccatorum suorum impuni-
tate condemnat, nec ideo illum æstimet non
offensum, quia neqdū est expertus iratum.
Non sunt longæ vitę mortalis induciæ, nec
diuturna est licentia insipientium volupta-
tum in ēternarum dolorem trāsitura pœna-
rum, si dum iustitiæ sententia suspenditur,
pœnitentię medicina non quæritur. Confu-
giamus igitur ad præsentem vbique miseri-
cordiam Dei, & vt sanctum pascha domini
digna obseruantia celebretur, cunctorum se-
fidelium corda sanctificent. Mitescat sœui-
tia, mansuescat iracundia, remittat sibi om-
nes culpas inuicē suas, nec exactor sit vin-
dictæ, qui petitor est veniæ. Dicentes enim:
Dimitte nobis debita nostra, sicut & nos di-
mittim⁹ debitoribus nostris, durissimis nos
viciulis illigamus, nisi quod profitemur, im-
pleamus. Vnde etsi orationis huius sacra-
tissimū pactum nō tota sui conditione ser-
uatum est, nunc saltem conscientiam suam
vnusquisq; cognoscat, & alienis ignoscendo
delictis, abolitionem suorum obtineat pec-
catorum. Dicente nanque domino: Si dimi-
seritis hominibus peccata eorum, dimitte
& vobis pater vester, qui in cœlis est, deli-
cta vestra: non longè est ab unoquoq; quod
poscit, cum de benignitate supplicis senten-
tia pen-

Rom.2.

Matth.6.

Matth.18.

Matth.6.

Lucas.6.

tia pendeat iudicantis . Qui humanarū pre-
cum misericors & iustus auditor , æquitati
suæ de nostra lenitate præscripsit, vt nō ha-
beret in eos ius sequeritatis, quos nō inuenis-
set cupidos vltionis . Clementes autem &
mites animos etiam largitas decet. Nihil est
enim dignius, quām vt homo sit sui autoris
imitator, & secundum modum propriæ fa-
cilitatis, diuini sit operis executor. Nā cum
aluntur esurientes, vestiuntur nudi , fouen-
tur infirmi, nonne auxilium Dei manus ex-
plet ministri , & benignitas serui munus est
domini ? Qui cum ad effectus misericordias
suæ adiutore non egeat, ita suā omnipoten-
tiā temperauit, vt & laboribus hominum
per homines subueniret, & merito Deo gra-
tię referrentur de pietatis officijs, cuius ope-
ra viderentur in famulis. Propter quod ipse
dominus discipulis ait: Sic luceat lux vestra
coram hominibus , vt videant opera vestra
bona, & magnificent patrem vestrum , qui
est in cœlis, Qui cum eodem patre & spiritu
sancto viuit & regnat in secula seculorum
benedictus, Amen.

Sermo V I. de Quadragesima.

*Quod ieunio corporis & animæ adiungenda
sunt opera misericordie, que magis
ex animi affectione quam dono-
rum magnitudine pensantur.*

Semper

DE QVADRAGESIMA.

Psal. 32.

Pro. 20.
Psal. 18.

Emper quidem dilectissimi misericordia domini plena est terra , & vnicuique fidelium ad colendum Deum ipsa rerum natura doctrina est , dum cœlum & terra , mare & omnia quæ in eis sunt , bonitatem & omnipotentiam sui protestantur autoris , & famulantium elementorum mirabilis pulchritudo iustum ab intellectuali creatura gratiarum exigit actionem . Sed cum ad istos recurratur dies , quos specialius reparationis humanæ sacramenta signarunt , & qui vicino ordine atq; contiguo festum paschale præcedunt , diligentius nobis præparatio religiosæ purificationis indicitur . Quamuis enim in quolibet tempore innocens vita sit multorum , & plurimos Deo bonorum actuum consuetudo commendet , non adeò tamen de conscientiæ integritate fidendum est , vt humanam fragilitatem inter scanda la temptationesque degentem , nihil potuisse arbitremur , quod læderet eam , incidere , cum propheta excellentissimus dicat : Quis gloriabitur castum se habere cor ? aut mundum se esse à peccato ? Et iterū , Ab occultis meis munda me domine , & ab alienis parce seruo tuo . Si autem quod experimentis probatur , talis cōditio est eorū , qui concupiscentijs renituntur , qui iracundijs motibus reluctantur & , ipsarum quoq; cogitationum arcana castigant , vt & nūquam possint in cordibus suis non inuenire , quod reprovent , & sæpe aut fallantur occultis , aut recipiantur alienis , quæ in alijs vitia , quæ ægri tudines

tudines & quāta sint vulnera , quibus au-
terior sit adhibēda medicina, vt illius sacra-
menti, per quod soluūtur opera diaboli, non
inueniātur alieni. Paschalis quippe festiuita-
tis hoc propriū est , vt tota Ecclesia remis-
sione gaudeat peccatorū, quę non in eis tan-
tum fiat, qui sacro baptismate renascuntur,
sed etiā in eis, qui dudū in adoptiuorum for-
te numerātur. Quāuis enim p̄cipaliter no-
uos homines faciat regenerationis ablutio,
quia tamen semper necessaria est omnibus
contra rubiginē mortalitatis quotidiana re-
nouatio, & inter profectū gradus nullus est,
qui nō semper melior esse debeat , generali-
ter adnitendum est , vt in die redēptionis
nemo inueniatur in vitis vetustatis . Quod
ergo dilectissimi in omni tempore vnum-
quenq; conuenit facere Christianū , id nunc
solicitus est & deuotius exequendum , vt
Apostolica institutio quadraginta dierū ie-
iunis impleatur, non ciborum tātummodo
parcitate, sed priuatione maximē vitorum.
Nam cum ad hoc castigatio ista sumatur, vt
carnalium desideriorū somites subtrahantur,
nullum magis sectandum est continen-
tiæ genus , quām vt semper simus ab iniu-
sta voluntate sobrij, & ab inhonestâ actions
ieiuni. Quæ deuotio non omittit ægros,
non secernit inualidos , quia & in languido
atq; inutili corpore potest animi integritas
reperi, si vbi fuit sedes prauitatis , ibi con-
firmentur fundamenta virtutis. Et ideo in-
firmi carnis ista sufficit ægritudo, quæ sape-

DE QUADRAGESIMA.

mensuram voluntariae afflictionis excedit tantum , vt mens officij sui impleat partes , & quæ corporea epulatione nō vtitur , nulla iniuitate pascatur . Rationabilibus autē sanctisque ieiunijs nulla vtilius , quam eleemosynarum opera copulantur , quæ vno misericordiæ nomine multas laudabiles pietatis continēt actiones , vt omnium fidelium pares animi esse possint etiā inter impares facultates . Dilectio enim quæ simul Deo hominiq; debetur , nullis vnquam impeditur obstaculis vt non ei semper bene velle sit liberum . Dicentibus quippe angelis : Gloria in excelsis Deo , & in terra pax hominibus bonæ volūtatis , non solum virtute benevolentiae , sed etiam pacis bono beatus efficitur , quicunq; alijs quacunque miseria laborantibus charitate compatitur . Latissima enim sunt opera pietatis , quæ ipsa sui varietate id veris conferunt Christianis , vt in distributione eleemosynarum nō solum diuites & abundantes , sed etiam mediocres & pauperes , suas habeant portiones : & qui largitatis sunt viribus inéquales , mētis tamen affectione sint similes . Nam cum sub oculis domini multi in gazophylacio ex opulētia sua multa conferrent , vidua quædam duos intulit nummos & tali Iesu Christi testimonio meruit coronari , vt in tā paruo munēris modo , omnium fuerit collationi condigna præferri : quia inter magna eorum dona , quibus multa residuebāt , illius quod fuit exiguum , fuit totum . Si vero aliquis tācē pau-

Lucas 2.

Lucas 21.

vertatis coarctatur angustijs , vt nec ad duo
era inopi impartiēda sufficiat, habet in prē-
ceptis domini, vnde impleat bonæ voluntati
officium . Siquidem qui sipienti pauperi
calicem aquæ frigidæ ministrarit, mercedem
est sui operis adepturus, tāta seruis suis do-
mino ad obtainendum regnum suum prēpa-
rante compendia , vt etiam præbitio aquæ,
cuius usus gratuitus atq; cōmunicis est, præ-
mio nō careret. Quod ne vlla intercluderet
difficultas, de aqua frigida forma est, pposi-
ta pietatis, ne putaret se mercede cariturū,
cui de calefactione potus lignorum impen-
dium defuisse. De quo tamen calice frustra
non admonet dominus, vt in nomine ipsius
præbeatur: quia hęc, quę per se sunt vilia, fi-
des efficit preciosa: & quę ab infidelib' mi-
nistrantur, et si fuerint sumptu magna, omni
tamen iustificatione sunt vacua. Celebratu-
ri igitur pascha domini dilectissimi, ita vos
sanctis exercete ieiunij, vt ab omnibus per-
urbationib' liberi ad festa sacratissima ve-
niatis. Superbię spiritus, de quo sunt omnia
orta peccata, humilitatis amore pellatur: &
qui eleuatione tumuerat, māsuetudine miti-
gentur . Quorum verò animos aliqua ex-
asperauit offendio, reconciliatione sibimet in
unitatem studeant redigere concordiæ. Ne-
mini malum pro malo reddentes, & donan-
tes inuicem vobis , sicut Christus donauit
nobis, humanas inimicitias , pace delete, &
si qui de subditis vestris aut claustra custo-
dię, aut vincula mercuerunt , misericordites

Match.10

Rom.12

DE QVADRAGESIMA.

relaxentur: ut qui quotidianæ indulgentiæ
remedij indigemus, non difficulter peccat-
is ignoscamus alienis. Dicētes enim ad pa-
trem dominum nostrum. Dimitte nobis de-
bita nostra, sicut & nos dimittimus debito-
ribus nostris, certissimum est, quod cum ali-
orum delictis veniam tribuimus, nobis di-
uinam clementiam præparamus, per Chri-
stum dominum nostrum; Amen.

Sermo VIII. de Quadragesima.

De via domini paranda, de que fide, charitate & misericordia.

Virtus dilectissimi & sapientia fidei Chri-
stianæ, amor Dei est & amor proximi:
nec ullus caret pietatis officio, cui studium
est colere Deum, & iuicare conseruum. Ha-
rum autem affectionum duplex unitas om-
ni quidem est tempore exercenda & profi-
cienter augenda, sed nunc incrementis am-
plioribus dilatanda, & quadraginta dierum
ieiunium, quod festi paschalis est præuiū, in-
teriorē cordis auditū illius vocis instar mo-
ueat, qua verbis Esaiæ prophetæ Ioānes Ba-
ptista dicebat: Parate viā domini, rectas fa-
cite semitas eius. Siue enim illā partem po-
puli cogitemus, quæ dudū certamina Eu-
gelici agonis ingressa, p spiritalis studij cur-
sum indefinenter tēdit ad palmā: siue illam,
quæ letaliū conscia peccatorum, per recon-
ciliationis auxiliū festinat ad veniā: siue il-
lam,

Ezix. 40.
Math. 3.

Nam, quæ sancti spiritus regeneranda bapti-
 mate, vetustate Adam exui, & Christi cu-
 pit nouitate vestiri, aptè & utiliter omnibus
 dicitur: Parate viam domini, rectas facite se-
 mitas eius. Quæ autem viæ domini, quæve
 sunt semitæ, eiusdem prædicatoris cohorta-
 tione discamus, qui diuinæ gratiæ opera &
 dona promittens, futurarū cōmutationum
 referabat affectus, addēs sententiā propheti-
 ci sermonis, & dicēs: Omnis vallis implebi- Esaie 40.
 tur, & omnis collis & mons humiliabitur:
 & erunt praua in directa, & aspera in vias
 planas. Vallis itaq; māsuetudinē humilium,
 mōs & collis elationē indicat superborum:
 Sed quia, sicut veritas dicit, qui se humiliat
 exaltabitur: & qui se exaltat, humiliabitur,
 merito & vallibus adimpletio, & montibus
 est annūciata depresso, vt & plana nihil of-
 fensionis, & directa nihil habeant prauitatis.
 Quamuis enim angusta & ardua sit via, quæ
 ducit ad vitam, non tamen difficulter ince-
 dit, quem veritas confirmat & pietas: nec
 caret delectatione gradiēdi, cuius iter efficit
 Virtutum petra solidum, non vitiorum are-
 na succiduum. Verū vt plenius nouerimus,
 per cuiusmodi vias nobis ad Dei promissa
 tendendū, audiamus Dauid prophetā, quid
 doceat: Vniuersæ viæ domini, misericordia
 & veritas. Forma igitur conuersationis fi-
 delium ab exemplo venit operum diuino-
 rum, & merito Deus imitationem sui ab eis
 exigit, quos ad imaginem & similitudinem
 suā fecit. Cuius utiq; glorię dignitate nō ali-
 o iij ter po-

Lucæ 14.
& 18.

Matth. 7.

Psal. 24.

DE QUADRAGESIMA.

ter potiemur, quām si in nobis & misericordia inueniatur & veritas . Per quae enim ad saluandos salvator aduenit , per hæc ad salvantem debent properare saluati , vt & nos misericordia Dei misericordes, & veritas faciat esse veraces . Sicut itaq; per viā veritatis mens iusta , ita per viam misericordiæ ambulat mens benigna . Nec tamen vñquam itinera ista diuersa sunt , quasi horū bonorum singula diuersis tramitibus expetantur , & aliud sit misericordia crescere, & aliud veritate proficere . Non est misericors veritatis alienus : nec iustitiæ capax est veritatis extraneus : nec vtraque virtute vtitur , qui non vtraque ditatur . Charitas robur fidei , fides fortitudo est charitatis . Et tunc verum nomen ac verus est fructus ambarum , cū insolubilis vtriusque manet connexio . Vbi enim nō simul fuerint , simul desunt : quia in unicem sibi & iuuamen & lumen sunt , donec desideriū crudelitatis impleat remuneratio visionis : & incommutabiliter videatur , & ameritur , quod nūc & sine fide non diligitur , & sine dilectione non creditur . Quia ergo sicut Apostolus ait in Christo Iesu nec circūcisio aliquid valet neq; præputium , sed fides , quæ per dilectionem operatur : simul atque coniunctim & charitati studeamus & fidei . Hic est enim quidam efficacissimus geminarum alarum volatus , quo ad promerendum & videndum Deum puritas mentis attollitur , ne onere curarum carnalium deprimatur . Nam qui ait : Impossibile est placere sine fide Deo ,

Fides
charitate
non pro-
dest.

Galat. 5.

Hebr. 11.

Deo, id est: Si habuero omnem fidem, ita ut
 montes transferam, charitatem autem non
 habeam, nihil sum. Vnde sacramentorum
 paschalium diuina mysteria digno suscipi-
 antur officio, & duo hec, in quibus omnium
 praceptorum doctrina concurrit, studiosius
 appetantur: quibus singuli quicq; fidelium,
 & sacrificium Deo efficiantur, & templum.
 Instet fides sperare, quod credit: instet chari-
 tas propitiare, quod diligit, vtrumq; aman-
 tis est, vtrumq; credentis. Et cui intelligentiae
 concessione subiçimur, eidem pietatis
 imitatione iungamur. Vox Dei est: Sancti
 estote, quia ego sanctus sum. Et vox domini
 est: Estote misericordes, sicut & pater ve-
 ster misericors est. Ac ne dubitemus Deo tri-
 bui, quod impenditur indigenti, dispensato-
 res eleemosynarum quæ commercia ineant,
 audiamus, domino dicete, quæ futura sit iu-
 dicij sui forma, cum dicet ad dexterā collo-
 candis: Venite benedicti patris mei, posside-
 te paratum vobis regnum à constitutione
 mundi. Esuriui enim, & dedistis mihi man-
 ducare. Sitiui, & dedistis mihi bibere. Pere-
 grinus eram, & collegistis me. Nudus eram,
 & cooperuistis me. Infirmus, & visitastis me.
 In carcere eram, & venistis ad me. Quæren-
 tibus autem iustis, quando & qualiter potu-
 erint ista depræhendere, respondens rex di-
 cet illis: Amen amen dico vobis, quamdiu
 fecistis uni ex minimis fratribus meis, mi-
 hi fecistis. Quid hoc opere fructuosius? quid
 hac humanitate felicius? quæ vtique laude

Leui. 19.
& 20.
Lucx 6.

Matth. 25

sua fraudanda non esset , si propter ipsam
 naturæ communionem iuuando homini ab
 homine præberetur , sed quia quod non ex
 fidei procedit fonte, ad præmia æterna non
 peruenit, alia est cōditio operum cœlestium,
 alia terrenorum . Mundana benevolentia
 in ihesu , quos adiuua , habet finem : Chri-
 stiana pietas in suum transit autorem , dum
 in ipsum dicamur benigni , quæ in nobis fa-
 temur operari , dicente domino . Sic luceat
 lux vestra coram hominibus, vt videat ope-
 ra vestra bona , & magnificent patrem ve-
 strum qui in cœlis est . Gaude igitur mens
 fidelium , & gloriam tuam in eius gloria,
 qui in te operatur , agnoscēs , de ipsa pascha-
 li festiuitate feruesce . Debiti enim tui est , vt
 ei , qui pro oībus passus est , paratus sis com-
 pati . Quoniam pia vita sanctorum nūquam
 aliena est crucis Christi , dum continen-
 tiæ clavis desideria carnis configit , &
 corporeas cupiditates virtute spiritus in se
 habitantis interficit . Difficile est quenquam
 in se non habere , quod perimat . Extin-
 guēda est iracundia , mortificanda est super-
 bia , destruenda luxuria . Radix quoq; auar-
 itiae altius persequenda est , vt omnium
 malorum germen excidi valeat , si eorum
 potuerit fomes euelli . Cum autē hac indul-
 gentia indesinenter sit animus excolendus,
 & vtendum ita sit corpore , vt rectori suo
 necessarium præbeat natura inferior fa-
 mulatum , nunc maximè frenis continentiaæ
 caro moderanda est , & quicquid sublimi-
 bus de-

bus desideris obuiat, amputandum. • Dum enim cōgruis purificationibus ad celebран-
dum pascha domini vtraque substantia prē-
paratur, pro futuro omni tempore consue-
tudo nutritur. Sæuera in subditos imperia
detumescant, cesset vindicta peccati, & rei
criminum ad hos dies peruenisse se gaude-
ant, in quibus à sanctis piisque principibus
etiam publicarum austoritas remittitur vlti-
onum. Aboleantur odia, deficiant simulta-
tes, pacis & benevolentiae multiplicen-
tur affectus, & qui potuit malitia pollui, stu-
deat benignitate purgari. Quoniā iudicium
Dei, sicut immixtis vehemens, ita erit mi-
sericordibus clemens : & detrusis in ignem
gehennæ propter inhumanitatem sinistris,
dexteros eleemosynarum pietate laudatos,
æterna coelestis regni beatitudo suscipiet,
per dominum nostrum Iesum Christum, qui
cum patre & spiritu sancto viuit & regnat in
secula seculorum, Amen.

Sermo VIII. de Quadragesima.

*De vera utriusque naturæ in Christo substanci-
tia, & quibus argumentis utrunque
naturam probauerit, ac de ha-
reticis vitandis.*

D E uotionis quidem vestrę dilectissimę
nouimus hunc esse feruorem, vt ieui-
nij, quæ domini pascha præcurrunt, mul-
to v tos no-

DE QVADRAGESTMA.

tos nostros præueniatis hortatus. Sed quia
utilitas abstinentiæ non solum carnis ca-
stigationi, verum etiam mentis necessaria
est puritati obseruantiam vestram sic cupi-
mus esse perfectam, ut sicut desiderij carnis
rescinditis voluptates, ita ab animi sensi-
bus excludatis errores. Nam paschali festo,
in quod omnia religionis nostræ sacramenta
concurrunt, is vera & rationabili purifica-
tione se præparat, cuius cor nulla infidelita-

Rom. 14. te polluitur, Dicete etiam Apostolo: Omne
quod non est ex fide, peccatum est: in utilia
erūt & vana eorū ieiunia, quos illusionibus
suis decipit mendacij pater, & vera Christi

Iean. 8. caro non pascit. Sicut ergo diuinis mandatis
sanæq; doctrinæ toto corde famulandum
est: ita omni prudentia ab impijs est sensibus
abstinendum. Tunc enim mens sanctū agit
atq; spiritale ieiuniū, cum erroris cibos, atq;
venena abiçit falsitatis, quæ dolosus ac ver-
sus inimicus nūc insidiosius ingerit, quan-
do ipso venerandæ festiuitatis recursu om-
nis Ecclesia ad intelligēda salutis suæ my-
steria generaliter commouetur. Is enim re-
surrectionis Christi verus confessor & cul-
tor est, qui & de passione eius non confun-
ditur, & de corporeā natuitate non fallitur.
Nam quidam erubescentes Euangeliū cruce-
is Christi, vt audentius euacuarent susce-
ptum pro mundi redemptions supplicium,
ipsam veræ carnis in Deo negauere naturā,
non intelligentes impassibilem Dei verbi
atq; incomutabilem deitatem, ita inclina-
tam ad

tam ad humanam naturam & ad eius salutem, vt & potenter propria non amitteret, & misericorditer nostra susciperet. Duplicis itaq; in Christo formæ vna persona est, & filius Dei idemq; filius hominis vnu s; dominus , conditionem seruile consilio pietatis recipiens , nec legem necessitatis incurrens: quia potestate factus est humilis, potestate passibilis, potestate mortal is, vt ad destruendū peccati mortisq; dominatū & penè capax esset substantia infirmitatis, & nihil glorię suę perderet natura virtutis. Cum itaq; dilectissimi legētes vel audiētis Euangeliū, quædā in domino nostro Iesu Christo cognoscitis subiecta iniurias, quædā illustria miraculis, ita vt in eodem nunc humana appareant , nunc diuina resplendeant , nolite quicquam horū asscribere falsitati , tāquam in Christo aut sola sit humanitas aut sola diuinitas, sed vtrumq; fideliter credite, vtrūq; humiliter adorate , vt in unitate verbi & carnis non sit vlla diuisio . Nec quia manifesta fuerūt in Iesu signa diuina, falsa videātur documenta corporea . Vera & copiosa sunt in Christo vtriusq; testimonia naturæ, ad hoc ex diuini consilij altitudine concurrentia , vt verbo inuiolabili non separato à carne passibili , particeps per omnia intelligatur, & deitas carnis, & caro deitatis. Mens igitur Christiana, fugax mendacij, * discipula veritatis , vtere fidēter Euangelica historia , & quæ fideliter & visibiliter sunt gesta per dominum, tanquam ipsa aggregata cum

Aposto-

Christi
vera diu-
nitas &
humanita-
tas.

* discipli-
na

DE QUADRAGESIMA.

Apostolis, nūc spirituali in intellectū, nūc corporeo discernere cōspectu. Da homini, quod de muliere puer nascitur, da Deo, quod nec conceptu lēditur virginitas materna nec partu. Formam serui obuolutam pannis, iacentem in præsepio cognosce, sed annuntiatam ab angelis, declaratā ab elementis, adoratam à Magis, formam domini confitere. Humanam intellige, quod non declinavit nuptiale cōiuium: diuinum approba, quod aquam conuertit in vinū. Nostra tibi innocescat affectio, cū mortuo amico fletus impeditur: diuina potentia sentiatur, cū idem post quatriduanā iam foetidus sepulturam, solo vocis imperio viuiscat erigitur. Lutū de sputo & terra fieri, corporei fuit operis, sed illinc superlitos cæci oculos illuminari, Non dubiū est illius fuisse virtutis, quę quod principijs naturæ non dederat, ad manifestationē suę glorię reseruauit. Veri est hominis fatigationem corpoream somni releuare quiete, sed veri Dei est, vim sequentium procellarum præcepti increpatione cōpescere. Cibos esurientibus apponere, humanæ benignitatis est, & socialis est animi: sed quinq; panibus & duobus piscibus quinq; milia virorum, exceptis mulieribus & paruulis, satiare, q̄s negare audeat opus esse deitatis? Quę operatibus secū verę carnis officijs, & se homini & hominē sibi inesse mōstrabat, q̄a nō aliter in humana natura sanari poterant originalis vulnera vetustatis, nisi de vtero virginis carnē sibi assumēte Dei verbo, in vna eademq;

Ioan. 2.

Ioan. 11.

Ioan. 9.

arc. 4.

Ioan. 6.

eadémque persona simul & caro nasceretur
& verbum. Hanc dilectissimi incarnationis
dominicæ fidem, per quā tota Ecclesia cor-
pus est Christi, inconcuso corde seruantes,
ab omnibus hæreticorum iejunate menda-
cij, & ita vobis misericordiæ opera creditæ
profutura, ita fructuosè habendam cōtinen-
tiæ puritatem, si mentes vestræ nulla praua-
rum opinionū contaminatione soruerint.
Abiçite exosa domino mundanæ argumen-
ta scientiæ, per quam nemo ad cognitio-
nē veritatis potuit peruenire, & hoc fixum
habete in animo, quod dicitis in symbolo.
Credite consempiternum patri filium Dei, Ioan. L.
per quē facta sunt omnia, & sine quo factum
est nihil, secundum carnem quoque in fine
temporum generatum. Credite hūc corpo-
raliter crucifixum, mortuum suscitatum, &
super altitudines cœlestium dominationum
eleuatum, in patris dextera constitutum, ad
iudicandum viuos & mortuos in eadem
carne, qua ascendit, venturum. Hoc enim
vniuersis fidelibus Apostolus prædicat, di-
cens: Si consurrexistis cum Christo, quæ Colos. 3.
sursum sunt quærите, ubi Christus est in de-
xtera Dei sedēs, quæ sursum sunt sapite, non
quæ super terram. Mortui enim estis, & vi-
ta vestra abscondita est cum Christo in Deo.
Cum enim Christus apparuerit vita vestra,
tunc & vos apparebitis cum ipso in gloria.
Habentes ergo dilectissimi tantæ promis-
sionis fiduciam, estote non solum spe, sed
etiam conuersatione cœlestes. Et quamvis
omni

DE QUADRAGESIMA.

omni tempore studendum sit sanctificatio-
nis mentis & corporis , nunc tamen in istis
quadraginta dierum ieiunijs solicitioribus
vos pietatis operibus expolite, non solum
in distribuendis eleemosynis, quæ magnum
habent emendationis effectum, sed etiam in
remittendis offenditionibus & peccatorū rea-
tibus relaxandis, vt conditio, quam inter se
& hominem Deus posuit, non resistat oran-
tibus. Dicentes enim secundum doctrinam
domini : Dimitte nobis debita nostra, sicut
& nos dimittimus debitoribus nostris : de-
bemus toto corde implere quod dicimus.
Tunc enim fiet, quod in sequentibus postu-
lamus, vt & in temptationes non inducamur, &
à malis omnibus liberemur, per dominū no-
strum Iesum Christum filium tuū, qui cum
Patre & spiritu sancto viuit & regnat in se-
cula seculorum, Amen.

Sermo IX. de Quadragesima.

*De persecutione & cruce Christi ferendo
da, atque de impietate Manichæi &
Apollinaris.*

IN omnibus dilectissimi solennitatibus
Christianis non ignoramus paschale sa-
cramentum esse præcipuum, cui condi-
gnè & congruè suscipiendo totius quidem
nos temporis instituta reformat, sed devo-
tionem nostram presentes vel maximè dies
exigunt,

exigunt, quos illi sublimissimo diuinę misericordię sacramento scimus esse contiguos. In quibꝫ merito à sanctis Apostolis per doctrinam spiritus sancti maiora sunt ordina ta ieiunia, vt per commune cōsortium crucis Christi etiam nos aliquid in eo, quod propter nos gessit, ageremus, sicut Apostolus ait: Si compatimur, & cōglorificabimur. Rom. 8.
 Certa atqꝫ secura est expectatio promissæ beatitudinis, vbi est participatio dominicæ passionis. Nemo est dilectissimi, cui per cōditionē temporis societas huius gloriae de negetur, tanquam tranquillitas pacis vacua sit occasione virtutis. Apostolus enim prædicat, dicens: Omnes qui volunt in Christo 2. Tim. 3. piè viuere, persecutionem patiētur, & ideo nunqꝫ deest tribulatio persecutionis, si nunqꝫ desit obseruantia pietatis. Dominus enim in exhortationibus suis dicit: Qui non accipit Matth. 10 crucem suam & sequitur me, non est me dignus. Nec dubitare debemus hanc vocem nō solum ad discipulos Christi, sed ad cunctos fideles totamqꝫ Ecclesiam pertinere, quæ salutare suum in his, qui aderant universaliter audiebat. Sicut ergo toti⁹ est corporis piè viuere: ita totius est temporis crucem ferre, quæ merito ferri vnicuique suadetur, quia proprijs modis atqꝫ mensuris ab unoquoqꝫ toleratur. Vnū nomen est persecutionis, sed nō vna causa est certaminis: & plus plerunqꝫ periculi est in insidiatore occulto, quā in hoste manifesto b. Iob alternatibus bonis ac malis mundi huius eruditus
 piè vera-

Persecutionis
Christia-
norum
non vna
causa.

DE QUADRAGESIMA.

Iob 7.

piè veraciterq; dicebat : Nonne tentatio est
vita hominis super terram ? Quoniam non
solis doloribus corporis atq; supplicijs ani-
ma fidelis impetratur, verū etiā salua incolu-
mitate membrorum, graui morbo vrgetur,
si carnis voluptate mollitur. Sed quum ca-
ro concupiscit aduersus spiritum , spiritus
autem aduersus carnē, pr̄esidio crucis Chri-
sti mens rationalis instruitur,nec cupiditati-
bus noxijs illecta consentit, quoniam conti-
nentiæ clavis & Dei timore transfigitur. In
bono ergo proposito constitutis,inimicitiæ
dissimilium diabolo instigante non desunt,
& facilè in odia prorumpunt , quorum im-
probi mores detestabiliores fiunt compara-
tione rectorum . Iniquitas cum iustitia non
habet pacem , temperantiam odit ebrietas,

Qfalsitati nulla est cum veritate concordia,
non amat superbia mansuetudinē, petulan-
tia verecundiam, auaritia largitatem: & tam
pertinaces habet diuersitas ista conflictus,
vt etiam si exterius conquiescat, ipsa tamen
piorum cordium penetralia inquietare non
desinat, vt verum sit, quod qui voluerint in
Christo piè viuere , persecutionem patient-
tur:& verū sit, quod omnis hæc vita tētatio
est. Ipsiſ experimētis suis vnuſquisq; fidelis
edoctus, Christi cruce armetur , vt Christo
dignus habeatur . Per istum verò agonē di-
lectissimi ad pr̄æmia æterna tendentibus in
eo maximè diaboli insidiatur astutia , vt
quorū peruertere non potest probitatē, sub-
trahat fidem. In aliam enim transfertur viam,
quisquis

Galat. 5.

quisquis à confessione veritatis abducitur,
totūq; eius cursus abcessio est: & tāto erit
morti vicinior, quanto fuerit à catholica fi-
de longinquier. Quod etiam in diebus no-
stris per suam patiūtur incuriam, qui de spi-
ritu olim destruci erroris olimq; damnati
veterem insaniam conceperunt, qui gemi-
nā in Christo audent negare naturā: aut non
suscepta carnis scilicet veritate, aut in car-
nem deitate conuersa, vt aut secundum Ma-
nichæū nulla eius sit resurrectio, cuius nul-
la est passio: aut secundum Apollinarem ip-
sa deitas verbi mutabilis, ipsa sit facta passi-
bilis. Hoc autem sentire, hoc auribus Chri-
stianę plebis ingerere, quid aliud est, q; ipsa
religionis nostræ fundamenta conuellere? &
quod verus filius Dei, verus sit filius homi-
nis, denegare? In quo solo est humani gene-
ris restitutio, testificata per legem, promissa
per prophetas, & omnibus veteris testamē-
ti significationibus nunciata, vt magnum il-
lud & seculis omnibus profuturum diuinæ
misericordiæ sacramentum, quod s̄aepē &
diu fuerat signatum, in præstituto tempore
non dubitaretur impletum. Vnde licet, ex
quo verbum caro factum est, ita in Christo
Dei atq; hominis vna persona sit, vt in nul-
lis actionibus fiat naturæ vtriusque diuisio,
studeat tamē Euāgelica veritas ipsum, quem
Dei filium prædicat, s̄aepissimè filium homi-
nis confiteri, vt quamvis ea, quę differuntur,
alia sint humanitatis, alia deitatis, sub no-
mine tamen filij hominis, vtracq; memoren-

Ioh. 1.

DE QUADRAGESIMA.

tur. Nec fides dominū Iesum Christum natum ex Maria virgine, Deum simul atq; hominē creditura, cunctetur fateri, aut in Deo humanitatem, aut in hominē deitatem, vt & in verbo suscepiti hominis, vera sit humanitas, & in carne suscipientis Dei vera maiestas. Hæc dilectissimi per occasionem festi paschalis, cui puritatem cordium præparare debemus, de incarnatione verbi perstrinxisse sufficiat: quoniam aliquoties hinc instructos vos esse meministis. Nunc deuotionem vestram de eo, quod tempus possit, admoneo, vt sanctum ac salubre ieunium operib⁹ pietatis ornetis. Et quia pro indulgentia maximè laborādum est delictorum, indubitate in vobis, misericordiam promittatis, si ipsi quoq; circa subditos vestros omnem offensam transtuleritis ad veniam. Placidos enim atq; concordes ad tantam festiuitatem decet Dei populos conuenire, vt sœueritas vltionum, quæ nunc etiam in publicis iudicij relaxatur, multo magis i Christianorum cordibus mitigetur. Quia ad hoc potius intēta debet esse cura sanctorū, ne nullus algeat, ne nullus esuriat, ne quis inopia deficiat, ne quis mœrore tabescat, ne aliquæ vincula adstrictum, ne aliquem habeat carcer inclusum. Quātælibet enim existant causæ offensionis, ab homine tamen in hominem, non tam delicti magnitudo, quam naturæ est cogitāda communio, vt de iudicio, quo alterum iudicat, misericordiam Dei iudicantis obtineat. Beati enim misericordes,

quo-

quoniam ipsorum miserebitur Deus, qui vivit & regnat in secula seculorum, Amen.

Sermo X. de Quadragesima.

De laude charitatis, & de offensis remittendis.

Inter omnes dilectissimi dies, quos multis modis honorabiles habet Christiana deuotio, nullus est excellentior festiuitate paschali, per quam in Ecclesia Dei vniuersarum solennitatum dignitas consecratur. Si quidem etiam ipsa domini ex matre generatio huic fuit impensa sacramento, nec alia fuit Dei filio causa nascendi, quam ut cruci posset affigi. In vtero enim virginis suscepta est caro mortalis: in carne mortali completa est dispositio passionis, effectumq; est ineffabili consilio misericordiae Dei, vt esset nobis sacrificium redemptionis, abolitione peccati, & ad eternam vitam initium resurgendi. Considerantes autem, quid per crucem domini adepta est vniuersitas mundi, cognoscimus ad celebrandum paschae diem, merito nos quadraginta dierumieiunio præparari, vt digni possimus diuinis interesse mysterijs. Non enim summos tantum antistites, aut secundi ordinis sacerdotes, nec solos sacramentorum ministros, sed omne corpus Ecclesiæ, vniuersumq; fidelium numerum, ab omnibus contaminationibus oportet esse purgatum, vt templum Dei, cui

fundamentum est ipse fundator , in omnibus lapidibus speciosum , & in tota sui parte sit lucidum. Nam si regum ædes & sublimiorum prætoria potestatum , omni ornaturationabiliter excoluntur , vt excellentiora sint eorum domicilia , quorū ampliora sunt merita , quantopere ædificandum , quanto est honore decorandum , ipsius deitatis habitaculum? Quod licet inchoari & perfici sine suo autore non possit , habet tamen ab ædificante donatum , vt etiam labore proprio querat augmentū . Viua enī rationabilisq; materies ad extractionem templi istius assumitur , & per spiritum gratiæ , vt voluntariè in vnam compagem congruat , incitatatur: quæ ideo dilecta , ideo quæsita est , vt & ipsa ex non quærente quærens , & ex non

diligente diligens sit , dicente beato Ioanne

1. Ioan. 5. Apostolo: Nos ergo diligamus , quia Deus prior dilexit nos. Quum igitur & omnes simul , & singuli quicq; fidelium , vnu idemq; Dei templum sint , sicut perfectū hoc in vniuersis , ita perfectum debet esse in singulis: quia et si non eadē est membrorū omniū pulchritudo , nec in tāta varietate partium , meritorum potest esse parilitas , communionem tamen obtinet decoris connexio charitatis. In sancto enim amore consortes , etiam si non eisdem vtuntur gratiæ beneficij , gaudent tamen inuicem bonis suis , & non potest ab eis extraneum esse , quod diligunt , quia incremento ditescūt proprio , qui profectu lœtatur alieno. In hac dilectissimi vnitate san-

tate sanctorū, vbi idem amatur, idem diligitur, idemq; sentitur, nec superbis locus est, nec inuidis, nec auaris, & quicquid est illud, quo aut vanitas gloriatur, aut ira sœuit, aut luxuria lasciuit, non in Christi fœdere, sed in diaboli parte censetur, longeq; à sedibus pietatis excluditur. Fremit itaq; innocentiae Ioan. 8. aduersarius, & pacis inimicus, & qd ipse in veritate non stetit, totamq; naturæ suæ gloriam, dum superbis, amisit: dolet hominem misericordia Dei reparari, & in ea bona, que ipse perdidit, introduci. Nec mirum si peccati autor probitate rectè agentium cruciatur, & eorum quos deïcere non potest, stabilitate torquetur, quandoquidem etiam inter homines reperiuntur, qui opera huius malignitatis imitentur. Multi enim, quod dolendum est, profectibus vruntur alienis, & qui se virtutibus vacuos despici nouerunt, armantur in odium eorum, quorum non sequuntur exemplum. Serui autē Dei & discipuli veritatis, etiā dissimiles sui diligunt, & bellum vitijs potius quam hominibus indidunt, nulli malum pro malo reddentes, sed correctionem peccantium, semper obtates. Rom. 12. Pulchrum enim valde est, & diuinæ benevolentiae comparandum, sui quenq; in altero meminisse, & amare propriam etiā in hoste naturam. Siquidem plurimos nouimus, in optimos mores transiisse de pessimis, ex ebriosis sobrios, ex crudelib⁹ misericordes, ex rapacibus largos, ex incontinentibus cautos, ex ferocibus factos esse trāquillos. Di-

DE QVADRAGESIMA

Matth. 9. cente autem domino : Non veni vocare iū-
stos, sed peccatores, nulli Christiano quenq;
odisse permittitur, quia nemo nisi in remis-
sione peccatorum saluatur, & quos viles fe-
cit carnalis sapientia , nescimus quām pre-
ciosos spiritualis sit factura gratia . Sit ergo
sanctus Dei populus , sit benignus : sanctus
vt declinet prohibita : benignus , vt faciat
imperata . Quamuis enim magnum sit ha-
bere rectam fidem sanāmque doctrinam , &
multa laude digna sit circuncisio gulæ, leni-
tas mansuetudinis , puritas castitatis, nudæ
sunt tamen omnes sine charitate virtutes,
nec potest dici in qualibet morum excellen-
tia fructuosum, quod non dilectionis partus
ædiderit . Vnde in Ioannis Euangelio Do-
minus dicit: In hoc cognoscent omnes, quia

Ioan. 13. O mei discipuli estis, si dilectionem habueritis
ad inuicem. Et in eiusdem Apostoli epistola

Joan. 4. legitur: Charissimi, diligamus inuicē, quo-
niā charitas ex Deo est & omnis, qui dili-
git, ex Deo natus est, & cognoscit Deum, &
qui non diligit, non nouit Deum, quoniam
Deus charitas est . Discutiant ergo se fide-
lium mentes, & intimos sui cordis affectus
vera examinatione dījudicent , vt si reposi-
tum aliquid in conscientijs suis de fructibus
charitatis inuenerint, Deum sibi inesse non
dubitent: & vt magis magisq; tanti hospitis
sint capaces, fiant perseverāter in misericor-
diæ operibus ampliores . Si enim dilectio
Deus est, nullum debet habere terminū cha-
ritas, quia nullo potest claudi fine diuinitas.

Ad excr-

Ad exercendum igitur dilectissimi charitatis bonum, quamuis omne tempus sit congruum, praesentes tamen dies specialius cohortantur, ut qui pascha domini cupiunt cum animi & corporis sanctificatione suscipere, hanc maximè gratiam conentur acquirere, qua & omniū continetur summa virtutum, & multitudo tegitur peccatorum. Et ideo celebratur illud eminens super omnia sacramētū, quo iniquitates nostras Iesu Christi sanguis aboleuit, misericordiæ primitijs hostias præparemus, & quod nobis bonitas Dei cōculit, nos quoq; eis, qui in nos peccavere, præstemus. In obliuionem * mittantur * mten-
iniuriæ, supplicium iam nesciant culpæ, &
à vindictæ metu omnes subditorum absolu-
uantur offensæ. Neminem teneant claustra
pœnalia, nec in custodijs tenebrosis tristes
reorū gemitus perseueret. Si quisquam tales
pro aliquo delicto obnoxios tenet, peccato-
rem se esse non dubitet, & vt indulgentiam
ipse accipiat, gaudeat se inuenisse, cui par-
cat, vt quum secundum doctrinam Dei dici-
mus: Dimitte nobis debita nostra, sicut & Matth. 6.
nos dimittimus debitoribus nostris, nō am-
bigamus per nostrę orationis formam, diui-
nam nos obtinere clementiam. In pauperes
quoque & diuersis debilitatibus impeditos
benignior nunc largitas exeratur, vt gratiæ
Deo multorum voce referantur, & iejunij
nostris egentium refectio suffragetur. Nulla
enim deuotione fidelium magis dominus de-
lectatur, quam ista, quæ pauperibus eius im-
p. iiiij pendit.

penditur, & vbi curam misericordiæ inuenit, ibi imaginem suę pietatis agnoscit. Non timeatur in hęc expensis defectio facultatum, quoniam ipsa benignitas, magna substantia est: nec potest largitatis deesse materies, vbi Christus & pascit & pascitur. In omni hoc opere illa interuenit manus, quae panem frangendo auget, & erogando multiplicat. Securus & hilaris sit eleemosynæ distributor, quia tūc maximum lucrum habebit, quando sibi minimū reseruauerit, dicente beato Apostolo Paulo. Qui autē administrat semen seminanti, & panem ad manducandum præstabit, & multiplicabit semen vestrum, & augebit incrementa frugum iustitiae vestre in Christo Iesu domino nostro.

2. Cor. 9.

Sermo XI. de Quadragesima.

De tentationibus vitæ humanae & diabolicae impugnatione ac remissione in iuriarum.

In omnibus quidem dilectissimi diebus atque temporibus quædam nobis diuinæ bonitatis signa præfixa sunt, & nulla pars anni à sacris est aliena mysterijs, vt dum nobis vbique præsidia nostræ salutis occurront, inuitantem nos semper misericordiam Dei audius expectemus. Sed quicquid illud est, quod in diuersis gratia operibus & donis reparacioni humana-

rum

rūfi confertur animarum , totum id nobis nunc euidentius & copiosius præsentatur, quando non particulatim quædam agenda, sed simul sunt omnia celebrāda. Appropinquante autē festiuitate paschali adeit maximum sacratissimumq; iejunium , quod obseruantiam sui vniuersis fidelibus sine exceptione denunciat, quia nemo tā sanctus est, vt nō sanctior, nemo tā deuotus, vt non debeat esse deuotior. Quis enim in huius vitæ constitutus incerto, aut immunis à tētatione, aut liber inueniatur à culpa? Quis est, qui num penitentia nihil virtutis sibi adīci, aut qui nihil vitij sibi optet auferri? quū & aduersa noceant , & secunda corrumpant , nec minoris sit periculi carere desideratis , quam abundare concessis? Insidiæ sunt in diuitiarū amplitudine, insidiæ in paupertatis angustijs. Illę eleuant ad superbiam, hæ incitat ad querelam. nemo prætentat sanitas, tentat infirmitas, dum & illa vita difficiet materia est negligentiae, & hæc causa tristitia. Laqueus est in securitate, laqueus est in timore, nec interest vtrū animus, qui terreno tenetur affectu, gaudijs occupetur, an curis, quum par morbus sit, vel sub vana deleftatione languere, vel sub anxia sollicitudine laborare. Impletur itaq; per omnia sententia veritatis , qua dicimus angustam esse & arduā viam, que ducit ad vitam: & cum latitudo itineris ad mortem trahentis, multis frequentetur agminibus , in salutis semitis paucorum intrantium sunt rara vestigia. Vnde autem populosior est via leua quam

Ieiunare
omnes te-
nentur.

Tentatio.
nihil vitij si-
rica.

Innocens
nemo præ-
tentat

difficit

materiæ,

negligentia.

causa tristi-

zia.

Laqueus

timore,

laqueus

in securi-

tate,

laqueus

in timore,

nec inter-

est vtrū ani-

mus, qui ter-

reno tenetur

affectu, gaudijs

occupetur, an

curis, quum par

morbus sit, vel

sub vana dele-

ftatione lan-

guere, vel sub

anxia sollici-

tudine laborare.

Impletur itaq;

per omnia sen-

tentia veritatis ,

qua dicimus

angustam esse

& arduā viam,

que ducit ad

vitam: & cum

latitudo itineris

ad mortem tra-

hentis, multis

frequentetur

agminibus , in

salutis semitis

paucorum intran-

tium sunt rara

vestigia.

Vnde autem

populosior

est via leua

quam

dexte-

DE QVADRAGESIMA.

dextera, nisi quia ad mundana gaudia & corporalia bona, multitudo proclivis est? Et quamvis caducum incertumque sit, quod cupitur, libentius tamen suscipitur labor pro desiderio voluptatis, quam pro amore virtutis. Ita cum innumeri sint, qui visibilia concupiscant, vix inueniuntur, qui temporalibus æterna preponant. Et ideo dicente beato Apostolo Paulo: Quæ videntur temporalia sunt, quæ autem non videntur, æterna sunt: latet quodammodo & in abscondito est virtutum via, quoniam spe salui facti sumus, & fides vera id super omnia diligit, quod nullo sensu carnis attingit. Magni est ergo operis & laboris, mobilitatem cordis ab omnibus continere peccatis, & cum vndeque innumeræ* voluptatum illecebre blandiantur,

* vanitatem
Ecclesiastes 13.

ad nulla contagia vigorem animi relaxare. Quis picem tangit, & non inquinatur ab ea? Quis non infirmatur in carne? Quis non sordescit in puluere? Quis postremo est tantæ puritatis, ut ihs non polluatur, sine quibus vita non dicitur? Iubet enim per Apostolum doctrina diuina, ut qui habent uxores, tanquam non habentes sint, & qui flent, tanquam non flentes, & qui gaudent, tanquam non gaudentes, & qui emunt, tanquam non possidentes, & qui vivunt hoc mundo, tanquam non vivantur. Præterit enim figura mundi huius.

Beata mens quæ sit.

Beata enim mens, quæ peregrinationis suæ tempora, casta sobrietate transcurrit, & in ihs, per quæ necesse est eam ambulare, non remanet, ut hospita magis quam domina terrenorum,

renorum, nec affectibus sit innexa humanis,
nec promissionibus desit diuinis . Hanc au-
tē fortitudinē dilectissimi , nulli magis quā
præsentes & exigunt & conferunt dies, qui-
bus dum obseruantia spiritalis impenditur,
cōsuetudo,in qua perseueretur , acquiritur.
Notum enim vobis est hoc esse tēpus , quo
per totum mundum sequente diabolo, acies
debet Christiana configere , & si quos aut
desidia tepidos, aut solicitude habuit occu-
patos , nunc oportet armis spiritalibus in-
strui , & cœlesti tuba ad ineundū certamen Sapien.z.
accédi: quoniam ille , cuius inuidia mors in-
troiuit in orbem terrarum, modo præcipuo
liuore vritur, modo maximo dolore crucia-
tur. Videt enim de omniū hominum gene-
re, in adoptionem filiorum Dei , nouos po-
pulos introduci, & per virgineam Ecclesiæ
fœcunditatem, partus regenerationis auge-
ri. Videt se dominationis suę iure priuatum,
à cordibus eorum, quos possidebat, expelli,
eripi sibi in vtroq; sexu milia senum , milia
iuuenum , milia paruulorum : nec obesse
cuiquam vel proprium, vel originale pecca-
tum, vbi iustificatio nō meritis retribuitur,
sed sola gratiæ largitate donatur . Lapsos
quoq; & insidiarū suarum fraude deceptos,
pœnitentiæ lachrymis ablui & portas misé-
ricordiæ Apostolica clauē reserāte, ad reme-
dia reconciliationis admitti . Sentit igitur
diem dominicæ passionis instare, & se illius
crucis potestate conteri , quæ in Christo ab
omni dedito mortis alieno , redemptio fuit
mundi,

DE QVADRAGESIMA.

mundi, non pœna peccati. Ut itaq; malignitas frementis inimici nulos habeat sui liuoris effectus, ad exequenda domini mandata, diligentior est assumenda deuotio, vt tempus, in quo omnia diuinæ misericordiæ sacramenta concurrunt, cum præparatione & animorum suscipiamus & corporū, implorantes regimen & misericordiam & adiutoriū Dei, vt sine quo nihil possumus facere, per ipsum omnia valeamus implere. Ideo enim datur præceptum, vt præcipientis queratur auxilium. Nec se quisquam per occasionem infirmitatis excuset, quia qui præstítit velle donat & posse, dicēte beato Apostolo Iacobo : Si quis vestrū indiget sapientia, postulet à Deo, qui dat omnibus affluerter, & non improperat, & dabitur ei, Quis fidelium nesciat, quibus virtutibus studere & quib⁹ vitijs debeat repugnare? Quis conscientiæ suæ, aut tam gratus, aut tam imperitus est arbiter, qui ignoret, quid à se auferri, aut quid in se oporteat augeri? Nemo quippe ita rationis est alienus, qui aut cōuersationis suæ nō intelligat qualitatem, aut cordis sui secreta nō nouerit. Non ergo per oīa sibi placeat, nec se secūdū carnis obiectamenta dījudicet, sed omnem consuetudinem suam in diuinorum præceptorū lance constituat, vbi cum alia interdicantur, ne fiant, alia iubeantur, vt fiant, iusto se trutinabit examine, qui vitæ suæ mores ex utriusque ponderis comparatione pensauerit. Artifex enim misericordia Dei, splendidissimum in

Iacobi 1.

mum in mandatis suis condidit speculū , in quo homo suæ mentis faciem inspiceret , & quam conformis imagini Dei, aut quam dissimilis esset, agnosceret, præcipue ut reiectis paululum carnalibus curis & occupationibus inquietis , saltem in diebus redēptionis & reparacionis nostrę , à terrenis nos ad cœlestia cōferamus. Quia verò , sicut scriptum est: In multis offendimus oēs, misericordiæ primus concipiatur affectus, & aliorū in nos delictorum fiat obliuio , vt illud p̄iissimum pactum, cui nos in dominica ratione deuinimus, nullo vindictæ amore violemus , & dicentes : Dimitte nobis debita nostra, sicut & nos dimittimus debitoribus nostris, non simus in remissiōe difficiles: quia ad nos recurrat siue cupiditas vltionis, siue indulgentia lenitatis . Magis optandum est homini, temptationum periculis semper exposito , vt suas culpas habeat punitas, quam vt plectat alienas . Quid autem conuenientius fidei Christianæ, quam vt non solum in Ecclesia, sed etiam in omniū domibus fiat remissio peccatorum? Deponantur minæ, vincula relaxentur, quibus sed multo perniciosius, qui ea non soluerit, religabit. Quod enim quisq; in alterum statuit, hoc in semetipso sua lege decernit. Beati verò misericordes, quoniam ipsorū miserebitur Deus, qui in iudicij suis & iustus est & benignus , ad hoc quosdā sub aliorū esse potestate permittens, vt sub equa moderatione seruetur & vtilitas disciplinæ, & mansuetudo clementiæ , & nemo audeat alterius

Iniuriarū
remissio
necessaria

Matth 5.

DE QUADRAGESIMA.

Ibidem.

alterius delictis venia denegare, quam pro suis optat accipere, dicente domino: Beat pacifici, quoniam filii Dei vocabuntur. Deponantur omnium discordiarum odiorumque certamina, nec putet se quisquam in paschali festo habiturum esse consortium, qui fraterna pacem redintegrare neglexerit. Apud summum enim patrem, qui non fuerit in charitate fratrem, non habebitur in numero filiorum. In distributione quoque eleemosynarum, & pauperum cura pingueſcant Christiana ieunia, & quod suis quisque delicijs subtrahit, debilibus impedit & egenis. Detur opera, ut omnes Deo uno ore benedicant, & qui aliquem dat portionem substantiae suae, intelligat se ministrum esse misericordiae diuinae, qui partem pauperis in manu posuit largientis, ut peccata que baptismi aquis aut penitentiae lachrymis abluerint, etiam eleemosynis deleantur, dicente scriptura: Sicut aqua extinguit ignem, ita eleemosyna extinguit peccatum, per dominum nostrum Iesum Christum: qui cum patre & spiritu sancto vivit & regnat in secula seculorum, Amen.

Ecli 3.

Sermo XII. de Quadragesima.

De laude continentiae, & quod patientia Dei non sit abutendum.

Appropinquante dilectissimi solennitate paschali, sic est præcurrenda consuetudo ieunij, ut nos quadraginta dierum numerus ad sanctificationem corporis &

ris & mētis exerceat. Suscepturi enim festorum omnium maximum festū ea nos debemus obseruantia præparare , vt in cuius sumus resurrectione conresuscitati , in ipsius inueniamur passione cōmortui,dicēte beato Paulo Apostolo: Mortui enī estis vos,& Colos.3. vita vēstra abscondita est cū Christo ī Deo. Cū enī Christus apparuerit vita vestra, tūc & vos apparebitis cū ipso in gloria. Quę verò nobis est cū Christo participatio, nisi vt desinamus esse quod fuimus? aut quæ similitudo resurrectionis,nisi depositio vetustatis? Vnde qui sacramentum suę reparationis intelligit,carnis se vitis debet exuere,& omnes sordes abh̄cere peccatorū vt intraturus nuptiale conuiuim⁹ , splendeat veste virtutum. Quamuis enim benignitas sponsi cunctos ad communionem regiarū inuitet epularum, studendū tamē est vniuersis vocatis, vt sacrorum ciborum munere nō inueniantur indigni . Abutuntur autem quidam patientia Dei, & qui nō sunt in conscientia liberi , fiunt de longa impunitate securi,cum ideo differatur vltio vt tēpus possit habere correctio. Misericordiam igitur Dei nostri, Ezech.3. quæ nō vult mortē peccatoris, sed tantū ut conuertatur & viuat , non ideo quisquam tardet amplecti,quia quod meruit, nō recepit. Nec enim quicquid differtur, aufertur, aut codemnationem euasit , qui indulgentiam non quesiuit.Cuius enim implorandæ nō vna omnibus causa est, quia multis modis multisq; mensuris & peccatum à peccato, &

Misericordia Dei
non abutendū.
Rom.2.

DE QUADRAGESIMA.

to, & crimen distat à crimine. Sed quia vniuersitas fidelium ad perfectam innocentiam & ad plenam debet tēdere puritatem, vt eorum consortio mereatur ascribi, de

Matth. 5. quibus dicitur: Beati mūdo corde, quoniam ipsi Deum videbunt, omni, instantia & virtute nitendū est: vt quicquid secretum conscientiae maculat, quicquid aciem mētis obscurat, diligētissimis emendationibus deleatur.

Prou. 20. Quamuis enim scriptum sit, quis gloriabitur castum se habere cor, aut mundum se esse à peccato? non tamē desperanda est apprehensio puritatis, quæ dum semper appetitur, nec semper accipitur, nec remanet iudicio condemnandum, quod fuerit in cōfessione purgatum. Hoc illud est dilectissimi, quod orantes omnes filij Ecclesiæ ex doctrina domini vuniformiter dicunt: Dimitte nobis debita nostra, sicut & nos dimittim⁹ debitoribus nostris: qā nemo tā sanctus, nemo tam iustus est, qui in tēpore huius vitæ, quæ tota tentatio est, cuiuscunq; peccati remissione non egeat. Circunstant vndiq; pericula innumerabilium delictorum, & per licitos usus ad immoderatos trāsitur excessus,

dū per curā salutis irrepit delectatio voluptatis, & non sufficit concupiscentiæ, quod potest satis esse naturæ. Hinc habendi amor nunquam satiandus exoritur, hinc cupiditas eminendi, quæ vel stirpi suæ innexa vel sibili, nunc prolem habet superbiā, nunc parentē. His autem & alijs temptationibus, quærum multiplex est & infinita connexio, quæ rectius

Matth. 18.

Job 7.

rectius virtus quām continentia opponitur, quæ nutriendis atq; seruandis animi & corporis bonis, & incrementa præbet & roboret? Vnde in cœlestibus Ecclesiæ disciplinis, multum utilitatis adferunt diuinitus instituta ieiunia, vt dū continétiæ legibus, carnis subiectur appetitus, motus quoque interior tēperetur, vt sicut corp^o à cibis, ita mēs ab iniuitate ieiunet. Dominus enim dicit: Beati qui esuriunt & sitiunt iustitiam propter me, quoniam ipsi saturabuntur. Habet ergo populus Dei spiritales epulas castasque delicias quas salubriter expetit, & laudabiliter concupiscit, quoniam laudante & dicente propheta: Gustate & videte, quoniam suauis est dominus: quisquis dulcedinem iustitiae & misericordiæ Dei, quibus omnis prouidentia eius dispensatur, gustu cordis attigerit, & nullo vñquam minuenda fastidio experimēta superiorū hauserit gaudiorum, corruptibilia & temporalia bona æternorum admiratione despiciet, & in illo igne, quem Dei accedit charitas, concalescit: vt algorē in ferorem conuerso, & in lucem nocte mutata, vno opere in animis fidelium spiritus, & tenebras abigat, & peccata consumat. Vnde quia tales fructus mater virtutum continentia parit, & ieiunantes à virtüs, ad ineffabilia oblectamēta perducit, studiori misericordiæ opere dilectissimi exequamur præcepta cœlestia, & quia totum paschale sacramētum, in remissionē est conditum peccatorū, quod celebrare optamus

Continē-
tia laus.

Matth. 5.

Deliciae
Christia-
norum.

Psal. 33.

Continen-
tia mater
virtutū.

q imi-

DE QUADRAGESIMA.

imitemur. Misericors enim & iustus dominus, ita promittit indulgentiam suam, ut eam etiam, quibus parcit, indicat. Exponens enī, qua regula Deo patri nos voluerit supplicare: Si dimiseritis, inquit, hominibus peccata eorum, dimittet vobis & pater vester, qui in cœlis est, peccata vestra. Si autem non remiseritis hominibus, nec pater vester dimittet vobis peccata vestra. Iusta prorsus & benigna conditio, qua diuinæ potentiae fit particeps homo, ut sententiam Dei ex suo liberet arbitrio, & eo sibi indicio obstringat dominum, quo iudicauerit ipse conseruum. Siue itaq; circa subiectos, siue circa æquales, naturæ parilitas diligatur. Et quia nemo non peccat, nemo non parcat, non difficulter prestemus, quod gratulanter acceperimus: ut siue in largitate eleemosynarum, siue in indulgentia peccatorū, quanto magis fuerimus misericordes, tanto simus perfectius innocentes, per dominum nostrum Iesum Christum, qui viuit & regnat in secula seculorum, Amen.

S E R M O P R I M V S
de passione domini.

De necessitate incarnationis filij Dei, de scelere &
infidelitate Iude ac inutili eius pœnitentia,
atque Christi potentia.

Sacra-

SAcratissimum dilectissimi dominicæ passionis diem, quam dominus Iesu^s dei filius pro humani generis salute suscepit, & sicut promisit, omnia ad se exaltatus attraxit, tam planè ac lucidè Euangelicus sermo reseruauit, ut religiosis & pijs cordibus non aliud sit audisse quæ lecta sunt, quam vidisse quæ gesta sunt. Vnde cum indubitate obtineat auditorem sacra narratio, annitendum est nobis auxiliante domino, ut perspicuum habeat intelligentia, quod notum fecit historia. Post illam nanque humanæ præuaricationis primam & vniuersalem ruinam, ex qua per vnum Rom. 5. hominem introiuit peccatum in hunc mundum, & per peccatum mors, & ita in omnes homines pertransiit, in quo omnes peccaverunt, nemo dominationem diaboli, nemo vincula diræ captiuitatis euaderet, nec cuiq; aut reconciliatio ad veniam, aut redditus patet ad vitam, nisi coæternus & coæqualis patri Deo filius Dei, & hominis filius esse dignaretur: veniens quærere & saluare quod perierat, ut sicut per Adam mors, ita per dominum nostrum Iesum Christum esset resurrectio mortuorum. Nō enim quia secundum inscrutabile propositum sapietiæ Dei, nouissimis diebus verbum caro factum est, ideo salutiferæ virginis partus, extremi tatum temporis generationibus profuit, & non se etiam in præteritas refudit ætates. Omnis prorsus antiquitas colentium Deum verum, omnis numerus apud

Ioan. 12.

Lucæ 19.

1. Cor. 15.

Ioan. 1.

Hebr. 1.

Salus ne-
mini vng
contigit
nisi per
Christū.

DE PASSIONE DOMINI.

secula priora sanctorum , sacra fide vixit,
placuit, & neq; patriarchis, neq; propheti
neq; cuiquam omnino sanctorum, nisi in re
demptione domini nostri Iesu Christi salus
& iustificatio fuit : quæ sicut expectabatur
multis prophetarum oraculis signisq; pro-
missa, ita est etiam ipso munere atque opere
præsentata . Vnde nunc dilectissimi in toto
ordine dominicæ passionis, non ita infirmi-
tatem consideremus humanam, vt arbitre-
mur illic potentiam defuisse diuinam, neque
illâ ita coæternam & æqualē patri formam
vnigeniti cogitemus , vt putemus nō fuisse
vera, quæ Deo videntur indigna . Prorsus
vtraque natura vñus Christus, nec verbum
ibi ab homine disiunctum, nec homo est dis-
sociatus à verbo. Nō est fastidita humilitas,
q; nec imminuta maiestas , nihil nocuit na-
turæ inuiolabili , quod passibili oportebat
inferri. Totum illud sacramentum, quod si-
mul & humanitas consummavit & deitas,
dispensatio fuit misericordiæ, & actio pietatis.
Talibus enim vinculis tenebamur con-
stricti, vt nisi per hanc opem , non possemus
absolui. Humilitas igitur diuinitatis nostra
prouectio est. Nos tanto redimimur precio,
nos tanto curamur impedio. Quis enim ab
impietate ad iustitiam, à miseria ad beatitu-
dinē esset recursus , nisi & iustus ad impios,
& beatus inclinaretur ad miseros? Nō est er-
go dilectissimi erubescēda crux Christi, quæ
de virtute est diuini consilij, nō de condi-
tione peccati. Quāvis enim ex infirmitate no-
stra ve-

stra verè passus domin⁹ Iesus vereq; sit mor-
 tuus, nō tamen se ita abstinuit à gloria sua,
 vt inter contumelias passionis, nihil diuinæ
 operationis exerceret. Nā cū impius Iudas
 non iā ouina pelle velatus, sed lupino furo-
 re manifestus vim sceleris per speciem pa-
 cis incipiēs, signum traditionis sæniore om-
 nibus telis osculo præbuisset, & multitudo
 furibunda, quæ ad comprehendendum do-
 minum cum armata milicu[m] cohorte con-
 fluxerat, inter faces & laternas lumen verū,
 tenebris obcæcata suis, non cerneret, domi-
 nus qui expectare potius turbas quām de-
 clinare delegerat, sicut Ioānes Euāgelista te-
 statur, quem querant, necdū inuentus, inter-
 rogat, illisq; dicentibus, quod Iesum quære-
 rent: Ego sum, inquit. Quod verbum illam
 manū ita ex ferocissimis cōgregatam, quasi
 quodam fulmineo iectu stravit atq; perculit,
 vt oēs illi atroces, minaces atque terribiles,
 retroacti corruerent. Vbi fuit * sæuitiæ con-
 spiratio? vbi ardor irarum? vbi instructus ar-
 morum? Dominus dicit: Ego sum, & ad vo-
 cem eius turba prosternitur impiorū. Quid
 iam poterit maiestas eius iudicatura, cuius
 hoc posset humilitas iudicanda? Verunta-
 men dominus sciens, quid magis mysterio
 suscep[er]to cōueniret, in hac potestate nō per-
 stitit, sed persecutores suos in facultatē dis-
 positi sceleris redire permisit. Nam si teneri
 nollet, non vtiq; teneretur. Sed quis homi-
 num posset saluari, si ille non se sineret com-
 prehendi? Nam & beatus Petrus, qui animo-
 q; iij fiore con-

Iudee sc̄o-
lus.

Ioan. 18.

Christi
potentia
x mālue

* senten-
iae

DE PASSIONE DOMINI.

fiore constantia domino cohærebat, & contra violentorum impetus, feroce sanctæ charitatis exarserat: in seruum principis sacerdotum usus est gladio, & aurem viri ferocius instantis abscidit. Sed hunc zelantis Apostoli pium motū progredi dominus ultra non patitur, recundi gladium iubet, nec sinit se aduersus impios manu ferroꝝ defendi. Contra sacramentū enim erat redemptionis nostrę, ut qui mori pro omnibus venerat, capi nollet, ne dilato gloriosæ crucis triūpho, & dominatio diabolica fieret longior, & captiuitas humana diuturnior. Dat ergo in se furentibus licetiam sœuiendi, nec tamen etiam se talibus designatur indicare diuinitas. Aurē serui īā ipsa sectione demotuam, & à compage viuentis corporis alienam, in sedem de honestati capitis reuocat manus Christi, reformat, quod ipse formaverat: nec tardè caro sequitur eius imperiū, cuius erat ipsa figmentum. Habent ergo diuinam hęc opera virtutem. Sed quod dominus maiestatis suæ potentiam comprimit, & vim in se persecutoris admittit, ex illa est voluntate, qua dilexit nos, & tradidit semetipsum pro nobis, cooperante in hoc ipso patre, q̄ filio proprio non pepercit, sed pro nobis omnibꝫ tradidit illū. Vna est enī patris & filij volūtas, vt est vna diuinitas, de cui^o dispositionis effectu, nihil vobis gratiæ ludei, nihil tibi Iuda debemus. Saluationi quidem nostræ non hoc vobis volentibus impietas vestra seruiuit, & per vos factū est, quicquid manus

Matth. 26

Mar. 14.

Luc 22.

Ioan. 18.

Christus
in passio-
ne sua se

Deum
ostendit.

Apoc. 1.

Ephes. 5.

Rom. 8.

Aet. 4.

manus Dei & consilium decreuerunt fieri.
 Mors igitur Christi nos liberat, vos accusat:
 Merito soli non habetis, quod omnibus pe-
 rire voluistis. Et tamen tanta est bonitas no-
 stri redemptoris, ut etiam possitis consequi
 veniam, si Christum Dei filium confitendo,
 illam parricidalem, malitiā relinquatis. Non
 enim dominus in cruce frustra oravit, dicēs:
 Pater dimitte illis quia nesciūt quid faciunt.
 Quo^r remedium nec te Iuda transiret, si ad
 eam pœnitentiam configisses, quæ te reuo-
 caret ad Christum, non quæ instigaret ad la-
 queum. Dicendo enim peccavi, tradens san-
 guinem iustum, in impietatis tuæ perfidia
 perstisti: quia Iesum non Deum Dei filium,
 sed nostræ tantummodo conditionis homi-
 nem inter extremum mortis tuæ periculum
 credidisti. Cuius flexisses misericordiam, si
 eius non negasses omnipotentiam. Hæc ho-
 die dilectissimi p̄ijs auribus insinuata suffi-
 ciant, nec fastidium de prolixitate subrepant.
 Quæ autem desunt plenitudini, quarta feria
 auxiliante domino reddenda promittimus,
 quoniam qui dedit, quod locuti sumus, da-
 bit, sicut credim⁹, quod loquemur, per Chri-
 stum dominum nostrum, Amen.

Lucæ 23.
 Pœnitentia Iudea
 infructuosa.

Matth. 27
 Iudas nō
 credidit
 Christū
 Deum.

Sermo II. de passione domini.

De conuersione latronis & signis factis in
 morte Christi ad confusionem
 Iudeorum.

DE PASSIONE DOMINI.

EXigit fides dilectissimi, ut partē sermōnis, quam de domini passione promisi mus, eodem auxiliante reddamus, in quo nos orationibus vestris non ambigimus ad iuuari. Ad commune pertinet enim lucrum, si potueritis me habere deuotum, quia vestræ impenditur ædificationi, quicquid nostræ tribuitur facultati. Post illud ergo impium Iudæ detestandumque commercium, quo ab eo, Iudæis persequenti bus, mundi redemptor est traditus, post illas sacrilegas illusiones, inter quas usque ad locum pœnæ, eius mansuetudo produc̄ta est: crucifixi sunt cū eo, statutis utrinque patibulis, latrones duo, quorum unus usque ad id temporis, pars similisque consorti, insidiator viarum, & saluti hominum semper infestus, usque ad crucem reus, fit Christi repente confessor, & inter illos acer rimos corporis animique cruciatus, quos simul & instantia & difficultas mortis augebat, mira conuersione mutatus: Memento, inquit, mei domine, dum veneris in regnum tuum. Quæ istam fidem exhortatio persuasit? quæ doctrina imbuit? quis prædictor accedit? Nō viderat prius acta miracula, ces sauera tunc languentium curatio, cæcorum illuminatio, viuificatio mortuorum, ea ipsa quæ mox erant gerenda, non aderant, & tamen dominum confitetur & regem, quem videt supplicij sui esse consortem. Inde ergo oriebatur hoc donum, unde accepit fides **Lucæ 13.** ipsa responsum. Ait enim ei Iesus: Amen di co ti-

Et tibi hodie mecum eris in paradiſo . Ex-
 cedit humanam conditionem ista promis-
 sio , nec tam de ligno crucis , quam de thro-
 no editur potestatis . Ab illa altitudine pre-
 miū fidei datur , in qua chirographū huma-
 ne transgressionis aboletur , quia se à forma
 serui , Dei forma non dirimit : dum etiam in-
 ter ipsa supplicia proprietatem vnitatemq;
 suam seruauit , & deitas in uiolabilis , & natu-
 ra passibilis . Adiçitur ad confirmationem Signa fa-
 spei nostræ , totius attestatio naturæ . Emit-
 tente spiritum Christo , oīa elemēta tremue-
 runt . Densis tenebris splendor solis obdu-
 ctus , extraordinariè nocti subdidit diem ,
 stabilitatē suam terra profundis concussio-
 nibus labefactata non tenuit , & petrarum
 firmitas , cōfracta soliditate dissiluit . Velum
 templi , quo priorum mysteria vterius non
 erāt obumbrāda , discissum est , & multorum
 sanctorum corporibus excitatis , ad premu-
 niendam resurrectionis fidem , monumenta
 patuerunt . In vos ergo Iudæi cœlum & ter-
 ra sententiā tulit , vobis sol seruitutem suam
 diémque subtraxit , vobis famulatum suum
 lementorum ordines denegauerunt , &
 recedente à legibus suis ministerio crea-
 turæ , vestra obcæcatio , vestra est signifi-
 cata confusio . Vobis enim dicentibus : San-
 guis eius super nos , & super filios nostros ,
 merito hoc retributum est , vt quod vestri
 generis impia perdidit portio , assequatur
 hoc fidelis gentium plenitudo . Nos ergo di-
 lectissimi , quibus dominus noster Iesus

Signa fa-
 cta in
 morte
 Christi .

Matth. 7.

^{2.} Cor. 1.

DE PASSIONE DOMINI.

Christus crucifixus, non scandalum, neque stultitia, sed Dei virtus. Denique sapientia est, nos inquam spiritale semen Abrahæ, non in prole seruitutis geniti, sed in familia libertatis renati, pro quibus in manu forti & brachio excelsø de oppressione Ægyptiæ dominationis eductis, verus & immaculatus agnus, immolatus est Christus: amplectamur salutaris paschæ mirabile sacramentum, & ad eius imaginem, qui deformitati nostræ conformis factus est, reformemur. Erigamur ad eum, qui puluerem abiectionis nostræ, corpus fecit gloriæ suæ, & ut resurrectionis eius mereamur esse confortes, humilitati & patientiæ ipsius per omnia congruamus. Magni nominis militiam, magnæ professionis suscepimus disciplinam. Sectatores Christi discedere à regia non licet via, sed dignum est temporalibus non occupari ad æterna tendentes. Et quia precioso sanguine Christi redempti sumus, glorificemus & portemus Deum in corpore nostro, ut ad ea, quæ fidelibus preparata sunt, peruenire mereamur, per Christum dominum nostrum, Amen.

Cor. 6

Sermo III. de passione domini.

De gemina Christi natura, Iudeæ desperatio
ne, Petri trepidatione, & conuersione, ac
Iudæorum scelere ac punitione.

Inter

Inter omnia dilectissimi opera misericordiæ Dei , quæ ab initio salutis sunt impensa mortalium , nihil est mirabilius nihilq; sublimius , quām quod pro mūdo crucifixus est Christus. Huic enim sacramento vniuersa præcedentium seculorum mysteria seruierunt , & quicquid hostiarum differentijs in propheticis signis & legalibus institutis , sacra disp̄satione variatum est , hoc prænunciauit dispositum , hoc promisit impletum , vt nunc imaginibus figurisq; cessantibus , hoc proposit credere iam effectum , quod antea profuit credidisse faciēdum. In omnibus igitur dilectissimi , quæ ad domini nostri Iesu Christi pertinent passionē , hoc catholica fides tradit , hoc exigit , vt in redemptorem nostrum duas nouerimus cōuenisse naturas , & manētibus proprietatibus suis , tantam factam vnitatem vtriusque substantiæ , vt ab illo tempore , quo sicut humani generis causa poscebat , in beatæ virginis vtero verbum caro factum est , nec Deum illum sine hoc , quod homo est , nec hominē sine hoc liceat cogitare , quod De⁹ est . Exprimit quidem sub distinctis actionibus veritatē suam vtraque natura , sed neutra se ab alterius connexione disiungit . Nihil ibi ab inuicem vacat , tota est in maiestate humilitas , tota in humilitate maiestas . Nec infert vnitas cōfusionē , nec dirimit proprietas vnitatem . Aliud est passibile , aliud inuiolabile , & tamen eiusdem est contumelia , cuius & gloria . Ipse est in infirmitate , qui & in virtute , idem

DE PASSIONE DOMINI.

idem mortis capax , & idem victor est mortis . Suscepit ergo totum hominem Deus , & ita se illi , atq; illum sibi misericordiæ & potestatis ratione conseruit , vt vtraq; alteri natura inesset , & neutra in alterâ à sua proprietate transiret . Sed quia dispensatio sacramenti , ad reparationem nostram ante secula æterna dispositi , nec sine humana infirmitate , nec sine diuina erat consummanda virtute : agit vtraq; forma cū alterius communione , quod proprium est : verbo scilicet operante , quod verbi est , & carne exequente , quod carnis est . Vnum horum coruscat miraculis , aliud succumbit iniurij . Aliud , ab æqualitate paternæ gloriae non recedit , hoc natüram nostri generis non relinquit . Veruntamen etiam ipsa receptio passionum , non ita est nostræ affectioni humiliatis exposita , vt à potentia sit diuinitatis tibiuncta . Quicquid domino illusionis & consumeliæ , quicquid vexationis & pœnæ intulit furor impiorum , non de necessitate toleratum est , sed de voluntate suscepimus . Venit enim filius hominis quærere & saluare , quod perierat . Et sic ad omniū redemptionem vtebatur malitia persequentium , vt in mortis eius resurrectionisq; sacramento etiam interfectores sui possent salui esse , si crederent . Vnde scelestior omnibus Iuda & infeliciar extitisti , quem non pœnitentia reuocauit ad dominum , sed desperatio traxit ad laqueum . Expectasles consummationem criminis tui , & donec sanguis Christi

Lucæ 19.

Iudea desperatio.

Christi pro omnibus funderetur peccatori-
bus , informis leti suspendium distulisses.
Cumq; conscientiam tuam tot domini mi-
racula , tot dona torquerent, illa saltem te à
præcipitio tuo sacramenta reuocassent, quæ
in paschali cœna iam de perfidia tua signo
diuinæ scientiæ detectus, acceperas. Cur de Joann.18.
eius bonitate diffidis , qui te à corporis & Matth.26
sanguinis sui communione non repulit? qui
tibi ad comprehendendum se cum turbis &
armatorum cohorte veniéti, pacis osculum
nō negauit? Sed homo inconuertibilis, spiri- psal.77.
tus vadens & nō reuertens, cordis tui secu- psal.108
tus es rabiem , & stante diabolo à dexteris
tuis, iniquitatem, quā in sanctorū omnium
armaueras caput , in tuum verticem retor-
fisti, vt quia facinus tuū omnem mensuram
vltionis excesserat, te haberet impietas tua
iudicem, te pateretur tua pœna carnificem.
Cum igitur esset Deus in Christo mūdū re- Cor.5.
concilians sibi, & creaturam ad creatoris sui
imaginem reformandam, creator ipse gesta-
ret , peractis miraculis operum diuinorum,
quæ propheticus olim spiritus gerēda præ-
dixerat: tunc aperientur oculi cęcorū, & au- Isaia 35.
res surdorum audient, tunc saliet claudus vt
teruus, & plana erit lingua mutorum : sciēs
Iesus tempus adesse gloriōsæ passionis im-
plendæ: Tristis est, inquit, anima mea vsque Luke 22.
ad mortem. Et iterum: Pater , si fieri potest,
trāseat à me calix iste. Quibus verbis quan-
dam formidinem profitētibus, nostræ infir-
mitatis affectus participādo, curabat, & pœ-
nalis ex-

D E P A S S I O N E D O M I N I .

nalis experientiæ metū subeundo, pellebat. In nobis ergo domin⁹ nostro pauore trepidabat, vt susceptionem nostræ infirmitatis indueret, & nostram inconstantiam, suæ virtutis soliditate vestiret. Venerat enim in hunc mundū diues atq; misericors negotiator cœli, & commutatione mirabili iniерat commercium salutare, nostra accipiens, & sua tribuens, pro contumelij honorem, pro doloribus salutem, pro morte dans vitam, & cui ad exterminationem presequentium

Matth. 26 poterant plusquam duodecim milia angelicarum seruire legionum, malebat nostram recipere formidinē, quām suā exercere potestatem. Quantum autem vniuersis fidelibus hac humilitate collatū sit, primus beatissimus Apostolus Petrus expertus est, qui cum illū instantis sœuitię vehementior processa turbasset, ad præparationem vigoris, celeri mutatione conuersus est, sumens de exēpto remedium, vt tremefactum repente membrum rediret ad sui capitis firmitatem.

Ioann. 15. Non enī posset domino seruus, & magistro maior esse discipulus, qui humanæ fragilitatis trepidationem non vinceret, nisi victor mortis ante timuisset. Respexit ergo dominus Petrum, & inter calumnias sacerdotum, inter falsitates testium, inter cædientium & conspuentium iniurias constitutus, illis turbatum discipulū conuenit oculis, quibus eum præuiderat esse turbandum, & in illum conuersa est veritatis inspectio,

Matth. 26 **Petriſcon
uersio.** ubi erat cordis faciēda correctio, quasi quædam illi

Ibidem.

Matth.

Ioann.

Matth. 26

**Petriſcon
uersio.**

dam illi vox domini insonaret , ac diceret :
Quid habes Petre ? quid in tuam conscientiam recedis ? ad me conuertere , in me confide , me sequere , meæ passionis hoc tempus est , nondum tui venit hora supplicij . Quid metuis , quod etiâ ipse superabis ? Non te confundat infirmitas , quam recepi . Ego de tuo fui trepidus , tu de meo esto securus . Mane Matth. 27 autem facto cōsilium inierunt omnes principes sacerdotum & seniores populi aduersum Iesum , vt cum morti traderēt . Hoc mane Iudei , non ortus vobis lucis contigit , sed occasus , nec vestris oculis solitus dies prodidit , sed impījs mentibus nox tetrę cęcitatis incubuit . Hoc mane vobis templum & alta- Iudæorū ria diruit , legē & prophetas ademit , regnum punitio . & sacerdotium sustulit , in luctum æternum omnia festa conuertit . In istis enim insanum cruentumq; consilium , tauri pingues , vituli multi , fremētes bestiæ , carnes rabidi , vt morti , autorem vitæ & dominum glorię tradaretis , & tanquam extenuanda esset furoris vestri immanitas , si eius sententia , qui prouincię vestrę præsidebat , vteremini , vincitum Iesum ad Pilati iudicium deduxistis , vt clamoribus improbis , trepido cognitore superrato , imperfectorem hominem eligeretis ad veniam , & saluatorem mundi peteretis ad pœnam . Post hanc damnationē Christi , qua Matth. 27 excusata est Pilati præsidis ignauia magis quā potestas , qui lotis manibus , & ore polluto īsdem labijs Iesum misit ad crucē , quibus eum pronunciauerat innocentem . Multas il-

DE PASSIONE DOMINI.

tas illusiones domino, sacerdotib[us] serui-
ens oculis, licentia popularis ingessit , & in
māsuetudinem eius, qui hoc sponte tolera-
bat, furens turba sœuiuit. Sed quia multum
est dilectissimi, vt omnia hodiernus sermo
percurrat, in quartam feriam, qua lectio do-
minicę passionis iterabitur, residua differan-
tur . Præstabit enim orantibus nobis, vt ip-
sius dono, quod promisimus , impleamus,
per dominum nostrum Iesum Christum,
qui viuit & regnat in secula seculorum,
Amen.

Sermo IIII. de Passione domini.

*De significatione latronum & crucis
mysterio prædicto.*

**E**xpectationi vestræ dilectissimi quod
debetur , domino largiente reddendum
est , promerentibus orationibus vestris,
vt nos ad soluendum faciat idoneos ,
qui vos ad exigendum fecit intentos . Lo-
quentes enim proximè de passione domini,
vsque ad Euangelicæ historiae venimus lo-
cum , in quo Pilatus imp̄s Iudæorum cla-
moribus , vt Iesus crucifigeretur , cessisse
narratur. Peractis itaq[ue] omnibus, quæ diui-
nitas fieri carnis velamine tēperata permi-
xit , Iesus Christus filius Dei cruci , quam
etiam ipse gestarat, affixus est , duobus latro-
nibus, uno ad dexteram ipsius , alio ad fini-
stram,

stram, similiter crucifixis, ut etiā in ipsa patibuli specie, monstraretur illa, quae in iudicio ipsius omnium hominum est facienda discretio, cum & saluandorum figuram fides credentis latronis exprimeret, & damnandorum formam blasphematis impietas praenotaret. Passio igitur Christi, salutis nostræ continet sacramētum, & de instrumento, quod iniquitas Iudeorum paravit ad pœnam, potentia redemptoris, gradum nobis fecit ad gloriam. Quam dominus Iesus ita ad omnium hominum suscepit salutem, vt inter clauos, quibus ligno tenebatur affixus, pro interfectoribus suis paternæ clementiæ supplicaret, & diceret: Pater ignosce illis, Lucæ 23. quia nesciunt quid faciunt. Principes autem sacerdotum quibus indulgentiam saluator petebat, supplicium crucis, irrisiōnum aculeis asperabāt, & in quem manibus amplius saeuire non poterant, linguarum tela iaciebāt, dicētes: Alios saluos fecit, seipsum non potest saluū facere? Si rex Israel est, descendat nunc de cruce, & credimus ei. De quo erroris fonte Iudæi, de quo inuidiæ lacu, talium blasphemiarum venena potastis? Quis vobis magister tradidit, quæ doctrina persuasit, quod illum regem Israel, illum Dei filium, credere deberetis, qui se crucifigi non sineret, aut à confixione clauorum liberum excuteret? Non hoc vobis legis mysteria, nō paschalis obseruatię sacramēta, nec vnde villa prophetarum ora cecinerunt. Sed illud verē abundeīg legistis, quod ad detesta-

Latronū
in cruce
significa-
tio.

¶
Matth. 27

DE PASSIONE DOMINI.

bilem vestri sceleris impietatem , & ad voluntariam domini pertinet passionem. Ipse enim per Esaiam loquitur : Dorsum meum ad flagella dedi , maxillas meas ad palmas, faciem autem meam non auerti à cōfusione sputorum. Ipse per Dauid: Dederunt, inquit, in escam meam fel, & in siti mea potauerunt me aceto. Et iterum: Circundederūt me canes multi, consilium malignantium obscedit me. Foderunt manus meas & pedes meos, dinumerauerunt omnia ossa mea . Ipsi verò considerauerunt, & inspexerunt me, diuise- runt sibi vestimenta mea , & super vestem meam miserunt sortem . Et ne sceleris tan- tum vestri videatur ordo prædictus, nulla autem potentia prænunciata crucifixi , non quidē legistis, dominus descendit de cruce, sed legistis: Dominus regnauit à ligno. Crux ergo Christi, sacramentum veri & prænun- ciati habet altaris, vbi per hostiā salutarem, naturæ humanæ celebraretur oblatio . Ibi sanguis immaculati agni, antiquæ præuari- cationis pacta delebat: ibi tota diabolice do- minationis contrebatur aduersitas , & de elatione superbie, victrix humilitas triūpha- bat: cum tam velox esset fidei effectus, ut de crucifixis cum Christo latronibus , qui in Christum filium Dei credidit, paradisum iu- stificatus intrauerit. Quis tanti munera ex- plicit sacramentum? Quis potentiam tam miræ commutationis enarret? Exiguo tem- poris puncto, lōgorum scelerū reatus abole- tur , inter luctantis animæ dura tormenta, hærens

Esaias 53.

Psal. 68.

Psal. 31.

Psal.

hærens patibulo transit ad Christum, & cui
propria impietas intulit pœnā, Christi gra-
tia dat coronam. Hinc iam degustato aceto,
dominus quod illa dabat vinea, quæ ab au-
toris sui plantatione degenerans, conuer-
sa fuerat in amaritudinem vitis alienæ: Con-
summatum est, ait, hoc est, cōpletæ sunt scri-
pturæ. Non est amplius quod insaniam po-
puli furentis expectem, nihil minus pertuli,
quam me passurū esse prædixi. Peracta sunt
mysteria infirmitatis, promantur documen-
ta virtutis. Inclinato itaq; capite emisit spi-
ritum, & in corpus die tertio suscitandum,
quietem placidi soporis admisit. Cui sacra-
mento cum se vitæ autor impenderet, & ad
tantam diuinæ maiestatis inclinationem, to-
tius mundi compago quateretur, cum faci-
nus impium, omnis sui confusione creatura
damnaret, & manifestam in reos sententiam
ipsa elementa proferrēt: quis vobis animus
Iudæi, quæ conscientia fuit, quando & vos
iudicium vniuersitatis vrgebat, & reuoca-
ri ad se, cōsummato scelere, impietas veltra
non poterat? Qualis confusio vos operuit?
quæ cor vestrum pœna suscepit? Cum igi-
tur dilectissimi tanta sit misericordia Dei, ut
etiam de tali populo multos per fidem iusti-
ficare dignatus sit, & nos sub veteris quon-
dam ignorantiae profunda nocte pereentes,
in patriarcharum societatem, & in sorte ele-
cti generis adoptarit: ad altitudinem spei no-
stræ non segniter, neq; cum * torpore curra-
mus, sed prudenter atq; fideliter cogitantes,

Amos 6.
Matth. 21

Ioan. 19.

r ñ de quali

DE PASSIONE DOMINI.

de quali captiuitate, & quam misera seruitute, quo precio redēpti, & quo brachio sumus educti, glorificemus Deum in corpore nostro, ut habitare eū in nobis, ex ipsa conuersationis nostrae probitate mōstremus. Et quia nihil est i omniū virtutū dignitate prestantius, q̄ pietas misericordiæ & puritas castitatis: his nos præsidij specialius instruamus, ut charitatis opere, & nitore pudicitię, tāquam duabus eleuati alis, de terrenis mereamur esse cœlestes. Quo desiderio quisq̄s gratia Dei adiutus impletur, & de profectu suo nō in se, sed in domino gloriatur, hic legitimè honorat paschale sacramētum, huius limina: vastator angelus sanguine agni & signo crucis prænotata, non intrat. Is plagas Ægyptias nō pauescit, & h̄sdē aquis hostes relinquit extintos, quibus est ipse saluatus. Amplectamur itaq̄ dilectissimi, purificatis mentibus atque corporibus, salutis nostræ mirabile sacramētum, & ab omni fermento malitiæ veteris emundatī, pascha domini cum digna obseruatione celebremus, ut regente nos spiritu sancto, à charitate Christi nullis temptationibus separemur, qui in sanguine suo pacificās omnia, & in altitudinem paternæ gloriæ se recepit, & humilitatem sibi seruientium non reliquit, cui est honor & gloria in secula seculorum, Amen.

Sermo V. de passione domini.

Quod neceſſe fuerit Christum esse Deum & hominem, & de pænitentia Iudæ.

Creator

Reator & dominus omniū rerum Christus post inusitatum sacræ virginis partum, post adorata Magorum confessione cunabula, & post multiplicem doctrinam cœlestis eloquij, & variarum curationum medelas, imperio verbi potentis effectas, dispensationem omnium sacramētorum omniumq; virtutum, salutifera passione consummat. Christianæ igitur spei dilectissimi vera ratio & principalis causa crux Christi est, quæ licet Iudæis sit scandalum, gentibus autem stultitia: nobis tamen Dei virtus est, Dei q; sapientia. Vnde summū hoc & potentiissimū diuinæ misericordiæ sacramentum, semper quidem in cordibus nostris cū tota sui dignitate retinendum est, sed nunc viuaciorē animi sensum, & puriorē exigit mentis intuitū, quando nobis non solum recursu temporis, sed etiā textu Euangelicæ lectio-
nis, omne opus nostræ salutis ingeritur. Nihil ergo apud nos loci cogitationes habeat impiorū, nec integritatē fanæ intelligētiq; aut Iudaica offendit, aut gētilis corrūpat irrisio: vt quod nō solū pro nobis humiliter, sed etiā sublimiter gestū est, aut secundū hominē impossibile, aut secundū Deum videatur indignum. Vtrunque autem recipi, vtrunque conuenit credi, quia nemo hominū potest, nisi in vtrōq; saluari. Iustus enim & misericors De^o, nō sic iniuria suę volūtatis est usus, vt ad reparationē nostrā, solā potentiā benignitatis exiceret, sed quia cosequens fuerat, vt homo faciens peccatū, ser- 1.Ioan.8.
r iij uus es-

DE PASSIONE DOMINI.

Jan. 8.

uus esset peccati: Sic medicina ægris , sic re-conciliatio reis , sic redemptio est impensa captiuis , vt condemnationis iustæ senten-tia, iusto liberatoris opere solueretur. Nam si pro peccatoribus sola se opponeret dei-tas, non tam ratio diabolū vinceret , quām potestas. Et rursum, si causam lapsorum so-la ageret natura mortalium, non erueretur à conditione , quæ libera non esset à genere. Vnde oportuit in vnum dominum nostrum Iesum Christum , & diuinam & humanam conuenire substantiam , vt mortalitati no-stræ per verbum carnem factū, & origo no- ui hominis subueniret & passio . Cum igi-tur in Christo Iesu Iudæorum duritia, quæ sunt diuina, gentilium cæcitas , quæ sunt humana, contemnat, illis aduersus gloriam domini calumniantibus, istis contra humili-tatem superbientibus , nos Dei filium, & in suis virtutibus , & in nostris infirmitatibus adoramus. Nec erubescimus crucem Chri-sti, & inter contradicentium linguas , nec de morte ipsius , nec de resurrectione dubita-mus . Quoniam quod superbos ad infide-litatem trahit, hoc nos ad vitam dirigit , & quod apud illos est materia confusionis, hoc apud nos est causa pietatis . Admoni-tis igitur discipulis dominus, vt contra vim tentationis instantis vigilanti oratione cer-tarent , ipse patri supplicás ait: Pater si pos-sibile est, transeat à me calix iste. Verun-tamen non sicut ego volo , sed sicut tu . Pri-ma petitio infirmitatis est, secunda virtutis.

Matth. 16

Illud

Illud optauit ex nostro , hoc elegit in proprio . Nec enim æqualis patri filius , omnia esse possilia Deo nesciebat , aut ad suscipiendum crucem sine sua in hunc mundum descenderat voluntate, vt hanc diuersarum affectionum compugnatiā perturbata quodammodo ratione pateretur. Sed vt suscipientis susceptæq; naturæ esset manifesta distinctio, quod erat hominis, diuinam desiderauit potentiam, quod erat Dei , ad causam respexit humanam. Superiori igitur voluntati voluntas cessit inferior, & cito demonstratum est, quid possit à trepidante orari, & quid non debeat à medente concedi . Quia Rom. 8, enim nos quid oremus, sicut oportet, nescimus, & utile nobis est, ne fiat plerūq; quod volumus, Deus iustus & bonus , quando ea quæ nocitura sunt, petuntur, ne quando miseretur. Volūtatis ergo nostrę correctionem, dominus cum trina oratione firmasset, graduatis adhuc mœrore discipulis : Dormite iam, inquit, & requiescite . Ecce appropinquauit hora, & fili⁹ hominis tradetur in manus peccatorum. Surgite, eamus hinc. Ecce appropīquauit, qui me tradet. Inter ipsa autem verba domini , qui prædicti fuerant, irruerunt , & cum gladijs & fustibus comprehensura Christum turba cōfluxit, ducem sequens Iudam Iscariot : qui priuilegio perfidiae obtinuerat in facinore p̄cipitatū. Huic ne criminis causam aliqua præberet offensio, nulla est negata dignatio . Sed illius spiritu inflammatus exarsit , cui ministerium r iiiij spontē

DE PASSIONE DOMINI.

Psal. 108.
Poeniten-
tia Iudæ.

spontè præbuit, & qualem habuit mentem, talem inuenit & præsidem. Merito sicut & propheta prædixerat: Oratio eius facta est in peccatum, quoniam consummato scelere, tam peruersa impij conuersio fuit, vt etiam pœnitendo peccaret. Admittit ergo in se filius Dei impias manus, & quod sœuientium furore agitur, patiēti potestate cōpleuit. Hoc enim erat illud magnæ pietatis sacramētum, quod Christus consecrabatur iniurijs, quas si aperta potentia & manifesta virtute pro-pelleret, diuina tantū exerceret, nō humana curaret. In omnibus autem, quæ illa popularis & sacerdotalis insania contumeliosè & procaciter inferebat, nostræ diluebātur maculæ, nostræ expiabantur offendæ, quia natura, quæ in nobis victa semper fuerat atq; captiua, in illo innocēs patiebatur & libera, vt ad auferendum peccatum mundi, ille agnus se hostiam offerret, quem & omnibus corporalibus substantia iungeret, & ab omnibus spiritualibus origo discerneret. Hæc hodie dilectissimi auribus vestris insinuata sufficiant. Cætera in quartam feriam diffi- rantur, auxiliante domino orationibus ve- stris, qui præstare dignabitur, vt quod pro- mittimus, mpleamus, Amen.

Sermo VI. de passione domini.

Quomodo Christus ductus sit ad Caiphans, & de
diruptione vestimentorum eius, & quomodo
Christus ad se omnia traxerit.

Sponsio-

SPONCTIONIS NOSTRAE MEMORES DILECTISSI-
 MI, SANCTITATI VESTRAE REDDIMUS, QUOD DE-
 BEMUS, AD FUTURAM SPERANTES GRATIAM DEI,
 VT INDE NOBIS PROUENIAT DEUOTIO, Vnde est
 INCITATA PROMISSIO. COMPREHESUS CHRISTUS
 DOMINUS A TURBIS, QUAS PRINCIPES SACERDOTUM
 & DOCTORES LEGIS ARMAUERANT, VT IMPLERET
 DISPENSATIONEM, COHIBET POTESTATEM, & BEA-
 TUM APOSTOLUM PETRUM HUMANA ADUERSUM
 IRRUENTES ANIMOSITATE COMMOTUM, GLADIO
 ABSTINERE PRÆCEPIT. SUPERFLUUM ENIM ERAT,
 VT QUI NOLEBAT PRÆSIDIO ANGELICARUM LEGIO-
 NUM IUUARI, VELLET SE VNIUS DISCIPULI OPPON-
 SITIONE DEFENDI. PERPETRAUERIT LICET TURBA FE-
 ROX, QUOD VOLUIT, & DE SCLERIS SUI EXULTA-
 TIT AFFECTU, MAIOR TAMÉ COMPREHENSÍ VIRTUS,
 QUAM COMPREHENDENTIÚ FUIT. IUDÆORÙ ENIM
 CÆCITAS NIHIL OBTINUIT, NISI VT SUA IMPIETATE
 SE PERDERET. CHRISTI VERO PATIENTIA HOC EGIT,
 VT OMNES SUA PASSIONE SALUARET. PERDUCTO
 AUTÉ IESU AD CAYPHAM PRINCIPEM SACERDO-
 TUM, QUO SCRIBE & OMNIS SACERDOTALIS ORDO
 CONUENERAT, FALSE ADUERSUS DOMINUM TESTI-
 MONIA QUÆREBANTUR. SED INTER INCONDITAS
 & DISFONAS VOCES HOC IESUS MIRABILITER
 ELEGERAT, VT TACERET. CAYPHÆ AUTEM DICENTI,
 ADIURO TE PER DEUM VIUUM VT DICAS NOBIS,
 SI TU ES CHRISTUS FILIUS DEI: ITA VERACI & PRO-
 UIDA AUTORITATE RESPONDIT, VT HSDEM VERBIS,
 & INFIDELIUM CONSCIÉTIAS CEDERET, & CREDEN-
 TIUM CORDA FIRMARET, AD OMNÉ INTERROGA-
 TIONEM EIUS REFERENS, TU DIXISTI. ADDÉNSQ; QUOD
 SEQUITUR: VERUNTAMEN DICO VOBIS, AMODO
 R V VIDEBITIS

Matth. 26

idem.

DE PASSIONE DOMINI.

Caypha
furor.

videbitis filium hominis sedētem à dext̄ris Dei , & venientē in nubibus cœli . Caiphas autem ad exaggerādam audit̄ sermonis inuidiam , scidit vestimenta sua , & nesciens quid hac significaret insania , sacerdotali se honore priuauit . Vbi est Caypha rationale pectoris tui? vbi est continētiæ cingulū? vbi superhumeralē virtutū. Mystico illo sacra-toç amictu ipse te spolias , & proprijs manib⁹ pontificalia indumenta discerpis , obli-tus præcepti illius, quod legeras de principe

Lcuit.21. sacerdotum: De capite suo cidarin nō depo-net , & vestimenta sua nō disrumpet . Tu ve-rò , à quo iam alienabatur hæc dignitas , ipse tibi es executor opprobrij , & ad manifestan-dum finem veteris instituti , pertinet eadem diruptio sacerdotij . Hinc iam dilectissimi , inter multiplicatas illusiones nocte trāsacta , vinctum Iesum Pilato præsidi tradiderunt . Principes enim sacerdotum & seniores po-puli , hoc consilio rem gerebāt , vt ab actione sceleris sui viderentur immunes , subtrahen-tes opera manuū , & * exercētes tela lingua-rum , volentes interficere , & clamantes , cru-cifige , crucifige . Quid hac specie religionis iniustius ? quid hac clemētię simulatione cru-delius ? Qua lege Iudei , quod vobis non licet facere , licet velle ? qua ratione , quod corpora polluit , corda nō lēdit ? Cōtaminari occisio-

* Exercē-
tes

Matth. 28. ne eius metuitis , cuius super vos & super filios vestros fundi sanguinem postulastis . Si nō totū facinus vestra impietas peragit , per-mittite præsidem iudicare quod sentit . Sed vos e-

vos etiam in ipsum graues atty violenti in
 id eum declinare nō sinitis , à quo ipsi men-
 daciter abstinetis. Peccauerit Pilatus faciēdo
 quod noluit , in vestrā tamē consciētiā con-
 fluit , quicquid furor vester extorsit . Talis
 etiā illic vester obseruātia fuit , vbi precium ,
 quod vobis Christi vēditor reportauit , mit-
 ti in gazophylaciū noluistis , cauētes scilicet ,
 ne sacros loculos pecunia cruenta pollueret .
 Cuius cordis est ista simulatio ? Sacerdotum
 conscientia capit , quod tēpli arca nō recipit .
 Refutatur illius sanguinis taxatio , cuius nō
 timetur effusio . Quantilibet ita vos fallacię
 circuntagatis vmbraculis , initū est cū tradi-
 tore commercium , quo iustum sanguinē , si-
 cut non licuit comparari , ita debuit non ef-
 fundi . Seditiosis igitur clamoribus Iudeorū , Ibidem .
 sedente Pilato in loco , cui nomen est Golga-
 ta , crucifigitur Christus . Per lignum , erigi-
 tur lapsus in ligno , & gustu fellis & acetii di-
 luitur esca peccati . Merito priusquam trade-
 retur , dixerat dominus : Cum exaltatus fue-
 ro , omnia ad me traham . i. totā causam hu-
 mani generis agam , & olim perditā in inte-
 grū reuocabo naturam . In me omnis infir-
 mitas abolebitur , in me omnis plaga san-
 bitur . Exaltatum autem Iesum ad se traxisse
 omnia , non solū nostræ substantiæ passio-
 ne , sed etiā totius mūdi cōmutatione mon-
 stratū est . Pendēte enī in patibulo creatore ,
 vniuersa creatura congreguit , & crucis cla-
 uos omnia simul elemēta senserūt . Nihil ab
 illo suppicio liberū fuit . Hoc in cōmuniq-
 uem sui

Jan. 12.
 traxit
 se om-
 nia Chri-
 stus in
 cruce .

DE PASSIONE DOMINI.

nem sui & terram traxit & cœlum , hoc petras rupit, monumēta aperuit inferna resera uit,& densarum horrore tenebrarū , radios solis abscondit . Debebat hoc testimonium suo mundus auctori, vt in occasu conditoris sui, vellent vniuersa finiri. Sed patientia Dei seruat rebus atq; temporibus ordinē suum, nōsq; in illum potius vocat affectum, vt eorum salutem petamus, quorum crimen horremus. Tanto igitur precio, tanto sacramento eruti de potestate tenebrarū , & ab antiquæ captiuitatis vinculis absoluti, date operā dilectissimi, vt integritatē mentiū vestrum, nulla diabolus arte corrumpat. Quicquid nobis contra Christianam fidē ingeritur, quicquid contra mandata Dei suadetur, de illius deceptionibus venit: qui nos innumeris dolis ab æterna vita conatur euerte, captando quasdam occasiones infirmitatis humanæ, per quas incautas negligētēsq; animas, in laqueos iterum suæ mortis inducat. Omnes ergo per aquam & spiritum sanctum renati, recolant, cui renunciauerint & qua professione iugum à se tyrannicæ dominationis excusserint , nec in secundis quisquam nec in aduersis ad mortiferū dia-boli currat auxilium . Ille enim mendax est ab initio, & in sola viget arte fallendi, vt humanam ignorantiam , falsæ scientiæ ostentatione decipiatur, sitq; eorum nunc malignus impulsor , quorum post futurus est improbus accusator . Anni vitæ nostræ & actionum temporalium qualitates, nec in natura elemen-

Ioann.8.

elementorum, nec in stellarum effectibus, sed in summi & veri Dei potestate consitunt, cuius auxilium & misericordiam, in omnibus quæ obtinere cupimus, implorare debemus. Sicut enim illo, quod absit, offenso, nihil est, quod nobis valeat suffragari, ita eodem propicio, nulla nobis nocebit aduersitas. Quoniam si pro nobis Deus quis contra nos? qui filio suo proprio non pepercit, sed pro nobis omnibus tradidit eum, quomodo non etiam cum illo omnia nobis donauit? qui viuit & regnat in secula seculorum, Amen.

Sermo V I I. de passione domini.

Cur Christus mori voluerit in festo Paschæ, & de traditione Iudæ, & oratione Christi.

S CIO quidem dilectissimi, paschale festum tam sublimis esse mysterij, ut non solum humilitatis meæ tenuissimum sensum, sed etiam magnorum ingeniorum superet facultatem. Sed non ita mihi diuini operis consideranda est magnitudo, ut vel diffidam vel erubescam de seruitute, quam debeo, cum sacramentum salutis humanæ non liceat tacere, etiam si nequeat explicari. Auxiliantibus etiam orationibus vestris, ad futurâ credimus gratiâ Dei, quæ inspirationis suæ rore sterilitatē nostri cordis abstergat, ut linguae pastoralis officio, quæ sancti gregis auribus sint utilia, proferantur. Dicente enim

DE PASSIONE DOMINI.

Psal. 80.
Psal. 50.

Christi
passio cur
facta sit
in festo
paschali.

enim domino bonorum omnium largitore:
Aperi os tuum, & ego adimplebo illud, au-
demus eidē verbis propheticis dicere: Do-
mine labia mea aperies, & os meum annun-
ciabit laudem tuam. Incipientes igitur dile-
ctissimi Euangelicā de passione domini hi-
storiā retractare, diuino intelligimus dispo-
situm fuisse consilio, vt facrilegi Iudæorum
principes, & imp̄i sacerdotes, qui sœuiendi
in Christum occasiones s̄æpe quæsuerant,
non nisi in solennitate paschali, exercēdi fu-
roris sui acciperent potestatem. Oportebat
enim, vt manifesto implerentur effectu, quæ
diu fuerant figurato promissa mysterio, vt
ouem significatiuam ouis vera remoueret,
& vt vno expleretur sacrificio, variarū dif-
ferentia viëtimarū. Nam omnia illa, quæ de
immolatione agni diuinitus per Mosen fue-
rant præstituta, Christum prophetarant, &
Christi occisionē proprie nunciarant. Ut er-
go vmbre cederent corpori, & cessarēt ima-
gines sub præsentia veritatis, antiqua ob-
seruantia nouo tollitur sacramento, hostia
in hostiam trāsit, sanguinem sanguis exclu-
dit, & legalis festiuitas dum mutatur, imple-
tur. Vnde cum scribas & seniores populi ad
impietatis concilium Pontifices congrega-
rent, omniumq; animos sacerdotū, cura ad-
mittendi in Iesum sceleris occupasset, ipsi se-
doctores legis lege priuarunt, & spontaneo
defectu ritus sibi patrios abstulerunt. Incipi-
ente enī festiuitate paschali, qui ornare tem-
plū, mūdare yasa, victimas prouidere, & le-
gitimis

gitimis purificationibus sacratiōrē diligētiam abhibere debuerāt, paricidalis odij furore concepto, ad vnum opus vacant, & in vnum facinus simili crudelitate coniurant. Quid assecuturi supplicio innocētię, condēnatione iustitię, nisi vt & noua mysteria nō apprehenderent, & antiqua violarent? Prudentibus ergo principibus, ne in die festo tumultus oriretur, nō deuotioni, sed facinori studebatur, nec religiōni seruiebat hęc cura, sed criminī. Diligentes enim Pontifices & solicieti sacerdotes, seditiones turbarum fieri in præcipua solennitate metuebāt, non vt populus non peccaret, sed ne Christus euaderet. At Iesus consilij sui certus, & in opere paternae dispositionis intrepidus, vetus testamentum cōsummabat, & nouū pascha cōdebat. Discubentibus enim secum discipulis ad edendam mysticam cœnam, cum in Caiphæ atrio tractaretur, quomođo Christus posset occidi: ille corporis & sanguinis sui ordinans sacramentum, docebat, qualis Deo hostia deberet offerri, nec ab hoc quidem mysterio traditore submoto, vt ostenderetur nulla iniuria exasperatus, qui in voluntaria erat impietate perstiterus. Ipse enim sibi fuit materia ruinæ, & causa perfidię, sequens diabolum ducem, & nolens Christum habere rectorem. Dicens itaq; dominus: Amē dico vobis, quod vñus vestrum me traditurus est, notam sibi traditoris ac proditoris conscientiam demonstrauit: nō aspera nec aperta impium increpatione

DE PASSIONE DOMINI.

atione cōfundens, sed leni ac tacita admonitione conueniens, vt facilius corrigeret cēnītudo, quem nulla deformasset abiectione. Cur infelix Iuda, tanta benignitate non vteris? Ecce parcit ausibus tuis dominus, & nulli te, nisi tibi, indicat Christus, nec nōmen tuum nec persona detegitur, sed veritas & misericordię verbo, cordis tantum tui r̄cana tanguntur. Non Apostolici ordinis honor, non sacramētorum tibi communio denegatur. Redi in integrum, & deposito furore resipisce. Clementia inuitat, salus pulsat, ad vitā vita te reuocat. Ecce immaculati & innocentes condiscipuli tui ad significationem facinoris expauescunt, & omnes sibi, non ædito impietatis autore, formidant. Contristati enī sunt, non de conscientiæ reatu, sed de humanæ mutabilitatis incerto, timentes ne minus verū esset, quod in se quisque nouerat, quam quod ipsa veritas præuidebat. Tu autem in hac trepidatione sanctorum abuteris domini patientia, & abscondi te tua credis audacia. Addis impudentiam sceleri, nec signo euidentiores terroris. Cūq; se à cibo alij, in quo iudicium dominus posuerat, continerent, tu manum non detrahis à paropside, quia animam non auertis à crimine. Secutū est itaq; dilectissimi, sicut Ioānes Euangelista narrauit, vt cū traditori suo dominus manifestius designando, panem porrexit intinctum, totū lundam diabolus occuparet, & quem malignis cogitationib⁹ obligarat, iam ipso impietatis opere

Ibidem.

Ioan. 13.

opere possideret. Corpore enim tantū cum cœnantibus recumbebat , mente autem sacerdotum inuidiam, tristium falcitatem , & furorem imperitæ plebis armabat. Denique Ibidem videns dominus , cui flagitio Iudas esset intetus, quod facis, inquit, fac citius. Vox hęc, non iubentis est, sed sinentis, nec trepidi, sed parati, qui habens omnium temporum potestatem, ostendit se moram non facere traditori, & sic ad redemptionem mundi paternam exequi voluntatem, vt facinus, quod à persequentiibus parabatur , nec impelleret, nec timeret. Postquam igitur Iudas persuasus à diabolo, discessit à Christo, séq; à corpore Apostolicæ vnitatis abscidit, nullo dominus pauore turbat^o, sed de sola redimendorū salute sollicitus, omne tēporis spatiū quod à persequentiū vacabat incursu, mysticis sermonibus sacratæq; doctrinæ, sicut Ioannis Euangeliō declaratur, impedit; eleuans ad cœlum oculos, & pro vniuersa Ecclesia supplicans patri, vt omnes quos dedisset, daturūsq; esset filio pater, vnum fierent, & in gloria redemptoris indiuidui permanerent , adiiciens postremo illā orationē quā ait: Pater si fieri potest , transeat à me calix iste. Vbi nō existimandū est, quod dominus Iesus passionem & mortem, cuius iam discipulis sacramenta tradiderat , voluerit declinare, cum ipse beatum Apostolum Petrum, deuota fide & charitate feruētem, vti aduersum persecutores gladio vetet, dicens: Calix quē dedit mihi pater , nō vis ut bibam I. 17.

Matth. 16
Oratio
Christi
quid si-
gnificet.

Ibidem.

ſ illum?

DE PASSIONE DOMINI

an. 3.

Colo. 1

Esaie 53.

illum? Certumq; sit, & quod dominus testatus est ipse dicēs: Sic enim Deus dilexit mūdum, vt filium suum daret vnigenitum, vt omnis qui credit in eum, non pereat, sed habeat vitam æternam. Et quod de ipso ait Apostolus Paulus: Christus nos dilexit, & tradidit semetipsum pro nobis hostiam Deo in odorem suavitatis. In saluandis enim hominibus per crucem Christi, communis voluntas erat patris & filij, communeq; consilium, nec vlla poterat ratione turbari, quod ante æterna secula, & misericorditer erat dispositū, & incōmutabiliter erat præfinitum. Qui ergo verum totumq; hominem assumpit, veros & corporis sensus & animi suscepit affectus. Nec quia omnia in illo plena erant sacramentis, plena miraculis, ideo aut falsis lachrymis fleuit, aut mendacij esurie sumpsit cibum, aut simulato sopore dormiuit. In nostra humilitate contemptus, in nostra mœstitudine contristatus, in nostro est dolore crucifixus. Passionem enim mortali-tatis nostrę ob hoc misericordia subiit, vt sanaret, ob hoc virt⁹ recepit, vt viceret, quod Esaias apertissimè prophetauit dicens: Hic peccata nostra portat, & pro nobis dolet, & nos putauimus illum esse in dolore & plaga & vexatione. Ipse autem vulneratus est propter peccata nostra, & infirmat⁹ est propter facinora nostra, & liuore eius sanati sumus. Cum itaq; dilectissimi Dei filius dicit, pater si fieri potest, transeat à me calix iste, nostræ vtitur voce naturæ, & causam fragilitatis

litatis & tr̄p̄idationis agit humanæ: vt in
ijs, quæ toleranda sunt, & patientia robore-
tur, & formido pellatur. Deniq; cessans hoc
ipsum petere, excusato quodammodo no-
stræ infirmitatis metu , in quo nobis rema-
nere non expedit, in alium affectum transit,
& dicit: Veruntamen nō sicut ego volo, sed
sicut tu. Et iterum: Si non potest, inquit, ca-
lix iste tr̄f̄ire à me nisi bibam illum, fiat vo-
luntas tua. Hæc vox capit is, salus est totius
corporis, hæc vox omnes fideles instruxit,
omnes confessores accendit , omnes marty-
res coronauit . Nam quis mundi odia, quis
tentationum turbines , quis posset persequu-
torū superare terrores, nisi Christus in om-
nibus & pro omnibus patiens, patri diceret,
fiat voluntas tua? Discant igitur hanc vocem
omnes Ecclesiæ filij, magno precio redem-
pti, gratis iustificati : & cum aduersitas vio-
lentæ alicuius temptationis incubuerit , præ-
sidio potentissimæ rationis vtantur, vt su-
perato tremore formidinis , accipient tole-
rantiam passionis. Hinc iam dilectissimi ad
perstringendum ordinem dominicæ passio-
nis sermo est dirigēdus, quem ne vos cumulo
prolixitatis oneremus, in quartam sabba-
ti, diuiso communi labore, differamus. Ade-
tit precantibus nobis gratia Dei , quæ mihi
soluendi debiti tribuat facultatem , per do-
minum nostrum Iesum Christum , qui viuit
& regnat in secula seculorum, Amen.

Sermo VIII. de passione domini.

fj

De pec-

DE PASSIONE DOMINI
De peccato Pilati ac Iudeorū, mysterio quoq;
& gloria crucis, & de Simone
Cyrenæo.

DEcursis dilectissimi sermone proximo
Ihs quæ comprehensionem domini præ-
cesserunt, superest nunc, vt auxiliante Dei
gratia, de ipso iam passionis ordine, sicut
promisimus, differamus. Nam cum ver-
bis sacræ orationis suæ dominus declaras-
set, verissimè sibi autem plenissimè & hu-
manam & diuinam inesse naturam, osten-
dens vnde esset, quod pati nollet, & vnde
quod vellet, depulsa trepidatione infirmi-
tatis, & confirmata magnanimitate virtutis,
edijt in sententiam suæ dispositionis æter-
næ, & sequenti diabolo per ministeria Iudeo-
rum, formam serui nihil peccati habentis
obiecit, vt per eum ageretur omnium cau-
sa, in quo solo erat omnium natura sine
culpa. Irruerunt ergo in lumen verum, fi-
lij tenebrarum, & videntes faculis atque la-
ternis, non euaserunt infidelitatis suæ no-
tæ, quia non intellexerunt lucis autho-
rem. Occupant paratum teneri, & trahunt
volentem trahi, qui si vellet obniti, nihil
quidem in iniuriam eius, impiæ manus
possent: sed mundi redemptio differretur,
& nullū saluaret illæsus, qui pro omnium
salute erat moriturus. Sinens igitur inferri
sibi, quicquid sacerdotum instinctu furor
popularis audebat, ad Annam Caiphæ so-
cerum, ac deinde ad Caipham ex Annæ
transmis-

transmissione perducitur , & post insanas calūniantium voces, post commētias sub-ornatorum testium falsitates , ad examen Pilati Pontificum delegatione transfertur. Qui diuino iure neglecto, clamātes se regem Matth. 17 non habere nisi Cæsarem , tanquam Romanis deuoti legibus, omne iudicium potestati * præsidis reseruassent , expetierunt Cæsarīs executorem magis sæuitiæ quām arbitrum causæ . Offerebant enim Iesum duris nexibus vinctum, colaphis & alapis frequētibus cæsum , sputis oblitū, clamoribus prædamnatum: vt inter tot præiudicia , quem omnes vellent perire, non auderet Pilatus absoluere, deniq; nec in accusato eum peperisse culpam , nec in sententia sua tenuisse constantiam , docet ipsa cognitio: in qua iudex, quem innocentē pronūciat, damnat, addicēs iniquo populo sanguinem iusti, à quo abscondendum sibi , & intellectu proprio senserat, & somnio vxoris nouerat. Nec purgāt contaminatum animum manus lotæ , nec in aspersis aqua digitis expiatetur, quod famulante impia mēte cōmittitur. Excessit quidē Pilati culpam facinus Iudaeorum, qui illum nomine Cæsarīs territum, & inuidiosis vocibus increpatum ad effectum sui sceleris impulerunt. Sed nec ipse euasit reatum, qui cooperatus seditionis , reliquit iudicium proprium, & in crimen transiuit alienum. Quod ergo Pilatus dilectissimi, implacabilis populi vietus insania , mulis Iesum dehonestari ludibrījs, & immodicis vexari per-
f*ij* misit in-

tri sce
& iu-
um.

DE PASSIONE DOMINI.

misiit iniurijs, quodq; eum flagellis cæsum;
spinis coronatum, & amictu irrisoriæ vestis
indutum, persequentium ostētauit aspectui,
mitigandos procul dubio inimicorum ani-
mos existimauit, vt exaturatis inuidiæ odij,
non vltra iam crederent persequendū, quem
tot modis intuebantur afflictum. Sed cum
inardesceret ira clamantium, vt Barrabam
indulgentia relaxaret, & Iesum crucis pœ-
na susciperet, cum consono fremitu dicere-
tur à turbis: Sanguis eius super nos & super

Matth. 27

filios nostros, obtinuerunt iniqui, in damnationem suam, quod pertinaciter exigebant,

quorum dētes, sicut Propheta attestatus est,

Psal. 59.

arma erant & sagittæ, & lingua eorum gla-
dius acutus. Frustra enim à crucifigēdo ma-

iestatis domino manus proprias cōtinebāt,

in quem letalia vocum spicula, & venena-

ta verborum tela iaciebāt. Vobis vobis fal-

si Iudæi & sacrilegi principes populi, totum

facinoris istius pondus incumbit, & licet im-

manitas sceleris & præsidem obligarit &

milites, omnis tamen facti summa vos ar-

guit. Et quicqd in supplicio Christi, vel Pi-

lati peccauit iudicium, vel cohortis obse-

quiū, hoc vos facit humani generis odio di-

gniores, quia vestri furoris impulsu, nec illis

innocentes esse licuit, quibus iniquitas ve-

stra non placuit. Traditus itaq; dominus sæ-

uentium voluntati, ad irrisiōnem regiæ di-

gnitatis, supplicij sui iussus est esse gestator,

vt impleretur quod Esaias propheta prævi-

Iudæoru
scelus.

derat dicēs: Ecce natus est puer, & datus est

nobis

Esaix 9.

nobis filius, cuius imperium super humeros eius. Cum ergo dominus lignum portaret crucis, quod in sceptrum sibi conuerteret potestatis, erat quidem hoc apud impiorum oculos grande ludibriū, sed manifestabatur Crucis fidelibus grande mysterium, quia gloriofissimus diaboli vīctor, & inimicarū virtutum potentissimus debellator, pulchra specie, triumphi sui portabat trophæum, & inuitę patientię humeris signum salutis, adorandum regnis omnibus inferebat, tanquam & tunc ipsa operis sui imagine omnes imitatores suos confirmaret, & diceret: Qui non accipit crucem suam, & sequitur me, non est me dignus. Euntibus autem cum Iesu turbis ad locum pœnæ, Simon quidam Cyrenæus inuentus est, in quem lignum crucis transferretur à domino, vt etiam tali factō præsignaretur gentium fides, quibus crux Christi non confugio erat futura, sed gloria. Non ergo fortuitum, sed figuratum & mysticum fuit, vt Iudæis in Christum sœuentibus, ad compatiendum ei peregrinus occurseret, dicente Apostolo: Si compatimur, & conregnabimus, vt sacratissimo salvatoris opprobrio, non Hebræus quisquam nec Israelitica, sed alienigena subderetur. Per hanc enim translationem, à circuncisione ad præputium, à filiis carnalibus ad filios spiritales, immaculati agni propitiatio, & omnium sacramentorum plenitudo transibat. Si quidem pascha nostrum, vt ait Apostolus, immolatus est Christus, qui se nouum & ve-

Matth. 10
Matth. 27
Simonis
Cyrenæi
mysteriū.

Röm. 8.

DE PASSIONE DOMINI.

rum reconciliationis sacrificium offerens patri, non in templo, cuius iam erat finita reuerentia, nec intra septa ciuitatis, ob meritum sui sceleris diruendæ, sed foris & extra castra crucifixus est, vt veterū victimarum cessante mysterio, noua hostia nouo imponeretur altari, & crux Christi, non templi esset ara, sed mūdi. Exaltato igitur dilectissimi per crucem Christo, non illa tantum species aspectui mentis occurrat, quæ fuit in oculis impiorum, quibus per Mosen dictum

Deut. 28. est: Et erit pēdēs vita tua ante oculos tuos, & timebis die ac nocte, & non credes vitæ tuæ. Isti enim nihil in crucifixo domino præter facinus suum cogitare potuerunt, habentes timorē, non quo fides vera iustificatur, sed quo conscientia iniqua torquetur. Noster verò intellectus, quē spiritus veritatis illuminat, gloriā crucis cœlo terraq; radiantem puro ac libero corde suscipiat, & interiore acie videat, quale sit, quod dominus cū de passionis suę loquetur instatia, dixit: Venit hora, vt clarificetur filius hominis. Et infra;

Ioan. 17. Nunc inquit, turbata est anima mea, & quid dicam? Pater, salua me ex hac hora. Sed propterea veni in hanc horā: Pater, clarifica filium tuum. Et cum vox patris venisset & cœlo dicens: Et clarificaui, & iterum clarificabo: Respōdens Iesus circūstantibus dixit: Nō ppter me vox hęc facta est, sed ppter vos. Nunc iudicium mūdi est, nūc princeps huius mundi ejicitur foras. Et ego si exaltatus fuero à terra, omnia trahā ad me-

ipsum.

ipsum. O admirabilis potentia crucis. O ineffabilis gloria passionis, in qua & tribunal domini, & iudicium mundi, & potestas est crucifixi. Traxisti enim domine omnia ad te, & cum expandisses tota die manus tuas ad populum nō credentem & contradicentem tibi, confitendæ maiestatis tuæ sensum totus mūdus accepit. Traxisti domine omnia ad te, cum in execrationem Iudaici sceleris, vnam protulerunt omnia elementa sentētiam, cum obscuratis luminaribus cœli, & conuerso in noctem diē, terra quoque motibus quateretur insolitis, vniuersaque creatura impiorum se vsui negaret. Traxisti domine omnia ad te, quoniam scisso templi velo, sancta sanctorum ab indignis Pontificibus recesserunt, vt figura in veritatē, prophetia in manifestationē, & lex in Euangeliū verteretur. Traxisti domine omnia a te, vt quod in vno Iudæę templo obumbratis significationibus tegēbatur, pleno aperio que sacramēto, vniuersarum vbiq; nationum deuotio celebraret. Nunc enim & ordo clarior Leuitarum, & dignitas amplior seniorum, & sacratior est vinctio sacerdotum : quia crux tua omnium fons benedictionum, omnium est causa gratiarum, per quam credentibus datur virtus de infirmitate, gloria de opprobrio, vita de morte. Nunc etiam carnalium sacrificiorum varietate cessante, omnes differentias hostiarum, vna corporis & sanguinis tui implet oblatio, quoniam tu es verus agn⁹ Dei, qui Ioann.1.

Crucis
gloria
expendi-
tur.
Esaiae 65.
Rom.10.

DE PASSIONE DOMINI.

tollis peccata mundi , & ita in te vniuersa perficis mysteria, vt sicut vnū est pro omni victima sacrificiū , ita vnum de omni gente sit regnū . Confiteamur igitur dilectissimi, quod beatus magister gentium Paulus Apostolus gloria voce cōfessus est dicens: Fidelis sermo & omni acceptione dign⁹, quia Christus Iesus venit in hunc mundum peccatores saluos facere . Hinc enim mirabilior est erga nos misericordia Dei, quod non pro iustis neq; pro sanctis, sed pro iniquis & impjs Christus mortuus est, & cum mortis aculeum recipere non posset natura deitatis, suscepit tamen nascendo ex nobis, quod posset offerre pro nobis . Olim enim mortis nostrę mortis suę potentiam minabatur dices per Oseæ prophetam: O mors, ero mors tua, & ero morsus tuus inferne. Leges enim inferni moriendo subiit, sed resurgendo dissoluit , & ita perpetuitatem mortis incidit, vt eam de æterna faceret temporalem. Sicut enī in Adā omnes moriūt, ita & in Christo omnes viuiscabūt. Fiat itaq; dilectissimi, quod Apostolus Paulus ait : vt qui viuunt, iam non sibi viuāt , sed ei qui pro omnibus mortuus est & resurrexit. Et quia vetera transierunt , & facta sunt omnia noua, nemo incarnalis vitæ vetustate remaneat, sed omnes de die in diem proficiendo , per pietatis augmenta renouentur. Quantumlibet enim quisq; iustificatus sit, habet tamē, dum in hac vita est, quo probatior esse possit & melior. Qui autem non proficit , deficit, &

Tim.2.
Tim.1.

Rom.5.

Oseæ 13.

1. Cor.11.

2. Cor.5.

Qui non

cit, et qui nihil acquirit, nō nihil perdit. Cur proficit rédum enim nobis est fidei gressibus, misericordiae operibus, amore iustitiae, vt diem redemptionis nostrae spiritualiter celebrantes, non in fermento veteris malitiæ & nequitiae, sed in azymis synceritatis & veritatis, resurrectionis Christi mereamur esse participes, qui viuit & regnat in secula seculorum, Amen.

Sermo I X. de passione domini.

*Passio Christi varijs prophætarum oracu-
lis & figuris prædicta, & de diaboli
ruina, ac auaritiae morbo, Pe-
tri negatione.*

S Acramentum dilectissimi dominicæ pa-
fionis in salutem generis humani, ante
tempora æterna dispositum, & per mul-
tas significationes omnibus retro seculis
nunciatum, non adhuc expectamus mani-
festandum, sed iam adoramus impletum, con-
currentibus ad eruditionem nostram & no-
uis testimonij & antiquis, dum quod pro-
phætica cœcinit tuba, Euangelica pandit hi-
storia, & sicut scriptum est: Abyssus aby-
sum inuocat in voce cataractarum tuarum.
Quoniam ad enarrandum gloriam gratiæ
Dei, paribus sibi vocibus, vtriusq; testamē-
ti altitudo respōdet. Et quod erat sub vela-
mine figurarum profundū, fit reuelata lu-
ce per-

Psal 42.

DE PASSIONE DOMINI.

ce perspicuum. Si enim inter illa miracula saluatoris, quae sub populorum gerebantur aspectu, pauci veritatis praesentiā sentiebāt, ipsiç discipuli voluntaria domini passione turbati, non euaserunt scandalum crucis sine tentatione formidinis, vnde fides nostra intelligentiam sumeret, vnde constantia robur acciperet, nisi quae facta cognoscimus, praedicta legeremus? Peracto igitur dilectissimi saluatoris triūpho, & consummatis dispensationibus, quas omnia veteris testamēti eloquia nunciarunt, lugeat carnalis Iudæus, sed spiritalis gaudeat Christianus, & festiuitas quae illis conuersa est in nocte, nobis coruscet in lucem, quoniā crux Christi eadem, est & credentiū gloria, & nō credentium pœna. Quamuis enim persequentium furor nihil aliud in dominū maiestatis operatus est, quam atrocem crudelitatem & immitate supplicium: redemptis tamen hac domini passione, verior iustiorç lætādi est ratio, quam dolendi. Fuerit tūc discipulorum excusabilis pauor, nec diffidētiæ culpā Apostolicus m̄ceror inciderit, quando cōcurrētibus ad vnu scelus Iudæis Iudæorūç principibus, superbis taurorū pinguium tumor & proterua vitulorum petulantia sequiebat, quando sub oculis ouium, pastoris iusti sanguinem fremētium bestiarū rabies expetebat, quādo deniq; etiā ipse qui pati venerat,

Matth. 16 de nostrę naturę cōmunione dicebat: Tristis est aia mea usq; ad mortem. Nūc autē postq; susceptione infirmitatis potentia est clarificata vir-

Pauor
discipulo-
rum excu-
sabilis.

cæta virtutis; nulla fidelium mœstitudine pa-
 schalis est obscuranda solennitas, nec cū tri-
 stitia nobis gestorum ordo recolendus est,
 cū ita dominus vsus sit malitia Iudæorum,
 vt de intentione facinoris, voluntas sit im-
 pleta miserentis. Si autem in exitu Israel de
 Ægypto, agni sanguis fuit restitutio liberta-
 tis, & sacratissima est facta festiuitas, quæ
 per hostiā pecudis, irā auerteret vastatoris:
 quanta populis Christianis concipiēda sunt Rom. 8.
 gaudia, pro quibus omnipotens pater filio
 suo vnigenito non pepercit, sed pro nobis
 omnibus tradidit illum, vt in occisione
 Christi, pascha esset verū & singulare sacrifici-
 cium, quo non ex dominatione Pharaonis Figuræ
 vnus popul⁹, sed ex diaboli captiuitate, to-
 tutus mundus eruitur? Hoc igitur illud est pa-
 storiæ Christi.
 dilectissimi sacramentū, cui ab initio omnia
 sunt famulata mysteria. Nunc sanguis iusti
 Abel, morte summi pastoris eloquitur, & in
 parricidio Iudæorū, Cain intersector fratri
 agnoscitur. Nunc diluum & Noe arca ma-
 nifestat, quid sit renouationis in baptismo,
 & quid sit salutis in ligno. Nunc Abraham
 gentium pater promissos acquirit hæredes,
 & in semine eius, non german carnis, sed fi-
 dei propago benedicitur. Nūc ad prænūtia-
 tū festis omnibus festū, sacer nouorū men-
 sis * enituit, vt in quo accepit mūdus exor-
 dium, in eodem haberet Christiana creatu-
 ra principium. Quamvis igitur furentes
 Iudæi fecerint in dominum Iesum quæ-
 cung voluerint, & suscepti hominis verita-
 tem nul-
 semicuit,

DE PASSIONE DOMINI.

tem nullis eorū ausibus potētā diuina fūl
traxerit: patientia tamē domini , consiliū sui
munus impleuit,& pertinacia sacrilegē cru-
delitatis profecit operi saluatoris, quod non
scribæ,nos Pharisæi nec summi intellectu-

1. Cor. 2. pontifices. Si enim cognouissent, nunquam

Diabolus gloriæ dominū crucifixissent. Nec ipse itaq;
captus in diabolus intellexi, quod sœuiendo in Chri-
morte tūm, suum destrueret principatum: qui anti-
Chrīti. Iesu sanguine cōtineret. Sed malitia nocen-
di auidus, dum irruit, ruit, dum capit, captus

Auaritia est, dum persequitur mortalē, incidit in sal-
morbus. uatorem. Inuenit sané in illo molimine, im-
prudētis audaciæ dignum cooperatōrē , di-
gnumq; consortem :cum impius Iudas ma-
luit minister esse diaboli , quām Apostolus

Christi, quem nō timoris perturbatione de-
seruit, sed pecuniæ cupiditate distraxit . Vi-
dete dilectissimi & prudenter inspicite, quæ
germina, & quales fructus de auaritiæ stirpe
nascantur, quam merito Apostolus radicem
omnium malorū esse definiuit: quia nullum
peccatum sine cupiditate committitur, & o-
mnis appetitus illicitus, istius auiditatis est
morbus. Amore pecuniæ, vilis est omnis af-
fectio, & anima lucri cupida, etiam pro exi-
guo perire non metuit , nullumq; est in illo
corde iustitiae vestigium,in quo sibi auaritia
fecit habitaculum . Hoc perfidus Iudas inc-
briatus veneno,dum sitit lucrum, peruenit
ad laqueū , & tam stulte impius fuit, vt tri-
ginta argenteis & dominum vēderet & ma-
gistrum

1. Tim.

strum. Cum autē se ad excipiendū iniquitatis iudiciū, Dei filius præbuisset. B. Apostolus Petrus, cuius fides ea deuotione feruebat, vt & domino compati paratus esset ^{Petrine-} gatio. & commori, ancilla sacerdotis calumniante perterritur, ex infirmitate periculum negationis incurrit. Ob hoc, sicut apparet, hæsitare permisus, vt in Ecclesiæ principe remedium pœnitentiæ conderetur, & nemo auderet de sua virtute confidere, quando mutabilitatis periculum nec B. Petrus potuisset euadere. Dominus autem Iesus qui intra pontificale consilium solo corpore tenebatur, trepidationem discipuli foris positi, diuino vidit intuitu, & pauētis animum, mox vt respexit, erexit, & in fletus pœnitutinis incitauit. Felices sancte Apostole lachrymæ tuæ, quæ ad diluendam culpam negationis, virtutem sacri habuere baptismatis. Adfuit enim dextera domini Iesu Christi, quæ labentem te, priusquam deñcereris, exciperet, & firmitatem standi, in ipso cadendi periculo recepisti. Vedit in te dominus non fidem fictam, non dilectionem auersam, sed constatiam fuisse turbatam. Abundauit fletus, vbi nō deficit affectus, & fons charitatis lauit verba formidinis, nec tardatum est remedium abolitionis, vbi non fuit iudicium voluntatis. Cito igitur in soliditatem suam redijt petra, tantam recipiens fortitudinē, vt quod in Christi expauerat passione, in suo post supplicio non timeret, Amen.

DE PASSIONE DOMINI.

Sermo X. de Passione domini.

Quod Christus falso sit accusatis, quod se
regnum fecerit, & de compassione
mulierum, ac ruina diaboli.

CVm multis modis dilectissimi Iudaica
impietas laboraret, vt occasionem ali-
quam perpetrandi in dominum Iesum sce-
leris inueniret, & mendacia, quæ falsi testes
iniustis sacerdotibus famulando protule-
rant, nihil quod morte dignum esset, adfer-
rent, hoc quasi insuperabile repererunt, vt
dominum mudi affectati regni inuidia per-
urgerent. Cumq; Pilatus Iesum, quem fru-
stra videbat argui, velet absolvi, caluniosè

Ioann.19. & minaciter conclamarunt: Si hunc dimit-
tis, non es amicu^r Cæsar. Omnis enim qui
se regem facit, contradicit Cæsari. Stultam
insimulationē imprudenter Pilate timuisti,
si formidabile fuit nomen regiū, vt pro im-
perio Cæsar. opprimi debuerit nouæ mo-
litio potestatis, si dominandi consiliū tyran-
nicus tibi prodidit apparatus, si prouisio ar-
morum, si congregatio diuinarum, si præsi-
dia detecta sunt militum. Quid eum graua-
ri sinis de affectata potentia, cuius specialis

Lucæ 2. fuit de humilitate doctrina? Romanis legi-
Matth.17 bus non contradixit, censum subiit, di-
drachma soluit, vectigalia non inhibuit, que
Dei sunt Deo, & quæ sunt Cæsar, Cæsari
reddenda constituit. Paupertatem elegit,

Matth.22 obedientiam suasit, mansuetudinem prædi-
cauit, hoc

Taut, hoc est verè nō impugnare Cæsarēm,
 sed iuuare. Veruntamen ne in totum inanis
 videatur Iudæorum obiectio , discute dilig-
 gentius præses , quid de domini Iesu operi-
 bus notum sit , quid de potestate comper-
 tum. Cæcis visum,surdis auditum, claudis
 gressum ,mutis donauit eloquium . Febres
 abegit , dolores resoluit , dæmonia eiecit,
 mortuos viuificauit,mari & ventis,vt quie-
 scerent,imperauit. Magnum prorsus regem
 ista demonstrant , qui non humana excellit
 potentia, sed virtute diuina . Hanc ergo Iu-
 dæi obijciant potestatem, commutent * ac- * actionē
 cussionem suam , & hoc proferant ore,
 quod tenent corde . Quare de terrenis ca-
 lumniantur , qui cœlestia persequuntur?
 Quamuis ergo Pilatus onerosum sibi inui-
 diosumq; sentiret,quod eum Iudei de negle-
 ctu amicitiae Cæsaris impetebāt, aliquādiu
 tamen furorem ipsorū mitigare conatus est,
 & ideo dominum Iesum diuersis contume-
 lijs affici aut permisit, aut iussit , vt satiata
 iniquitas de innocētis iniurijs , vltierius non
 sequiret.Sed pertinax malitia proprijs cresce-
 bat augmētis , & in quem obtinuerat ius il-
 lusionis, exigebat & mortis . Vnde cum &
 summi sacerdotes & principes sacerdotum,
 omnīsq; multitudo crebris vocib⁹ acclama-
 rent, crucifige, crucifige, tradidit Iesum per-
 sequentium voluntati, Barraba illis latrone
 dimisso,vt q; in die festo autorē interficiebāt
 vitæ, impunitas eis præstaretur homicidæ.
 Eūte itaq; dilectissimi ad locū clarificationis

Matth. 8.

t domi-

DE PASSIONE DOMINI.

Psalmi 8.
Lucæ 23.

Mulieres
Christo
cōpassæ.

domino, & misericordia ab' impiorū tabernaculis exeunte, ut adimpleretur, quod scriptum est: Longè est à peccatoribus salus, sequebatur eum multitudo populi, & mulierum plāgentium & lamentantium eum. Sollet enim sexus infirmior, etiam pro ihs, qui morte sunt digni, in lachrymas cōmoueri, & damnatorum exitijs, pro naturę communis consideratione misereri. Sed istum sibi planctum dominus Iesus dedignatur impendi, quia non decebat luctus triumphum, nec lamenta victoriam. Deniq; cōuersus ad eas: Filiæ, inquit, Hierusalem nolite ftere super me, sed super vosmetipsas, & super filios vestros flete. Quia venient dies, in quibus dicent: Beate steriles & ventres, qui nō genuerunt, & vbera quæ non lactauerunt. Vbi est tristitia crucifigendi? Vbi formido mori- turi? Non terret passuri animum hora suplicij, & docens nullam pro se flendi esse rationem, indicit pœnitentiam, denunciando vindictam. Non est, inquit, quod dolere in me Hierusalē filiæ debeat, pro vobis plan- gite, & pro vestris filijs eiulate. Super illos fundantur isti ploratus, quod tales viscera vestra pepererunt. Lugendum vobis planè est, non de saluatore credentium, sed de impietate & temeritate pereuntium. Ego crucem volens patior, & mortem in me, quam sum perempturus, admitto. Nolite ftere pro mundi redemptione morientem, quæ in maiestate patris videbitis iudicantem. Exaltatus autem Christus Iesus in ligno, retrorsit mor-

mortem in mortis autorem, & omnes principatus aduersâsc̄ virtutes , per obiectionē passibilis carnis elisit , admittens in se antiqui hostis audaciam , qui in obnoxiam sibi s̄æuiendo naturam, etiam ibi exactor ausus est esse debiti , vbi nullum potuit vestigium inuenire peccati. Euacuatum est igitur illud generale venditionis nostræ & letale chirographū, & pactum captiuitatis in ius transijt redemptoris . Clavi illi , qui manus domini pedesq; transfoderant , perpetuis diabolum fixere vulneribus , & sanctorum pœna membrorum, inimicarū fuit interfectio protestatum , sic suam Christo consummāte victoriā, vt in ipso & cum ipso , omnes qui in eum crederent, triumpharent. Cum ergo dominus crucifixi corporis eleuatione sublimis, reconciliationem mundi exequeretur in quadā arce supplicij, latronemq; conuersum ad paradisi vocaret habitaculum , vos principes Iudæorum, legisque doctores, nec conscientiæ impietate compuncti , nec affectu sceleris mitigati, fixuris clauorum addebatis tela linguarum, dicentes : Alios saluos fecit, seipsum nō potest saluum facere. Si rex Israel est, descēdat de cruce , & credimus ei. Sed his vocibus vestris stultis atque blasphemis reddūt omnia elemēta responsum, & vnam in vos sententiam ferunt , cœlum, terra, sol, syderaç; indignos vos suo ministerio protestates terribili motu, insolitoç; defectu, tenebras mūdo vestre cæcitatis ostendunt. Quod si ad arguendum vos, nec cœlestia, nec

Diabolus
in cruce
victus.

Matth.27

DE PASSIONE DOMINI.

stia, nec inferna sufficiunt, & crucem Christi
magis potuerunt petræ atque monumenta
quam corda vestra sentire , saltem quod in
templo actum est , scienter aduertite . Ve-
lum, cuius obiectu includebatur sancta san-
ctorum, à summo vscq ad ima diruptum est,
& sacrum illud mysticumq secretum, quod
solus summus pontifex iussus fuerat intra-
re, reseratum est, vt nihil iam esset discretio-
nis, vbi nihil resederat sanctitatis. Repudia-
tos itaque vos debuistis agnoscere, & omne
ius sacerdotij perdidisse , quia verum erat,
quod veritas vobis dixerat : Si crederitis
Mōsi, crederetis & mihi. Meritò ergo vos
testamentum vtrunque condemnat, & gra-
tia vacuatos & lege priuatos , qui ideo resi-
stitis nouis, quia nō credidistis antiquis. Nos
autem dilectissimi, qui ab ignorantiae tene-
bris liberati, fidei lumen accepimus , & in
noui testamenti hēreditatem per electionem
adoptionis intrauimus: in festiuitate , quam
carnalis Isrāel perdidit, gaudemus , quoniā
pascha nostrum immolatus est Christus, per
cuius ineffabilem gratiam , omnium chari-
smatum benedictione ditamur, & ita in no-
uitatem à vetustate transferimur, vt non so-
lū paradisi restituamur habitaculo, sed etiam
regni cœlestis gloriæ præparemur, adiuuan-
te domino nostro Iesu Christo, qui cum pa-
tre & sancto spiritu viuit & regnat in secu-
la seculorum, Amen.

Matth.27

Ioan.5.

Cor.

Sermo X I. de passione domini.

De con-

De confessione Petri, & de gemina Christi
natura, de que occultato dæmoniis
bus incarnationis mysterio, atque
Iudæ desperatione.

Desiderata nobis dilectissimi & vniuerso optabilis mundo adest festiuitas dominicæ passionis, quæ nos inter exaltationes spiritualium gaudiorum silere non patitur. Quia etsi difficile est de eadem solennitate saepius dignè apteç differere, non est tamen liberum sacerdoti, in tanto diuinæ misericordiæ sacramento, fidelibus populis subtrahere sermonis officium: cum ipsa materia, ex eo quod est ineffabilis, fandi tribuat facultatē: nec possit deficere q̄d dicatur, dum non potest satis esse, quod dicitur. Succumbat ergo humana infirmitas glorię Dei, & in explicādis operibus misericordiæ eius, imparē se semper inueniat. Laboremus sensu, hæreamus ingenio, deficiamus eloquio, bonum est, ut nobis parum sit, quod etiam rectè de domini maiestate sentimus. Dicente enim Propheta: Quærite dominum & confirmamini, quærite faciem eius semper: nemini præsumendum est, quod totum quod quærit, inuenierit, ne desinat propinquare, qui cessarit accedere. Quid autem inter omnia opera Dei, in quibus humanæ admirationis fatigatur intētio, ita contēplatione mentis nostrę & oblectat & superat sicut passio saluatoris? De cuius omnipotētia, quæ ei cum patre vnius & æqualis essentiæ
t iij est, quo-

DE PASSIONE DOMINI.

est, quoties, ut possimus, cogitamus: mirabilior nobis fit in Deo humilitas, quam potestas, & difficilius capitur diuinæ maiestatis exinanitio, quam seruilis formæ in summa prouectio. Sed multū nos ad intellectum iuuat, quod licet aliud sit creator, aliud creatura, aliud deitas inuiolabilis, aliud caro passibilis : in vnam tamen personam concurrat proprietas utriusq; substantiæ, ut siue in infirmitatibus, siue in virtutibus, eiusdem sit contumelia, cuius & gloria . Hac fidei regula dilectissimi , quam in ipso exordio symboli per authoritatem Apostolicæ institutionis accepimus , dominum nostrum Iesum Christum, quem filium Dei patris omnipotentis unicum dicimus, eundem quoq; de spiritu sancto natum ex Maria virgine confitemur . Nec ab eiusdem maiestate discedimus, cum ipsum crucifixum & mortuum , & tertia die credimus suscitatum. Omnia enim quæ Dei sunt , & quæ hominis, simul & humanitas & deitas expleuit, ut dum passibili impassibilis inest, nec virtus infirmitate affici , nec infirmitas possit virtute superari . Merito beatus Apostolus Petrus in huius unitatis confessione laudatus est , qui cum dominus quid de ipso intelligerent discipuli , scrutaretur , omnium celerrime ora præueniens : Tu es , inquit, Christus filius Dei viui . Quod vtique non reuelante vidit carne vel sanguine , quorum obiectu interiores oculi poterant impedi-
ri , sed ipso spiritu patris in corde operante creden-

crēdētis, vt ad regimen totius Ecclesiæ
præparatus, primum disceret, quod doce-
ret, & pro soliditate fidei, quam erat prædi-
caturus, audiret: Tu es Petrus, & super hanc
petram ædificabo Ecclesiam meam, & por-
tæ inferi non præualebunt aduersus eam.
Christianæ igitur fidei fortitudo, quæ por-
tas mortis super inexpugnabilem petram
ædificata, non metuit, vnum dominum Je-
sum Christū, vt verum Deū & verū homi-
nem confitetur, eundem credens filium vir-
ginis, qui autor est matris: eundem natum in
fine seculorum, qui creator est temporum,
omnium dominum virtutum, & vnum de-
stirpe mortalium, eundem peccati nescium,
& in similitudinem carnis peccati, pro pec-
catoribus immolatum. Qui vt humanum Incarna-
genus vinculis mortiferæ præuaricationis tñnis my
absolueret, & saeuienti diabolo potentia sue
maiestatis occultauit, & infirmitatem no-
stræ humilitatis obiecit. Si enim crudelis &
superbus inimicus, consilium misericordiæ
Dei nosse potuisset, Iudeorum animos man-
suetudine potius temperare, quām iniustis
odij̄s studuisse accēdere, ne omnium capti-
uorum amitteret seruitutem, dum nihil si-
bi debentis persequitur libertatem. Fefel-
lit ergo illum malignitas sua, intulit suppli-
cium filio Dei, quod cunctis filijs hominum
in remedium verteretur. Fudit sanguinem
iustum, qui reconciliando mundo, & pre-
ciū esset & poculū. Suscepit dominus, quod
secundum propositum suæ voluntatis ele-
t. iiii git. Admi-

DE PASSIONE DOMINI.

git. Admisit in se impias manus furentium, quæ dum proprio incumbunt sceleri, famulatæ sunt redemptori. Cuius etiam circa imperfectores suos tanta erat pietatis affectio, ut de cruce supplicans patri, nō se vindicari,

Lucæ 23. sed illis postularet ignosci, dicēs: Pater ignosc illis, quia nesciunt quid faciūt. De cuius vtiq; orationis potentia fuit, ut prædicatio

Matth. 27 Petri Apostoli, ex īs, qui dixerūt: Sanguis illius super nos & sup filios nostros, multorū ad pœnitētiā corda cōuerteret, & vno die baptizarētur tria ferē milia Iudeorū: fieretq; omnia cor vnū & anima vna, paratorum

A&t. 2. iam pro eo mori, quem poposcerant crucifi-
A&t. 4. gi. Ad hanc indulgentiā traditor Iudas peruenire non potuit, quoniā perditionis filius, cui diabolus stabat à dextris, prius in despe-
rationem transiit, quām sacramentum Chri-
stus generalis redemptionis impleret. Nam

**Iudæ de-
speratio.** pro omnib; mortuo impījs domino, potuif-
Psal. 108. set etiam hic consequi remediū, si non festi-
nasset ad laqueum. Sed maligno cordi, nunc
furtis fraudum dedito, nunc parricidalibus
cōmercījs occupato, nihil vnquā documen-
torum misericordiæ saluatoris infederat, nec
pījs acceperat auribus domini verba dicen-
tis:

Matth. 9. Non veni vocare iustos, sed peccatores.

Lucæ 19. Et: Filius hominis venit quærere & saluare,
quod perierat. Nec intellexerat clementiam
Christi, qui nō solū corporeis infirmitatibus
medebatur, sed etiam vulnera debiliū cura-
bat animarū, dicēs paralytico sanato: Con-

Ioan. 8. fide fili, remittūtur tibi peccata tua. Dicēs &
Matth. 9. obla-

oblatæ sibi adulterę: Nec ego te condemna-
bo, vade & amplius noli peccare , vt per o-
mnia opera sua ostenderet , in illo aduentu
suo, saluatorem mundi se venisse, non iudi-
cem. A quo intellectu alienatus impius tra-
ditor, insurrexit in semetipsum, non iudicio
pœnitentis, sed furore pereuntis, vt qui vi-
tae autorem interfectoribus vendidisset: in
augmentum damnationis suæ, etiam mori-
endo peccaret. Quod ergo falsi testes quod
cruenti principes, quod impij sacerdotes, in
domini Iesu Christi mysterio, ignavia præ-
sidis & famulatu imperitæ cohortis ege-
runt, & detestandum vniuersis seculis , &
amplectandum fuit . Crux enim domini,
sicut in Iudæorum erat mente crudelis, ita
est in crucifixi virtute mirabilis . Furit in
ynum populus, & miseretur omnium Chri-
stus. Quod sequitia infertur, potestate suscipi-
tur, vt licetia facinoris, eterne opus impleat
voluntatis . Vnde omnis ordo rerum gesta-
rum, quem plenissimè Euangelica narratio
percurrit, ita fidelium est accipiendus audi-
tu, vt salua fide actionum, quæ tempore do-
minicę passionis impletę sunt, intelligamus
non solum remissionē peccatorum in Chri-
sto completam , sed etiam formam iustitiæ
esse propositam. Verū vt hoc diligentius iu-
uante domino differatur, hęc sermonis por-
tio in quartam sabbati reseruetur. Aderit ve-
speramus, gratia Dei, quæ nos oratibus vo-
bis faciat promissa complere, per Christum
dominum nostrum, Amen.

DE PASSIONE DOMINI.

Sermo XI I. de passione domini.

De virtute ac necessitate mortis Christi, &
de eius vera diuinitate & humanitate
contra Manichæos, & cur solus
filius incarnatus sit.

Omnia quidem tempora dilectissimi,
Christianorum animos sacramento do-
minicæ passionis & resurrectionis exercet,
neque vñlum nostræ religionis officium est,
quo non tam mundi reconciliatio , quam
humanae in Christo naturæ assumptio cele-
bretur . Sed nunc vniuersam Ecclesiam
maiore intelligentia instrui, & spe feruentio-
re oportet accendi , quando ipsa rerum di-
gnitas, ita sacratorū dierum recursu , & pa-
ginis Euangelicæ veritatis exprimitur , vt
pascha domini non tam præteritum recoli,
quam præsens debeat honorari. In nullo igi-
tur ab ijs, quæ ad crucem Iesu Christi perti-
nent, fidei nostræ peregrinetur intuitus , &
nihil eorum, quæ narratione Euangeliū rete-
xuntur, ocioso capiamus auditu. Ut quia nō
defuerunt, nec adhuc desunt , qui veritatem
dominicæ incarnationis impugnēt, & quod
in utero virginis matris Mariæ verbum ca-
ro factum est, quod infans æditus, per incre-
menta corporea ad perfectæ virilitatis pro-
fecit ætatem, quodq; crucifixus, mortuus ac
sepultus, die tertia resurrexit, in nostræ qui-
dem imaginis forma, sed non in nostræ car-
nis adserant gestum esse natura , nos ab
Euan-

Euangelicis & Apostolicis testimonij nullatenus recedentes, eorum intelligentia roboremur, quorum nos certissima experienta docuerunt: ut piè atq; constanter possimus dicere, quoniam in illis & nos erudití sumus, & quod viderunt, vidimus, & quod didicerunt, didicimus, & quod contractauerunt, palpauimus. Et ideo in passione domini non conturbamur, quia in generatione non fallimur. Scimus etenim dilectissimi, & toto corde profitemur, patris & filii & spiritus sancti, vnā esse deitatem, & consubstantialem sempiternæ Trinitatis essentiam, in nullo à se diuisam, in nullo esse diuersam, qd simul est in temporalis, simul est incommutabilis, simul quod est, esse nō desinēs. In hac autē ineffabili unitate Trinitatis, Filii per cuius in omnibus communia sunt opera atq; iudicia, reparationem humani generis propriè filii persona suscepit, vt quoniā ipse est, per quē omnia facta sunt, & sine ipso factum est nihil, quiq; plasmatum de limo terræ hominem flatu vītē rotionalis animauit, idem naturam nostram ab æternitatis arce deiectam, amissæ restitueret dignitati, & cuius erat conditor, etiam esset reformator, sic cōsilium suū dirigens in effectū, vt ad dominationē diaboli destruendā magis vteretur iustitia rationis, quā potestate virtutis. Quia ergo primi hominis vniuersa posteritas, uno simul vulnere sauciata corruerat, nec vlla sanctorū merita cōditionē poterāt illatæ mortis euicere: venit è cœlo medic⁹ singularis,

DE PASSIONE DOMINI.

gularis, multis saepe significationibus nunciatus, & prophetica diu pollicitatione promissus : qui manens in forma Dei, & nihil propriæ maiestatis amittēs, in carnis nostræ animæq; natura , sine contagione antiquæ præuaricationis oriretur. Solus enim beatæ virginis natus est filius absq; delicto, nō extraneus ab hominum genere , sed alienus à crimine, in quo illius ad imaginem & similitudinē Dei conditi, & perfecta esset innocētia, & vera natura, cum de Adæ propagine vnum existeret, in quo diabolus, quod suum diceret, non haberet . Qui dū in eum sœuit, quem sub peccati lege non tenuit, ius impiæ dominationis amisit. Effusio enim pro iniustis sanguinis iusti, tam potens fuit ad priuilegium, tam diues ad premium, vt si vniueritas captiuorum in redemptorem suū crederet, nullum tyrannica vincula retinerent.

Rom. 5.

Quoniam sicut ait Apostolus, vbi abundauit peccatum , superabundauit & gratia. Et cū sub peccati præ iudicio nati, potestatē acceperint ad iustitiā renascendi , validius donū factū est libertatis, quā debitū seruitutis. Quā itaq; in huius sacramēti præsidio spem relinquunt, qui in saluatoris nostri corpore negant humanę substantię veritatē? Dicant, quo sacrificio recōciliati ? quo sanguine sint redempti? Quis est, qui tradidit semetipsum pro nobis oblationē & hostiam in odorem suavitatis ? Aut quod vñquam sacrificium sacratius fuit, quam quod pontifex verus altari crucis per immolationē suæ carnis im-

Sanguinis
Christi
virtus.

Rom. 5.

Ephe. 5.

posuit?

posuit? Qamuis enim in conspectu domi- Psal.115.
ni multorū sanctorū preciosa fuerit mors.
nullius tamen insontis occisio , propiciatio
fuit mundi. Acceperunt iusti, non dederunt
coronas, & de fidelium fortitudine exempla
nata sunt patientiæ, nō dona iustitiæ. Singu-
lares quippe in singulis mortes fuerunt, nec
alterius quisquam debitum suo funere sol-
uit , cum inter filios hominum solus dominus
noster Iesus extiterit, in quo omnes cru-
cifixi, omnes mortui, omnes sepulti, omnes
etiam sunt suscitati. De quibus ipse dicebat:
Cum exaltatus fuero, omnia traham ad me- Ioann.12.
ipsum. Fides enim vera iustificās impios &
creans iustos ad naturæ suæ tracta partici-
pem, in illo acquirit salutem, in quo se inue-
nit innocentem . Et quia vnum est mediator **1.Tim.2.**
Dei & hominū homo Iesus Christ⁹, per cō-
munionē sui generis , ac pacē peruenit dei-
tatis, liberum habens de eius potētia glori-
āri, qui contra hostem superbū , in carnis
nostræ infirmitate congressus, h̄s victoriam
suam tribuit , in quorū corpore triumpha-
uit. Cum igitur in vno domino nostro Iesu
Christo vero Dei atq; hominis filio, diuinā
confitemur de patre naturā humanā de ma-
tre substantiā , licet verbi Dei, & carnis vna
persona sit, non vna substantia , & vtraque
essentia cōmunes habeat actiōes: intelligen-
dæ tamen sunt ipsorum operū qualitates, &
syncerę fidei contemplatione cernendū est,
ad quę prouehatur humilitas infirmitatis, &
ad quę inclinetur altitudo virtutis, quid sit,
quod

DE PASSIONE DOMINI.

- quod caro sine verbo non agit , & quid sit,
quod verbum sine carne nō efficit. Sine po-
tentia enim verbi , nec cōciperet virgo,nec
pareret,& sine veritate carnis,obuoluta pā-
nis infantia, nō iaceret.Sine verbi potentia
Matth.2. non adorarent Magi puerum nouo sydere
declaratum, & sine veritate carnis nō iube-
retur puer in Ægyptum transferri , quem
Matth.3. Herodes cupiebat occidere . Sine verbi po-
tentia nō diceret vox patris missa de cœlo:
Lucæ 3. Hic est filius meus dilectus, in quo mihi be-
ne cōplacui . Et sine veritate carnis nō pro-
testaretur Ioannes:Ecce agnus Dei, ecce qui
Ioann.1. tollit peccata mūdi. Sine verbi potētia non
fieret redintegratio debilium, & viuificatio
mortuorū,& sine veritate carnis , nec cibus
ieiuno,nec somnus esset necessarius fatiga-
Ioan.10. to. Postremo sine verbi potentia non se do-
minus patri profiteretur æqualē,& sine ve-
ritate carnis nō idem diceret,patrem sē esse
maiorē , cum catholica fides vtrumq; susci-
Ioan.14. piat,vtrumq; defendat,quæ secundum pro-
prietatem diuinæ humanæq; substantiæ ,
vnum Dei filium & hominem credit & ver-
bum. Multa sunt dilectissimi,quæ ad expo-
sitionem huius , quam prædicamus,fidei de
toto scripturarum corpore , possemus assu-
mere, quia nihil saepius diuinis commenda-
tur eloquij,quam Dei filius secundum dei-
tatem sempiternus ex patre, & idem secun-
dum carnē temporalis ex matre. Sed ne cha-
ritatis vestræ fatigetur audit⁹,hodierno ser-
moni adhibendus est modus,vt quarta sab-
bati,quæ

bati, quæ sunt abhiciéda, seruemus auxiliante domino nostro Iesu Christo, qui cum patre & spiritu sancto viuit & regnat in secula seculorum, Amen.

Sermo XIII. de passione domini.

*De reparatione hominis ac legalibus sacras
mentis per Christum completis, de spi-
ritualibus Israelitis, & vera Chris-
tiani humanitate.*

E Vangelica lectio dilectissimi, quæ sacramentissimam dominicæ passionis referauit historiam, ita vniuersæ Ecclesiæ nota est de communi frequenter auditu, vt rerum gestarum ordinem, tanquam sub vestris habitum oculis, singuli quique recolatis. Nec parum aestimandi sunt profecisse, qui de ihs, quæ audiunt, non dubitant, vt etiam si non dum liquidè aliquod valeant scripturarum capere sacramentum, firmissimè tamen credant, in diuinis libris nullum esse mendacium. Quia ergo sinceræ fidei promissa est intelligentiæ plenitudo, erigat se ad promerendam sancti spiritus eruditionem, illuminatarum mentium vigor, & non contentus sit facti ordinem nosse, nisi etiam ipsam rationem impensè sibi pietatis inspiciat: vt auctorem suum humana natura sciendo, quantum ab eo sit dilecta, plus diligit. Miserendi enim nostri causam Deus nisi in sua bonitate non ha-

DE PASSIONE DOMINI.

Reparatio nō habuit. Et mirabilior est secunda hominem generatio, quam prima conditio, quia maior plus est in nouissimis seculis reparasse Deū, quod perierat, quā à principio fecisse, quod non erat. Libertatem itaq; innocentiae naturalis, quam primorum parentum prævaricatione perdidimus, nulla per se sanctorum præcedentium merita receperunt: quia lata in transgressores sententia, omnē progeniē captiuæ posteritatis obstrinxit, & nemo extitit exors à damnatione, quia nullus fuit liber à crimen. Sed redemptio saluatoris destruens opus diaboli, & rumpens vincula peccati, ita magnæ pietatis suæ disposita sacramentū, ut vñq; ad consummationem quidē mundi, præfinita generationum

multitu-
do

Fides ea-
dem no-
stra &
antiquo-
rum.

* plenitudo decurreret, sed renouatio originis, per iustificationem indiscretæ fidei, ad omnia retro secula pertineret. Incarnatio quippe verbi, & occisio ac resurrectio Christi, vniuersorum fidelium salus facta est, & sanguis vnius iusti, quem nobis pater donauit, quia eum pro reconciliatione mudi credimus fusum, hoc cōtulit patribus, qui similiiter credidere fundēdū. Nihil ergo dilectissimi ab antiquis significationibus, in Christiana religione diuersum est, nec vñquam à præcedentibus iustis, nisi in domino Iesu Christo sperata saluatio est, disp̄salationibus pro diuinæ voluntatis ratione variatis, sed in idipsum coruscantibus & legis testimonijs, & prophetiæ oraculis, & oblationibus hostiarum, quia sic congruebat illos populos eru-

Ios erudiri, vt quæ reuelata non caperent,
 obumbrata susciperent, & maior Euange-
 lij esset autoritas, cui tot signis totq; miracu-
 lis atq; mysterijs, veteris testamenti paginæ
 deseruissent. De quibus dominus profiteba-
 tur, quod non venerat legem soluere sed ad-
 implere. Non æstimet sibi prodesse Iudæus,
 quod in literæ carnaliter superficie demora-
 tur, & ijs scripturis conuincitur, quæ apud
 nos veram sui obtinent dignitatem, dum &
 erudimur prædictis, & ditamur impletis.
 Dicente enim domino : Cum exaltatus fue-
 ro, omnia traham ad me, nihil legalium in-
 structionum, nihil propheticarum recedit fi-
 gurarum, quod non totum in Christi sacra-
 menta transferit. Nobiscum est signacu-
 lum circuncisionis, sanctificatio charisma-
 tum, consecratio sacerdotum. Nobiscum
 puritas sacrificij, baptismi veritas, honor
 templi, vt merito cessarint nuncij, postquam
 nunciata venerunt. Nec vacuatur reueren-
 tia promissionum, quia plenitudo manifesta
 est gratiarum. Verum sicut ait Apostolus:
 Cæcitas in Israel ex parte facta est, nec qui Rom. 1.
 filij carnis, ij filij sunt promissionis ineffabi-
 lis misericordia Dei Israeliticum sibi popu- Rom. 9.
 lum de omnibus nationibus fecit, & saxeo
 illo gentilium cordium rigore mollito, ve-
 ros Abrahæ filios de lapidibus excitauit: vt Matth. 3.
 conclusis omnibus sub peccato, qui carne Rom. 1.
 nati sunt, spiritu renascatur, nec interdit, quo
 patre sit quisque genitus, quum per indiscre-
 tam huius fidei cōfessionem, & fons haptis,

DE PASSIONE DOMINI

Smatis faciat innocentes, & electio adoptio-
nis confirmet haeredes. Quid enim aliud
egit crux Christi, quam ut destructis inimi-
citij, & reconcilietur mundus Deo, & per
sacrificium * immaculati agni veram in pa-
cem cuncta reuocentur? Non autem concor-
dat Deo, qui ab ea, quam in regeneratione
sua edidit, professione dissentit, & diuini im-
memor pacti, inhærere ostenditur renuncia-
tis, dum resilere inuenitur à creditis. Frustra
enim Christianum nōmē sibi usurpat, & ne-
quaquam aestimet se pascha domini celebra-
re, qui Iesum Christum in ea, qua natus est,
& passus, & mortuus, & sepultus carne, re-
surrexisse non credit: & nostrae in illo natu-
ræ resuscitatas primitias non fatetur. Verus
itaq; venerator dominicæ passionis sic cru-
cifixum Iesum oculis cordis aspiciat, vt il-
lius carnem suam esse cognoscat. Contremi-
scat in redēptoris sui supplicio terrena sub-
stantia, rumpantur infidelium mentium pe-
træ, & qui mortalitatis grauabantur sepul-
chris, discussa obstaculorū mole profliant.
Appareant nunc quoq; in ciuitate sancta in
Ecclesia Dei, futuræ resurrectionis indicia,
& quod gerendum est in corporibus, fiat in
cordibus. Nulli infirmorum crucis est nega-
ta victoria, nec quisquam est, cui non Chri-
sti auxilietur oratio. Quæ si multis in eum
sæuientibus profuit, quanto magis eos, qui
ad ipsum conuertuntur, adiuuit? Sublata est
ignorantia, temperata est difficultas, & ig-
neam illā, qua vitæ regio erat inclusa, rom-
phæam,

phaēam, sacer Christi sanguis extinxit. Veræ luci, antiquę noctis cessit obscuritas. Invitatur ad paradisi diuitias populus Christianus, & cunctis regeneratis, ad amissam patriam patefactus est redditus, si nemo sibi illam viam faciat claudi, quæ fide latronis potuit aperiri. Celebrantes igitur dilectissimi paschalis festi ineffabile sacramētum agnoscamus docente spiritu Dei, ad cuius gloriæ participationem vocati, & ad quam spem simus ingressi. Nec ita nos nunc anxie, nunc superbè præsentis vitæ occupent actiones, ut non toto cordis affectu conformari redemptori nostro per illius exempla nitamur. Nihil enim non ad nostrā salutem aut egit aut pertulit, ut virtus, quę inerat capiti, inesset etiam & corpori. Nam primum Ioan. 1. ipsa illa substantiæ nostræ in deitate suscep-
tio, qua verbum caro factum est & habita-
uit in nobis, quem hominum misericordiæ suæ, nisi infidelem reliquit exortem? Et cui
nō communis natura cum Christo est, si ad-
sumentem recipit, & eo spiritu est regenera-
tus, quo ille progenitus? Deinde quis in illo
suas non agnoscat infirmitates? Quis percep-
tionem cibi, requietionem somni, sollicitu-
dinē mœstitudinis, lachrymas pietatis, non
videat formæ fuisse seruilis? Quæ quoniam
ab antiquis sananda vulneribus, & à collu-
uione erat purganda peccati: ita vnigenitus
Dei, etiam hominis factus est filius, ut &
omni humanitatis veritate, & diuinitatis
plenitudine non careret. Sicut itaq; nostrum
vñ est, quod

DE PASSIONE DOMINI.

est, quod cum vnitione deitatis peperit mā-
terna virginitas, ita nostrum est, quod Iudai-
ca crucifixit impietas. Nostrum est, quod ex-
anime iacuit, & quod die tertia resurrexit,
quodque super omnes altitudines cœlorum
ad dexteram paternæ maiestatis ascendit, vt
si per viam mandatorum eius incedimus, &
si quæ in humilitate corporea nostræ im-
pendit saluti, non erubescimus cōfiteri. Nos
quoq; in gloriæ eius consortium prouehe-
bamur, quoniam manifestè, quod denuncia-
Matth. 10 uit, implebitur. Omnis qui confitebitur me
coram hominibus, & ego confitebor eū co-
ram patre meo, qui in cœlis est. Huic autem
cohortationi nostræ adest atque auxiliatur
gratia Dei, quæ incarnationis Christi &
mortis ac resurrectionis eius inimicos, re-
uelata per omnes Ecclesias veritate, destru-
xit, vt totius mundi fideles, cum Apostolicę
fidei autoritate cōcordes vna nobiscum ex-
Rom. 6. ultatione gauderēt, dicente beato Paulo: An
ignoratis, quia quicunq; baptizati sumus in
Christo Iesu, in morte ipsi⁹ baptizati sumus?
Consepulti enim sumus cum ipso per bapti-
sum in morte, vt quomodo surrexit Chri-
stus à mortuis per gloriam patris, ita & nos
in nouitate vitæ ambulemus. Si enim cōplā-
tati facti sumus similitudini mortis eius, si-
mul & resurrectionis erimus. Hoc scientes,
qua verus homo noster simul crucifixus est,
vt destruatur corpus peccati, vt ultra nō ser-
uiamus peccato. Qui enim mortu⁹ est, iusti-
ficatus est à peccato. Si autem mortui sumus
in Chri-

in Christo, credimus quia etiam simul viuemus cum illo, qui viuit & regnat cum patre & spiritu sancto in secula seculorum, Amen.

Sermo XIII. de passione domini.

*De modo redemptionis generis humani, atque
fidei Ecclesiaeque unitate & imi-
tatione Christi.*

Gloria dilectissimi dominicæ passionis, de qua nos etiam hodie locuturos esse promisimus, humilitatis maximè est miranda mysterio, quæ omnes nos & redemit & docuit, ut unde datum est precium, inde & iustitia sumeretur. Omnipotentia enim filij Dei, quæ per eandem essentiam æqualis est patri, potuisset humanum genus à dominatu diaboli, solo imperio suæ voluntatis crue-re, nisi diuinis operibus maximè congruis-set, ut nequitiaæ hostilis aduersitas, de eo quod vicerat, vinceretur, & per ipsam materiam naturalis repararetur, libertas, per quam generalis fuerat illata captiuitas. Di-
cente autem Euangelista, quod verbum ca- Ioan. 1.
2. Cor. 5
ro factum, & habitauit in nobis, & dicente Apostolo, quod Deus erat in Christo, mun-dum reconcilians sibi, ostensum est, quia vnigenitus summi patris tale inijt cum hu-mana humilitate cōsortium, ut suscepta no-stræ carnis animæcō substancia, unus atque idem Dei filius permaneret, nostra augendo, non propria, quia infirmitas erat proue-henda,

DE PASSIONE DOMINI.

henda, non virtus, ut cum suo creatore, creatura esset vnitam nihil assumpto diuinum, nihil assumēti deesset humanum. Hoc consilium misericordiæ & iustitiæ Dei, licet in præteritis seculis, quibusdam velaminibus fuerit obumbratum, non tamen ita obtetum est, ut sanctorum, qui ab initio usq; ad aduentum domini laudabiles extiterunt, intellectui negaretur, cum & propheticis verbis, & rerum gestarum significationibus, salus quæ in Christo erat vētura, promissa sit, quam non solum qui prædicabant, adepti sunt, sed omnes etiam, qui prædicantibus

Fides una crediderunt. Vna enim fides iustificat universorum temporum sanctos, & ad eandem spem fidelium pertinet, quicquid per mediatorem Dei & hominum Iesum Christum,

1. Tim. 2. vel nos confitemur factum, vel patres nostri adorauere faciendum. Nec inter Iudæos atq; gentiles vlla est distinctio. Siquidem si-

Rom. 2. cut ait Apostolus: Circuncisio nihil est, ac præputium nihil est, sed obseruatio mandatorum Dei, quæ si cum integritate fidei seruentur, veros Abrahæ filios, id est, perfectos faciūt Christianos, dicēte Apostolo eodem:

1. Cor. Quicunque enim in Christo Iesu baptizati estis, Christum induistis. Non est Iudæus neque Græcus, non est seruus neque liber, nō est masculus neq; fœmina. Omnes enim

Galat. 3. vnum estis in Christo. Si autem vos Christi, ergo Abrahæ semen estis secundum promissionem hæredes. Non ergo est dubium dile-

Etissimi, naturam humanam in tantam conexio-

hexionem à filio Dei esse suscep tam, vt non
 solum in illo homine , qui est primogenitus
 totius creaturæ, sed etiam in omnibus san- Colos.1.
 ctis suis vnuis idemq; sit Christus , & sicut à
 membris caput, ita à capite membra diuidi
 non possunt. Quamuis enim non istius vitæ
 sit, sed æternæ, vt sit Deus omnia in omni- 1. Cor.15.
 bus, tamen modo etiam templi sui, quod est,
 Ecclesia , indiuisus habitator est, secundum
 quod ipse promisit dicens: Ecce ego vobis- Matth.28
 cum sum omnibus diebus vsq; ad consum-
 mationem seculi. Quibus Apostolus conso- Colos.1.
 nans ait: Ipse est caput corporis Ecclesie, qui
 est principium , primogenitus ex mortuis,
 vt sit in omnibus ipse primatum tenes, quia
 in ipso complacuit omnē plenitudinem di-
 uinitatis habitare , & per eum reconciliare
 omnia in ipso . Iis autem & alijs pluribus
 exéplis & testimonij quid insinuatur cordi-
 bus nostris, nisi vt per omnia ad imaginem
 ei⁹ renouemur, qui permanēs in forma Dei, Philip.2.
 carnis peccati forma fieri dignatus est? Om-
 nes enim infirmitates nostras, quæ veniunt
 de peccato , absq; peccati communione su-
 scepit, vt & famis, & sitis, & somni, & lassi-
 tudinis mœroris ac flet⁹ affectionib⁹ nō ca-
 reret , dolorēsq; sœuissimos, vsq; ad mortis
 extrema pateretur , quia nemo posset la-
 queis mortalitatis absolui , nisi ille , in quo
 solo innocens erat natura omniū, sineret se
 interfici manib⁹ impiorū. Vnde saluator no-
 ster filius Dei , vniuersis in se credentibus,
 & sacramentum condidit, & exemplum , vt

DE PASSIONE DOMINI.

1.Petr. 2. vnum apprehenderent renascendo, alterum sequerentur imitando. Hoc enim docet beatus Petrus Apostolus dicens : Christus passus est pro nobis , vobis relinquens exemplum, ut sequamini vestigia eius . Qui peccatum nō fecit,nec inuentus est dolus in ore eius . Qui cum malediceretur , non maledicebat, cum pateretur , non comminabatur. Tradebat autem iudicanti se iniuste . Qui peccata nostra ipse pertulit in corpore suo super lignum , ut peccatis mortui , iustitiae viuamus . Sicut ergo nemo est credentium dilectissimi,cui dona neganda sint gratiae, ita nemo est,qui non sit Christianæ debitor disciplinæ , quia etsi remota est * iustitiae legis asperitas, voluntariæ tamen obseruantiae creuit utilitas,dicente Euangelista Ioanne: Quia lex per Mosen data est , gratia autem & veritas,per Iesum Christum facta est. Omnia enim quæ secundum legem, siue in circuncisione carnis , siue in diuersitatibus hostiarum , siue in sabbati obseruantia præcesserunt , Christum testificata , Christi sunt gratiam prælocuta. Et ipse est finis legis , non euacuando significations ipsius, sed implendo. Qui licet idem sit autor veterum , qui nouorum , figuratarum tamen promissionum sacramenta mutauit , quia promissa perfecit , & denunciationibus cessationem imposuit , quoniam denunciatus aduenit . In præceptis autem moralibus nulla prioris testamenti decreta reprobata , sed Euangelico magisterio multa sunt

Ioan. 1. 4

Rom. 10.

Præcepta
moralia
veteris le-
gis per
Christū
abrogata
non sunt.

aucta,

aucta, ut perfectiora & lucidiora essent dantia salutē, quā promittentia saluatorē. Omnia igitur, quae Dei filius ad reconciliatiōnem mundi & fecit & docuit, nō in historia tantum præteritarum actionum nouimus, sed etiam in præsentium operū virtute sentimus. Ipse est, qui de spiritu sancto ex matre æditus virgine, incontaminatam Ecclesiā suam eadem inspiratione fœcundat, ut per baptiſmatis partum, innumerabilis filiorum Dei multitudo dignatur, de quibus dicitur: Qui non ex sanguinibus, nec ex voluntate carnis, nec ex voluntate viri, sed ex Deo nati sunt. Ipse est in quo semen Abraham, totius mūdi adoptione benedicitur, & fit patriarcha gentiū pater, dum promissio-nis filij, fide, nō carne nascuntur. Ipse est, qui nullius gentis exceptionē faciens, de omni natione quae sub cœlo est, vnum sanctarum ouiu efficit gregū, & quotidie implet, quod promiserat, dicens: Habeo alias oues quae nō sunt ex hoc ouili, & illas oportet me ad-ducere, & vocem meā audient, & fiet vnum ouile, & unus pastor. Quamuis enim beato Petro principaliter dicat: Pasce oues meas, ab uno tamen domino, ipsa omnium regi-tur cura pastorum, & venientes ad petram tam lœtis tamq; irriguis pascuis alit, ut in-numeræ oues dilectionis pinguedine robo-rate, sicut bon⁹ pastor dignatus est pro ouibus suis animam ponere, ita & ipse non du-bitent pro nomine pastoris occumbere. Ipse est enim, cui non solum gloriosa martyrum

Ioann. 1.

Gene. 22.

Ioan. 10.

Ioann. 22.

Ioan. 10.

1. Ioan. 2.

DE PASSIONE DOMINI.

fortitudo, sed etiam omnium renascentium
fides in ipsa regeneratione cōpatitur . Dum
enim renunciatur diabolo, & creditur Deo,
dum in nouitatem à vetustate trāsitus, dum
terreni hominis imago deponitur, & cœle-
stis forma suscipitur, quædam species mor-
tis & quædam similitudo resurrectionis in-
teruenit, vt susceptus à Christo, Christumq;
suscipiens , non idem sit post lauacrum, qui
ante baptismum fuit, sed corpus regenerati,
sicut caro crucifixi. Hæc cōmutatio dilectissimi
dextræ excelsi est, qui operatur omnia
in omnibus, vt in singulis fidelibus, per bo-
næ conuersationis qualitatē, ipsum piorum
operum intelligamus autorē, gratias agen-
tes misericordiæ Dei, qui innumeris chari-
smatū donis ita vniuersum Ecclesię corpus
exornat, vt per multos vni^o luminis radios
idem vbiq; splendor appareat, nec possit ni-
si gloria esse Christi, cuiuslibet meritū Chri-
stiani. Hoc est illud verum lumen, quod om-
nem hominem iustificat & illustrat. Hoc est
illud , quod eruit de potestate tenebrarum,
& transfert in regnū filij Dei. Hoc est, quod
per nouitatem vitæ desideria animi proue-
hit, & concupiscétiā carnis extinguit . Hoc
est, quo pascha domini, in azymis syncerita-
tis & veritatis legitimè celebratur, dum fer-
mēto veteris malitiæ abiecto, noua creatu-
ra de ipso domino inebriatur & pascitur.
Nō enim aliud agit participatio corporis &
sanguinis Christi, quā vt in id , quod sumi-
mus transeamus, & in quo mortui & sepul-
ti &

Psal. 76.

1. Cor. 12.

Colof. 1.

1. Cor. 5.

Et & conresuscitati sumus, ipsum per omnia
& spiritu & carne gestemus, dicete Aposto- Colos.
lo: Mortui enim estis, & vita vestra abscon-
dita est cum Christo in Deo. Cum enim Chri-
stus apparuerit vita vestra, tunc & vos cum
Christo apparebitis in gloria, qui cum patre
& sancto spiritu viuit & regnat in secula se-
culorum, Amen.

Sermo XV. de passione domini.

De vera Christi humanitate, patientia in
morte, obsecratione Iudeorum, &
Manicheorum perfidia.

SErmonem dilectissimi de gloriofa domi-
ni nostri Iesu Christi paſſione promis-
sum, ita expectationi vestræ intelligo esse
reddendum, vt officium differendi, & fe-
ſto paſchali conueniat, & aufib[us] impij er-
roris occurrat. Qui enim Dei filium veram
noſtre carnis negant ſuſcepiffe naturam, ini-
mici ſunt fidei Christianæ, & Euangelicam
prædicationem nimis impudenter impu-
gnat, vt ſecūdū ipſos crux Christi, aut ſimi-
latio fuerit phantasmatis, aut ſuppliciū dei-
tatis. Quod à cordibus piorum longè eſt re-
pellēdum, quia catholica integritas, nec ma-
culam perfidiæ, nec rugam poſſet habere
mendacij, quæ vnū Christum, ſicut Deū, ſic
hominē cōfitetur, vt nec falſum hominem,
nec Deum dicat fuſſe paſſibilem. Quamuis

ergo

DE PASSIONE DOMINI.

Ioann. i.

ergo ab illo initio, quo in utero virginis verbum caro factum est, nihil unquam inter diuinum humanamque substantiam divisionis extiterit, & per omnia incrementa corporea unius personae fuerint totius temporis actiones, ea ipsa tamen, quae inseparabiliter facta sunt, nulla permixtione confundimus. Sed quod cuius naturae sit, ex operu qualitate sentimus: nec enim diuina humanis preiudicat, nec humana diuinis, cum ita in id ipsum utramque concurrat, ut in eis nec proprietas assumatur, nec persona geminetur. Trascursis igitur Iesu, quae passionem domini praecesserunt, quid documentorum habeat sacramentum paschale tractemus. Nam ex ardescente ad effectum sui sceleris saeculia Iudeorum, cum Deus esset in Christo mundum reconcilians sibi, nulla vis templo corporis eius, nisi ipse permitteret, potuisse inferri. Siquidem terribilis militum cohors illa, & a principibus & Pharisaeis cum gladiis & fustibus missa multitudo, ita una domini vocce percussa est, ut cum turbae dixissent Iesum esse querere Nazarenum, & ipse respondisset ego sum, nemo eorum subsisteret, sed omnes simul amissio membrorum officio, retrorsum acti elisque corruerent. In quo utique diuinam potestatis erat indicium, quae impiorum conatus, non armis contrarij, neque vilius creaturarum potentis auxilio, sed sola verbis virtute prosterneret. Quia vero saluando humano generi alterius operis ratio congruebat, nec posset sanguis Christi, precium credentium fieri, si redemptor se non sine-

Cor. 5.

Ioan. 18.
Potestiam
suam non
semper in
passione
Christi
voluit ostendere.

et com-

et comprehendendi , admisit in se impias manus , & cohibita est potentia deitatis , vt perueniret ad gloriam passionis . Cuius utique inanis fuisset species , & nulli profutura imago tolerantiae , nisi vera diuinitas veris se humanae carnis sensibus induisset : vt unus Dei atque hominis filius , aliunde intermerabilis , aliunde passibilis , mortale nostrum per suum immortale renouaret . Et ideo mœstitudine , ideo formidine non carebat , vt ad euincendas huius mundi perturbationes , non solus nos sacramento susceptionis , sed etiam exemplo fortitudinis roboraret . Nam iniusta videretur eius ad patientiam cohortatio , cui nulla esset in nostra infirmitate communio . Veras autem domini passiones Esaias propheta ipsius voce pronunciat : dicens : Dorsum meum dedi in flagella , & maxillas meas in palmas , vultum autem non auerti a confusione sputorum . Quod itaque verbi caro patiebatur , non verbi poena erat , sed carnis , cuius iniuriæ atque supplicia , etiam ad impassibilem redundabant , vt merito ei dicantur illata , quæ in ipsius sunt corpus admissa , dicente Apostolo : Si enim cognouissent , nunquam dominum gloriæ crucifixissent . Obsecrati enim Iudei malitia sua , in quod prorupissent facinus , nesciebant . Vnde misericors dominus Iesus , qui etiam interfactores suos vellet sua morte salvare , pro ignorantia saeuientium , de crucis altitudine supplicabat , dicens : Pater ignosce illis , quia nesciunt quid faciunt . Nec intellexerat .

Mat. 50.

1. Cor. 2.

Luc. 22.

DE PASSIONE DOMINI.

intellectu enim cordis, nec auditu auris, nec oculorum intuitu sentiebat, quem falsis testimonij appetissent, quem affigi patibulo coegissent, dum in corpore hominis non agnoscant substantiam deitatis. Viderunt humilem, & non adorauerunt universitatem autorem, nec intellexerunt potestatem iudicaturi, despicientes mansuetudinem iudicati: ut persequutores veri Dei, & negatores veri hominis, una impietas sociaret, dum servi formam in Christo, & Iudei aestimant solam, & heretici asserunt falsam. Dicant ergo isti phantastici Christiani, quae substantia saluatoris affixa sit ligno, que iacuerit in supulchro, & reuoluto monumeti lapide, que tertia die caro resurrexerit, vel quale corp⁹ Jesus discipulorum visui, clausis ad eos ostijs ingressus, intulerit, cum ad abigendum cernentium dissidentiam, inspici oculis, digitisque tractari, patentes adhuc fixuras clavorum, & recens compuncti lateris vulnus, excigerit. At si tanta in luce veritatis, tenebras suas heretica obduratio non relinquat, ostendat, unde sibi spem vitæ pollicantur æternæ, unde resurrectionis Christi se credant esse cōsortes. Non enim possunt cum Apostolo dicere: Christus resurrexit a mortuis, primiæ dormientium, quia non sunt primiæ hominum, si non sunt de humanæ stirpe naturæ. Qui enim primus hominum resurrexit, eius plenitudinis est portio, que precessit: & pie creditur hoc, quod est in capite inchoatum, in membris quoque esse compleendum.

Idan. 20.
Lucz 24.

1. Cor. 15.

Ibidem.

dum. Quia sicut in Adam omnes moriuntur. 1 Cor. 15.

tur, ita & in Christo omnes vivificabuntur. Amplectentes igitur dilectissimi, Christianæ spei unicum pignus, non diuellamur à compage corporis Christi, in quo habitat, sicut Apostolus ait, omnis plenitudo divinitatis corporaliter, & estis repleti in illo. Nam cum incorporea sit substantia Dei, quomodo corporaliter in Christo habitat, nisi quia caro nostri generis, facta est caro deitatis, & in illo sumus Deo repleti, in quo crucifixi, in quo sepulti, in quo sumus etiam suscitati, ut possimus cum Apostolo dicere: Nostra autem conuersatio in cœlis Philip. 3. est: Vnde etiam expectamus saluatorem dominum nostrum Iesum Christum, qui reformabit corpus humilitatis nostræ conforme fieri corpori gloriæ suæ, viuens & regnans cum patre & spiritu sancto in secula seculorum, Amen. Colos. 2.

Sermo XVI. de Passione domini.

*De passione Christi per prophetas prænuntiata,
Iudeorum inexcusabilitate, Iudeæ scelere
& Christi querela in cruce.*

Siempre quidem dilectissimi, fidelium mentes in diuinorum operum decet admiratione versari, & rationales animos ihs maximè cogitationibus inhærere, per quas incremētum fidei consequantur. Cum enim pia cordis intētio, vel ad generalia beneficia,

DE PASSIONE DOMINI.

neficia , vel ad specialia ipsius gratiæ dona
dirigitur , multas à se vanitates abigit , & à
corporalibus curis in quoddā secretum spi-
ritale secedit. Sed hoc in tempore dominice
passionis , multo auidius excellentiūq; faci-
endum eit , vt ea quæ sunt sacris lectionibus
recensita , sanq; intelligentiæ suscipiantur au-
ditu , & quæ magna sunt verbis , appareant
maiora mysterijs. Prima nancj erigendi sur-
sum nostri cordis est ratio , quod ea etiā , que
Euāgelica veritas enarravit , voces prophe-
ticæ non tanquā gerēda , sed tanquam gesta

Prophetæ locuti sunt futura ut praeterita .
Rom. 1. Matth. 1. cecinerunt. Et quod humanæ aures nondum cognouerant faciendū , iam spiritus sanctus prædicabat impletū. Nam rex Dauid , cuius secūdum hominē semen est Christus , diem crucis domini mille & plus quam centū annorū ætate præcessit , & nihil eorū suppliciorū , quæ sibi memorat illata , perpessus est. Sed q; per os eius ille loquebatur , qui carnem passibilem ex ipsius stirpe erat sumpturus , merito sub ipsius persona præmittitur historia crucis , qui in se gerebat corporæ originē saluatoris . Vere enim Dauid in Christo est passus , quia vere Iesus in Dauid carne est crucifixus. Cum ergo omnia , quæ in Christum Iudaica admisit impietas , tanto ante prædicta sint , vt nō tam de futuris quā de præsentibus propheticus sit sermo côte-
xtus , quid aliud nobis , quā sempiternarum dispositionū Dei incommutabilis ordo re-
seratur , apud quem , & discernēda iam dñi-
dicata , & futura iam facta sunt? Cum enim & qua-

qualitates actionum nostrarū, & effectus omnium voluntatum, sciētia diuina præueniat, quāto magis Deo nota sunt opera sua? Et rectē placuit, quasi facta recoli, quæ non poterant omnino nō fieri. Vnde & Apostoli spiritu Dei pleni, cum inimicorum Christi minas sœvitiamq; paterentur, concordi ad Deum voce dixerūt: Cōuenerunt enim ve- Act. 4.
rē in ciuitate ista aduersus puerum tuum Ie-
sum, quem vnxisti, Herodes & Pontius Pila-
tus cū gentibus & populis Israel facere, quæ
manus tua & consilium tuum decreuerunt
fieri. Nunquid iniquitas persequentium Christum ex Dei est orta consilio? & illud fa-
cinus quod omni maius est crimine, manus diuinæ præparationis armavit? Non hoc planè de summa iustitia sentiendum est,
quia multum diuersum multūmque contra-
rium est, id quod in malignitate Iudæorum est præcognitum, & quod in Christi est pas-
sione dispositum. Nō inde processit volun-
tas interficiendi, vnde moriendi, nec de vno
extitit spiritu atrocitas sceleris, & toleran-
tia redemptoris. Non enim impias furen-
tiū manus immisit in se dominus, sed admis-
it, nec præsciendo quod faciendum esset,
coegit vt fieret, cum tamen ad hoc carnem suscepisset, vt fieret. Denique inter crucifi-
xum & crucifigentes tam dispares causæ sunt, vt quod à Christo susceptū est, nō pos-
sit resolui, quod ab illis commissum, possit
aboliri. Qui enī venit peccatores saluos fa- Math. 9.
cere, nec ipsis quidem interactoribus suis

Iudæi in-
excusabili-
les in pas-
sione chri-
sti.

DE PASSIONE DOMINI

misericordiā denegauit, sed impiorum malū, in bonum creditum commutauit: ut mirabilior fieret gratia Dei, non secundum merita hominū, sed secundū multitudinem diuitiarum sapientiæ & scientiæ Dei misericorditer præparata, quando & ipsos qui fuderant sanguinem saluatoris, reciperet vnda baptismatis. Nā sicut scriptura, quę Apostolorum actus cōtinet, loquitur: Cum prædicatio beati Petri Apostoli, Iudæorum corda compungeret, & agnita impietati sui sceleris dicerent, quid faciemus viři fratres? idē Apostolus ait: Pœnitētiā agite, & baptizetur vnuſquisque vestrum in nomine Iesu Christi in remissionē peccatorū vestrorum, & accipietis donum spiritus sancti. Vobis est enī facta repromissio & filijs vestris, & omnibus qui lōgē sunt, quoscūq; adorauerit dominus Deus noster. Moxq; addidit scriptura, & dixit: Qui ergo receperunt sermonem eius, baptizati sunt, & appositæ sunt in illo die animæ circiter tria milia. Quod itaq; dominus Iesus Christus furorem frementium pati voluit, in nullo autor eorum criminum fuit. Nec egit, vt hęc vellēt, sed cessit, vt possent, & hic usus est obcecatæ plebis insanias, quomodo & perfidia traditoris, quę ab immanitate concepti sceleris, & beneficj̄ est reuocare dignatus & verbis, assumendo in discipulum, prouehendo in Apostolū, monendo signis, consecrando mysterijs, vt cui nihil benevolentię deesset ad correctionem, nihil occasionis supereret ad crimen. Sed tu imp̄issi.

A&t.2.

Ibidem.

Imp̄issime homo, semen Chanaan & nō Iuda, nec iā vas electionis, sed filius perditionis & mortis, vtiliora tibi diaboli incitamenta credebas: vt facibus inflāmatus avaritiæ, ad triginta argenteorum lucrum inardesceres, & quid diuitiarū amitteres, non videres. Nam etsi putabas credendum esse promissis, quæ fuit ratio, vt tantillus pecunia modus præponeretur acceptis? Imperabas dæmonijs, & medebaris infirmis, honorabarī cum Apostolis, & vt finem tuę cupiditatis expleres, patebant tibi furta de loculis. Sed animum interdictorū admonitum, quod min⁹ licuit, amplius incitauit, nec tam placuit quantitas precij, quam magnitudo peccati. Vnde facinus commercij tui nō ideo detestandum est, quia dominum viliter æstimasti, sed quia redemptorem etiam tuum, ne tibi parceres, vēdidisti. Et meritò tibi tua pœna est commissa, quia in supplicium tuum nemo te sæuior potuit inueniri. Quod igitur in tempore præstituto, secundum propositum voluntatis suæ Iesus Christus crucifixus & mortuus & sepultus est, non propriæ conditionis necessitas, sed nostrę captiuitatis redemptio fuit. Ideo enim verbū caro factum est, vt de vtero virginis sumeretur natura passibilis, & quod in filium Dei perpetrari non potuit, in filiū hominis posset admitti. Nam licet in ipso ortu coruscarent in eo signa deitatis, & omnia incrementa corporalium prouectuum diuinis essent plena miraculis: infirmitatum tamen no-

Daniel. 13

DE PASSIONE DOMINI.

strarum suscepserat veritatem , & excepta communione peccati,nihil à se humanæ infirmitatis excluserat, vt & sua nobis inserret,& in se nostra curaret. Ab omnipotenti enim medico duplex nobis miseris remedium præparatū est, cuius aliud est in sacramento,aliud in exemplo, vt per vnum conferantur diuina , per aliud erigantur humana. Quia sicut Deus iustificationis est autor, ita homo deuotionis est debitor. Per hāc ergo dilectissimi salutis nostræ ineffabilē reparationem,nec superbiæ nobis,nec desidiæ locus relinquitur , quia nihil habemus , nisi quod accepimus, & iugiter admonemur, vt dona gratiæ Dei, nō negligēter habeamus.

1.Cor.4.

Ioan.4.

Psal.23.

Rom.8.

Iustè enī nobis instat precepto,qui præcurrit auxilio , & benignè incitat ad obedientiam, qui ducit ad gloriam.Vnde meritò dominus ipse nobis factus est via , quia nisi per Christum non itur ad Christū . Per ipsum autem ad ipsum tendit, qui per semitam patientiæ & humilitatis eius incedit, in quo planè itinere,nec ęstus deest laboris,nec nubes tristitiae,nec procella formidinis.Ibi sunt insidiæ iniquorum,persecutiones infidelium, minæ potentium,cōtumeliæ superborum,que dominus virtutum & rex glorię ideo omnia in infirmitatis nostrę forma,& in carnis peccati similitudine percurrit , vt inter præsentis vitæ pericula, non tam optandum sit nobis declinando ista effugere, quam tolerādo superare.Inde est, quod caput nostrum dominus Iesus Christus,omnia in se corporis membra trans-

bra transformans, quod olim in psalmo eru-
 ctauerat, id in supplicio crucis sub redépto-
 rum suorum voce clamabat: Deus Deus Psal. 22.
 meus respice in me, quare me dereliquisti?
 Vox ista dilectissimi doctrina est, nō quere-
 la. Nam cum in Christo, Dei & hominis vna
 persona sit, nec ab eo potuerit reliqui, à quo
 non poterat separari, pro nobis trepidis &
 infirmis interrogat, cur caro pati metuens
 exaudita non fuerit. Instante enim passione,
 ad sanandum & corrigendum nostræ fragi-
 litatis metum dixerat: Pater si possibile est, Matth. 26
 tráseat calix iste à me. Veruntamē non sicut
 ego volo, sed sicut tu. Et iterū: Pater si non
 potest hic calix transire, nisi bibam illum,
 fiat voluntas tua. Qui ergo trepidatione
 carnis euicta, iam ad paternam transierat
 voluntatem, & toto mortis terrore calcato,
 opus suæ constitutionis implebat, cur in
 ipso tantæ victoriæ exaltatus triūpho, cau-
 sam & rationem, qua sit relictus, id est, non
 exauditus, inquirit, nisi vt ostendat alium
 esse illum affectū, quem ad humanæ formi-
 dinis excusationē recepit, aliū illum, quem
 ex æterno placito patris pro mundi reconcili-
 atione præelegit? Vnde ipsa vox non exau-
 di, magni est expositio sacramēti, quod nī-
 hil humano generi conferret redemptoris
 potestas, si quod petebat, nostra obtineret
 infirmitas. Hæc hodie dilectissimi, ne vos
 prolixitate sermonis oneremus, dicta suffi-
 ciant. Cætera in quartā sabbati differamus.
 Aderit dominus oratibus nobis, vt qui sol-

DE PASSIONE DOMINI.

uenda promittimus , ipso largiente reddamus , qui viuit & regnat in secula seculorū , Amen.

Sermo XVII. de passione domini.

*De vera Christi diuinitate ac humanitate , &
clamore eius in cruce , fideque
Centurionis.*

Psal. Sermo proximus dilectissimi , cuius vobis promissam restituere cupimus portionem , in id differendiratione processerat , vt de illa clamantis ad patrem crucifixi domini voce loqueremur , ne simplex & incuriosus auditor ita acciperet verba dicentis : Deus meus Deus meus , quare me dereliquisti ? tanquam fixo Iesu in crucis ligno , paternæ ab eo deitatis omnipotentia recessisset , cum in tantam unitatem Dei & hominis natura conuenerit , vt nec supplicio potuerit dirimi , nec morte disiungi . Manente enim in sua proprietate utraque substantia , nec Deus reliquit sui corporis passionem , nec Deum fecit caro passibilem , quia diuinitas quæ erat in dolente , non erat in dolore . Vnde secundum verbi hominisq personam , idem est , qui factus est inter omnia , & per quem facta sunt omnia . Idem est , qui impiorum manibus comprehenditur ; & qui nullo fine concluditur . Idem est , qui clavis configitur , & qui nullo dolore saucia-

sauciatur? Idem postremo est , qui mortem
 subiit, & sempitern⁹ esse nō desijt, vt vtrūq;
 signis non dubijs manifestetur , quod vera
 sit in Christo humilitas , & vera maiestas,
 quia ideo se humanæ infirmitati virtus di-
 uina conseruit , vt dum Deus sua facit esse,
 quæ nostra sunt, nostra faceret esse , quæ sua
 sunt . Non ergo aberat à patre filius , nec à
 filio pater, & illa deitas incommutabilis &
 inseparabilis Trinitas , nihil sui poterat à se
 habere discretum . Quamuis enim suscep-
 ptæ incarnationis dispensatio , ad vnigeni-
 tum Dei filium propriè pertineret, sic ta-
 men pater non abiungebatur à filio, quem-
 admodum caro non diuidebatur à verbo.
 Ideo ergo Iesus voce magna clamabat di-
 cens , quare me dereliquisti ? vt notum om-
 nibus faceret , quare oportuerit eum non
 erui, non defendi , sed sœuientium manibus
 derelinqui , hoc est , saluatorem mundi sie-
 ri , & omnium hominum redemptorem,
 non per miseriam , sed per misericordiam,
 nec amissione auxilij , sed definitione mori-
 triedi . Quę vero illic vitę intercessio sentien-
 da est, vbi anima & potestate est emissa , &
 potestate reuocata? Dicit enim beatus Apo-
 stolus, quod pater filio non pepercit, sed pro
 nobis omnibus tradidit eum. Et iterum di-
 cit: Quoniam Christus dilexit Ecclesiam , &
 semetipsum tradidit pro ea, vt eam sanctifi-
 caret. Vnde tradi dominum passioni, tā fuit
 paternæ quām ipsius voluntatis , Ut enim
 non solū pater relinqueret, sed etiam ipse se

Quur
 Christus
 clamaue-
 rī in cru-
 ce.
 Matth. 27

Rom. 8.
 Ephes. 5.

DE PASSIONE DOMINI.

quadā ratione desereret, non trepida discē-
sione, sed volūtaria cessione. Cōtinuit enim
se ab impījs crucifixi potestas , & vt disposi-
tione vteretur occulta, vti noluit virtute ma-
nifesta. Nam qui mortē & mortis authorem
sua venerat passione destruere , quomodo
peccatores saluos faceret, si persecutoribus
repugnaret. Iudæorum igitur hoc fuerat di-
lectissimi, vt Iesum crederēt à Deo relictū,
in quem tanto scelere sœuire potuissent, qui
sacramentum mirabilis patientiæ nesciētes,
Matth. 27 sacrilega elusione dicebant : Alios saluos fe-
cit, seipsum non potest saluum facere. Si rex
Israel est, descendat nunc de cruce, & credi-
mus ei. Non vestræ cæcitatis arbitrio, stulti
scribæ & impīj sacerdotes, ostēdēda erat po-
tētia saluatoris, nec secundū preces blasphem-
antiū linguarū humani generis redemptio
debebat omitti, cum si deitatē filij voluisse-
tis agnoscere, innumera opera ei^o videretis,
quę vos ad eā, quā fallaciter promittitis fidē,
confirmare debuerint . Si autē, vt ipsi profi-
temini, verū est, quod alios saluos fecit, cur
illa tot & tāta miracula, quę sub publico fa-
cta sunt cōspectu, i nullo cordis vestri duri-
tiam molierunt, nisi quia ita semper sancto
spiritui restitistis , vt omnia vobis beneficia
Dei in perniciem verteretis ? Nam etiam si
descēderet Christus de cruce, vos tamē hæ-
raretis in crimine. Spreta ergo sunt vanæ in-
sultationis opprobria, & misericordiam do-
mini perdita & collapsa reparatē, nullę con-
tumeliæ, nulla conuitia à sui via propositi
remoue-

mouerūt. Offerebatur enim Deo pro salute mundi, hostia singularis, & occisio Christi veri agni per tot secula prædicata, pmissio-
nis filios in libertatē fidei trāsferebat. Con- Hebr.9.
firmabatur quoq; testamentum nouum, &
Christi sanguine æterni regni scribebantur
hæredes. Ingrediebatur summ⁹ pōtifex san-
cta sanctorum, & ad exorandum Deum im-
maculatus sacerdos per velū suæ carnis in-
trabat. Deniq; adeò tunc à lege ad Euange- Veli tem-
lium, à synagoga ad Ecclesiā, à multis sacri- pli myile-
ficijs ad vnam hostiā, quæ Deus est, euidens rum.
est facta translatio: vt emittente spiritū do- Matth.27
mino, velum illud mysticū, quod templi pe-
netralia sanctumq; secretum suo interclude-
bat obiectu, à summo vsc⁹ ad imum vi subi-
ta scinderetur. Quoniā figuras veritas aufe-
rebat, & superflui erant nuncij sub præsen-
tia nunciati. Adijciebatur ijs elementorum
omnium tremēda commotio, & autoribus
crucis Christi, ipsa se naturæ officia subtra-
hebāt. Cumq; custos supplicij Centurio ter- Centurio
ritus ijs quæ viderat, diceret: Vere filius Dei
erat homo iste, impietatē tamē Iudaicā, mo-
numētis & petris oībus duriorē, nulla pro-
ditur mitigasse cōpunctio, vt appareat para-
tiores ad intelligendum filiū Dei tunc fuisse
Romanos milites, quā Israeliticos sacerdo-
tes. Quia ergo Iudei omniū sacramentorum
sanctificatione priuati, lucem sibi in tene-
bras, & in luctum festa verterunt, nos dile-
ctissimi effusam super oēs gétes gratiā Dei,
procliibus corporibus atq; animis adore-

DE PASSIONE DOMINI.

mus, obsecrantes misericordem patrem & diuitem redemptorem, vt de die in diē, auxilio eius adiuti, omnia huius vitæ pericula possimus effugere. Adeat enim callid⁹ vbiq⁹ tentator, & nihil vacuū à suis relinquit insidijs. Cui auxiliante misericordia, quæ nobis inter omnia aduersa prætenditur, fidelis semper est constantia resistendum, vt quamuis impugnare non desinat, neminem tamen, quem expugnet, inueniat. Pro sint omnibus dilectissimi, religiosè celebrata ieiunia, & continentiae vtilitas, quam & animis & corporibus probauimus congruentem, nullis corrumpatur excessibus. Quæ enim ad sobrietatem & parsimoniam pertinent, ideo diligentius in ijs sunt celebrata diebus, vt de breui studio in lōgam consuetudinem mitterentur, & siue in operibus misericordiæ, siue in studio parsimoniae, nullum à fidelibus vacuum tempus habeatur, quoniam vtique in accessu dierum & cursu temporum, lucra debemus facere operum, non damna meritorum. Pijs autem studijs & religiosis animis aderit misericordia Dei, vt quod fecit concupisci, faciat obtineri: qui viuit & regnat in secula seculorum, Amen.

Sermo XVIII. de Passione domini.

De figuris veteris testamenti in passione domini referatis, & sacramento redemptionis humani generis

generis diabolo & Iudeis abscondito,
ac de vitandis hæreticorum
colloquijs.

Magnitudo quidem dilectissimi inef-
fabilis sacramenti, ita humanæ in-
telligentiæ altitudinem, & totius vin-
cet eloquij facultatem, vt & excellentissi-
mis ingenij, & facundissimis linguis, sub-
limior sit triumphus dominicæ passio-
nis. Sed gaudendum nobis potius quam
erubescendum est, quod tantæ superamur
materiæ dignitate, de qua nemo humilius
sensit, quam qui putauit non suffecisse, quæ
dixit. Non ergo superfluo prædicamus, nec
de rebus diuinis loquenti, carnalium au-
rium sunt timenda fastidia, tanquam de-
spectui sint futura, quia crebro cognoscun-
tur iterata, cum hoc maximè ad Christianæ
fidei pertineat soliditatem, vt secundum
Apostolicam doctrinam idipsum prædice-
mus omnes, & simus perfecti in eodem
sensu, & in eadem scientia. Infidelitas quip-
pe, quæ omnium est mater errorum, in mul-
tas opiniones, quas arte dicendi necesse
habeat colorare, distrahitur. Veritatis au-
tem testificatio, nunquam à sua luce disce-
dit, & quod alijs minus, alijs amplius micat,
nō varietas facit luminis, sed infirmitas con-
templationis. Cui secundū supernæ illumina-
tionis auxilium, etiam meo sermone fa-
mulandum est, vt quoniam Dei agricultu-
ra, Dei ædificatio estis, ipse & dispensanti &
accipi-

1. Cor. 1.

1. Cor. 3.

DE PASSIONE DOMINI.

accipiēti tribuat sufficientiam, qui largitio-
num suarū iustum exigere nouit usurā. De-
curso igitur dilectissimi textu Euāgelice le-
ctionis, quā de gloria crucis Christi intento
aceperistis auditu, oīa vobis diuinorum elo-
quiorū mysteria patefacta sentite, & quic-
quid sub propheticis testificationibus um-
bra veteris testamēti velabat, in sacramēto
passionis dominicē manifestum esse gaude-
te. Ideo enim sacrificiorū varietates, & pu-
rificationū differētiæ destiterunt, ideo man-
datū circuncisionis, ciborū discretio, ocium
sabbati, & paschalis agni cessauit occisio,
quia lex per Mosen data est, gratia autem &
veritas per Iesum Christū facta est. Præces-
serūt figuræ, vt sequeretur effectus, & in ad-
uentu rerum nunciatarum, finita sunt offi-
cia nunciorum, sic reconciliatione humani
generis temperata, vt salus quæ in Christo
est, nullis seculis sub eadē iustificatione de-
fuerit, & ad hoc dilationū profecerit ratio,
vt quę diu credita sunt, antequam fierēt, in-
cunctanter honorarentur. Nam cum virtus

Hebr. ii.
fidei, in ihs quæ visui non subiacent, consti-
tuta sit, indulgentius nobiscum egit doctri-
na coelestis, quos in hæc mundi tempora
distulit ad intelligentiæ facultatem, vt mul-
to pluribus quam priores, & vatibus vte-
remur, & testibus. Quod ergo nobis de
passione domini Iesu Christi, sacra & digi-
to Dei scripta Euangelia protestantur, si-
ne nubilo hæsitationis accipite, & rerum
gestarum ordinem tam habetote manife-
stum,

Itum, quām si omnia corporeo & visu attin-
geretis & tactu . Vera in Christo deitas , &
vera credatur humanitas. Ipse est caro , qui
verbum , & sicut vnius cum patre substanc-
tiæ, ita vnius cū matre naturæ. Nō gemina-
tus persona, nō confusus essentia, potestate
impassibilis, humilitate mortalis, sed vtracq
sic vtens, vt & virtus glorificare posset infir-
mitatem, & infirmitas non valeret obscura-
re virtutē. Comprehendi se à persecutori-
bus patitur, qui continent mūdum, & eorum
manibus necititur, quorum corde non capi-
tur. Iustitia nō resistit iniustis , & cedit veri-
tas testimonij falsitatis, vt manēs in forma
Dei , formam impleret serui , & veritatem
corporeæ nativitatis cōfirmaret sequitia cor-
poreæ passionis . Sed hanc vnigenito Dei Rom. 8.
subire & perpeti, nō cōditio necessitatis, sed
misericordiæ ratio fuit, vt de peccato dāna-
ret peccatum, & diaboli opus de opere dia-
boli solueretur. Inimic⁹ enim humani gene-
ris mortificatæ in ipsa origine vniuersitatí
letale vulnus intulerat, nec poterat declina-
re ius ferreū dediticij seminis, captiua proge-
nies. Vnde cū in tot generationibus morta-
li sibi lege subiectis, vnum videret inter ho-
minū filios , cuius virtutē super omnes to-
tius temporis sanctos miraretur, excellere,
securum se fore credidit de perpetuitate sui
iuris, si nulla iustitiæ merita sequē potuissent
superare vim mortis . Famulis itaq suis &
stipendiarijs vehementius incitatis, in præ-
iudiciū suum sequit, & dum putat aliquid sibi
debere,

DE PASSIONE DOMINI.

debere, quem potuisset occidere, nō vidit libertatem singularis innocentiae, similitudinem persequendo naturae. Non autem errabat in genere, sed fallebatur in crimen. Adā enim primus & Adam secūdus, vnum erant carne, non opere , & in illo omnes moriuntur, in isto omnes viuificabūtur. Ille per superbiæ cupiditatem iter fecit ad miseriam, hic per humilitatis fortitudinē viam parauit ad gloriā. Vnde ipse dicit: Ego sum via, veritas & vita. Via scilicet in forma cōuer-sationis iuste, veritas in expectatiōe rei certæ , vita in perceptione felicitatis æternæ. Hoc magnæ pietatis sacramentū dilectissimi, sicut Iudaica impietas , ita diabolica superbia nesciebat. Si enī cognouissent, nunq̄ dominū gloriæ crucifixissent . Sed quia hostem humani generis latebat consiliū misericordiæ Dei : & opposito carnis velamine, Deus in Christo mundū reconcilians, tegebatur , perstigit in eum furere , in quo nihil suum poterat inuenire. Nam & malignitatī ei⁹ hoc magis potuisset prodeſſe, si parceret, & ſe ab effuſione eius ſanguinis abſtineret, per quem omnium ſoluēda erat captiuitas, & reparanda libertas. Sed lucē tenebrę non comprehendērunt, nec mendax cęcitas ſapi-entiam veritatis potuit inspicere . Tenuit itaq̄ disposita mansuetudo patientiā, & co-hibita famulatiū ſibi angelicarum virtute legionum, hauiſit calicem doloris & mortis, totumq̄ ſupplicium tranſtulit in triumphum. Victi ſunt errores, ſubacte ſunt potes-

1. Cor. 15.

Ioan. 14.
Sacramen-tum re-demptio-nis huma-næ latuit diabolum
& Iu-dæos.
1. Cor. 2.
2. Cor.
Ioan. 14.

Ioan. 1.

states, accipit nouum mundus exordium,
vt damnata generatio non obesset, quibus 2. Cor.
saluandis regeneratio subueniret. Transie-
runt vetera, & ecce facta sunt omnia noua,
vt vniuersorum in Christo credentium, &
in sancto spiritu renatorū, per ipsum & cum
ipso vna esset passionis societas, & resurre-
ctionis æternitas, dicēte Apostolo: Mortui Colos. 5.
enim estis, & vita vestra abscondita est cum
Christo in Deo. Cum autē Christus appa-
ruerit vita vestra, tunc & vos apparebitis
cum ipso in gloria. In hac igitur spe dilectissimi
constituti, omnes diaboli cauete versu-
tias, qui nō solū per carnis concupiscentias,
& per corporeas tantum insidiatur illece-
bras: sed inter ipsa quoq; semina fidei, spar-
gés zizania falsitatum, veritatis studet vio-
lare culturā, vt quos non potuerit corrum-
pere malis actibus, impījs subuertat errori-
bus. Fugite ergo mundanæ argumenta do-
ctrinæ, & vipera hæreticorum vitate collo-
quia. Nihil vobis commune sit cum eis, qui
catholice aduersantes ridei, solo sunt nomi-
ne Christiani. Non enim templum spiritus
Dei, nec membra sunt Christi, sed falsis op-
inionibus implicati, tot species habent dia-
boli, quod simulachra mendacij. A quibus
malis per dominum Iesum Christum, qui & Ioh.
via & veritas & vita est, liberati, omnes
vitæ istius tentationes & prælia cum fidei
exultatione toleremus. Si enim compati- Rom. 8.
mur, & conregnabimus. Quod præmium
non eis tātum paratum est qui pro nomi-
ne do-

DE PASSIONE DOMINI.

ne domini impiorum sequitiae sunt pereempti, quoniam vniuersitas Deo seruientium Deoq; viuentium, sicut in Christo est crucifixi, ita est in Christo coronanda: illis quidem in omni gloria praecellentibus, qui terribiles mortes & sequa tormenta, vsq; ad exhalationem spiritus tolerando superauerunt, sed etiam hys subsequentibus, qui avaritię cupiditate, superbię elatione, desideriaq; luxurię, carnis sue mortificatione vicerunt. Vnde merito

2. Tim. 3. Apostolus ait, quod oes, qui pie volunt viuere in Christo, persequotionem patientur. Cuius utiq; non est extraneus qui non

1. Cor. 5. est pietatis alienus. Paschalem enim festivitatem solenniter agit, qui non in fermento vteris malitię, sed in azymis synceritatis & veritatis operatur. Nec in Adam primo, sed

Philip. in Adam viuit secundo, membrum scilicet

1. Tim. 2. factū corporis Christi, qui cum esset in forma Dei, forma servi dignatus est fieri, vt in vno mediatore Dei & hominū homine Iesu Christo, & plenitudo maiestatis diuinæ, & veritas naturæ esset humanæ. Quā nisi verbi diuinitas in suæ personæ * recipere vnitatem, nec regeneratio esset in aqua baptismatis, nec redēptio in sanguine passionis.

Sed quia in sacramento incarnationis Christi, nihil falsum, nihil accepimus figuratum, non frustra nos & cum moriente mortuos, & cum resurgente credimus suscitatos, manente ipso in nobis, qui operatur omnia in omnibus, viuens cum patre & sancto spiritu, regnansq; in secula seculorum, Amen.

* adsum
plisset

Sermo

Sermo XI X. De passione domini.

*De incomprehensibili humani generis sacramento,
de diaboli insidijs ac potestate, & de
Christi cruce ferenda.*

SAcram dilectissimi dominice passionis historiam Euangelica, ut moris est, narratione decursam, ita omnium vestrum arbitror inhæsisse pectoribus, ut vnicuique audientium, ipsa lectio, quædam facta sit visio. Habet enim hanc potentiam fides vera, ut ab ihs mente non desit, quibus corporalis præsentia interesse non potuit, & siue in præteritum redeat, siue in futurum se cor credentis extendat, nullas sentiat moras temporis, cognitio veritatis. Adeo ergo sensibus nostris imago rerum pro nostra salute gestarum, & quicquid tunc discipulorum perstrinxit animos, nostros quoq; tangit affectus, non quod aut tristitia deprimatur, aut sæuitia furentium Iudeorum terreamur, cū etiam eos, quos illius tempestatis magnitudo concussit, ad inuidiam constantiam resurrectio domini ascensiōque prouexerit. Sed quia cum in cogitationem venit, quales tūc Hierusalem populi, & quales fuerint sacerdotes, magno accipiamus cum tremore mentium, tantum facinus impiorum. Quamuis enim ad salutem humani generis pertineret passio saluatoris, & æternæ mortis vincula temporali sint dominī dirupta morte, aliud tamen crucifixi patientia, aliud

DE PASSIONE DOMINI

tia, aliud crucifigentium egit insania, nec ad eosdē rerum exitus misericordia & ira tendebat, cum per eiusdem sanguinis effusione Christus solueret mundi captiuitatem, Iudæi interficerent omnium redemptorem. Obdurauit enim carnalem Israel malignitas sua, & nihil ei legis testificatio, nihil mysteriorum imagines, nihil prophetarum oracula profuerunt: cum pascha domini tot seculis celebratum, in eo Ioannes doceret implementum, de quo publica protestatione dicebat: Ecce agnus Dei, ecce qui tollit peccata mundi. Repugnat iniquitas iustitiae, cæcitas luci, mendacium veritati, sed de saevitia obductantium de scelere crudelium obtinuit Iesus æternæ dispositionis effectum, & ita humano generi sua morte consuluit, ut sacramentum salutis, etiam ipsis persecutoribus non negaret. Qui venerat vniuersis credentibus omnia peccata dimittere, à generali indulgentia nec Iudaicum voluit crimen excludere. Quorum itaque perfidiam detestamur, eorundem fidem, si conuertantur, amplectimur, & imitantes misericordiam domini, qui pro eis, à quibus erat crucifixus, orabat: nos quoque cum beato Paulo Apostolo nostras iungimus preces, & ut ille populus misericordiam consequatur, optamus, ob cuius offensionem, gratiam reconciliationis accepimus. Quoniam sicut ait magister gentium: Conclusit Deus omnia in incredulitate, ut omnium misereatur. Quid autem illud fuit, quod & Iudæis intellexum

Rom. II.

fectum abstulit, & sapientium mundi corda turbauit, nisi crux filij Dei, quæ & philosophiam euanescere prudentium, & Israelitam fecit caligare doctrinam? Omnem namque sensum humanæ mentis excessit diuini altitudo consilij, complacuit Deo per stultitiam prædicationis saluos facere credentes, vt mirabilior fieret constantia fidei ex difficultate credendi. Inconsequens enim & irrationabile videbatur, recipere animo, quod creatorem omnium naturarum, in substantia veri hominis, virgo intemerata peperisset, quod æqualis patri filius Dei, qui impletet omnia, & contineret vniuersa, furētum manibus comprehendendi, iniquorum iudicio cōdemnari, & post * dedecus illusionū, cruci se permisisset affigi. Sed in ihs omnibus simul sunt, & humilitas hominis, & celsitudo deitatis, nec misericordiæ ratio maiestatem miserētis obscurat: quia de ineffabili potētia factum est, vt cū homo verus est in Deo inviolabili, & Deus verus est in carne passibili, cōferretur homini gloria per cōtumeliam, incorruptio per suppliciū, vita per mortem. Nisi enī verbū caro fieret, & tam solida consideret vnitas in vtracque natura, vt à suscipiente susceptā, nec ipsum breue mortis tēpus abiungeret, nūque valeret ad æternitatē redire mortalitas. Sed adfuit nobis ī Christo singulare præsidiū, vt in natura passibili, mortis cōditio non maneret quam impassibilis essentia recepisset, & per id quod nō poterat mori, posset id: ^{et}od mortuum erat suscita-

DE PASSIONE DOMINI.
ri. Huic sacramento dilectissimi vt insepara-
biliter congruamus , magna nobis & animi
& corporis intentione nitendum est, vt cum
grauiissimi sit periculi festum paschale ne-
gligere , periculosius sit Ecclesiasticis quidē
conuētibus iungi, sed in dominicæ passionis
consortio non haberet. Nam dicēte domino:

Matth. 10. Qui non accipit crucem suā & sequitur me,
Rom. 8. non est me dignus : Et dicente Apostolo: Si
compatimur , & conregnabimus : quis ve-
re Christum passum, mortuum & resuscita-
tum colit, nisi qui cum ipso patitur, moritur
& resurgit ? Et hæc quidē in omnibus Ec-
clesiæ filijs ipso iam regenerationis sunt
inchoata mysterio, vbi peccati interitus, vi-
ta est renascētis, & triduanam domini mor-
tem imitatur trina dimersio , vt dimoto
quodam aggere sepulturæ, quos veteres su-
scipit sinus fontis, eosdem nouos ædat vnda
baptismatis. Sed implésum est nihilo minus
opere, quod celebratum est sacramēto, & na-
tis de spiritu sancto, quantumcunq; supereft
mundani temporis, nō sine crucis suscep-
tione ducēdum est. Quamuis enim forti & cru-
deli tyranno per potētiam crucis Christi va-
sa antiquæ depredationis erepta sint , & do-
minatio principis mundi à redemptorum sit
eiecta corporibus: insidiari tamen etiam iu-
stificatis eadē malignitas perseuerat, & mul-
tis modis eos , in quibus non regnat , im-
pugnat , vt si quas animas negligentes im-
prudentēs repererit, sequioribus eas laqueis
tursum innectat, & à paradiſo Ecclesiæ ra-
ptas, in

Lux 11.

SERMO XIX.

ptas, in consortium suæ damnationis indu-
 cat. Vnde cum quispiā obseruantię Christia-
 næ se limitem sentit excedere, & in id cupi-
 ditates suas tendere, quod eū à recto itinere
 faciat declinare: recurrat ad crucē domini, &
 ligno vītæ, motus noxiæ volūtatis adfigat,
 ac voce prophetica ad dominū clamet, & di-
 cat. Confige clavis timoris tui carnes meas, Psal. 118.
 à iudicij enim tuis timui. Quid autē est cla-
 uis timoris Dei carnes habere confixas, nisi
 corporeos sensus ab illecebra illiciti deside-
 rij sub metu diuini continere iudicij, vt qui
 resistit peccato, & concupiscentias suas, ne Galat. 6.
 quid morte dignum operetur, interficit, au-
 deat cū Apostolo dicere: Mihi autem absit
 gloriari, nisi in cruce domini nostri Iesu
 Christi, per quem mihi mundus crucifixus
 est, & ego mūdo. Ibi ergo se cōstituat Chri-
 stianus, quo eum secum sustulit Christus,
 & ad id dirigat omnem viam suam, vbi scit
 humanam saluatam esse naturam. Passio
 enim domini usque ad finem producitur
 mundi, & sicut in sanctis suis ipse honora-
 tur, ipse diligitur, & in pauperibus ipse pa-
 scitur, ipse vestitur: ita in omnibus, qui pro
 iustitia, aduersa tolerant, ipse compatitur,
 nisi fortè æstimandum est, multiplicata per
 orbem fide, rarescente impiorum numero,
 omnes perseguitiones, & omnia, quæ ad-
 uersus beatos martyres sœuierunt, finita
 esse certamina, tanquam suscipienda crucis
 illis tantū necessitas incubuerit, quibus ad
 expugnandam Christi dilectionem atrocis-

DE PASSIONE DOMINI.

līma sunt illata supplicia. Sed aliud seruientium Deo pietas experitur, aliud etiā Apostoli prædicatio protestatur, qui dicit : Omnes qui piè volūt viuere in Christo Iesu, persecutionem patiuntur . Qua sententia nimis trepidus & segnis ostendit, qui nulla persequitione pulsatur . Pacem enim cum hoc mundo nisi amatores mundi habere nō pos-
sunt, & nulla vnquam iniquitati cū æquitate communio, nulla mendacio cum veritate concordia, nullus est tenebris cum luce consensus. Quia etiam si pietas bonorum cupiat malos corrigi, cōuerisionemq; multorum per gratiā Dei miserentis obtineat, malignorum tamen spirituū aduersus sanctos insidię non quiescunt , & siue occulto dolo , siue aperto prælio, in omnibus fidelibus propositū bonae voluntatis infestant. Inimicum autem il- lis est, omne quod rectū, omne quod castum est. Et cum eis nihil in quēquam amplius li- ceat, quām iustitia diuina promiserit , quæ dignatur suos aut corrigere disciplina , aut exercere patientia, agunt tamē versutissima arte fallaciæ, vt ex arbitrio propriæ potesta- tis, aut ledere videantur, aut parcere: & mul- tis, quod dolendum est, ita per nequitiam si- mulationis illudunt, vt quidē illos & timeāt pati infensos, & velint habere placatos, cum beneficia dæmonum omnibus sint nocētio- ra vulneribus, quia tutius est homini, inimi- citiā diaboli meruisse quām pacem. Sapien- tes itaq; animi, qui vnum timere, vnum dili- gere, & in vnum sperare didicerunt, mortifi- catis cu-

catis cupiditatib⁹, & crucifixis corporis sen-
tibus, ad nullum hostiū metum, ad nullum
inclinantur obsequium. Voluntatem enim
Dei etiam sibi præferunt: & tanto amplius
se amant, quanto amplius pro Dei amore se
non amant. Cūq; audiunt sibi diuinitus dici, Ecclī 18.
post concupiscētias tuas nō eas, & à volun-
tate tua auertere, diuidunt affectus suos, &
legē mētis à corporis lege discindunt, vt ex
quadam se parte sibi denegent, perdentes se
in ihs, quæ carnaliter cupiunt, & inuenientes
se in ihs, quæ spiritualiter concupiscunt. San-
ctum igitur pascha dilectissimi, in talibus
membris corporis Christi legitimè celebra-
tur, & nihil illis deest triumphis, quos pas-
sio saluatoris obtinuit. Quoniam in ihs, qui 1. Cor. 9.
Apostolico exemplo castigāt corpus suum,
& seruituti subjciunt, ijdem hostes eadem
fortitudine cōterūt. Etenī nūc à Christo
vincitur mundus, & cum à seruis suis quo-
rumcunque vitiorum incentiuia superantur,
ipsius virtus est, ipsiusq; victoria. Hæc dile-
ctissimi quæ ad participationē crucis perti-
nēt, sufficiēter, vt arbitror, vestris sunt hodie
auribus intimata, vt paschale sacramentum
etia i mēbris corporis Christi legitimè cele-
bretur. Superest, vt de obtainēdo resurrectio-
nis cōsortio differamus. Quod ne cōtinuato
sermone, & mihi & vobis fiat onerosum, in
diē sabbati pmissa differem⁹. Aderit, vt cre-
dimus, gratia Dei, vt debitū nostrum ipsius
auxilio cōpleteatur, qui viuit & regnat cū pa-
tre & spiritu sancto i secula seculorū, Amen.

DE RESVRREC. DOMINI.
SERMO PRIMVS
de Resurrectione domini.

De duplice vita ac morte, de resurrectione dominice documentis & immortalitate Christi.

Sermone proximo dilectissimi, non incongruè vobis, quantum arbitror, participationem crucis Christi insinuavimus, vt paschale sacramentum ipsa in se habeat vita credentium, & quod festo honoratur, moribus celebretur. Quam autem hoc utile sit, ipsis probastis, & ex vestra deuotione didicistis, quantum profint animis atque corporibus prolixiora ieunia, frequentiores preces, & eleemosynæ largiores. Nemo enim ferè est, qui non hac exercitatione profecerit, & in abdito conscientiæ suæ aliquid, quo rectè possit gaudere, considererit. Sed hæc lucra perseueranti sunt seruanda custodia, ne in desidiam resoluto labore, quod donauit Dei gratia, diaboli furetur inuidia. Cum igitur quadraginta dierum obseruantia hoc voluerimus operari, vt aliquid sentiremus crucis in tempore dominice passionis, adnitendum est nobis, vt etiam resurrectionis Christi inueniamur esse consortes, & de morte ad vitam dum in isto corpore sumus, transeamus. Vnicuique enim homini, qui ex alio in aliud aliqua conversione mutatur, finis est, non esse

conuersatione

non esse quod fuit , & ortus, esse quod non
 fuit. Sed interest, cui quis aut moriatur, aut
 viuat, quia est mors, quæ causa est viuendi,
 & est vita , quæ causa est moriendi . Nec
 alibi quā in hoc transitorio seculo, vtrumq;
 conquiritur , vt ex qualitate temporalium
 actionum , differentiæ retributionum pen-
 deant æternarum. Moriendum ergo est dia-
 bolo, & viuendum Deo , deficiendum ini-
 quitati , vt iustitiæ resurgatur. Occumbant
 vetera, vt oriantur noua. Et quoniam, sicut Matth. 6.
 ait veritas , nemo potest duobus dominis
 seruire , dominus sit , non ille qui stans im-
 pulit in ruinam , sed ille qui deiectos erexit
 in gloriam. Dicente ergo Apostolo: Primus 1. Cor. 15.
 homo terra terrenus , secundus homo de
 cœlo cœlestis : qualis terrenus, tales & ter-
 reni , & qualis cœlestis , tales & cœlestes ,
 sicut portauimus imaginem terreni , porte-
 mus & imaginem eius, qui est de cœlo. Mul-
 tum nobis de hac commutatione gauden-
 dum est , qua de ignobilitate terrena ad
 cœlestem transferimur dignitatem , per il-
 lius ineffabilem misericordiam , qui vt nos
 in sua proueheret , in nostra descendit , vt
 non solum substantiam, sed etiam conditio-
 nem naturæ peccatricis assumeret , & ea si-
 bi pateretur inferri diuina impassibilitas ,
 quæ miserrimè experitur humana mortali-
 tas . Vnde ne turbatos discipulorū animos
 lōga mœstitudo cruciaret, denuntiatā tridui
 morā tā mira celeritate breviauit , vt dū ad
 integrum secundum diem , pars primi no-
 y v uissima ,

Mors &
vita du-
plex.

DE RESVRREC. DOMINI.

Isima, & pars tertij prima co^currit, & aliquantum temporis spacio * decederet, & nihil dierū numero deperiret. Resurrectio igitur saluatoris nec animam in inferno, nec carnē diu * morata est in sepulchro, & tam velox incorruptæ carnis viuificatio fuit, vt maior ibi esset soporis similitudo, quā mortis. Quoniam deitas, quæ ab vtraque suscepti hominis substātia non recessit, quod potestate diuisit, potestate cōiunxit. Subsequuta sunt itaq; multa documenta, quibus predicandæ per vniuersum mundum, fidei autoritas cōderetur. Et licet reuolutio lapidis, euacuatio monumēti, depositio linteorum, & totius facti angeli narratores copiosè veritatē dominicæ resurrectionis adstruerēt, & mulierum tamen visui & Apostolorum frequenter oculis manifestus apparuit: non solū loquēs cum eis, sed habitans atq; conuescens, & pertractari se diligenti curiosoq; contractu ab eis, quos dubitatio perstringebat, admittēs. Ideo enim & clausis ad discipulos ostijs introibat, & statu suo dabat spiritū sanctum, & dato intelligentiæ lumine, sanctorum scripturarum occulta pandebat, & rursus idem vuln^r lateris, fixuras clavorum, & omnia recentissimæ passionis signa monstrabat: vt agnosceretur in eo proprietas diuinæ humanæq; naturæ indiuidua permanere, & ita sciremus verbum non hoc esse, quod carnem, vt vnum Dei filium, & verbum cōfiteremur, & carnem. Non dissonat dilectissimi ab hac fide magister gētiū Apo-

stolus

Resurre
ctionis
docu-
menta,

A&t.o.1.

Ioan.20.
Luc^a 24.

Ioan.20.

stolus Paulus, cū dicit: Etsi cognouimus
cundū carnem Christum, sed nunc iam non
nouimus. Resurrectio enim domini, non fi-
nis carnis, sed commutatio fuit, nec virtutis
augmento consumpta substantia est. Quali-
tas transiit, non natura defecit, & factum est
corpus impassibile, quod potuit crucifigi,
factum est immortale, quod potuit occidi,
factum est incorruptibile, quod potuit vul-
nerari, & merito dicitur, caro Christi in eo
statu, quo fuerit nota, nesciri: quia nihil in
ea passibile, nihil remansit in ea infirmum,
vt & ipsa sit per essentiā, & non sit ipsa per
gloriam. Quid autem mirum, si hoc de cor-
pore Christi profitetur, qui de omnib⁹ Chri-
stianis spiritualibus dicit: Itaq^z nos ex hoc ne-
minem nouimus secūdum carnem. Ex hoc,
inquit, initium nobis factū est resurrectio-
nis in Christo, ex quo in eo, qui pro omni-
bus mortuus est, totius spei nostræ forma
præcessit. Non hæsitamus diffidētia, nec in-
certa expectatione suspēdimur, sed accepto
promissionis exordio, fidei oculis, quæ sunt
futura, iam cernimus, & nature prouectione
gaudentes, quod credimus, iam tenemus.
Non ergo nos rerum temporalium occupēt
species, nec ad se contemplationem nostram
à cœlestibus terrena deflectant. Pro transa-
ctis habeantur, quæ ex maxima parte iam
non sunt, & mens intenta mansuris ibi desi-
derium suum figat, vbi quod offertur, æter-
num est. Quamuis enim spē salui facti su-
mus, & corruptibilē adhuc carnem morta-
lemq^z

Cor. 5.

D E R E S V R R E C . D O M I N I .

- Rom. 13. Om̄q; gestamus: recte tamen dicimur in carne non esse, si carnales nobis non dominentur affectus, & merito eius rei deponimus nuncupationem, cuius nō sequimur voluntatem. Cum itaq; Apostol^o dicat, carnis curam ne feceritis in desiderijs, non ea nobis interdicta intelligimus, quæ saluti congrunt, & quæ humana poscit infirmitas. Sed quia non omnibus desiderijs seruiendum, nec quicquid caro concupiscit, implendum est, de adhibendo temperantię modo admonitos nos esse cognoscimus: vt carni quę sub animi est constituta iudicio, nec superflua concedamus, nec necessaria denegemus.
- Aphes. 5. Vnde idem Apostolus alibi ait: Nemo enim vñquam carnem suam odio habuit, sed nutrit & fouet eam, cum vtiq; nō ad vitia, non ad luxuriam, sed ad debitū sit alenda & founenda famulatum: vt teneat ordinem suum renouata natura, nec peruersè ac turpiter superioribus inferiora præualeant, aut inferioribus superiora succumbant, & vitijs animum superantibus, ibi fiat seruitus, vbi debet esse dominatus. Agnoscat igitur populus Dei, nouam se esse in Christo creaturam, & à quo suscepta sit, quámve suscepit, vigilanter intelligat. Quæ noua facta sunt, non redeant ad instabilem vetustatem, & non omittat opus suum, qui manum misit ad aratum, sed ad hoc attendat, quod servit, non ad id respiciat, quod reliquit. Nemo in id recidat, vnde surrexit, sed etiā si, p infirmitate corporea in aliq; adhuc lāguribus ja-
- Lucæ 9.

bus iacet, sanari instanter desideret ac leui-
ri . Hæc est enim salutis via & cœptæ in
Christo resurrectionis imitatio , vt quia in
lubrico istius vitæ diuersi casus lapsūscq; non
desunt, vestigia gradientium à fluidis ad so-
lida transferantur. Quoniam, sicut scriptum Psal.^{36.}
est , à domino diriguntur gressus hominis,
& viam eius volet . Quum ceciderit iustus,
non collidetur,quia dominus supponet ma-
num suam. Hæc meditatio dilectissimi non
pro sola solennitate paschali, sed pro totius
vitæ sanctificatione retinenda est , & ad
hoc præsens exercitatio debet intendi : vt
quæ animum fidelium experimento breuis
obseruahtiæ delecttarunt,in cōsuetudinem
transeant , intemerata permaneant,ac si ali-
quid delicti irrepserit , celeri pœnitudine
deleatur . Et quia antiquorum morborum
difficilis & tarda curatio est,tanto velocius
adhibeantur remedia , quanto recentiora
sunt vulnera, vt semper ab omnibus offenditionibus in integrum resurgentes , ad illam
incorruptibilem glorificandæ carnis resur-
rectionem peruenire mereamur, in Christo
Iesu domino nostro,qui viuit & regnat cum
patre & spiritu sancto in secula seculorum,
Amen.

Sermo II. de Resurrectione domini.

Quod crux Christi sit saluandis sacramen-
tum & exemplum,& de mysterio
incarnationis.

† Notum

THE RESVRREC. DOMINI.

Totum

Notum quidem dilectissimi paschale sacramentum Euangelica nobis narratio præsentauit, & ita per aurem carnis penetratus est mentis auditus, ut nemi- ni nostrum rerum gestarum imago defuerit: cum diuinitus inspiratæ textus historiæ euidenter ostenderit, qua dominus Iesu Christus impietate traditus, quo iudicio addicatus, qua saevitia crucifixus, & qua sit gloria suscitatus. Sed adiiciendum est etiam nostri sermonis officium, ut sicut pia expectatione deposcere vos consuetudinis debitum sentio: ita solennitati sacra-tissimæ lectionis subiungatur exhortatio sacerdotis. Quia igitur apud fidelès aures ignorantiae locus non est, semen verbi, quod est in prædicatione Euangeli, debet in terra vestri cordis augeri, ut remotis suffocationibus spinarum ac tribulorum, libera in fructus suos exeant plantaria piorum sensuum, & rectarum germina voluntatum. Crux enim Christi, quæ saluandis est impensa mortalibus, & sacramentum est & exemplum. Sacramentum, quo virtus impletur diuina, exemplū quo deuotio incitat humana: quoniā captiuitatis iugo eritis, etiā hoc præstat redemptio, ut eam sequi possit imitatio. Nam si mundana sapientia ita in suis gloriatur erroribus, vt quem sibi quisq; ducem elegerit, eius opiniones & mores atq; omnia instituta sectetur, quæ nobis erit cōmunio nominis Christi, nisi vt ei inseparabiliter vniāmur, qui est, vt ipse insi-nuauit,

Lucæ 8.

Ioan. 14.

SERMO II.

nuauit, via, veritas & vita? Via scilicet conuersationis sanctæ, veritas doctrinæ diuinæ, & vita beatitudinis sempiternæ. Collapsa enim paréibus primis humani generis plenitudine, ita misericors Deus creaturæ ad imaginem suam factæ, per vñigenitum suum Iesum Christū voluit subuenire, vt nec extra naturam esset reparatio naturæ, & vltra propriæ originis dignitatē proficeret secunda cōditio. Felix si ab eo nō decideret, quod De⁹ fecit, felicior si in eo maneret, quod refecit. Multū fuit à Christo recepisse formā, sed plus est, in Christo habere substantiam, Suscepit enim nos in suam * proprietatem + potest illa natura, quæ nec nostris sua, nec suis no- tem. stra cōsumeret, quæ ita vnam in se fecit deitatis humanitatisq; personā, vt sub dispensatione infirmitatum atq; virtutum, nec caro per diuinitatem inuiolabilis, nec diuinitas per carnē posset esse passibilis. Suscepit nos illa natura, quæ & propaginem nostri generis à communi tramite non abrumperet, & contagium peccati in omnes homines transeuntis excluderet. Infirmitas sanè atq; mortalitas, quæ non peccatum erant, sed poena peccati, à redemptore mundi recepta sunt ad supplicium, vt impenderentur ad preciū. Quod ergo in omnibus hominibus trāsfusio fuit damnationis, hoc in Christo sacramentum est pietatis. Præbuit enim se crudelissimo exactori liber à debito, & ministras diaboli Iudaicas manus in cruciātū immaculatæ carnis admisit. Quam ideo

vñq;

DE RESVRREC. DOMINI

Ic^q ad celerrimam resurrectionem voluit esse mortalem, vt credentibus in eum , nec persequutio insuperabilis , nec mors posset esse terribilis, cum ita dubitādum non esset de consortio gloriæ, sicut dubitandum non erat de communione naturæ. Si incūstanter itaq; dilectissimi corde credimus, quod ore profitemur,nos in Christo crucifixi,nos sumus mortui, nos sepulti , nos etiā die tertia fuscitati. Vnde Apostol^o dicit:Si consurrexitis cum Christo,quæ sursum sunt,quærите, vbi Christus est in dextera Dei sedens: quæ sursum sunt,sapite , non quæ super terram. Mortui enim estis , & vita vestra abscondita est cum Christo in Deo. Quū enim Christus apparuerit vita vestra , tunc & vos apparebitis cum Christo in gloria . Ut autem

nouerint corda filiorum habere se , vnde ad

supernam sapientiam spretis mundi cupiditatibus valeant eleuari,spōdet nobis dominus præsentiam suam dicens: Ecce ego vobiscum sum omnibus dieb^o vsq; ad cōsummationem seculi . Non enim frustra per

Matth.28
Esaiæ 7.
Esaiam dixerat spiritus sanctus: Ecce virgo in vtero concipiet, & pariet filium , & vocabitur nomē eius Emmanuel , quod est interpretatum , nobiscum Deus . Implet ergo Iesus proprietatem nominis sui , & qui ascendit in cœlos , non deserit adoptatos, qui sedet ad dexterā patris, idem totius habitator est corporis , & ipse deorsum cōfortat ad patiētiam, qui sursum inuitat ad gloriam . Nec inter vana igitur nobis despiciendum est,

SERMO II.

dum est, nec inter aduersa trepidandum. Id
 quidem blandiuntur deceptiones, & hic gra-
 uescunt labores. Sed quia misericordia domi-
 ni plena est terra, adest nobis vtiq; Christi
 victoria, vt impleatur, quod ait: Nolite ti- Ioan. 1.
 mere quia ego vici mundū. Siue ergo cōtra
 ambitionē seculi, siue contra cōcupiscentias
 carnis, siue cōtra hæreticorū iacula dimice-
 mus, dominica cruce semper armemur. Nec
 enim vnquam à paschali festo recedimus, si
 à fermēto malitiæ veteris abstinemus. Inter
 omnes nanci vitæ huius varietates, quæ di-
 uersarum plenè sunt passionum, Apostolicę
 exhortationis meminisse debemus, qua nos
 instruit, dicens: Hoc sentite in vobis, quod & Philip.
 in Christo Iesu. Qui cum in forma Dei esset,
 non rapinam arbitratus est esse se æqua-
 lem Deo, sed semetipsum exinanivit, for-
 man serui accipiens, in similitudinem ho-
 minum factus est, & habitu inuentus vt ho-
 mo. Humiliauit semetipsum, factus obe-
 diens vscq; ad mortem, mortem autem crucis.
 Propter quod & Deus exaltauit illum, & do-
 nauit illi nomen, quod est super omne no-
 mē, vt in nomine Iesu omne genu flectatur,
 cœlestium, terrestriū & infernorum: & om-
 nis lingua confiteatur, quia dominus Iesus
 Christus in gloria est Dei patris. Si magnæ,
 inquit, pietatis sacramentum intelligitis, &
 quod pro salute humani generis vnigenitus
 Dei filius gessit, aduertitis: hoc sentite i vo-
 bis, quod & in Christo Iesu cuius humilitas
 nulli aspernanda diuitū, nulli est erubescen-
da nobi-

nobiliū. Nec enim in tātūm prōuehi potest quælibet felicitas humana fastidium, vt aestimet sibi pudendum, quod manens Deus in forma Dei Deus, non est arbitratus indignum. Imitamini quod operatus est, diligitе, quod dilexit, & inuenietis in vobis Dei gratiam. Vestram in illo redamate naturam, quoniam sicut ille paupertate diuitias non amisit, gloriam humilitate non minuit, eternitatē morte non perdidit: ita & vos eisdem gradibus, eisdem vestigīs, vt cœlestia apprehendatis, terrena despicite. Susceptio enim crucis, est imperfectio cupiditatum, occisio vitiorum, declinatio vanitatis, & abdicatio omnis erroris. Nam cum pascha domini, non impudicus, non luxuriosus, non superbus celebret, non auarus: nulli tamē ab hac festiuitate longius quam hæretici separatūr, maximeq; illi, qui de verbi incarnatione male sentiunt, aut minuendo quod est deitatis, aut euacuando quod est carnis. Verus enim Deus est filius Dei, totum habens ex patre, quod pater est nullo exordio temporalis, nulla varietate mutabilis, nec ab uno diuisus, nec ab omnipotēti diuersus. Sempiterni genitoris vnigenitus sempitern⁹, vt mēs fidelis credēs in patrem & filium & spiritū sanctum, in eādem vnius deitatis essentiam, nec vnitatē gradibus diuidat, nec Trinitatē singularitatē confundat. Non autē sufficit Dei filium in sola patris nosse natura, nisi eum non recendentem à proprijs, agnoscamus in nostris. Exinanitio enim illa, quam reparatiōnē

S E R M O II.

tioni impendit humanæ , dispensatio fuit
miserationis, non priuatio potestatis . Nam Act. 4,
cum & ex eterno consilio Dei, nō esset aliud
nomen sub cœlo datum hominibus , in quo
oporteat saluos fieri , inuisibilis visibilem,
intemporalis temporalem, impassibilis pas-
sibilem substantiam suam fecit : non vt vir-
tus deficeret in infirmitate, sed vt infirmitas
in incorruptibilem posset transire virtutem.
Propter quod ipsa festiuitas , quæ à nobis
pascha nominatur , apud Hebræos phase, id
est, transitus dicitur , attestante Euangelista
atq; dicente : Ante diē festum paschæ sciens Ioan. 13.
Iesus, quia venit hora eius , vt transeat ex
hoc mundo ad patrem . Cuius autem natu-
ræ futurus erat transitus iste , nisi nostræ,
cum inseparabiliter & pater in filio, & filius
esset in patre? Sed quia verbum & caro, vna
persona est , non diuiditur à suscipiente su-
ceptus, & honor prouehendi , prouehentis
nominatur augmentum, dicente Apostolo,
quod iam cōmemorauimus : Propter quod Philip. 2.
& Deus exaltauit illum, & dedit illi nomen,
quod est super omne nomen. In quo vtique
assumpti hominis exaltatio commendatur,
vt in cuius passionibus manet deitas indi-
uisibilis ; idem coæternus sit in gloria dei-
tatis . Ad hanc participationem ineffabilis
muneris , beatum transitum fidelibus suis
ipse dominus præparabat , cum instanti iam
proximus passioni, nō solum pro Apostolis Ioan. 17.
suis atque discipulis, sed etiam pro vniuersa
Ecclesia supplicaret, & diceret: Non pro his

DE RESVRREC. DOMINI

Autem rogo tantum , sed pro. ijs etiam, qui
eredituri sunt per verbum ipsorum in me,
vt omnes vnum sint, sicut & tu pater in me,
& ego i te, vt & ipsi in nobis vnū sint. Cuius
vnitatis nullū poterunt habere consortium,
qui in Dei filio Deo vero humanam negant
manere naturam , impugnatores salutiferi
sacramenti , & paschalis exules festi . Quod
quia ab Euangeliō dissentient , & symbolo
contradicunt , nobiscum celebrare non pos-
sunt , quia et si audent sibi Christianum no-
men assumere, ab omni tamen creatura, cui
Christus caput est, repelluntur, vobis in hac
solemnitate meritō exultantibus , pieq; gau-
dentibus, qui nullum recipientes in veritate
mendacium, nec de natuitate Christi secun-
dum carnem, nec de passione ac morte, nec
de corporali resurrectione eius ambigitis:
quoniam sine vlla separatione deitatis , ve-
rum Christum ab vtero virginis , verum in
ligno crucis, verum in sepulchro carnis, ve-
rum in gloria resurrectionis, verū in dexte-
ra paternę maiestatis agnoscitis. Vnde etiam,
sicut Apostolus ait, expectamus saluatorem
dominum nostrum Iesum Christum, qui re-
formabit corpus nostrae humilitatis , con-
forme fieri corpori gloriæ suæ , qui viuit &
regnat cum patre & spiritu sancto in secula
seculorum, Amēn.

Philip. 3.

Sermo

SERMO I.
SERMO PRIMVS
de ascensione domini.

*Cur discipuli permisſi ſint dubitare de resurrec-
tione Christi , & quid egerit Christus inter
ascensionem & resurrectionem ſuam , &
de Petri prærogatiua atque cica-
tricibus Christi.*

Proptera beatam & gloriosam resurrectionem domini nostri Iesu Christi , qua verum Dei templum , Iudaica impieitate resolutum , diuina in triduo potentia fuscitauit , quadragenarius hodie dilectissimi sanctorum dierum expletus est numerus , sacratissima ordinatione dispositus , & ad utilitatem nostræ eruditionis impensus : ut dum à domino in hoc ſpatio mora praesentiæ corporalis extenditur , fides resurrectionis , documentis necessarijs muniretur . Mors enim Christi , multum discipulorum corda turbauerat , & de supplicio crucis , de emissione spiritus , de exanimati corporis ſepultura , grauatis mœſtitudine mentibus , quidam diffidentiæ torpor obrepferat . Nam cum sanctæ mulieres , ſicut Euangelica pandit historia , reuelatum à monumēto lapidem , & ſepulchrum corpore vacuum , & viuentis dominites angelos nunciarent , verba earum , Apoſtolis aliisque discipulis , deliramentis ſimilia videbantur . Quam utique hæſitatio-

hæſitatio
discipulo-
lorum de
refur-
etiōe do-
mini , cui
permitta-
ſit .

Marc.16.
Lucas 24.

ASCENSIO DOMINI

em humana infirmitate nutantem, ne quaquam permisisset spiritus veritatis prædicatorum suorum inesse pectoribus, nisi illa trepidas solicitudine & curiosa cunctatio, nostræ fidei fundamenta iecisset. Nostris igitur perturbationibus, nostris periculis in Apostolis consulebatur. Nos in illis viris contra calumnias impiorum & contra terrenæ argumenta sapientiæ docebamus. Nos illorum instruxit aspectus, nos erudiuit auditus, nos confirmauit attractus. Gratias agamus diuinæ dispensationi, & sanctorum patrum necessariæ tarditati. Dubitatum est ab illis, ne dubitaretur à nobis. Non ergo in dies dilectissimi, qui inter resurrectionem domini ascensionemque fluxerunt, ocioso transiere decursu, sed magna in eis confirmata sacramenta, magna sunt reuelata mysteria. In ihesu metus diræ mortis aufertur, & non solum animæ, sed etiam carnis immortalitas declaratur. In ihesu per insufflationem domini infunditur Apostolis omnibus spiritus sanctus, & beato Apostolo Petro, superratiua. præcæteros post regni claves, ouilis dominici cura mandatur. In ihesu diebus, duobus discipulis tertius in via dominus iungitur comes, & ad omnem nostræ ambiguitatis caliginem detergendam, pauentium ac trepidantium tarditas increpatur. Flammam fidei illuminata corda concipiunt, & quæ erant tepida, reserante scripturas domino, efficiuntur ardentia. In fractione quoque panis conuersentium aperiuntur obtutus,

Christus
quid ege-
rit inter
ascensio-
nem & re-
surrectio-
nem.

Ioan. 20:

Petri præ-
rogatiua.
Lucæ 24.

multo

SERMO I.

multo felicius eorum oculis patefactis, quibus naturæ suæ manifestata est glorificatio, quam illorum generis nostri principum, quibus præuaricationis suæ est ingesta confusio. Inter hæc autem aliaque miracula, cum discipuli trepidis cogitationibus æstuarent, & apparuisset in medio eorum dominus, dixissetq; Pax vobis, ne hoc remaneret in eorum opinionibus, quod voluebatur in cordibus, (putabant enim se spiritum videre, non carnem,) redarguit cogitationes à veritate discordes, ingerit dubitantium oculis manentia in manibus suis & pedibus crucis signa, & vt diligentius pertractetur, inuitat. Quia ad sananda infidelium cordium vulnera, clauoram & lanceæ erant seruata vestigia, vt non dubia fide, sed constantissima scientia teneretur, eam naturam in Dei patris concessurâ throno, quæ iacuerat in sepulchro. Per omne ergo hoc tempus dilectissimi, quod inter resurrectionem & ascensionem domini exactum est, hoc prouidentia Dei curauit, hoc docuit, hoc suorum & oculis insinuauit & cordibus, vt dominus Iesus verè agnoscetur resuscitatus, qui verè erat natus, & passus, & mortuus. Vnde beatissimi Apostoli omnésq; discipuli, qui & de exitu crucis fuerant trepidi, & de fide resurrectionis ambigi, ita sunt veritate perspicua roborati, vt domino in cœlorum eunte sublimia, non solum nulla afficeré tur tristitia, sed etiam magno gaudio replerentur. Et reuera magna

Ibidem.

Ioan. 20.

Citrace
cui Chri-
stus ser-
uauerit.

Lucx 24.

z iiiij erat &

ASCENSIO. DOMINI.

Et & ineffabilis causa gaudendi, cum in conspectu sanctæ multitudinis super omnium creaturarum cœlestium dignitatem, humani generis natura conscenderet, supergressura angelicos ordines, & ultra archangelorum altitudines eleuanda, nec ullis sublimitatibus modum suæ prouectionis habitura, nisi æterni patris recepta concessu, illius gloriæ sociaretur in throno, cuius natura copulabatur in filio. Quia igitur Christi ascensio, nostra est prouectio, & quo præcessit gloria capitis, eo spes vocatur & corporis, dignis dilectissimi exultemus gaudijs, & pia gratiarum actione lætemur. Hodie enim non solum paradisi possessores firmati sumus, sed etiam cœlorum in Christo superna penetrauimus, ampliora adepti per ineffabilem Christi gratiam, quam per diaboli amiseramus inuidiam. Nam quos viruletus inimicus, primi habitaculi felicitate deiecit, eos sibi concorporatos Dei filius ad dexteram patris collocauit: cum quo viuit & regnat in unitate spiritus sancti Deus per omnia secula seculorum, Amen.

Sermo II. de ascensione domini.

De exultatione humanæ naturæ per Christum, de virtute fidei & Christi diuinitate.

SAcramentum dilectissimi salutis nostræ, quam precio sanguinis sui vniuersitatis condi-

conditor æstimauit , à die corporalis ori
vſq; ad exitum passionis, per disp̄lationem
humilitatis impletū est. Et licet multa etiam
in forma serui, diuinitatis signa radiauerint,
propriè tamen temporis illius actio ad de-
monstrandā suscepti hominis pertinuit ve-
ritatem. Post passionem verò ruptis mortis
vinculis, quæ vim suam in eum, qui peccati
erat nescius, incedendo perdidera, infirmi-
tas in virtutem, mortalitas in immortalita-
tem, contumelia transiuit in gloriam: quam Actor.
dominus Iesus Christus in multis manife-
stisq; documentis, multorū declarauit aspe-
ctibus, donec triumphum victoriæ , quem
reportarat à mortuis, inferret & cœlis. Si-
cut ergo in solennitate paschali resurrectio
domini fuit nobis causa lœtandi: ita ascensio
eius in cœlos, præsentium nobis est materia
gaudiorū, recolentibus illam diē & rite ve-
nerantibus , qua naturæ nostræ humilitas
in Christo super omnem cœli militiam, su-
per omnes ordines angelorum, & ultra om-
nium altitudinem potestatum, ad Dei patris
est prouecta cōfessum. Quo ordine operum
diuinorū nos fundati , nos ædificati sumus,
vt mirabilior fieret gratia Dei, cum remotis
à conspectu hominum, quę mèrito reueren-
tiā sui sentiebantur indicere, fides non de-
ficeret, spes non fluctuaret, charitas non te-
peret . Magnarum hic vigor est men-
tium , & valde fidelium lumen est anima-
rum incunctanter credere, quę corporeo nō
videtur intuitu , & ibi figere desiderium,

DE ASCENSIO. DOMINI.

Ioan 20. Iao nequeas inferre conspectū. Hæc autem pietas , vnde in nostris cordibus nascetur , aut quomodo quisquam iustificaretur per fidem , si in ih̄s tātum salus nostra confiteret, quæ obtutibus subiacerent ? Vnde & illi viro , qui de resurrectione Christi videbatur ambigere , nisi in ipsius carne vestigia passionis & visu explorasset & tactu , Quia vidisti me, inqt dñs , credidisti: beati qui nō viderūt & crediderūt. Ut igitur huius beatitudinis dilectissimi capaces esse possemus , expletis omnibus , quæ Euangelicæ prædicationi & noui testamēti mysterijs cōgruebāt, dominus noster Iesus Christus, quadragesimo post resurrectionē die , coram discipulis eleuatus in cœlum , corporalis præsentia modum fecit, mansurus in patris de-

Lucx 24. Marc. 16. xtera , donec tempora multiplicandis Ecclesiæ filijs diuinitus præstituta peragan-
tur , & ad iudicandos viuos & mortuos
in eadem carne , in qua ascendit , adueniat.
Quod itaq; redemptoris nostri conspicuum
fuit, in sacramenta trāsliuit, & vt fides excel-
lentior esset ac firmior, visioni doctrina suc-
cessit, cuius autoritatē supernis illuminata
radijs, credentiū corda sequerentur. Hanc
fidem ascensione domini auctam , & spiritus
sancti munere roboratam, non vincula, non
carceres, nō exilia, nō fames, non ignis, non
laniatus ferarum , nec exquisita persequen-
tiū crudelitatibus supplicia terruerunt: Pro
hac fide per vniuersum mundum , non so-
lum viri, sed etiam fœminæ, nec tantum im-
pubes

pubes pueri, sed etiam teneræ virgines, vi
ad effusionem sui sanguinis decertarunt.
Hæc fides Dæmonia eiecit, ægritudines de-
pulit, mortuos suscitauit. Vnde & ipsi beati
Apostoli, qui tot miraculis cōfirmati, tot ser-
monibus eruditæ, atrocitatem tamen domi-
nicæ passionis expauerant, & veritatem re-
surrectionis eius nō sine hæsitatione susce-
perant: tantū de ascensione domini profece-
runt, vt quicquid illis prius intulerat metū,
verteretur in gaudiū. Totam enim contem-
plationem animi, in diuinitatem ad patris
dexterā consedentis erexerant, nec iam cor-
poreæ visionis tradebātur obiectu, quo mi-
nus in id aciem mentis intenderent, quod
nec à patre descendendo abfuerat, nec à dis-
cipulis ascendendo discesserat. Tunc igitur
dilectissimi, filius hominis Dei filius, excel-
lentius sacratiūscq; innotuit, cum in paternæ
maiestatis gloriā se recepit, & ineffabili mo-
do cœpit esse diuinitate presentior, qui fact⁹
est humanitate longinquier. Tunc ad æqua-
lem patri filium eruditior fides gressu cœ-
pit mentis accedere, & contrectatione in
Christo corporeæ substantiæ, quæ patre mi- Ioan. 14.
nor est, non egere: quoniam glorificati cor-
poris manēte natura, eo tides credentiū vo-
cabatur, vbi non carnali manu, sed spiritali
intellectu, par genitori vnigenit⁹ tāgeretur.
Hinc illud est, quod post resurrectionē suam
dominus Mariæ Magdalenæ personā Eccle-
się gerenti, cum ad contactum ipsius prope-
taret accedere, dicit: Noli me tangere, non- Ioan. 10.
dum

ASCENSIO. DOMINI

¶ M enim ascédi ad patrem meum: hoc est,
nolo vt ad me corporaliter venias , nec vt
me sensu carnis agnoscas. Ad sublimiora te
differo, maiora tibi præparo: cum ad patrem
ascendero, tunc me perfectius veriusq; pal-
pabis, apprehensura quod nō tangis , & cre-
ditura quod non cernis. Cum autē ascen-
dentem ad cœlos dominū sequaces discipu-
lorū oculi intenta admiratione suspicerent,
adstiterunt ipsis angeli duo , mirabili vestiū
candore fulgentes , qui & dixerunt : Viri
Galilæi , quid statis aspicientes in cœlum?
Hic Iesus qui assumptus est à vobis in cœlum,
sic veniet , quemadmodū vidistis eum
euntē in cœlū. Quibus verbis omnes Eccle-
siæ filij docebantur, vt Iesus Christus in ea-
dem, qua ascenderat, carne venturus visibi-
lis crederetur, nec posset ambigi oīa illi esse
subiecta,cui ab ipso corporeq; nativitatis ex-
ordio, famulatus seruisset angelicus . Sicut
enim concipiendum Christū de spiritu san-
cto beatæ virginis angelus nunciauit , sic &
seditum de virgine vox cœlestium , pastori-
bus cecinit. Sicut resurrexisse à mortuis, su-
pernorū nunciorū prima testimonia docue-
runt, sic ad iudicandum mūdum in ipsa car-
ne venturum , angelorum officia prædicar-
unt, vt intelligeremus , quantæ potestates
sint ad futurę cum iudicaturo, cui tātē mini-
strarunt etiam iudicādo. Exultemus itaq;
dilectissimi gaudio spiritali, & digna apud
Deum gratiarum actione lœtantes , liberos
cordis oculos ad illam altitudinem , in qua
Christus

AActo. 1.

Luc. 1.

Christus est, erigamus. Sursum vocatos a
mos desideria terrena non deprimant, ad
æterna præelectos peritura non occupent,
viâ veritatis ingressos fallaces illecebren
retardent, & ita à fidelibus hæc temporalia
decurrantur, vt peregrinari se in hac mudi
valle cognoscant, in qua etiā si quædā com
moda blandiantur, non amplectenda nequi
ter, sed transeunda sunt fortiter. Ad hanc
enim nos deuotionē beatissimus Petr⁹ Apo
stolus incitat, & secundum illā dilectionem, Ioan.22.
quam pascendis Christi ouibus trina domi
nici amoris professione concepit, obsecrās,
dicit: Charissimi obsecro vos tanquam ad
1.Petr.2.
uenas & perigrinos, abstinere vos à carna
libus desiderijs, quę militat aduersus animā.
Cui autem, nisi diabolo, carnales militant
voluptates, qui animas ad superna tenden
tes corruptibilium bonorum delectationi
bus obligare, & ab illis sedibus, de quib⁹ ille
excidit, gaudet abducere? Contra cuius insi
dias sapiēter debet fidelis quisq; vigilare, vt
inimicum suum, de eo quod tentatur, possit
elidere. Nihil autem validius est dilectissi
mi contra diaboli dolos, quam benignitas
misericordiæ & largitas charitatis, per quā
omne peccatū aut declinatur, aut vincitur.
Sed huius sublimitas virtutis non prius ap
prehēditur, quā illud, quod ei aduersariū est,
subruatur. Quid autem tam inimicum mise
ricordiæ & operibus charitatis, quam auar
itia, de cuius radice omnium malorum
germen emergit? Quæ nisi in suis fomitibus
enece-

DE PENTECOSTE.

a. Cor. 13. Ecetur, necesse est, vt in agrō cordis illius, in quo huiusmodi planta cōualuit, spinę potius tribuliq; vitiorum, quam vllum veræ virtutis semen oriatur. Resistamus ergo dilectissimi huic tā pestifero malo, & charitatē, sine qua nulla virt⁹ potest niter, secedemur, vt per hanc, qua ad nos Christus descendit, dilectionis viam, etiam nos ad ipsum possimus ascendere, cui est cum Deo patre & sancto spiritu honor & gloria in secula seculorum, Amen.

SERMO PRIMVS de pentecoste.

De virtute ac missione spiritus sancti in linguis igneis, & de peccato in spiritum sanctum.

HOdiernam solennitatem dilectissimi in præcipuis festis esse venerandam, omnium catholicorum corda cognoscunt. Nec dubium est, quanta huic diei reuerentia debeatur, quem spiritus sanctus excellentissimo sui muneric miraculo consecrauit. Nam ab illo die, quo dominus super omnem cœlorum altitudinem ad dexteram Dei patris confessurus ascendit, decimus iste est, qui ab eiusdem resurrectione quinquagesimus nobis in eo, à quo coepit, illuxit, magna mysteria in se continens & veterum sacramentorum & nouorum:

rum: quibus manifestissimè declaratur, gen-
tiam prænunciatam fuisse per legem , & le-
gem impletam esse per gratiam. Sicut enim
Hebræo quōdam populo ab Ægyptijs libe- Exod. 19.
rato, quinquagesimo die post immolationē
agni, lex data est in monte Sina: ita post pas-
sionem , qua verus Dei agnus occisus est,
quinquagesimo à resurrectione eius die , in
Apostolos plebemq; credentium , spiritus Actor. 2.
sanctus illapsus est , vt facilè diligens Chri-
stian⁹ agnoscat initia veteris testamēti Euā
gelicis ministrasse principijs , & ab eodem
spiritu conditum fœdus secundum , à quo
primum fuerat institutum. Nam sicut Apo-
stolica testatur historia, dum completerentur
dies pentecostes, essentq; omnes discipuli
pariter in eodem loco, factus est repente de
cœlo sonus tanq; aduenientis spiritus vehe-
mentis: & repleuit totā domū, vbi erant se-
dentes. Et apparuerunt illis dispartitæ lin-
gue, tanq; ignis, sedetq; supra singulos eorū.
Et repleti sunt oēs spiritu sancto , & cœpe-
rūt loqui varijs linguis, prout spirit⁹ sanctus
dabat eloqui illis. O q̄ velox est sermo sapi-
entiæ, & vbi Deus magister est, quā cito di-
scitur, quod docetur. Nō est adhibēda iter-
pretatio ad audiendum, non consuetudo ad
vsum, non tempus ad studium , sed spirante
vbi voluit, spiritu veritatis, propriæ singu- Ioann. 3.
larū gentiū voces, factæ sunt in Ecclesiæ ore
comunes . Ab hoc igitur die tuba Euāgeli-
ce preßicationis intonuit, ab hoc die imbræ
charismatum, flumina benedictionum, om-
ne de-

DE PENTECOSTE.

Genes.

* conuen
tu,

desertum , & vniueriam aridam rigauerunt : quoniam ad renouandam faciem terrae spiritus Dei ferebatur super aquas, & ad veteres tenebras abigendas, nouae lucis fulgura coruscabant, cum micanti splendore linguarum , & verbum domini lucidum , & eloquium conciperetur ignitum, cui ad creandum intellectum consumendumque peccatum & efficacia illuminandi , & vis ineffet vrendi. Quamuis autem dilectissimi, valde fuerit ipsa rei gestae forma mirabilis, nec dubium sit, in illo omnium humanarum vocum exultante * concentu, maiestatem spiritus sancti fuisse presentem, nemo tamen existimet in ihesu, quem corporeis visa sunt oculis, diuinam eius apparuisse substantiam. Natura enim inuisibilis, & patri filioque communis , qualitatem muneric atque operis sui , qua voluit significacione monstrauit. Proprietatem vero essentiæ suæ, in sua deitate continuit, quia sicut nec pater, nec filius, ita nec spiritum sanctum humanus potest visus attingere. In trinitate enim diuina nihil dissimile, nihil impar est, & omnia quæ de illa possunt substantia cogitari, nec virtute, nec gloria, nec eternitate discreta sunt. Cumque in personarum proprietatibus alius sit pater, alius sit filius, alius spiritus sanctus: non tam alit deitas , nec diuersa natura est . Siquidem cum & de patre sit filius unigenitus, & spiritus sanctus patris filiusque sit spiritus, non sicut quæcunque creatura, quæ & patris & filii est: sed sicut cum utroque viues & potens, & sempiternus, & ex eo quod est,

pater

pater filiusque subsistens. Vnde cum dominus
ante passionis suae diem discipulis suis sancti
spiritus sponderet aduentum: Adhuc, inquit, Ioan. 16.
multa habeo vobis dicere, sed non potestis
modo illa portare. Cum autem venerit ille
spiritus veritatis, diriget vos in omnem ve-
ritatem. Non enim loquetur a semetipso, sed
quæcunque audiet, loquetur, & futura annun-
ciabit vobis. Omnia quæ habet pater, mea
sunt, propterea dixi, quia de meo accipiet, &
annunciabit vobis. Nō ergo alia sunt patris,
alia filij, alia spiritus sancti: sed omnia quæcunque
habet pater, habet & filius, habet & spiritus
sanctus, nec unquam in illa trinitate defuit
ista communio. Quia hoc est ibi omnia ha-
bere, quod semper existere, nulla ibi tempo-
ra, nulli gradus, nullæ differentiæ cogitentur,
& si nemo de eo potest explicare quod est,
nemo audeat affirmare quod non est. Excu-
sabilius enim est de natura ineffabili nō elo-
qui digna, quam definire cōtraria. Quicquid
itaque de sempiterna & incommutabili gloria
patris, pia possunt corda concipere, hoc si-
mul & de filio, & de spiritu sancto, insepara-
biliter atque indifferenter intelligant. Ideo
enim hanc beatam trinitatem, unum confe-
temur Deum, quia in his tribus personis,
nec substantiæ, nec potentię, nec voluntatis,
nec operationis estulla diuersitas. Sicut er-
go detestamus Arianos, qui inter patrem & fi-
lium aliquam volunt esse distatię, ita etiam
Macedonia nos pariter detestamus: qui licet
patri & filio tribuant æqualitatem, spiritum

DE PENTECOSTE.

amen sanctum inferioris putant esse naturæ, non considerantes in eam blasphemiam se incidere; quæ neq; in præsenti seculo neq; in futuro sit remittenda iudicio, dicente Dominu: Quicunque dixerit verbum contra filium hominis, remittetur ei. Qui auté dixerit contra spiritum sanctum, non remittetur ei, neq; in hoc seculo, neq; in futuro. Permanens itaque in hac impietate, sine venia est, quia exclusit eum à se, per quē poterat confiteri. Nec vnq; peruenit ad indulgentiæ remediū, qui patrocinaturū sibi non habet aduocatū. Ab ipso enim est inuocatio patris, ab ipso sunt lachrymæ pœnitentium, ab ipso sunt gemitus supplicatiū. Et nemo potest dicere dominum Iesum, nisi in spiritu sancto. Cuius æqualē cum patre & filio omnipotētiā vnamq; deitatē eidētissimè prædicat Apostolus dicens: Diuisiones autem gratiarum sunt, idem autem spiritus. Et diuisiones ministratiōnū sunt, idem autē dominus. Et diuisiones operationū sunt, idem vero Deus, qui operatur omnia in omnibus. His dilectissimi aliisque documentis, quibus innumerabiliter diuinorū eloquiorum coruscat authoritas, ad venerationem pentecostes vnanimiter incitemur, exultantes in honorem sancti spiritus, per quem omnis Ecclesia catholica sanctificatur, omnis anima rationalis imbuitur. Qui inspirator fidei, doctor scientiæ, fons dilectionis, signaculum castitatis, & totius est causa virtutis. Gaudeant fidelium mentes, quod in

Matth. 12.

Peccatum
in spiritu
sanctum
cum sit ir-
remissibi-
le.

Cor. 12.

Ibidem.

toto

SERMO I.

toto mundo vnu Deus , pater & filius
spiritus sanctus , omnium linguarum con-
fessione laudatur, quodque ille significatio,
quæ in specie ignis apparuit, & opere perse-
uerat, & munere . Ipse enī spiritus veritatis,
facit domum gloriæ suæ luminis sui nitore
fulgere, & in templo suo , nec tenebrosum
aliquid vult esse , nec tepidum , de qua ope
atque doctrina etiam ieuniorum nobis atq;
eleemosynarum est collata purgatio . Nam
hunc venerabilem diem sequitur saluberri-
mæ obseruantiae consuetudo, quam vtilissi-
mam sibi omnes sancti semper experti sunt,
& ad quam sedulo celebrandam , pastorali
vos sollicitudine cohortamur: vt si quid ma-
cularum proximis diebus negligentia in-
cauta contraxerit, id & ieunij censura casti-
get, & deuotio pietatis emedet. Quarta igit-
ur & sexta feria ieunemus. Sabbato autē in
id ipsum consuēta deuotione vigilias cele-
bremus , per Christum dominum nostrum,
Amen.

Sermo II. de pentecoste.

De mysterio Trinitatis , de missione spiritus san-
cti & Manichæorum impietate.

PLenissimè quidem nobis dilectissimi
causam atque rationem solennitatis ho-
diernæ diuinorum eloquiorum textus
ostendit , quo sanctum spiritum quinqua-
gesimo post domini resurrectionem die,

Aa ij qui ab

DE PENTECOSTE.

ab ascensione eius decimus est, infusum
christi discipulis, sicut promissus speraba-
tur, agnouimus. Sed ad nouos Ecclesiæ fi-
lios instruendos, addendum est etiam no-
stri sermonis obsequium. Non enim time-
mus, ut spiritales & eruditæ nota fastidiant,
ad quorum fructum pertinet, ut quam plu-
trum insinuari velint, quod ipsi cum magna

• humili- *sui utilitate didicerunt. Fiat ergo per corda
tate omnium, dispensatio munera diuinorum,
& seruitutem oris nostri, docti indeoque
non spernant. Illi ut probent se amare, quod
norunt, isti ut ostendant se desiderare, quod
nesciūt. Huic enī preparationi nostræ aderit
ipsius largitas, de cuius loqui maiestate
gestimus, ut ad profectum totius Ecclesiæ &
vos capaces, & nos faciat abundantes. Cum
igitur ad intelligendam dignitatem spiritus
sancti aciem mentis intendimus, nihil diuer-
sum ab excellentia patris & filij cogitemus,
quia i nullo ab unitate sua discrepat diuini-
tatis essentia. Sempiternū est patri, conse-
piterni sibi filij sui esse genitorē. Sempiternū
est filio, intemporaliter à patre esse progeni-
tum. Sempiternum quoq; est spiritui sancto
spiritum esse patris & filij: ut nunquam pa-
ter sine filio, nunquam filius sine patre, nūq;
pater & filius fuerint sine spiritu sancto, &
omnibus existentiæ gradibus exclusis, nul-
la ibi persona sit anterior, nulla posterior.
Huius enim beatæ Trinitatis & incommu-
tabilis Deitatis, vna est substantia, indiuisa
in opere, & concors in voluntate, par in om-
nipoten-

nipotentia , æqualis in gloria. De qua cū
sancta scriptura sic loquitur, vt aut in factis,
aut in verbis aliquid assignet , quod singu-
lis videatur conuenisse per sonis, nō pertur-
batur fides catholica, sed docetur, vt p ro-
prietatē aut vocis aut operis, insinuetur no-
bis veritas Trinitatis , & non diuidat intel-
lectus quos distinguit auditus. Ob hoc enim
quædā siue sub patris , siue sub filij, siue sub
spiritus sancti appellatione promuntur , vt
confessio credentium in Trinitate nō erret.
Quæ cū sit inseparabilis, nunquam intellige-
retur esse Trinitas, si semper inseparabiliter
diceretur. Bene ergo ipsa difficultas loquen-
di cor nostrum ad intelligentiam trahit , &
per infirmitatem nostram cœlestis doctrina
nos adiuuat, vt quia in deitate patris & filij
& spiritus sancti, nec singularitas est, nec di-
uersitas cogitāda, vera vniuersitas & vera Trini-
tas possit quidem aliquatenus mēte sentiri,
sed non possit simul ore proferri. Fundata
igitur in cordibus nostris dilectissimi fide,
qua salubriter credimus , quod simul tota
trinitas vna virtus est, vna maiestas , vna
substantia, indiscreta opere, inseparabilis di-
lectione, indifferens potestate, simul implens
omnia, simul continēs vniuersa. Quod enim
est pater, hoc est & filius , hoc est & spiritus
sanctus, & vera deitas , in nullo esse aut mi-
nor aut maior potest: quæ sic in tribus con-
fienda est personis , vt & solitudinem non
recipiat Trinitas, nec vnitatem seruet æqua-
litas. Hac, inquā, dilectissimi fratres fide fir-

DE PENTECOSTE.

spiritus
sanctus
et te
penteco-
sten dat⁹.
ter apprehēsa, nō ambigamus, quod cum
in die pētecōstes discipulos domini spiritus
sanctus impleuit, nō fuit inchoatio muneris,
sed adiectio largitatis: quoniā & patriarchæ
& prophetæ & sacerdotes, oīnnēsque sancti,
qui prioribus fuere temporibus, eiusdem
sunt spiritus sancti sanctificatione vegetati:
& sine hac gratia, nulla vñquam instituta sa-
cramenta, nulla sunt celebrata mysteria: vt
eadem semper fuerit virtus charismatum,
quamvis nō eadem fuerit mēsura donorum.

Ipsi quoq; beati Apostoli ante passionem
domini spiritu sancto non carebant, nec po-
tentia huius virtutis aberat ab operibus sal-
uatoris. Et cum discipulis daret infirmita-
tum curationem, & ejciendorum dæmo-
num potestatē, eius vtiq; spiritus largieba-
tur effectum, in quo ipsum immundis spiri-
tibus imperantem Iudæorum negabat im-
pietas, & diuina beneficia diabolo deputa-
bat.

Lucas 11. Vnde taliter blasphemātes merito illam
domini excepere sententiam, qua ait: Om-
ne peccatum & blasphemia remittetur ho-
minibus: Spiritus autem blasphemia nō re-
mittetur hominib⁹. Et quicūq; dixerit ver-
bum contra filiū hominis remittetur ei: qui
autem dixerit contra spiritū sanctū, non re-
mittetur ei, neq; in hoc seculo, neq; in fu-
tu-ro. Vnde manifestū est, peccatorū remissio-
nē sine spiritus sancti aduocatione nō fieri,
nec quenquam sine illo, sicut expedit, inge-
miscere, aut sicut oportet, orare, dicente

**• inuoca-
tione** Rom. 8. Apostolo: Quid enim oremus sicut oportet,
nesci-

nescimus, sed spiritus postulat pro nobis
 mitibus inenarrabilibus. Et nemo potest di-
 cere dominum Iesum, nisi in spiritu sancto.
 Cor. 13.
 quo vacuari nimis exitiabile est, nimisque
 mortiferum, quia nunquam veniam mere-
 tur, qui ab intercessore deseritur. Omnes
 igitur dilectissimi, qui in dominum Iesum
 crediderant, infusum sibi habebant spiritum
 sanctum, & remittēdorum peccatorum iam
 tunc Apostoli acceperant potestatem, quan-
 do post resurrectionem suam dominus in-
 sufflavit, & dixit: Accipite spiritū sanctum: Ioan. 20.
 quorum remiseritis peccata, remittetur eis,
 & quorum retinueritis, retinebūtur. Sed il-
 li perfectioni, quæ erat discipulis conferen-
 da, maior gratia & abundantior inspiratio
 seruabatur, per quam & quæ nondum acce-
 perant, sumerent, & excellentius possent ha-
 bere, quæ sumpserant. Propter quod domi-
 nus dicebat: Adhuc multa habeo vobis di-
 cere, sed non potestis illa portare modo. Cū
 autem venerit spiritus veritatis, ille diriget
 vos in omnem veritatem. Non enim loque-
 tur à semetipso, sed quæ audierit, loquetur,
 & futura annuntiabit vobis. Ille me clarifi-
 cabit, quia de meo accipiet, & annuntiabit
 vobis. Quid ergo est, quod dominus pro-
 mittēs discipulis spiritum sanctum, qui iam
 dixerat, omnia quæ audiui à patre meo, no-
 ta feci vobis: adhuc, inqt, multa habeo vo-
 bis dicere, sed non potestis portare modo?
 Quum autem venerit spiritus ille veritatis,
 ille nos diriget in omnem veritatem? Nun-
 AA iiiij quid

DE PENTECOSTE.

ad se dominus veritatis , inferioris scie-
tiae volebat intelligi, aut min⁹ aliquid quām
spiritum sanctum à patre didicisse? cum ipse
sit veritas, & nihil pater dicere , nihil possit
docere sine verbo, ideoq; dictū sit: De meo
accipiet , quoniam quod accipit spiritus pa-
tre dante, dat filius? Non itaq; alia erat insi-
nuanda veritas, nec alia prædicanda doctri-
na , sed oportebat capacitatem eorum , qui
docebantur, augeri , & multiplicari constan-
tiam illius charitatis, quæ omnem formidi-
nem foras mitteret , & furorem persequen-
tium non timeret. Quod vtique Apostoli,
posteaquam spiritus sancti noua abundantia
sunt repleti , ardētius velle & efficaci⁹ posse
ceperunt,* proficientes à præceptorū sci-
entia ad toleratiā passionum: vt sub nulla iam
tempestate trepidantes, fluctus seculi & elati-
ones mundi, fide supergrediente calcarent,
& morte cōtépta, omnibus gentibus Eu-
angelium veritatis inferrent. Quod verò ad-
didit dominus dicēs: Quaecunq; audierit, lo-
quetur, & futura annunciat vobis, non se-
gni intellectu dilectissimi, nec trāsitorio ac-
cipiamus auditu. Præter alias enim verita-
tis locutiones, quibus Manichæorum cōfu-
tatur impietas, hac apertissimè sententia to-
tū sacrilegæ falcitatis dogma prosternitur.
Nam vt magnū quendā & sublimem vide-
rentur sequi autorem, in magistro suo Ma-
nichæo apparuisse spiritū sanctum credide-
runt , promissumq; à domino paracletum
non prius venisse , quām hic infeliciū de-
ceptor

'ceptor oriretur', in quo ita spiritus sanctus manserit, ut non aliud fuerit Manichæus ipse, quam spiritus, qui per ministerium corporæ vocis & linguæ, discipulos suos in omnem induceret veritatem, & nunquam cognita præteriorum secretorum seculorum reseraret. Quod quam sit ridiculum quamvis vanum, tæderet ostendere, nisi adhuc quosdam non puderet hoc credere. Manichæus ergo magister falsitatis diabolicæ, & conditor superstitionis obscenæ, eo tempore dñanandus innotuit, quo post resurrectionem domini ducentesimus & sexagesimus annus impletus est, Probo Imperatore, Paulinoꝝ consule, cum octaua iam in Christianos ebulliret persecutio, & innumera martyrum milia ipsis suis victorijs probauissent impletum esse, quod dominus promiserat, dicens: Cum autem tradet vos, nolite cogitare, quomodo aut quid loquamini. Dabitur enim vobis in illa hora, quid loquamini. Non enim vos estis qui loquimini, sed spiritus patris vestri qui loquitur in vobis. Non ergo potuit promissio domini tanta per ætatū interualla differri, nec ille spiritus veritatis, quem mūdus non accepit impiorum, ita septiformem illam donorum suorum cōtinuit largitatem, ut tot Ecclesiæ generationes, sapiētia & intellectu, consilio & fortitudine, sciētia & pietate, atque ipso Dei timore fraudaret, donec prodigiosus turpium mendaciorum signifer nasceretur, cui nec hoc quidē tribui potest, quod vel exiguā diuinæ inspirationis acceperit portionem: quoniam

DE PENTECOSTE

ic de illa mundi extitit parte , quæ non
potest spiritum veritatis accipere . Reple-
tus enim spiritu diaboli , spiritui restitit
Christi , & cum sanctis Dei hoc paracleti
doctrina contulerit , vt futura prædicerent ,
hic ne falsitatis eius ipse rerum proces-
sus argueret , ridendarum impudentiam
fabularum in præteritas retorsit ætates .
Et quasi nos nihil de sempiternitate crea-
toris , nihil de ordine creaturæ in vniuer-
sum mundum bene lex sancta & diuinitus
inspirata prophetia docuisset , in contume-
liam Dei , & omnium iniuriam naturarum ,
inexplicabilium mendaciorum monstra-
contexuit . Quibus tandem suas insinuatu-
rus insanias , nisi multum incestis & ni-
mium à lumine * veritatis auerfis , qui siue
per ignorantiae cæcitatem , siue per turpi-
tudinis appetitum , ad illa non sacra , sed ex-
cramenta perueniunt : quæ propter com-
munem verecundiam non sunt nostro ser-
mone promenda , cum iam abundantissimè
ipsorum sint confessione patefacta . Nulli
ergo vestrum dilectissimi suadeatur ,
quod tantæ impietatis autorem spiritus san-
ctus aliqua ex parte dignatus sit . Nihil ad-
istum prorsus de illa virtute peruenit , quam
Ecclesiæ suæ Christus & promisit , & misit .
Ioan. 7. Dicente enim Ioanne , Spiritus nondum fue-
rat datus , quia Iesus nondum fuerat clari-
ficatus , domini ascensio , dandi spiritus fuit
ratio , quem ille necesse est ut neget datum ,
qui ad confessum paternæ dexteræ verum
in Chri-

In Christo hominem negat esse prouectum.
 Nos autem dilectissimi ad beatam aeternitatem & animar & carnis per regenerationem sancti spiritus adoptati , sacratissimi istius festi diem , rationabili obsequio & casta lætitia celebremus , confitentes cum beato Paulo Apostolo , quod dominus Iesus Christus ascendens in altum , capitulo 67 duxit captiuitatem , dedit dona hominibus : ut Euangelium Dei per omne humanae Ephe. 4. Phil. 3. vocis eloquium prædicetur , & omnis lingua confiteatur , quia dominus Iesus in gloria est Dei patris . Ad præsentem autem solennitatem etiam ista nobis est assumenda deuotio , vt ieiunium , quod ex Apostolica traditione subsequitur , sancta obseruantia celebremus : quia & hoc inter maxima sancti spiritus dona numerandum est , quod nobis aduersum illecebras carnis & insidias diaboli , ieiuniorum sunt collata præsidia , quibus omnes tentationes Deo adiuuante vincamus . Quarta igitur & sexta feria ieiunemus : Sabbato autem apud beatum Petrum Apostolum vigilias celebremus , patrocinante eodem spiritu orationibus nostris , vt in omnibus mesericordiam Dei obtinere mereamus , per eundem dominum nostrum Iesum Christum viuentem & regnantem cum patre & eodem spiritu sancto in secula seculorum , Amen.

Sermo III. de Pentecoste.

Quod.

DE PENTECOSTE

*Iod opera Trinitatis s̄int induisa, & de cause
incarnationis, & æqualitate per-
sonarum.*

Acto. 2.

Lucæ 24.

Actor. 1.

HOdiernam dilectissimi festiuitatem to-
to terrarum orbe venerabilem , ille
sancti spiritus consecrauit aduentus , qui
post resurrectionem domini quinquagesi-
mo die in Apostolos populumq; creden-
tium, sicut sperabatur , influxit. Sperabatur
autē, quia illū dominus Iesus promiserat ad
futurum, non vt tunc primū esse sanctorum
habitor inciperet : sed vt sacrata sibi pe-
ctora, & feruētius accéderet, & copiosius in-
undaret, cumulans sua dona, non inchoans,
nec ideo nouus opere, quia ditione largitate.
Nunquam enim ab omnipotentia patris &
filij spiritus sancti est discreta maiestas , &
quicquid in dispositione rerum omnium
agit diuina moderatio, ex toti⁹ venit prouid-
entia Trinitatis . Vna est ibi benignitas
misericordiæ, vna censura iustitiæ , nec ali-
quid est in actione diuisum , vbi nihil est in
voluntate diuersum. Quæ ergo illuminat
pater, illuminat filius, illuminat spiritus san-
ctus. Cūq; alia sit persona missi, alia mitten-
tis, alia promittentis , simul nobis & vnitas
manifestatur & Trinitas , vt essentia habens
æqualitatē, & nō recipiēs solitudinē, & eius-
dem substatiæ, & nō eiusdē intelligatur esse
personæ. **Q**uod ergo salua cooperatione in-
separabilis deitatis, quædam pater, quædam
filius, quædam propriè spiritus sanctus exe-
quitur,

SERMO III.

quitur, nostræ dispositio redemptionis, nostræ salutis est ratio. Si enim homo ad imaginem & similitudinem Dei factus, in suæ honore naturæ mässisset, nec diabolica fraude deceptus, à lege sibi posita per concupiscentiam deuiasset, creator mundi creatura non fieret, neq; aut sempiternus temporalitatem subiret, aut æqualis Deo patri filius Deus, formam serui & similitudinem carnis peccati assumeret, Sed quia inuidia diaboli mors introiuit in orbem terrarū, & aliter solui captiuitas humana nō potuit, nisi causam nostram ipse susciperet, qui sine maiestatis sue damno, & verus homo fieret & solus peccati contagium non haberet, diuisit sibi opus nostræ reparationis misericordia Trinitatis, vt pater propiciaretur, filius propiciaret, spiritus sanctus igniret. Oportebat enim vt aliquid etiā saluandi pro se ageret, & conuersis ad redemptorem cordibus, ab inimici dominatione desciscerent. Quoniam sicut Apostolus ait: Misit Deus spiritum filij sui in corda nostra clamantem, Abba pater. Vbi autem spiritus domini, ibi libertas. Et nemo potest dicere dominum Iesum, nisi in spiritu sancto. Si ergo duce gratia dilectissimi fideliter sapienterq; noscamus, quid patri, quid filio, quid spiritui sancto in reparatione nostra propriū, quidve cōmune sit, ea quæ pro nobis humiliter & corporaliter gesta sunt, ita procul dubio suscipiemus, vt nihil indignum de vna atque eadem Trinitatis gloria sentiamus. Quamuis enim nulla mens

Sapien. 2.

Galat. 4.

2. Cor 3.

1. Cor. 11.

DE PENTECOSTE

mēs ad cogitandū de Deo, nulla ad loquendū lingua sufficiat, tamen quantumcunq; illud est, quod humano intellectu de essentia paternæ deitatis attingitur , nisi vnum atq; idem est, cum vel de vnigenito eius , vel de spiritu sancto cogitatur, non piē sapitur, sed nimis carnaliter caligatur , & ipsum quod de patre cōgruēter sentiri videbatur, amittitur: quia à tota Trinitate receditur , si in ea vnitas nō tenetur. Nulla autem ratione vere est vnum , quod aliqua est inæqualitate diuersum. Quum igitur ad confitendum patrem & filium & spiritū sanctum aciem mentis intendimus , procul ab animo formas visibilium rerum & ætates temporalium naturarum , procul corpora locorū & loca corporum repellamus . Discedat à corde, quod spatio extenditur, quod fine cōcluditur, & quicquid nec semper vbiq; nec totum est. Cogitatio de deitate Trinitatis cōcepta , nihil per distantiam intelligat, nihil per gradus quærat. At si quid de Deo dignū senserit , nulli hoc ibi audeat negare personæ , tanquā honorificentius patri ascribat, quod filio spirituiq; nō tribuat. Non est pietas vnigenito præferre genitorem: filij contumelia, patris est iniuria : quod vni demitur, vtricq; detrahitur. Nam cum illis & semipiternitas sit cōmunis & deitas , nec omnipotens pater , nec incommutabilis æstimatur, si aut minorem se genuit, aut quem non habuit , habendo profecit. Dicit quidem dominus Iesus discipulis suis, sicut Euangeli- lica le-

SERMO III.

lica lectio recitatum est: Si diligeretis m
gauderetis vtique, quia ad patrem vado, quia
pater maior me est. Sed hoc illæ aures, quæ
sæpius audierūt, Ego & pater vnum sumus, Ioan. 10.
14.
&, Qui me videt, videt & patrem, sine deita-
tis accipiūt differentia, nec de illa hoc essen-
tia intelligunt, quam sempiternam cum pa-
tre & eiusdem naturæ nouerunt esse firma-
ratione. Commendatur etiā sanctis Aposto-
lis in incarnatione verbi dominici humana
proœctio, & qui depuciato sibi domini tur-
babantur abscessu, ad æterna gaudia hono-
ris sui incitatur augmento. Si diligeretis me, Ibidem.
inquit, gauderetis vtique, quia vado ad patrē,
hoc est, si perfecta sciētia videretis, quid vo-
bis glorię cōfertur per hoc, quod ex Deo pa-
tre genitus, etiam ex homine matre sum na-
tus, quod dominus æternorum, vnu volui
esse mortalium, quod visibilē me inuisibilis
præbui, quod formā serui in forma Dei sem-
piternus accepi, gauderetis, quia vado ad pa-
trem. Vobis enim præstatur hec ascensio,
& super omnes cœlos ad patris dexterā col-
locanda vestra in me humilitas eleuatur.
Ego autem qui hoc sum cum patre, quod pa-
ter est, individuus cum genitore permaneo,
& sic ab illo, ad vos veniēs, non recedo, quē-
admodū & vos ad illū rediens, non relinquō.
Gaudete ergo quia vado ad patrē, quia pa-
ter maior me est. Vniui enī vos mihi, & fa-
ctus sum filius hoīs, vt vos filij Dei esse pos-
sitis. Vnde licet vnus in vtroque sim, tamē quo
vobis cōformor, patre sum minor. Quod
autem

DE PENTECOSTE.

* senten-
tiae
Ioan. 15.

autem à patre non diuidor, etiā meipso sum maior. Natura itaq; quæ minor est patre, vadit ad patrem, vt ibi sit caro, vbi semper est verbum: & vna Ecclesiæ catholicæ fides, quem secundum humanitatem non diffite-
tur minorem, secūdum deitatē credat æqua-
lem. Contemnatur igitur dilectissimi va-
na & cæca versutia hæreticę impietatis, que
sibi huius * scientiæ sœua interpretatione
blanditur, ac dicente domino, Omnia quæ
habet pater, mea sunt, non intelligit se pa-
tri demere, quicquid filio audet negare. Et
ita in his, quæ humana sunt, despicit, vt pu-
tet, quod ideo vnigenito paterna defuerint,
quia nostra suscepit. Non minuit in Deo
misericordia potestatem, nec delata recon-
ciliatio creaturæ, sempiternæ defectus est
gloriæ. Quæ habet pater, habet filius, & que
habet pater & filius habet & spiritus san-
ctus: quia tota simul Trinitas est unus Deus.
Hanc autem fidem terrena sapientia non
reperit, nec opinio humana persuasit, sed
ipse vnigenitus filius docuit, ipse spiritus
sanctus instituit, de quo nihil est aliter,
quam de patre & filio sentiendum. Quia li-
cet non sit pater, non sit filius, non tamē est
à patre filioq; diuisus, & sicut propriam ha-
bet in Trinitate personam, ita vnam habet
in patris & filij deitate substantiam, omnia
implentem, omnia continentem, & cum
patre & filio vniuersa moderantem, per in-
finita secula seculorum, Amen.

Sermo

S E R M O P R I M V

de ieiunio pentecostes.

*De abstinentia ac carnis afflictione, & neminem
in hac vita esse securum.*

Hodiernam dilectissimi festiuitatem descensione sancti spiritus consecrati sequitur, ut nostis, solenne ieiunium, quod animis corporibusque curandis salubriter institutum, deuota nobis est obseruantia celebrandum. Repletis nanque Apostolis virtute promissa, & in corda eorum spiritu veritatis ingresso, non ambigimus inter cætera cœlestis sacramenta doctrinæ, hanc spiritualis continentia disciplinam de paracleti magisterio primitus fuisse conceptam, vt sanctificatæ ieiunio mentes conferendis sibi charismatibus fieren aptiores. Aderat quippe Christi discipulis prætectio omnipotentis auxiliij, & principibus nascentis Ecclesiæ tota patris filiiique diuinitas, in præsentia sancti spiritus præsidebat. Sed contra instantes impetus persequentium, contra minaces frenitus impiorum, non corporis fortitudine, nec carnis erat saturitate certandum, cum hoc maximè hominis interiora corrumpat, quod exteriora delectat, & tanto fiat rationalis anima purgatior, quanto fuerit substantia carnis afflictior. Itaque doctores, qui exemplis & traditionibus suis

omnes Ecclesiæ filios imbuerunt, tyroci-
nium militiæ Christianæ sanctis ieiunij
inchoarunt, vt contra spiritales nequitias
pugnaturi, abstinentiæ arma raperent, qui-
bus incentiua vitiorum truncarent. Inuisi-
biles enim aduersarij, & incorporales ho-
stes, non erunt contra nos validi, si nullus
carnalibus desiderijs fuerimus immersi.
Cupiditas quidem nocendi in tētatore per-
petua est, sed inermis atque inefficax erit, si
nihil in nobis vnde cōtra nos pugnet, inue-
nerit. Quis autem hac fragili carne circun-
datus, & in isto mortis corpore constitutus,
etiam qui multum validéque profecerit, ita
iam de sua salute securus sit, vt ab omni se-
illecebrarum periculo credat alienum? do-
net licet sanctis suis quotidianam gratia di-
uina victoriam, non aufert tamen dimicandi
materiam. Quia & hoc ipsum de misericor-
dia protegentis est, qui naturæ mutabili, ne
de confessio prælio superbiret, semper vo-
luit superesse quod vinceret. Igitur post
sanctæ dies lætitiae, quos in honorem do-
mini à mortuis resurgentis, ac deinde in
cœlos ascendentis, exegimus, póstque per-
ceptum sancti spiritus donum, salubriter &
necessariè consuetudo est ordinata ieiunij,
vt si quid fortè inter ipsa festiuitatum gau-
dia, negligens libertas & licentia inordinata
præsumpsit, hoc religiosæ abstinentiæ cen-
sura castiget. Quæ ob hoc quoq; studiosius
execunda est, vt illa in nobis, quæ hac die
Ecclesiæ diuinitus sunt collata, permaneāt.

Tem-

S E R M O I.

Templum enim facti spiritus sancti & mai-
re quam vñquam copia diuini fluminis irri-
gati, nullis debemus concupiscentijs vinci,
nullis vitijs possideri, vt virtutis habitacu-
lum, nulla sit cōtaminatione pollutū. Quod
vtique regente atque adiuuāte domino om-
nibus obtainere possibile est, si per iejunij
purificationem ac per misericordiæ largita-
tem studeamus & peccatorum fôrdibus li-
berari, & charitatis fructibus esse fœcundi.
Quicquid enim in cibos pauperum, in cura-
tiones debilium, in precia captiuorum, & in
quælibet opera pietatis impenditur, nō mi-
nuitur, sed augetur, nec vñquā apud Deum
perire poterit, quod fidelis benignitas ero-
garit, dum quodcūque tribuit ad subsidium,
id sibi recondit ad præmiū. Beati enim mi-
sericordes quoniā ipsorū miserebitur Deus:
neque delictorum memoria erit, vbi testi-
monium pietatis adfuerit. Quarta igitur &
sexta feria iejunemus. Sabbato autem apud
beatissimum Petrum Apostolum vigilias
celebremus, cuius nos orationibus, & à spi-
ritualibus inimicis & à corporeis hostibus
confidimus liberari, per dominum no-
strum Iesum Christum filium tuum, qui
tecum viuit & regnat in vnitate spiritus
sancti Deus per omnia secula seculorum,
Amen.

Matth. 5.

Sermo II. de iejunio pentecostes.

De iejunio Christianorum, Iudeorum, hæretico-
rum & paganorum.

Bb ñ

Dubi-

DE IEIVNIO PENTEC.

Traditi-
nis Apo-
stolicæ au-
toritas.

Vbitandum non est dilectissimi , om-
nem obseruantiam Christianam, erudi-
tionis esse diuinæ , & quicquid ab Ecclesia
in consuetudinem est deuotionis receptum,
de traditione Apostolica & de sancti spiri-
tus prodire doctrina, qui nunc quoque cor-
dibus fidelium suis præsidet institutis, vt ea
omnes & obedienter custodiant , & sapien-
ter intelligent. Nam cum in die pentecostes,
quem à pascha domini quinquagesimum ce-
lebramus, promissus à domino spiritus san-
ctus , expectantium mentes maiori quam
vnquam copia & clariore præsentia suæ
maiestatis impleuerit, manifestissimè patet
inter cætera Dei munera, ieiuniorum quoq;
gratiam , quæ hodiernam festiuitatem indi-
uisa subsequitur , tunc fuisse donagam , vt
sicut fuit concupiscentia initium peccato-
rum , ita sit continentia origo virtutum. In
exercendo autem hoc Dei munere, non ideo
segniores esse debemus , quia & Iudæi &
hæretici sæpe ab edendi libertate se conti-
nenit , & apud ipsos paganos sunt quædam
vana ieiunia . Aliud enim agit sub veritate
ratio, aliud sub falsitate deceptio. Apud nos
fides etiā sanctificat manducantem, apud il-
los infidelitas polluit ieiunatēm. Vnde quia
Rom.14. extra Ecclesiam catholicam nihil est inte-
grum,nihil castum, dicēte Apostolo: Omne
quod non est ex fide, peccatum est,cum diui-
sis ab vnitate corporis Christi , nulla simili-
tudine compararum , nulla cōmunione mi-
scemur , quod vtique nobis saluberrimum
maxi-

aximumq; iejunium est. Ad virtutē en-
continentiae nihil prius pertinet, q; ab erro-
ribus abstinere, quia tunc demum bene am-
bulatur , cum per viam veritatis inceditur.
Nam quia angusta & ardua declinātes, pro-
clivia & lata lectādo , cito in perditionē de-
ueniunt, melior est gradus lētior per iter re-
ctam , quām velocitas festina per deuum.
Agnoscat ergo catholicus Christianus fru-
ctus iejunij sui, quod etiā inter maximas lar-
gitates sterilissimū erit, nisi de sancti spiritus
rigatione processerit. Cum enim dicat Apo-
stolus, nullas sibi virtutes sine charitate pro-
desse, idemq; dicat, charitatem Dei diffusam
esse in cordibus nostris per spiritū sanctum,
qui datus est nobis, cauendum est, ne bona,
quæ facere sine bonitate non possumus, elati-
one perdamus. Nam omni se merito laude
dispoliat , qui de studijs industriæ suæ in se
magis quām in domino gloriatur, cum bea-
tus Dauid doceat in sanctorū operibus Deū
esse laudandū, dicens: Mirabilis Deus in san-
ctis suis , Deus Israel ipse dabit virtutem &
fortitudinem plebi suæ. Et iterum: Domine
in lumine vultus tui ambulabunt , & in no-
mine tuo exultabunt tota die , & in iustitia
tua exaltabuntur , quoniam gloria virtutis
eorum es tu. Et ideo dilectissimi secundum
eruditionem spiritus sancti , per quem Ec-
clesiæ Dei, omnium virtutum collata sunt
dona, suscipiamus alaci fide solēne ieuniū,
& in mandatis, quæ poterimus efficere, con-
tineamus nos ab inflatione iactantiæ, ad Dei
Bb ij gloriā

1. Cor. 13.

Rom. 5.

Cor. 1.

2 Cor. 10.

Hiere. 9.

Psal. 67.

Psal. 88.

DE IEIVNIO PENTEC.

oriam cuncta referentes, qui & bonarū est inspirator voluntatum , & bonarum est autor actionum , dicente domino: Sic luceat lux vestra coram hominibus, vt videat opera vestra bona , & magnificent patrem vestrum, qui in cœlis est , qui viuit & regnat per omnia secula seculorum, Amen.

Sermo III. de iejunio Pentecostes.

De utilitate ieunij & eleemosynarum.

SAntarum solennitatum dilectissimi ordine celebrato, & spiritualis lætitiae deuotione cōpleta , oportet nos ad salubritatem recurrere parcitatis , remediumq; ieunij & exercendis mentibus & castigandis adhibere corporibus , vt quia nos satis de hoc & diuina monita & propria experimenta docuerunt, primum per sacratorum dierum recursum diuinæ pietati gratias referamus, quum sanctas continentie delicias appetentes , aliquantulum nobis de terrenorum ciborum abundantia subtrahamus , ita proficiat elleemosynis , quod non impeditur mensis. Tunc enim demum ad animæ curationem proficit medicina ieunij, cum abstinentia ieunantis esuriem reficit indigenitus. Quia ergo scimus apud misericordem Deum ieunij præcellere eleemosynæ largitatem dicente ipso domino: Date eleemosynam, & omnia munda sunt vobis , si animas nostras à peccatorū fordibus cupimus emun-

elmundari , elemosynam pauperibus negemus , vt in die retributionis ad promendam Dei misericordiam , misericordiae operibus adiuuemur , per Christum dominum nostrum , Amen.

Sermo IIII. de ieunio pentecostes.

De laude abstinentie & carnis castigatione.

Inter omnia dilectissimi Apostolicæ instituta doctrinæ , quæ ex diuinæ institutionis fonte manarunt , dubium non est , influente in Ecclesiæ principes spiritu sancto , hanc primum ab eis obseruantiam fuisse conceptam , ut sancti obseruatione ieunij , omnium virtutum regulas inchoarent , quia multum ad præcepta Dei exequenda prodesset , si Christiana militia contra incentiua omnia vitiorum , continentiae se sanctificatione muniret . Cum enim per illecebram cibi irrepserit prima causa peccati , quo salubriore Dei munere vtitur redempta libertas , quam ut nouerit abstinere à concessis , quæ frenare se nesciuit à vetitis ? Omnis quidem creatura Dei bona est , & nihil est abiiciendum , quod cum gratiarū actione percipitur . Sed non ad hoc creati sumus , vt fœda & impudenti auiditate omnes mundi copias expetamus ; tanquam quod licet sumi , non liceat prætermitti . Laudetur Deus , qui hominū usui tam

Tim. 4.

Bb iij multa

DE IEIVNIO PENTEC.

Eccles.
ta donauit , sed agnoscat rationalis animus, maiores delicias meti datus esse quam carni. Et cum audit sibi per spiritum sanctum dici, post concupiscentias tuas non eas, & a voluntate tua auertere, intelligat sibi contra omnia, quae sensibus corporeis blandiuntur temperantiae sectandam esse virtutem , per quam, dum exterioris hominis voluntas minuitur , sapientia interioris augetur . Non enim idem vigor cordis est sub onere cibi, qui sub lenitate ieiunij, nec eundem sensum potest satietas generare, quem parcitas . Quia quum caro concupiscens aduersus spiritum , spiritali cupiditate superatur , libera obtinetur sauitas & sana libertas , ut & caro metis iudicio, & mens Dei regatur auxilio . Ad hanc ergo utilitatē nos dilectissimi praesens tempus inuitat, ut a resurrectione domini usque ad aduentum spiritus sancti quinquaginta diebus emensis, quos in laetitia præcipue festivitatis exegimus ad ieiuniorū remedia recurramus, ne forte per occasionem licentiae blandioris, aliquas negligentiae cuiusdam deletabilium usus inciderit . Terra enim carnis nostrae , nisi assiduis fuerit subacta culturis, cito de segni ocio spinas tribulosque producit, & partu degeneri dabit fructum non horreis inferendum, sed ignibus cōcremādum, dicente Domino: Omnis plātatio , quam non plantauit pater meus cœlestis , eradicabitur. Custodienda igitur nobis omnium germinum seminumque generositas, quam ex summi agricolæ plantatione concepimus, & vigilis soli-

Galat. 5.

Matth. 13

gili sollicitudine prouidendum , ne Dei m
nera aliqua inuidentis inimici fraude vio-
lentur, & in paradiſo virtutum non crescat
ſylua vitiorum . Ad declinandum autem
hoc malum,nihil est potentius eleemosynis
atque ieunijs , dum & carnales cupiditates
continentia necat , & desideriorum spiritu-
lium fructus , misericordiae cura multipli-
cat. Vnde charitatem vestram ſolenniter ad-
monemus,vt per caſtigationem corporis &
per opera pietatis, mudari ab omnium pec-
catorum forde curemus . Quarta igitur &
ſexta feria ieunemus. Sabbato autem apud
beatissimum Petrum Apostolum vigilias
celebremus , cuius meritis & orationibus
ita nos per omnia credimus adiuuandos,
ut misericordia Dei & ieunijs nostris adſit
& votis, per Christum dominum noſtruſ,
Amen.

SERMO PRIMVS in nativitate Apostolo- rum Petri & Pauli.

Dedignitate urbis Romæ, quam conſequen-
ta eſt per Apoſtulos Petrum & Paulum,
de imperio, ſuperſtitione & fide eiusdem,
denique de Neronis furore ac perſecutione.

OMNIUM quidem ſanctarum ſolen-
nitatum dilectiſſimi , totus mun-
dus eſt particeps , & vnius fidei
Bb v pietas

festas exigit, ut quicquid pro salute vniuersorum gestum recolitur, communibus vbiique gaudijs celebretur. Veruntamen hodierna festiuitas praeter illam reverentiam, quam toto terrarum orbe promeruit, speciali, & propria nostræ vrbis exultatione veneranda est, vt vbi præcipuorum Apostolorum glorificatus est exitus, ibi in die martyrij eorum sit lætitiae principatus. Isti enim sunt viri, per quos tibi Euangeliu[m] Christi Roma resplenduit, & quæ eras magistra erroris, facta es discipula veritatis. Isti sunt patres tui verique pastores, qui te regnis cœlestibus inferendam multo melius multoq[ue] felicius condiderunt, quam illi, quorum studio prima mœnium tuorum fundamenta locata sunt: ex quibus is, qui tibi nomen dedit, fraterna te cæde fœdauit. Isti sunt, qui te ad hanc gloriam prouexerunt, vt sis gens sancta, populis electus, ciuitas sacerdotalis & regia, per sacram beati Petri sedem caput orbis effecta, latius praesideres religione diuina, quam dominatione terrena. Quamuis enim multis aucta victorij, ius Imperij tui terra mariq[ue] protuleris, minus tamen est, quod tibi bellicus labor subdidit, quam quod pax Christiana subiecit.

Deus nanque bonus, & iustus, & omnipotens, qui misericordiam suam humano generi nunquam negauit, omnésque in commune mortales ad cognitione sui abundantissimis semper beneficij erudiuit, voluntate

*Exod. 19.
1. Petr. 2.*

Iuntariam errantium cæcitatē, & proclu-
in deteriora nequitiam , secretiore confilio
& altiori pietate miseratus est , mittendo
verbum suum æquale sibi atq; coæternum.
Verbū igitur caro factū ita diuinā naturam
naturæ vniuit humanæ , vt illius ad infima
inclinatio , nostra fieret ad summa proue-
ctio. Ut autē huius inenarrabilis gratiæ per
totum mūdum diffunderetur effectus, Ro-
manum regnū diuina prouidentia præpara-
uit. Cuius ad eos limites incrementa perdu-
cta sunt, quibus cunctarum vndiq; gentium
vicina & contigua esset vniuersitas . Di-
sposito nanq; diuinitus operi maximè con-
gruebat, vt multa regna uno confederaren-
tur imperio, & cito peruios haberet popu-
los prædicatio generalis, quos vnius tene-
ret regimen ciuitatis. Hęc autē ciuitas igno-
rans suę prouectionis autorem, cum penè
omnibus dominaretur gentibus , omnium
gentium seruiebat erroribus: & magnam si-
bi videbatur assumpsisse religionem , quia
nullam respuebat falsitatem. Vnde quātum
erat per diabolum tenacius illigata, tantum
per Christum est mirabilius absoluta. Nam
cum duodecim Apostoli , accepta per spiri-
tum sanctum omniū locutione linguarum,
imbuendum Euangelio mundum , distribu-
tis sibi terrarum partibus, suscepissent: bea-
tissimus Petr⁹ princeps Apostolici ordinis,
ad arcem Romani destinatur imperij, vt lux
veritatis, quæ in omnium gentium reuela-
batur salutem , efficacius se ab ipso capite
per to-

Romanū
imperiu
cur ad
summa
prole-
ctum sit.

Autor. 2.

mano-
m su-
persti-
tua

*sacrifi-
ciorum

Matth. 14

Matth. 26

*alendos.

Ioann. 21.

totum mundi corpus effunderet. Cu-
tius autem nationis homines in hac tunc vr-
be non essent, aut quę vsquam gentes igno-
rarent, quod Roma didicisset? Hic concul-
candae philosophiae opinones, hic dissol-
uendae erant terrenae sapientiae vanitates,
hic confutandi dæmonum cultus, hic om-
nium * sacrilegiorum impietas destruenda,
vbi diligentissima superstitione habebatur
collectum, quicquid vsquam fuerat vanis
erroribus institutum. Ad hanc ergo urbem
tu beatissime Apostole Petre venire non
metuis, & consorte gloriæ tuæ Paulo Apo-
stolo, aliarū adhuc Ecclesiarum ordinatio-
nibus occupato, syluam istam frementium
bestiarum, & turbulentissimæ profundita-
tis oceanum constantior, quam cum supra
mare gradereris, ingrederis. Nec mundi do-
minam times Romam, qui in Caiaphæ do-
mo expaueras sacerdotis ancillā. Nūquid
aut iudicio Pilati, aut seuitia Iudeorum mi-
nor erat vel in Claudio potestas vel in
Nerone crudelitas? Vincebat ergo materia
formidinis vis amoris: nec estimabas terro-
ri cedendum, dum horum saluti consulis,
quos susceperas * diligendos. Hunc ergo in-
trepidæ charitatis affectum, iam tunc pro-
fecto conceperas, quādo professio tui amo-
ris in dominū, trinę interrogationis est soli-
data mysterio. Nec aliud ab hac mētis tuæ
intentione quę sitū est, quā vt pascendis eius
quę diligeres, omnibus cibum, quo ipse eras
opimatus, impenderes. Augebant quoq; fi-
duciam

duciam tuam tot signa miraculorū, tot dona charismatum atq; experimēta virtutum.

Iam populos, qui ex circūcisione crediderant, erudieras. Iam Antiochænam Ecclesiā, vbi primū Christiani nominis dignitas est orta, fundaueras. Iam Pontum, Galatiam, Cappadociam, Asiam, atq; Bithyniam legibus Euangelicæ prædicationis impleueras, nec vt dubius de proœctu operis aut de spatio tuæ ignarus etatis, tropheū crucis Christi Romanis arcibus inferebas, quo te diuinis præordinationibus anteibāt, & honor potestatis, & gloria passionis. Ad quā beat⁹ coapostolus tuus, vas electionis, & specialis magister gētiū Paulus occurrēs, eodē tibi consociatus est tempore, quo iam omnis innocentia, omnis pudor, omnis libertas, sub Neronis laborabat imperio. Cuius furor, per omnium vitiorum inflammatus excessum, in hunc eum usq; torrentem suæ præcipitauit insanię, vt primus nomini Christiano atrocitatē generalis persecutio-
nis inferret, quasi per sanctorū neces gratia Dei posset extingui, cui⁹ hoc ipsum erat maximū lucrum, vt contemptus vita huius occiduę perceptio fieret felicitatis eterne. Præciosa ergo est in cōspectu domini, mors sanctorū eius. Nec ullo crudelitatis genere destrui potest sacramento crucis Christi fundata religio. Non minuitur persecutio-
nibus Ecclesia, sed augetur, & semper dominicus ager segete ditioni vestitur, dum gra-
na, quæ singula cadūt, multiplicata nascun-
tur. V. 3.

Psalms.

Neronis
furor &
persecu-
tio.

Acto. ii.

Actdr. 2.
1. Tim. 2.

IN NAT. PETR. ET PAV.

Ir. Vnde duo ista præclara diuini germina
seminis, in quantam sobolem germinarint,
beatorum milia martyrum protestantur, quia
Apostolicorum æmuli triumphorum, vr-
bem nostram purpuratis & longè lateç ru-
tilantibus populis ambierunt, & quasi ex
multarum honore gemmarum conserto vno
diademate coronarunt. De quorum præsi-
dio dilectissimi diuinitus nobis ad exem-
plum patientiae & confirmationem fidei
præparato, vniuersaliter quidē in omnium
sanctorum commemoratione lætandum
est, sed in horum excellentia patrum merito
est * excellentius gloriandum, quos gratia
Dei in tantum apicem inter omnia Eccle-
siæ membra prouexit, vt eos in corpore,
cui caput est Christus, quasi geminum con-
stitueret lumen oculorum, de quorum me-
ritis atque virtutibus, quæ omnem loquen-
di superant facultatem, nihil diuersum, nihil
debemus sentire discretum, quia illos & ele-
ctio pares, & labor similes, & finis fecit
æquales. Sicut autem & nos experti sumus,
& nostri probauere maiores, credimus atq;
confidimus, inter omnes labores istius vi-
tæ, ad obtainendam misericordiam Dei, sem-
per nos specialium patronorum orationi-
bus adiuuandos, vt quantum proprijs pec-
catis deprimimur, tantum Apostolicis me-
ritis erigamur, per dominum nostrum Ie-
sum Christum, cui est cum patre, & san-
cto spiritu eadem potestas, vna diuinitas in
secula seculorum, Amen.

uitan-
tius
Ephes. 1.

Interces-
sio san-
ctorum.

Sermo

Sermo II. in nativitate Apostolorum
Petri & Pauli.

*De Petri fide ac confessione, super quam
aedificata est Ecclesia.*

EXULTEMUS in domino dilectissimi, &
spiritali iucunditate lætemur, quia vni-
genitus Dei patris filius, dominus noster
Iesus Christus, ad insinuanda nobis suæ
dispensationis & diuinitatis mysteria, Apo-
stolici ordinis primum beatum Petrum huic
ciuitati dignatus est prærogare, cuius ho-
dierna solennitas, recurrente triumpho
martyrj, specimē & decus contulit orbi ter-
rarum. Hoc enim obtinuit dilectissimi illa
cōfessio, quę à Deo patre inspirata, Aposto-
lico cordi omnium humanarū opinionum
incerta transcēdit, & firmitatem petræ, quæ
nullis impulsionibus quateretur, accepit.
Euangelica si quidē referente historia, om-
nes Apostolos domin⁹, quid de se homines
opinentur, interrogat. Et tam diu sermo re-
spondentium communis est, quā diu huma-
næ intelligentiæ ambiguitas explicatur. At
vbi quid habeat discipulorum sensus, exigi-
tur, ille prim⁹ est in domini cōfessione, qui
primus est in Apostolica dignitate. Qui cum
dixisset: Tu es Christus filius Dei viui, re-
spondit ei Iesus: Beatus es Simon Bar Ionà,
quia caro & sanguis non reuelauit tibi, sed
pater meus qui in cœlis est. Ideo beatus es,
quia

Matth. 16
Petri cō-
fessio.

quia pater meus te docuit, nec opinio te terrena fecellit, sed inspiratio cœlestis instruxit & nō caro & sanguis, sed ille me tibi, cuius sum vnigenitus, indicauit. Et ego, inquit, dico tibi, hoc est, sicut pater meus tibi manifestauit diuinitatem meam, ita ego notā tibi facio excellentiam tuam. Quia tu es Petrus, id est, cum ego sim inuiolabilis petra, ego lapis angularis, qui facio vtracq; vnum, tamē tu quoq; petra es, quia mea virtute solidaris, vt quæ mihi potestate sunt propria, sint tibi mecum participatione communia. Supra hanc pétram ædificabo Ecclesiam meam, & portæ inferi non præualebunt aduersus eam. Super hanc, inquit, fortitudinem æternum extruam templum, & Ecclesiæ meæ cœlo inferenda sublimitas, in huius fidei firmitate consurget. Hanc confessio-
 nem portæ inferi non tenebunt, mortis vincula non ligabunt. Vox enim ista, vox vitæ est, & sicut confessores suos in cœlestia prouehit, ita negatores ad inferna demergit. Propter quod dicitur beato Petro Apostolo: Tibi dabo claves regni cœlorū. Et quæcunq; ligaueris super terram, erunt ligata & in cœlis. Et quæcunq; solueris super terram, erunt soluta & in cœlis. Transiuit quidem in Apostolos alios vis istius potestatis, sed non frustra vni commendatur, quod omnibus intimetur. Petro enim singulariter hoc creditur, quia cunctis Ecclesiæ rectoribus, Petri forma proponitur. Manet ergo Petri priuilegiū, vbiq; ex ipsius fertur equitate iudi-

Ephes.2.

Petrus pe
tra, super
qua ædi-
ficata est
Ecclesia.

te iudicium, nec nimia est vel saueritas, vel remissio, vbi nihil erit ligatum, nihil solutum, nisi quod Petrus aut ligauerit, aut soluerit. Instante autem passione sua dominus, quae discipulorum suorum erat turbatura constantiam, Simoni inquit: Simon ecce Satan as ex- postulauit, vt vos cribraret sicut triticum. Ego autem rogaui pro te, vt non deficiat fides tua, & tu aliquando conuersus, confirmas fratres tuos, ne intrent in tentatione. Commune erat omnibus Apostolis periculum de tentatione formidinis, & diuinæ protectio- nis auxilio pariter indigebant, quoniam dia- bolus omnes exagitare, omnes cupiebat eli- dere, & tamen specialis à domino Petri cu- ra suscipitur, & pro Petri fide propriè suppli- catur, tanquam aliorum status certior sit fu- turus, si mens principis victa non fuerit. In Petro ergo omnium fortitudo munitur, & diuinæ gratiæ ita ordinatur auxilium, vt fir- mitas, quæ per Christum Petro tribuitur, per Petrum Apostolis conferatur. Nam & Ioan.11, post resurrectionem suam dominus beato Petro Apostolo post regni claves, ad trinam æterni amoris professionem, mystica insi- nuatione ter dixit: pasce oves meas, quod & nunc procul dubio facit, & mandatum domini pius pastor exequitur, confirmans nos exhortationibus suis & pro nobis ora- re non cessans, vt nulla tentatione supere- mur. Si autem hanc pietatis suæ curam omni populo Dei, sicut credendum est, ubique pro- tendit, quanto magis alumnis suis opere suam

Cc digna-

dignatur impendere , apud quos in sacro dormitionis thoro, eadē qua præcedit carne, requiescit? Cum ita dilectissimi, tantum nobis videamus præsidium diuinitus institutum, rationabiliter & iustè in ducis nostri meritis & dignitate lætamur , gratias agentes sempiterno regi & redemptori nostro Iesu Christo, quod tantam potentiam dedit ei, quem totius Ecclesiæ principem fecit, ad gloriam & laudem nominis sui , qui cū Deo patre & spiritu sancto viuit & regnat in secula seculorum, Amen.

S E R M O I N O C T A- ua Apostolorum Petri & Pauli.

De ingratitudinis vitio ac decem leprosis.

Religiosam deuotionem dilectissimi, qua ob diem castigationis & liberationis nostræ , cunctus fidelium populus ad agendas Deo gratias confluebat, penè ab omnibus proximè fuisse neglectam, ipsa paucorum , qui adfuere, raritas demonstrauit, & cordi meo multum tristitia intulit, & plurimum timoris incussit. Magnum enim periculum est, esse homines ingratos Deo, & per obliuionem beneficiorum eius,nec de correptione compungi, nec de remissione lætari . Vereor igitur dilectissimi,

tissimi , ne vox illa prophætica tales incre-
passe videatur , quæ dicit : Flagellasti eos ,
& non doluerunt , castigasti eos , & no-
luerunt accipere disciplinam . Quæ enim in
eos correctio ostenditur , in quibus tanta
auersio reperitur ? Pudet dicere , sed necesse
est non tacere , plus impenditur dæmonijs ,
quam Apostolis , & maiorem obtinent insa-
na spectacula frequentiam , quam beata mar-
tyria . Quis hanc vrbem reformauit salutis
quis à captiuitate eruit ? quis à cæde defen-
dit ? ludus Czcensium , an cura sanctorum ?
quorum vtique precibus diuinæ censuræ
flexa sententia est , vt qui merebamur iram ,
seruaremur ad veniam . Tangat obsecro di-
lectissimi cor vestrum illa sententia salua-
toris , qui cum decem leprosos misericordiæ
virtute mundasset , vnum tantum dixit ex
eis ad agendas gratias reuertisse , significans
videlicet de ingratis , quod huic pietatis of-
ficio , etiam si corporis assequuti sunt sani-
tatem , non tamen sine animi impietate de-
fuerūt . Ne ergo ista ingratorum nota etiam
vobis dilectissimi possit ascribi , reuertimi-
ni ad Dominum , intelligentes mirabilia ,
quæ in nobis dignatus est operari , & libera-
tionem nostram , non sicut opinantur impij ,
stellarum effectibus , sed ineffabili omnipo-
tentis Dei misericordiæ deputates , qui cor-
da furentium Barbarorum mitigare digna-
tus est . Ad tati vos beneficij memoriam to-
to fidei vigore conferte . Grauis negligētia ,
maiore satisfactione curanda est . Ad eimen-

Lucas 17.

IN NAT. SEP. MACHA

dationem nostram vt tamur lenitate parcen-
tis, vt beatus Petr⁹ & omnes sancti, qui no-
bis in multis tribulationibus adfuerunt, ob-
secrationes nostras pro vobis apud miseri-
cordem Deum iuuare dignentur, per Chri-
stum dominum nostrum, Amen.

SERM' O IN NATIVI- tate sanctorum septem fratrum Martyrum Machabæorum.

*De Machabæorum festo ac martyrio, &
continuo Christianorum con-
ficiu.*

Gratiias dilectissimi agamus domino
Deo nostro, quod quanta sit huius
diei solennitas, etiam si ego taceam,
conuentus vester ostendit. Tam enim con-
spiranti studio & deuoto animo conuenistis,
vt festiuitatis magnificentiam, etsi sermo
non indicet, congregatio tamen ipsa teste-
tur. Et rectè. Duplex enim causa lætitiae est,
in qua & natalem Ecclesiæ colimus, & mar-
tyrum passione gaudemus. Nec immerito
dignè Ecclesia horum exultat martyrio,
quorum ornatur exemplo. Causam ergo
solennitatis hodiernæ dilectissimi, plenissi-
mè sacræ historiæ lectione didicistis, nec
latere vos potuit, quem in tanto rerum ge-
starum ordine exceperitis auditum, cum
gloriosam septem martyrum matrem exul-
tanti &

Festiuitas
dedicati-
onis Ec-
clesiæ &
martyrū.

tanti & non tacito honoraretis affectu , in singulis quidem filijs passam , sed in omnibus coronatā. Subsecuta est enim felici exitu, quos invicto præmisit hortatu. Beata genitrix, beata progenies, memorabilis præcedentiū fortitudo . Nā cū in illo ordine mortuum, & in illa dispositione pœnarum, id sæuissimi regis excogitasst impietas , vt victoriā sibi & de primis promitteret, quos sine tolerantiæ * cruciaret exemplo, & de postrémis, quos in supplicio torqueret alieno, taret multiplicatæ sunt martyrum palmæ, & dum singuli in omnibus vincunt, præter coronas proprias, omnes acquisiuerē septenas . Sed hæc ad fructuosam recolēda sunt auriū voluptatē. Inflat scientia, nisi ædificet obediencia, grauant audita , nisi suscipiantur imitanda. Nec enim quia cessauit persecutor & tortor , quia iam omnes Deo militant potestates, desunt Christianis, quas superēt, passiones. Fili, inquit, accedens ad seruitutem Dei, Eccle.2. sta in iustitia & timore , & præpara animam tuam ad tētationē. Et Apostolus dicit: Qui cunq; in Christo piè volunt viuere, persecutionem patiuntur propter iustitiam. Qui ergo putas quieuisse persecutionem , & nullum tibi cum hostibus esse conflictum , intimum cordis tui scrutare secretum , & omnes recursus animæ tuæ diligens explorator ingredere , & vide si nulla te impugnat aduersitas , si nullus tyrannus vult in mentis tuæ arce dominari. Noli cum auaritia pacem firmare, & iniquorum quæstuum incre-

menta contemne. Superbię concordiam ne-
ga, & magis time in gloriam suscipi , quām
in humilitate calcari . Dissociare ab ira, nec
dolorē inflammet inuidiæ cupido vindictæ.
Renuncia voluptati , auertere ab immundi-
cia, pelle luxuriam, fuge iniquitatem , omit-
te falsitatem , & cum videris te multiplicem
habere pugnam, tu quoque imitator marty-
rum,* numerosam quære victoriam . To-
ties enim peccatis morimur , quoties in no-
bis peccata moriuntur , & præciosa in con-
spectu domini etiam ista mors sanctorum
eius, ubi homo occiditur mundo , non ter-
minatione sensuum, sed fine vitiorum. Si er-
go charissimi , non ducitis cum infidelibus
iugum , si peccatores esse desistitis , & nullis
carnalium cupiditatū temptationibus cre-

1. Cor. 6.

Q ditis, solennem hanc diem celebretis, & non solum martyres ac martyrum matrem, sed etiam illius memoriam iusto honore veneramini, qui hoc die antiquam festiuitatem huius loci consecratione geminauit. Magnificus quidem structor parietum, sed magnificentior ædicator animarum, ultra æui sui terminos opera pietatis extendens, ut utilitatibus institutionum eius etiā in ipso frueretur deuota posteritas, & habitando quod condidit, & faciendo quod docuit. Omnia ergo dilectissimi, quæ oculis cernitis, & mente meministis, ad profectum vestræ ædificationis assumite, & ita vniuersisque vestrum præparato à maioribus vtatur habitaculo, ut in seipso meminerit templum

templum Dei esse fundatum. Nihil structu-
ræ præstare prauum, nihil supponat infirmum,
sed viuis & electis lapidibus congruendo,
per indissolubilem connexionem crescat in
dominici corporis unitatem, auxiliante do-
mino nostro Iesu Christo, qui cum patre &
spiritu sancto viuit & regnat in secula secu-
lorum, Amen.

S E R M O I N N A T I- uitate Sancti Laurentii martyris.

*De laude atque exemplo martyrum, & D. Laurena-
tij passione ac triumpho.*

CVm omnium dilectissimi summa
virtutum & totius plenitudo iu-
stitiae, de illo amore nascatur, quo
Deus proximusque diligitur, in nullis pro-
fectò hic amor sublimius excellere clariuscq;
fulgere, quam in beatissimis martyribus
inuenitur, qui domino nostro Iesu Christo
pro omnibus hominibus mortuo, tam pro-
pinqui sunt imitatione charitatis, quam si-
militudine passionis. Quamuis enim illi di-
lectioni, qua domin⁹ nos redemit, nulla cu-
iusquam benignitas possit equari, quia aliud
est pro iusto mori hominem sua necessitate
moriturum, aliud pro impijs occumbere à
debito

Rom. 5:

Cc iij

debito mortis alienum: multum tamen universis hominibus etiam martyres contulerunt, quorum fortitudine ita eius largitor usus est dominus, ut poenam mortis & atrocitatem crucis, nulli suorum vellet esse terribilem, sed multis ficeret imitabilem. Si ergo nullus bonus, sibi soli est bon⁹, nec cuiusquam sapientis, sibi tantum sapientia est amica, & haec verarum natura virtutum est, ut multos a tenebroso abducat errore, qui earum clarus est lumine, ad erudiendum Dei populum, nullorum est utilior forma quam martyrum eloquentia. Facilis ad exhortandum sit ratio, efficax ad suadendum, validiora tamen sunt exempla quam verba, & pleniū est opere docere, quam voce. In quo excellentissimo genere doctrinæ beatus martyr Laurentius, cuius passione dies hodiernus illustris est, quam gloria polleat dignitate, etiam persequutores eius sentire potuerunt, quum illa mirabilis animi fortitudo, de Christi principaliter amore concepta, non solum ipsa non cederet, sed etiam alios exemplo suę tolerantiæ roboret. Quum enim furor gentilium potestatum in electissima quæque Christi membra sœuiret, ac præcipue eos, qui ordinis erant sacerdotalis, impeteret, in leuitam Laurentium, qui non solum ministerio sacramentorum, sed etiam dispensatione Ecclesiasticæ substantiæ præeminebat, impius persecutor efferbuit, duplē sibi prædam de unius viri comprehensione promittens:

quem

quem si fecisset sacræ pecuniæ traditorem,
saceret etiam veræ religionis exortem. Ar-
matur itaq; gemina face homo pecuniæ cu-
pidus, & veritatis inimicus, auaritia, vt ra-
piat aurum, impietate, vt auferat Christum.
Postulat sibi ab immaculato sacrarij præ-
fule opes Ecclesiasticas, quibus audiissimus
inhiabat, inferri. Cui leuita castissimus, vbi
eas reposita haberet, ostendes, numerosissi-
mos sanctorum pauperum obtulit greges,
in quoru; victu atq; vestitu inamissibiles cō-
diderat facultates, quæ tāto integrius erant
saluæ, quanto sanctius probabātur expensæ.
Fremit ergo prædo frustratus, & in odium
religionis, quæ talem diuitiarum vsum insti-
tuisset, ardescens, direptione thesauri potio-
ris aggreditur, apud quem nullam denario-
rum substantiam reperisset, vt illud deposi-
tū, quo sacratius erat diues, auferret. Renū-
ciare Christo Laurentium iubet & solidissi-
mam illam leuitici animi fortitudinem di-
ris parat vrgere supplicijs. Quorum vbi pri-
ma nil obtinet, vchemētiora succedunt. La-
ceros artus, & multa verberū sectione con-
scisos, subiecto præcipit igne torri, vt per
cratem ferreā, quæ iam de feruore cōtinuo
vim in se haberet vrendi, conuersorum al-
terna mutatione membrorum, fieret crucia-
tus vehementior, & pœna productior. Nihil
obtines, nihil proficis saeuia crudelitas. Sub-
trahitur * tormentis tuis materia mortalis,
& Laurentio in cœlos abeūte, tu deficis flā-
mis tuis. Superari charitatis Christi flam-
ma non inuentis

DE S. LAURENTIO.

ma non potuit, & segnior fuit ignis, qui foris v̄ssit, quām qui intus accendit. Sæuisti persecutor in martyrem, sæuisti & auxisti palmam, dum aggeras pœnam. Nam quid non ad victoris gloriam ingenium tuum reperit, quando in honorē transferunt triumphi, etiam instrumenta supplicij? Gaudemus igitur dilectissimi gaudio spirituali, & de felicissimo incliti viri sine gloriemur in domino, qui est mirabilis in sanctis suis, in quibus nobis & præsidiu constituit & exemplum, atque ita per vniuersum mundum clarificauit gloriam suam, vt à solis ortu vſq; ad occasum, leuitorum lumen coruscante fulgore, quam clarificata est Hierosolyma Stephano, tam illustris fieret Roma Laurétio. Cuius oratione & patrocinio adiuuari nos sine cessatione cōfidimus, vt quia omnes, sicut Apostolus ait, quicunque volunt in Christo piè viuere, persequitionem patiuntur, corroboremur spiritu charitatis, & ad superandas omnes tentationes, constantis fidei perseverantia muniamur, per dominum nostrum Iesum Christum viuentem & regnante cum patre & spiritu sancto in secula seculorum, Amen.

SERMO PRIMVS DE IEIVNIO septimi mensis.

De laude abstinentiae & eleemosynarum.

Obseruantiam quidem vestram dilectissimi, ita nouimus esse deuotam, vt animas vestras non solum legitimis, sed etiam voluntarijs ieunij exco-

excolatis. Veruntamen adiçienda est huic studio etiam nostræ admonitionis exhortatio, vt si qui sunt in hoc exercitio tardiores, in his saltem diebus communi abstinentiæ se obedienter adiungant, in quibus nos oportet sacratissimam consuetudinem attentius celebrare, vt per humilitatem iejunij, contra omnes hostes nostros, diuinum mereamur auxilium. Res enim est præcipui operis, quam & ex autoritate indicimus, & ex charitate suademus, vt paululum edendi libertate compressa, castigationi corporum & pauperum studeamus alimoniæ, quos qui reficit, animam suam pascit, & temporales epulas in delicias mutat æternas. In locum igitur malorum cupiditatum, sanctorum desideriorum incremēta succedant. Cesset iniquitas, sed non sit ociosa iustitia. Quem nullus patitur opprimentem, sentiat aliquis adiuuamentum. Parum est enim non auferre aliena, nisi largiaris & propria. Sub oculis iusti iudicis sumus, qui nouit quantam vnicuique bene operati dederit facultatem, nō vult ociosa esse munera sua, qui seruis suis sic mysticorum talentorum mensuras distribuit, vt Matth. 25 creditum qui liberaliter erogasset, augeret, Lucæ 19. qui sterileriter seruasset, amitteret. Et ideo dilectissimi, quia septimi mēsis iejunium nos celebrare cōuenit, sanctitatem vestram monemus, vt quarta & sexta feria iejunemus. Sabbato verò apud beatū Petrum Apostolum pariter vigilemus, cuius suffragantibus meritis.

DE IEIV. SEPT. MEN

meritis , ab omnib⁹ tribulationibus mereamur absolu*i*, per Christum dominum nostrum, Amen.

Sermo II. de ieunio septimi mensis.

De fortitudine continentiae & operibus pietatis,
carnalibus & desiderijs comprimendis.

Deus humani generis conditor & redemptor , qui nos ad promissiones vitæ æternæ per semitas vult ambulare iustitiae , de futura tentatione , quæ nobis in itinere virtutum insidiosis aduersaretur occurribus, multis nos præsidij dilectissimi, in quib⁹ laqueos diaboli obtereremus, instruxit, inter quæ hoc famulis suis saluberrimū contulit , vt cōtra omnes inimici dolos fortitudine se continentiae & operibus pietatis armarent. Ille enim, qui ab initio primis hominibus interdicti cibi inferuit appetitum, & male creduliſ per illecebram edendi, omnium concupiscentiarum virus infudit, easdem fraudes retractare non desinit, & in natura, quam scit suis seminibus esse vitiatam & corruptam, sationis suæ germen inquirit, yt ad labefactanda studia virtutis , desiderium voluptatis accendat. Quoniam pœna ipsius , est proœctio Christiana, nec potest eorum animos aliquo modo lădere, qui nuerūt auxiliāte domino in sua carne regnare. Rationabili ergo moderatione sanctoꝝ proposito, frenadę sunt rebelles cupiditates,

nec si-

Genes.;

nec sinendum est, ut castis & spiritualibus de-
sideriis corporales concupiscentię relucten-
tur. Agnoscat interior homo, exterioris sui
se esse rectorem, vt mens diuino gubernata
dominatu, terrenam substantiam in bonae
voluntatis cogat obsequiuū. Nec enim deest
nobis ad hunc ordinem obseruandum, mis-
ericordissimi regis auxiliū, qui nos saluber-
rimæ obseruantiae ratione informauit, præ-
finiens nobis per temporū recursus, quoſ-
dam ieuniorum dies, in quibus castigatio-
ne corporū virtus roboretur animorum.
Huius autem remedij munus dilectissimi,
etiam in isto, qui septimus est, mense di-
ſpositum est, quod nos prompta conuenit
alacritate fuscipere, vt præter abstinentiam,
qua quisq; se peculiariter atq; priuatim, se-
cundum modum suæ possibilitatis exerget,
hæc ipsa, quæ omnibus simul indicitur, ani-
mosius celebretur. Nam in omni agone cer- Ieiunii.
taminis Christiani, vtilitas continentię plu- vtilitas.
rimum valet, ita vt quidam sœuissimorum
spiritus dæmonum, qui ab obſeffis corpori-
bus nullis exorcizantium fugantur impe-
rjūs, sola ieuniorum & orationum virtute
pellantur, dicente domino: Hoc genus Matt. 47.
dæmoniorum non ejicitur, niſi in ieunio Mar. 9.
& oratione. Grata ergo est Deo, & terribi-
lis diabolo ieunatis oratio, nec latet, quan-
tum acquirit suæ saluti, quæ tātum præstat
alienæ. In hac sanè obseruantia dilectissimi,
quamuis nos omnes vnanimiter oporteat
esse deuotos, si qui tamen sunt, quorum vo-
luntati

Iuntati aliqua obſiſtat infirmitas , laborem
qui ſupra vires eſt corporum, redimant im-
pendijs facultatum . Multa enim ſunt opera
pietatis, quæ ipsam edēdi neceſſitatem me-
rito ampliore commendent, ſi iejunantium
purificationem ſtudio benignitatis acqui-
runt. Nam cum h̄, qui nihil omittunt de hu-
miliatione iejunij, ſub ſterili fatigatione de-
ſudent, niſi ſe eleemosynarum, qua poſſunt,
erogatione ſanctiſcent, dignū eſt, vt in ali-
moniam pauperum abundantior ſit eorum
largitio, quorum ad abſtinendum minor eſt
fortitudo. Quod ergo quis in ſua ſibi inſi-
mitate non denegat, alienæ inopiæ libenter
impendat, & propriam neceſſitatem faciat
ſibi cum indigente communem. Non culpa-
tur inſirmus iejunium ſoluens, à quo cibum
accipit pauper eſuriens , nec eſcam ſumen-
do polluitur , qui eleemosynam imparten-
do mūdatur, dicente domino: Date eleemo-
synam, & ecce omnia munda ſunt vobis. In
quo opere dilectiſſimi etiam h̄, qui ab epu-
larum delectatione ſe continent, fructus ſibi
debet misericordiæ cōparare, vt qui abun-
dantius ſeminauerint, copiosius metāt. Non
enim vñquam agricolæ ſuo ſegeſ iſta men-
titur, aut incertam ſpē habet operis, cultura
pietatis . Quicquid hoc modo ferētiſ manu
ſpargitur, non æſtus vrit, nō torrens trahit,
nō grādo proſternit . Incolumes ſemp funt,
omnes pietatis expenſæ, nec ſolum integræ
manēt, ſed etiam modo augentur , & quali-
tate mutantur . De terrenis cœleſtia pro-
deunt,

Euseb. 11.
Eleemo-
ſynarum
commen-
datio.

3. Cor. 9.

deunt, de paruis magna gignuntur, & tempo-
rāle dōnum in præmium transit æternum.
Quisquis igitur diuitias amas, quisquis mul-
tiplicari quæ possides, concupiscis, in hæc
lucra accendere, in hæc rerū tuarū augmen-
ta suspira: de quib⁹ nihil fur abripit, nihil ti-
nea corrūpit, nihil rubigo consumit. Noli Math.6.
desperare de fœnore, noli de accipiente dif-
fidere. Quod vni horū fecistis, mihi fecistis, Math.25
quis dicat, intellige, & apud quē opes tuas
colloces, perspicatius fidei oculis securus
agnosce. Non dubitet de receptione, cui
Christus debitor est. Non sit anxia liberali-
tas nec triste ieunium. Hilarem enim dato-
rem diligit Deus. Qui fidelis est in verbis
suis, & abundanter largita retribuit, qui be-
nignè largienda donauit, per dominum no-
stram Iesum Christum filium tuum, qui te-
cū viuit & regnat in unitate spiritus sancti
Deus, per omnia secula seculorum, Amen. 2.Cor.9.

Sermo IIII. de ieunio septimi mensis.

*De necessitate ieunij, de publica ac priuata
lege ieunij orationis & atque eleemosyna.*

Ad exorandam dilectissimi misericor-
diam Dei & ad renouandum statum fra-
gilitatis humanæ quantum valeant reli-
gioſa ieunia, sanctorum prophetarum pre-
dicatione cognoscimus, qui diuinæ iustitiæ
commotionem, quam frequenter populus
Israel merito iniquitatis inciderat, non ni-
ſi ieunio protestantur posse placari. Vnde
& Iοel

DE IEIV. SEP. MEN.

Noel. 2.

Ibidem.

& Ioe propheta admonet dicens: Hæc dici
dominus Deus vester. Conuertimini ad me
in toto corde vestro, in ieunio, in fletu, &
planctu, & scindite corda vestra & nō vesti-
mēta vestra, & conuertimini ad dominum
Deū vestrū, quia misericors est, & patiens,
& magnanimus & multū misericors. Et ite-
rum: Sanctificate ieunium, prædicate cura-
tionem, congregate plebem, sanctificate Ec-
clesiam. Quę cohortatio dilectissimi, nostris
quoq; est amplectēda temporibus, quia hu-
ius curationis remedia, etiam à nobis sunt
necessariè prædicanda: vt in obseruantia
sanctificationis antiquæ, quod perdidit Iu-
daica præuaricatio, acquirat Christiana de-
uotio. Diuinorum nanque reuerentia san-
ctionum, inter quælibet spontaneæ obser-
uantiae studia, habet semper priuilegium
suum, vt sacratus sit, quod publica lege ce-
lebratur, quam quod priuata institutione
dependitur. Exercitatio enim continentiae,
quam sibi quisque proprio arbitrio indicit,
ad vtilitatem cuiusdam pertinet portionis.
Ieiuniū verò quod vniuersa Ecclesia susci-
pit, neminem à generali purificatione seiun-
git, & tūc fit potētissimus Dei popul⁹, quā-
do in vnitatem sanctæ obedientiæ, om-
nium fidelium corda conueniunt, & in castris
militiæ Christianæ, simili's ex omni parte
præparatio, & eadem est vbiique munitio.
Fremat licet cruenti hostis perugil furor,
& latebrosas vndique prætendat insidias,
neminem tamen capere, neminem poterit
vulne-

vulnerare: si nullum inermem , nullum desidem , nullum inuenerit ab opere pietatis exortem. Ad huius ergo inquietę pietatis potentiam dilectissimi, etiam hoc nos solenne ieiunium septimi mensis inuitat , vt à curis secularibus actibüsq; terrenis liberos ad dominum animos erigamus. Et quia hanc intentionem semper necessariam non omnes possumus habere perpetuam, sæpiusque per humanam fragilitatem à supernis in terrena recidimus, istis saltem diebus, qui nobis ad saluberrima sunt remedia præstituti, mundanis nos occupationibus subtrahamus , & aliquid temporis, quod profit ad bona æterna , fruemur . In multis enim , sicut scriptum est, offendimus omnes. Et licet quotidianō Dei munere, à diuersis contaminatiōnibus emundemur, inhērent tamen incautis animis plerunque maculæ crassiores , quas oportet diligentiori cura ablui, & impendio maiore deleri . Plenissima autē peccatorum obtinetur abolitio, quando totius Ecclesiæ vna est oratio , & vna confessio . Si enim duorum vel trium sanctorum pio consensiū omnia quæ poposcerint , dominus præstanda promittit, quid negabitur multorum milium plebi, vnam obseruantiam pariter exequenti , & per vnum spiritum concorditer supplicanti ? Magnū est in conspectu domini dilectissimi valdēq; præciosum, quum totus populus Christi, eisdē simul instat officijs, & in vtroq; sexu, omnes gradus, omnesq; ordines eodē cooperantur affectu, quū

DE IEIV. SEP. MEN.

In declinando malo ac faciendo bono cunctorum & vna sententia est, quū in operibus seruorum suorum glorificatur Deus, & totius pietatis autori in multarum actione gratiarum benedicitur. Aluntur esurientes, vestiuntur nudi, visitantur infirmi, & nemo quod suum est, quærit, sed quod alterius, dum ad reeuandam alienam miseriā, vnicuique mensura sua sufficit, & facilē est inuenire hilarem datorem, vbi modum operis ratio temperat facultatis. Per hanc autem

3. Cor. 12. Dei gratiam, quæ operatur omnia in omnibus, communis fidelium fructus & communne fit meritum. Quoniam quidem potest & eorum par esse animus, quorū impar est census, & cum alter de alterius lætatur largitate, cui æquari non potuit impēdio, æquatur affetu. Nihil in tali populo inordinatū, niggilq; diuersum est, vbi ad vnum pietatis vi-

Q: gorem, omnia sibi totius corporis membra consentiunt, nec de sua tenuitate confunduntur, qui de aliorum opulentia gloriatur. De-

Rom. 8. cus enim vniuersitatis, est excellentia portionis, & quum Dei spiritu omnes agimus, non solum illa nostra sunt, quæ ipsi gerimus, sed etiam illa, de quibus in aliorum actione gaudemus. Amplectamur igitur dilectissimi beatam istam sacratissimæ unitatis soliditatem, & solenne ieunium concordante proposito bonæ voluntatis ineamus. Nihil à quoquam arduū, nihil asperum queritur, nec aliquid nobis, quod vires nostras excedat, indicitur, siue in abstinentiæ castigatione

tiōne siue in eleemosynē largitate. Sciūt singuli, quid possint, quidue non possint. Ipsū modulum suum pendant, ipsi iusta & rationabili taxatione se censeant, vt sacrificium misericordiæ, non cum tristitia offeratur, nec inter damna numeretur. Hoc pio impendatur operi, quod cor iustificet, quod conscientiam lauet, quod denique & accipienti prospicit, & danti. Felix quidē ille est animus, multūmque mirabilis, qui facultatum defectionem, beneficiandi amore non metuit, & daturum sibi eroganda non diffidit, & quo quod erogaret, accepit. Sed quia cū magnanimitas ista paucorum est, plenum etiam pietatis est, vt suorum curam quisq; non deserat, nos perfectioribus non præiudicantes, ea vos regula generaliter cohortamur, vt mandatum Dei secundum possibilitatis vestræ mensuram operemini. Hilarem enim benevolentiam esse decet, que sic suam temperet largitatem, vt de illa & pauperum reflectio gaudeat, & domestica sufficientia non laboret. Qui autē ministrat semen semināti, 2. Cor. & panem ad manducandū præstabit, & multiplicabit semen vestrum, & augebit incrementa frugum iustitiæ vestræ. Quarta igitur & sexta feria ieunemus. Sabbato autem apud beatissimum Petrum Apostolum pariter vigilias celebremus, cui⁹ meritis & orationibus confidimus nobis per omnia misericordiam Dei nostri esse præstandam: per dominum nostrum Iesum Christum, qui viuit & regnat in secula seculorum, Amen.

Sermo IIII. de iejunio septimi mensis.

De libertate spiritus, de diuersitate ieunij Iudeorum & Christianorum, & de delectu ciborum, de generali iejunio, de diaboli insidijs, & eleemosyna Christianis elargienda.

PRædicationem nostram dilectissimi, familiaris nobis adiuuat consuetudo, & ratio temporis commendat officium sacerdotis, ne aut onerosum videatur aut arduum, quod & præceptum exigit legis, & deuotio temperat voluntatis. Quæ cum in vnū gratia Dei auxiliante conueniunt, nō litera occidit, sed spiritus viuiscat. Vbi autem spiritus Dei, ibi libertas, quæ legē nō timore exequitur, sed amore. Obedientia enim mollit imperium, nec dura ibi necessitate seruitur, vbi diligitur, quod iubetur. Cum ergo vos dilectissimi, ad quædā quæ etiā in veteri testamento instituta sunt, cohortamur, nō Iudaicæ vos obseruantiæ iugo subdimus, nec consuetudinem vobis carnalis populi indicimus. Excellit super illorum iejunia continentia Christiana, & si quid nobis atq; illis commune est in temporibus, nō concordat in moribus. Habeant illi nudi pedalia sua, & in tristitia vultuū ostendant ociosa iejunia, nos in nullo ad habitus nostri honestatē dissimiles, nec à iustis & necessarijs operibus abstinentes, edendi licentiā simplici parcitate cohibemus, vt in vsu ciborū modus eligatur, nō creatura dānetur. Quāuis enim vnicuiq; nostrū liberum sit voluntarijs castigationibus proprium corpus affigere, & nunc mo-

2. Cor. 3.
Libertas
Christianæ
non oīia-
lit sit.

Ieiunia
seruamus;
nō secun-
dū Iude-
orum ob-
serua-
tio-
nem.

Matth. 6.
Ciborum
delectus
quomo-
do obser-
uandus
sit.

eratius, nunc verò districtius, repugnantes spiritui carnales concupiscentias edomare, quibusdā tamē diebus ab omnibus oportet pariter celebrare generale ieuniū, & tunc est efficacior sanctiorq; deuotio, quādo in operibus pietatis, totius Ecclesiæ vnuſ animus **Ieunium** & vnuſ est sensus. Publica enim præferenda generale sunt proprijs, & ibi intelligēda est præcipua præferturatio vtilitatis, vbi vigilat cura communis. priuato. Teneāt igitur diligentiā suā obseruantię singularū, & contra nequitię spiritualis insidias, implorato diuinæ protectionis auxilio, cœlestia quisq; arma arripiat. Sed Ecclesiasticus miles, etiam si specialibus prælijs possit fortiter facere, tuti⁹ tamē & felicius dimicabit, si cōtra hostem palā in acie steterit, vbi non suis tantū viribus certamē ineat, sed sub iuicti regis imperio, fraternis consociatus agminibus, bellū vniuersale cōficiat. Minore enim discrimine plures configunt cū hoste, q; singuli, nec facilè patet vulneri, quem opposito scuto fidei, nō sua tantū, sed etiam aliorum fortitudo defendit, vt vbi est vna omnium causa, sit vna victoria. Quia igitur aduersarius noster insidiari nobis diuersa tētationum arte non desinit, & hæc est vna versutiarū eius intentio, vt redēptos Christi sanguine, à mādatis Dei possit abducere, omni diligētia præcauendū est, vt nullis inimici iaculis vulneremur. Tela enim eius non sunt aspera corporis sensibus, sed nimiū carni, vt animæ noceant, blandiuntur. Trahunt oculos ad varias tētationes, vt de mūdi pul-

christudine, aut cōcupiscentiē accēdantur fa-
ces, aut superstitionū gignantur erroreſ. In-
ſidioso enī ſomno , & mollibus iētibus pul-
ſatur auditus , vt animi ſoliditas illecebroſa
modulatione ſoluatur , & letalium conſue-
tuine ſuavitatum, incauta & parum ſobria
corda capiantur. Sed hos diaboli dolos ineſ-
ficas & irritos faciunt diuinæ p̄efidia gra-
tiæ & Euangeliæ p̄æcepta doctriṇe. Quo-
niā qui acceperunt ſpiritum ſanctū, & à qui-
bus timor domini non de pœnæ formidine,
ſed de Dei charitate conceptus eſt, illæſo fi-
dei pede laqueoſ taliū conterūt captionum,
vt creaturarum omnium pulchritudine, ad
gloriā & laudē ſui vtantur autoris, eūq; di-
lignant ſuper omnia, per quē facta ſunt omnia.
In huius admirationē dilectiſſimi , omnium

Ioan.1.

fidelium tendat affeſtio, de hoc ſibi delecta-
tiones nō corruptibiles, ſed æternas, ſapiens
continentia petat & in amorem boni, ſine
quo nullus eſt bonus, incōtaminata caſtitas
inardescat . Ad hoc enim nobis tradita ſunt
exercitia Christiana , vt reſecata omni illi-
cita voluptate , in ſanctas & ſpirituales deli-
cias æſtuemus. Et cum nos oporteat ſemper
ſtudere virtutibus, quidam tamen dies ſunt
ad caſtigationem cōmunis obſeruant̄ con-
ſecrati, vt anima, quæ terrenis adhuc deſide-
rijs implicatur, & curiſ ſeculi impeditur, ex
interuallo tantū, ad diuina respiret. Et quia
portio diuini agri eſt , dignos cœleſtib⁹ hor-
teis adferat fructus. Ibi enim ſpes eſt meten-
di, vbi fuerit diligētia ſeminandi. His dile-
ctiſſimi

Etissimi ad profectum vestrum pro temporis occasione perstrictis, ieiunium vobis septimi mensis indicimus, in quo vos non solum de ciborum abstinentia, sed etiam de pietatis operibus cōmonemus: ut quod vestris visib⁹ religiosa parcitate subtrahitis, in alimoniam pauperū & in cibos debiliū transferatis: omnibus quidē indigētibus generali benevolētia consulētes, sed maximē eorum memores, qui sunt de mēbris corporis Christi, & nobis catholicę fidei unitate copulantur. Plus enim debemus nostris pro cōsortio gratiæ, q̄ alienis pro communione naturæ. Abundet ergo in nobis dilectissimi benignitas Christiana, & sicut recurrētia anni tēpora desideratis vt plena sint fructibus, ita & corda vestra pascēdis sint fœcunda pauperibus. Quib⁹ vtiq; potuit Deus, cui⁹ sunt omnia, necessariā cōferre substantiā, & tales eis tribuere facultates, vt in nullo vestris largitionibus indigerēt, sed & illis & vobis multa virtutū materia defuisse, si nec illos ad patientiæ coronā inopia exerceret, nec vos ad misericordię gloriā copia prouocaret. Mirabiliter autē prouidentia diuina disposuit, vt essent in Ecclesia & sancti pauperes, & diuites boni, qui inuicem sibi ex ipsa diuersitate proderent, cū ad æterna & incorrupta præmia promerenda Deo gratias agerent accipientes, & Deo gratias agerent largientes.

Quoniā sicut scriptum est, & patientia pau- Psal.9.
perum non peribit in æternum, & hilarem 2. Cor.9.
datorem diligit Deus. Quarta igitur & sexta

DE IEIV. SEP. MEN.

feria iejunem⁹. Sabbato vero apud beatissimum Petrum Apostolum vigilias celebremus, sperantes nos ita eius orationibus adiuuandos, ut Deus misericordiarum ieunij nostri sacrificio placatus exaudiatur, per Christum dominum nostrum, Amen.

Sermo V. de iejunio septimi mensis.

*De fragilitate humanae naturae ac pugna carnis,
de auxilio diuino & duobus amoribus atque ad
uentu regni Dei.*

SAcratum dilectissimi in septimo mense iejunium, ad communis deuotionis exercitia prædicamus, fidenter vos paternis cohortationibus incitantes, ut quod fuit ante Iudaicum, vestra fiat obseruantia Christianum. Est enim omni tempore aptum & testamento vtricq; conueniens, vt per castigationem mentis & corporis, misericordia diuinata queratur, quia nihil est efficaci⁹ ad extorandum Deum, quam vt homo ipse se iudicet, & nunquam desinat à venia postulanda, qui se scit nunquam esse sine culpa. Habet enim hoc in se generaliter humana natura, non à creatore insitum, sed à præuaricatore contractum, & in posteros generali lege transfusum, vt de corruptibili corpore, & quod animam corrumpere possit oriatur. Hinc interior homo, si tamen iam in Christo regeneratus, & à vinculis captiuitatis erutus, assiduos habet cum carne conflictus, & dum cohibet concupiscentem, patitur repugnantem. In qua discordia non facile obtinetur tam perfecta victoria, vt etiam quæ func

quæ sunt abrumpenda, non illigent, & quæ sunt interficienda, non vulnerent: quātumlibet sapienter & prouidè iudex animus suis exteriorib⁹ præsit, inter ipsas tamen curas atque mensuras regendæ carnis & alendæ, nimis ei semper vicina tentatio est. Quis enī ita se aut à voluptate corporis aut à dolore seiungit, vt ad ipsam mentē nō pertineat, quod extrinsec⁹ aut blāditur, aut cruciat? Indiuīsum est gaudiū, indiscreta tristitia, nihil in hominem iracundia nō accedit, nihil lætitia nō resoluit, nihil ægritudo non afficit. Et quę illic declinatio potest esse peccati, vbi vna passio est regentis & subditi? Merito dñs protestatur, quod spiritus quidē prōptus est, caro autē infirma. Et ne vsc⁹ ad inertē desidiā desperatione ducamur, quæ impossibilia sunt homini ex imbecillitate propria, possibilia spōdet ex virtute diuina. Angusta enī & arcta est via, quę ducit ad vitā, & nemo in eam gressum inferret, nemo vestigiū promoueret, nisi difficiles adit⁹ ipse se Christ⁹ viā faciēdo referaret, vt autor itineris fiat possilitas ambulātis, quia idem & introducit ad laborem, & perducit ad requiē. In quo ergo nobis spes est ēternę vitę, in eodē est & forma patientię. Si enim compatimur, & cōregnabimus, quoniā vt Apostolus ait, qui se dicit in Christo manere, debet sicut ille ambulauit, & ipse ambulare. Alioqui falsæ professionis imagine vtimur, si cui⁹ nomine gloriamur ei⁹ instituta nō sequimur. Quę vtiq⁹ nobis onerosa nō essent,

Matth. 26

Math. 7.

Ioa. 14.

Rom. 8.
1. Ioa. 2.

& ab omnibus nos periculis liberarent, si
 nihil aliud quam quod amandum iubetur,
 amaremus. Duo namque amores sunt, ex qui-
 bus omnes prodeunt voluntates, ita diuer-
 sæ qualitatibus, sicut dividuntur autoribus.
 Rationabilis enim animus, qui sine dilec-
 tione esse non potest, aut Dei amator est,
 aut mundi. In dilectione Dei, nulla nimia: in
 dilectione autem mundi, cuncta sunt noxia.
 Et ideo æternis bonis inseparabiliter est in-
 hærendum, temporalibus vero transeunter
 vtendum est, vt peregrinantibus nobis &
 ad patriam redire properantibus, quicquid
 de prosperitatibus mundi huius, occurrit,
 viaticum sit itineris, non illecebra, mansio-
 nis. Ideo beatus Apostolus prædicat dicens:
 1. Cor. 7. Tempus breve est, reliquum est, vt qui ha-
 bent vxores, tanquam non habentes sint, &
 qui flent, tanquam non flentes, & qui gau-
 dent, tanquam non gaudentes, & qui emunt,
 tanquam non possidentes, & qui vtuntur hoc
 mundo, tanquam non vtantur. Præterit enim
 figura mundi huius. Sed quod de specie, de
 copia, de varietate blanditur, non facilè de-
 clinatur, nisi in illa visibilium pulchritudi-
 ne creator potius quam creatura diligatur.

Matth. 22. Qui cum dicit: Diliges dominum Deum
 tuū ex toto corde tuo, & ex tota mente tua,
 & ex tota virtute tua, in nullo nos vult ab
 amoris sui vinculis relaxari. Et cū huic præ-
 cepto, proximi quoque copulat charitatem,
 imitationem nobis suæ bonitatis indicit, vt
 quod diligit, diligamus, & quod operatur,
 opere-

Opéremur. Quamuis enim Dei agricultura
simus & Dei ædificatio , & neq; qui plantat
sit aliquid, neq; qui rigat, sed qui incremen-
tum dat Deus : in omnibus tamē exigit no-
strī ministerij seruitutem , & nos dispensa-
tores suorum vult esse donorum, vt qui fert
Dei imaginem, Dei faciat volūtati. Propter Matth.6.
quod in oratione dominica sacratissime di-
cimus: Adueniat regnum tuum, fiat volūtas
tua sicut in cœlo & in terra. Quibus verbis
quid postulamus aliud, quā vt Deus , quem
nec dum sibi subdidit, subdat, & sicut in cœ-
lo angelos, ita & in terra homines ministros
suæ faciat volūtatis? Hoc autē petētes ama-
mus Deum, amamus & proximum , & non
diuersa in nobis, sed vna dilectio est, quādo
& seruum seruire , & dominum cupimus
imperare . Hic igitur affectus dilectissimi,
quo amor terrenus excluditur , bonorum
operum cōsuetudine roboratur, quia neces-
se est, vt bonis actibus cōscientia delectetur,
& libēter faciat, quod fecisse se gaudeat. As-
sumitur igitur iejunium , multiplicatur lar-
gitio , iustitia custoditur, frequentatur ora-
tio, fitq; vt singulorū desiderium , sit vnum
omniū votum. Nutrit patientiā labor, man-
suetudo extinguit iram, benevolentia calcat
inuidiam, immundæ cupiditates sanctis de-
siderijs enecantur , auaritia liberalitate de-
pellitur, & onera diuitiarum fiūt instrumen-
ta virtutum. Sed quia insidiæ diaboli etiā
inter talia studia nō quiescunt, rectissimè in
quibusdā articulis temporū, vigoris est no-
strī reparatio instituta, vt vbi de clementia

Cor.3.

Aduentū
regni Dei
quomodo
petamus.

DE IEIV. SEP. MEN.

cœli & vbertate agri potest mens pœnitentia
tum bonorum auida gloriari , & in ampla
horrea fructibus congregatis , animæ suæ di-
cere : H abes multa bona , epulare , ibi quandā
increpationem diuinæ vocis accipiat , audi-
atq; dicetem . Stulte hac nocte reposcam ani-
mam tuam à te , quæ autem præparasti , cu-
ius erūt ? Hæc solicitissima meditatio debet
esse sapientis , vt quoniam breues dies istius
vitæ & incerta sunt spatia , nunquā sit mors
morituro improuisa ; nec inordinatum inci-
dat finem , qui se nouit esse mortalem . Quod
ergo & sanctificationi corporum & repara-
tioni proficit animarum , quarta & sexta feria
ieiunemus , sabbato autē apud beatissimum
Petrum Apostolum vigilias celebremus ,
eius orationibus adiuuandi , vt sanctorū de-
teriorū consequamur effectum , per Chri-
stum dominum nostrum , Amen .

Sermo V I. de ieiunio septimi mensis .

Deduplici Christi natura aduersus Eutychen &
Nestoriū , & de veritate corporis Christi
in Eucharistia .

Deuotionem fidelium dilectissimi nihil
est in quo prouidentia diuina non ad-
iuuet . Siquidem exercendis ad sanctimo-
niam mentibus atque corporibus , ipsa
quoque mundi elementa famulantur , dum
dierum ac mensium distinctè variata reuo-
lutione , quasdam nobis paginas aperit præce-
ptorum , vt quod sacra admonent instituta ,
hoc quodammodo loquantur & tempora .
Vnde cum septimum mensem nobis anni re-
cursus

cursus attulerit, nō ignoro obseruantia vestram ad celebrandū solenne iejuniū spiritu-liter incitari : quoniā experiendo didicistis, quantū hæc preparatio & exteriora & interiora hominū purificet , vt cū à lictis abstineatur, faciliter illicitis resistatur. Cōtinētiq; autē ratio dilectissimi, nō in sola castigatiōe corporū nec in diminutione tantū habetur escarū. Maiora enī virtutis isti⁹ bona ad illā animae pertinēt castitatē, quę nō solū carnis concupiscentias cōterit: sed & mūdanę sapientiāe vana contēnit, dicēte Apostolo: Vide te ne quis vos decipiat per philosophiam, & inanē fallaciā secundū traditionē hominū. Continendū ergo est à cibis, sed multo magis ab erroribus, iejunādū, vt mēs nulli carnali dedita voluptati, nullius sit captiuā mēdacij, qui sicut in præteritis , ita & in nostris dieb⁹ nō desunt veritatis inimici: quia inter catholicā Ecclesiā mouere audeant bella ciuilia, vt in cōsensum impiorū dogmatū imperitos quosq; ducētes sibi gloriētur accrescere, quos à Christi corpore potuerit separare. Quid enī tā aduersatur prophetis, tam repugnat Euāgelij, tā deniq; est Apostolicis rebelle doctrinis, quā in domino Iesu Christo ex Maria virgine genito , & sempiterno patri intēporaliter coāterno, vnā & singularē prēdicare naturā ? Quia si hominis tātū intelligenda est, vbi est, quæ saluat deitas: si tantummodo Dei, vbi est quæ saluatur humanitas? Fides autem catholica, quæ omnibus resistit erroribus etiā simul istas impietates

Colos. 2.

DE IEIV. SEP. MEN.

tates refutat , damnans Nestorium , diuinam
ab homine diuidentē,detestans Eutychē, in
diuinis humana vacuantem , quoniam veri
Dei filius Deus verus, vnitatem & æquali-
tatem habēs cum patre & spiritu sancto,idem
verus homo esse dignatus est,nec conceptu
virginis matris est seiunct⁹ à carne,nec par-
tu: sic humanitatem sibi vniens, vt D̄eūs in-
commutabiliter permaneret, sic deitatē ho-
mini impariens,vt eum glorificatione non
consumeret , sed augeret . Qui enim est fa-
ctus forma serui , forma Dei esse non desti-
tit, nec alter cum altero , sed vnuis in utroq;
est: vt ex quo verbum caro factum est, nullis
dispensationū varietatibus fides nostra tur-
betur,sed siue in miraculis virtutum,siue in
contumelij passiōnū,& D̄eū qui homo est,
& hominem credamus esse , qui Deus est.
Hanc confessionem dilectissimi toto corde
promentes, impia hæreticorum commenta
respuite , vt ieiunia & eleemosynæ vestræ
nullius erroris contagione polluantur.Tunc
enim & sacrificij mūda est oblatio & miseri-
cordiæ sancta largitio,quando n̄,qui ista de-
pendunt,quid operentur,intelligunt. Nam
dicente domino: Nisi manduaueritis carnē
filij hominis,& biberitis eius sanguinē, non
habebitis vitā in vobis,sic sacrę mēsæ com-
municare debetis , vt nihil prorsus de veri-
tate corporis Christi & sanguinis ambiga-
tis.Hoc enim ore sumitur, quod fide creditur ,
& frustra ab illis amen respondetur , à
quibus cōtra id quod accipitur, disputatur.

Dicen-

Joan.1.

Ioan.6.

Veritas
corporis
Christi
in eucha-
ristia.

Dicente autem Propheta: Beatus qui intelli- Psal. 40.
git super egenū & pauperem, ille circa pau-
peres vestimentorum & ciborum laudabilis
distributor est, qui se Christum in indigen-
tibus & vestire nouit & pascere , quoniā vt
ipse ait, quamdiu vni fecistis de fratribus his Matth. 25
meis , mihi fecistis. Verus itaq; Deus & ve-
rus homo vnu est Christus , diues in suis,
pauper in nostris, dona accipiēs & dona dif-
fundens, particeps mortalium & viuificatio
mortuorū, vt in nomine Iesu Christi omne Philip. 2.
genu flectatur, cœlestium, terrestrium, & in-
fernorum, & omnis lingua confiteatur, quia
dominus Iesus Christus in gloria est Dei pa-
tris, viuens & regnans cum sancto spiritu in
secula seculorum, Amen.

Sermo VII. de Ieiunio septimi mensis.

*De spirituali veteris legis impletione, rectaꝝ
ieiunij forma, & spiritualibus thesauris.*

A Postolica institutio dilectissimi , quæ
dominum Iesum Christum ad hoc ve-
nisse in hunc mundum nouerat , vt legem Matth. 5.
non solueret, sed impleret , ita veteris testa-
menti sacramenta distinxit , vt quædam ex
eis , sicut erant condita Euangelicæ erudi-
tioni profutura decerperet , & quæ dudum
fuerant consuetudinis Iudaicæ, fierent obser-
uantiae Christianæ. Quamuis enim varieta-
tes hostiarum , differentiæ baptismatum, &
ocia sabbatorum , cum ipsa carnis circunci-
sione cessauerint, manet tamen ex ipsis vo-
luminibus & apud nos præcepta plurima-
mora-

Matth. 12. moralia. Et cū inde dicatur : Diliges domi-
num Deum tuum ex toto corde tuo, & dili-
ges proximum tuum sicut te ipsum , Christo
domino dicēte cognouim⁹, quod in his duo-
bus mandatis tota lex pendet & prophetæ.
Tantaq; est sub huius geminæ charitatis
ædicto vtriusque copula testamenti , vt si-
ne istarum connexione virtutum , nec lex
quēquam inueniatur iustificasse nec gratias.
Illæ quoq; partes legalium mandatorum,
ex quibus quædam præcipiuntur , vt fiant,
quædā interdicūtur, vt nō fiant, antiquæ au-
toritatis retinent firmitatem . Nec ideo eis.
Euāgelica putāda est aduersa perfectio, quia
& virtutum studia ad voluntaria incitan-
tur augmenta, & vltiones criminum, pœni-
tentiae remedijs relaxantur. Dicit enim do-

Matth. 5. minus: Nisi abundauerit iustitia vestra plus
quam scribarum & pharisæorum, non intra-
bigis in regnum cœlorum. Quomodo ergo
abundauit iustitia, nisi superexaltet miseri-
cordia? Et quid tam æquum, quidq; tam di-
gnum est , quam vt creatura ad imaginem
& similitudinem Dei condita suum imite-
retur autorem, qui reparationem sanctifica-
tionemq; credentium, in peccatorum remis-
sione cōstituit , vt remota seueritate vindi-
ctæ; omniq; cessante supplicio, re⁹ innocētiæ
redderetur, & criminū, finis fieret origo vir-
tutum? Quod igitur dilectissimi exveteris
prædicatione doctrinæ ad purificationem
animarum corporūmque nostrorum ieiuni-
um septimi mensis assumimus , nō legali-
bus nos

bus nos oneribus subiçimus, sed utilitatem continentiae, quæ Christi Euangeli seruit, amplectimur. Quia in hoc potest super scribas & pharisæos Christiana abundare iustitia, non euacuando legem, sed intelligentiam refutando carnalem. Nec enim talia nostra debent esse ieunia, qualia erant illorum, quibus Esaias propheta de spiritu sancto in se loquente dicebat: Neomenias vestras & sabbata & diem magnum non sustineo, ieunium & ferias & dies festos vestros odit anima mea. Vnde dominus ieunandi formam discipulis tradens : Quum ieunatis, inquit, nolite fieri sicut hypocritæ tristes. Exterminant enim facies suas, ut appareant hominibus ieunantes. Amen dico vobis, receperunt mercedem suam. Quam mercedem, nisi laudis humanæ? propter cuius cupiditatē, iustitiæ species plerūq; prætenditur, & vbi nulla est cura cōscientiæ, amatūr falsitas famæ, vt iniqüitas, quę occultatione arguitur, mendacijs opinione lætetur. Rationale itaq; sanctumq; ieunium nulla laudis ostentatio nisq; iactantia polluatur, nec bonum suum quisquam fidelium de humanis velit penderre iudicij. Diligenti Deum sufficit ei placere, quem diligit, quia nulla maior expetenda est remuneratio, quā ipsa dilectio. Sic enim charitas ex Deo est, vt De⁹ ipse sit charitas. Quod utique pius & castus ita gaudeat animus implere, vt in nullo extra illum cupiat delectari. Verissimum nanc̄ est quod dicit dominus; Vbi est thesaurus tuus, ibi erit & Ec Matth. 6. cor tuum.

cor tuum. Quis autem est thæsaurus hominis , nisi quædam fructuum eius congregatio, laborumque collectio ? Quod enim seminauerit quis, hoc & metet , & quale cuiusq; opus, talis est & quæstus, & vbi oblatione fruendi constituitur , ibi cura cordis obstringitur . Sed cū multa sint genera diuitiarum, dissimilésq; materiæ gaudiorū, thesaurus cuique est suæ cupiditatis affectus, qui si de appetitu est terrenorum , non beatos facit sui participatione, sed miseros . Hi vero, qui ea quæ sursum sunt, sapiunt, non quæ super terram, nec perituris intenti sunt, sed æternis , in illo habent incorruptibiles recūditas facultates , de quo dicit Propheta: Thesaurus & salus nostra aduenit , sapientia & disciplina & pietas à domino . Hi sunt thesauri iustitiae , per quos auxiliante Dei gratia, etiam terrena bona in cœlestia transferuntur, dum multi diuitijs aut iustè sibi relictis, aut aliter acquisitis , ad instrumentum pietatis vtuntur. Quumque ad sustentationem pauperum, quæ possunt exuberare, distribuunt , congregant sibi inamissibiles facultates, vt quod abdiderit in eleemosynis,

Colof.3.

Matth.6. nullis possit subiacere dispendijs, & dignè ibi habeant cor, vbi habēt thesaurum suum, quia tales diuitias suas dignum & beatissimum est exercere, vt crescant, & nō timere vt pereat. Operátes igitur dilectissimi quod bonum est ad omnes, maximè autem ad domesticos fidei , septimum mensem ab initio mysticum, propter septiformem spiritum, & ipso

Galat.6.

ipso sui ordinis numero consecratum, cōtinētiæ fructibus deputantes , quarta & sexta feria ieiunemus. Sabbato autē apud beatum Petrū vigilias celebremus cuius nobis orationes suffragabuntur & merita , quantumcunq; fidelibus tribuitur bonū velle,tantum donetur & posse, per dominum nostrum Iesum Christum filium tuum, qui tecum viuit & regnat in secula seculorum, Amen.

Sermo V I I I. de ieiunio septimi mensis.

De duplice concupiscentia,carnis & spiritus,de pugna spiritali & abstinentia.

OMnis dilectissimi diuinorum eruditio præceptorum hoc maximè agit apud corda credentium , vt amor prauus recto amore superetur , & delectatione iustitiae, peccandi cupiditas destruatur , dicente scriptura: Post cōcupiscentias tuas non eas,& à voluntate tua mala auertere . Quum autem in animis hominum multæ bonæ concupiscentiæ sint & laudabiles voluntates, quid est quod iubetur, vt nostris non consentiamus affectibus, nisi quoq; ab illa concupiscentia prohibemur , & ab illa voluntate reuocamur , cuius ortus ex nobis est, & ideo mala pronunciatur , quia nostra esse conuincitur? Ad distinctiones igitur concupiscentiarum quæ sunt ex Deo,bene homini dictū est: Post Eccl. concupiscentias tuas non eas , vt quas cognoverit proprias, sciat esse vitandas . Merito ergo dominus noluit in oratione,quam tradidit, nos ad Deum dicere , fiat voluntas nostra, sed fiat voluntas tua , hoc est, non

Ee ï illa

illâ quam caro incitat, sed quam spiritus sanctus inspirat. Vnde autem hoc desiderium conceptum sit, cui semper debeat repugnari, non difficulter intelligunt, qui se filios Adae esse nauerunt, & peccatum humani generis patre, non dubitant in propagine vitiatum esse, quod est in radice corruptum. Quavis autem per gratiam domini nostri Iesu Christi, in nouam creaturam transierimus ex veteri, & imaginem terreni hominis homo coelestis excuerit: donec tamen corpus mortale gestamus, necesse est, ut contra carnis desideria dimis-

2. Cor. 12. cemus. Bonum est enim animae Deo subditae, timere ne cadat, & habere quod vincat; quoniam virtus in infirmitate perficitur, & quod nos exercet continentia, hoc perdicit ad gloriam. Abstinendum itaque est dilectissimi ab his, quae nobis noxiæ blandiuntur,

Rom. 7. & lex peccati, quae est in membris nostris, Dei lege superanda est, ut licet per omnes sensus corporis multe insidentur illecebræ, animus tamen, cui sumnum bonum & verum gaudium Deus est, inter castas spiritualisque delicias in sapientiae latitudine, & in veritatis luce versetur. Si enim seipsum sibi rationalis homo comparet, omnisque suorum actuum qualitates vera inspectione dijudicet, nunquid in intimis sua conscientiae hoc delectationis inueniet de iniquitate commissa, quod de æquitate seruata aut tantum ei iucunditatis carnalis voluptas, quantum spiritualis pariet appetitus? Nihil prorsus de virtutum splendore attingit, nihil de suauitate pie-

tate pietatis gustat, qui magis vult fordeſce-
re in ḥs, quæ immūda ſunt, quam in ḥs ſplen-
dere, quæ ſancta ſunt. Non finit ratio, vt in
cordibus non vſquequaq; captiuis, ita pla-
ceat ſatiata ira, vt remiſſa vindicta, aut tan-
tum generent gaudiū mala quæſita de alie-
no, quantum bona expenſa de proprio. Felic-
ior ſemper parca temperātia, quam profu-
ſa luxuria, maiorq; eſt lux hominibus humi-
libus, quam superbis, & ſublimior mēs, quæ
inter prohibita atq; permitta certius habet
ſperare cœleſtia, quam amare terrena. Ut au-
tem in hoc prouectu animus religioſus ex-
cellat, & ius ſuę dominationis obtineat, ſub-
igendo corpori caſtigatio eſt adhibēda ieju-
niū. Quod licet generali nomine ad omnem
continētiā pertinere videatur, propriè ta-
men ad edēdi diminutionē refertur, vt pro-
fit nunc voluntate nō ſumere, quod ab ini-
tio contra vetitum nocuit vſurpare, vt ſicut
illuc concupiſcentia vulneri, ita hic abſtinē-
tia ſit ſaluti. Cui medicinæ dilectiſſimi quū
omne tempus ſit congreū, hoc tamēn habe-
mus aptiſſimū, quod & Apoſtolicis & lega-
libus institutis videmus electum, vt ſicut in
alīs anni diebus, ita in mense ſeptimo, ſpiri-
talibus nos purificationibus emundemus.
Conuenientibus autem in vnum propositum
tribus ſtudij, oratione ſcilicet & ele-
mosyna atque iejunio, prätabitur nobis à
miſericorde Deo & cohibitio cupiditatū,
& exauditio precum, & remiſſio peccato-

vnu, per dominum noſtri Iefum Christum.

Ee ij qui

DE IEIV. SEP. M&EN.

qui viuit & regnat in secula seculorū , Amē.

Sermo I X. de ieunio septimi mensis.

De ieunio quatuor temporum ac spirituali mentis.

SCIO quidem dilectissimi plurimos vestrum ita in ijs, quæ ad obseruantia Christianæ fidei pertinent, esse deuotos, vt nostris cohortationibus non indigeant admoneri. Quod enim dudum & traditio decreuit & consuetudo firmauit, nec eruditio ignorat, nec pietas prætermittit. Sed quia sacerdotalis officij est, erga omnes Ecclesiæ filios curam habere communem, in id quod & rudibus prospic & doctis, quos simul diligimus, pariter incitamus, vt ieunium quod nobis septimi mensis recursus indicit, fidelacri per castigationem animi & corporis celebremus. Quamuis enim diminutio cibi

Carnem propriè videatur afficere, nihil tamen corporeis sensibus vel conceditur, vel negatur, quod non sicut ad seruientem, ita pertineat ad iubentem. Quum itaque unusquisque homo duplē in se legem habeat continentiae, nihilc actionum nostrarum ad solum corpus, multa autem ad solū referenda sint animum: prudēter debemus aduerte-re, quam indecens quamque iniustum sit, si quod à superiore indicitur, ab inferiore negligatur. Ut autem mens rationalis salubriter exteriora castiget, debet etiam propria exercere ieunia, quia non solum carnis desiderijs, sed etiam animi cupiditatibus conuenit repugnare, dicente scriptura: Post concupiscentias tuas non eas, & à voluntate

tate tua mala auertere . Ieiunans ergo ab ihs, quæ caro appetit , iejunet ab ihs , quæ malè interior substantia concupiscit . Pessimus enim animæ est cibus, velle quod non licet, & noxia cordis delectatio est, quæ aut turpi lucro pascitur , aut superbia extollitur , aut adulatio[n]e lætatur . Quamuis enim his affectibus motus quoque corporis seruant, ad originem tamen suam cuncta respiciunt, & ibi censemur qualitas actionis , vbi inuenitur initium voluntatis, quām reuocare à prauis desiderijs, optimum maximumq[ue] ieuniū est, quia tunc est edendi abstinentia fructuosa, quando exterior parcitas à temperantia interiore procedit . Celebratur igitur dilectissimi verum & spiritale ieuniū, quod & corpus & animum sui puritate sanctificet , cordis nostri secreta rimemur , & quibus rebus aut contristentur aut gaudeant , iusto discutiamus examine . Ac si quis amor vanæ gloriæ , si qua radix auaritiæ , si quod inest virus inuidiæ,nihil talium anima sumat escrum, sed virtutum intenta delicijs, cœlestes epulas terrenæ præferat voluptati . Agnoscat homo sui generis dignitatem factumq[ue] se ad imaginem & similitudinem sui creatoris intelligat, nec ita de miserijis, quas per peccatum illud maximum & commune incidit, expauescat , vt non se ad misericordiam sui autoris attollat . Ipse enim dicit: Sæcti estote, Leui.19: quoniam ego sanctus sum, hoc est, me diligite, & ab ihs, quæ mihi displicet, abstinetе . Facite, quod amo, amate, quod facio . Et quum

videtur difficile esse, quod iubeo, ad iubensem
 recurrite, ut vnde datur præceptum; præ-
 stetur auxiliū. Non negabo opem, qui tribui
 voluntatem, iejunare ab aduersis, abstineat
 à contrarijs. Ego sum cibus vester & potus,
 nemo ea quæ mea sunt inefficaciter concu-
 piscat. Qui enim ad me tendit, ex mei parti-
 cipatione me querit. His dilectissimi cohortationibus, quibus nos ad bona incommu-
 tabilia & ad gaudia inuitat æterna, plenæ
 sunt omnes diuinorum paginæ literarum, &
 ad hoc nobiscum agit testamenti vtriusque
 doctrina, ut inhæreamus veris, & contineamus
 à vanis. Non enim comprehendendi potest
 quod promittitur, nisi custoditū fuerit, quod
 iubetur. Quid iustius, quam vt homo, cuius
 fert imaginē, faciat voluntatem, & per absti-
 nētiā cibi iejunet à lege peccati? Ideo enim
 ipsa continentię obseruantia, quatuor est as-
 signata tēporibus, ut in idipsum totius anni
 redeunte decursu, cognosceremus nos in-
 desinenter purificationibus indigere, sem-
 perq; esse nitendum, dum huius vitæ varie-
 tate iactamur, ut peccatum, quod fragilitate
 carnis & cupiditatum pollutione contra-
 hitur, iejunij atque eleemosynis deleatur.
 Esuriamus paululū dilectissimi, & aliquantulū
 quod iuuandis possit prodesse pauperibus,
 nostræ consuetudini subtrahamus. De-
 lectetur conscientia benignorum fructibus
 largitatis, & gaudia tribuens, quo es læti-
 ficandus accipies. Dilectio proximi, dilectio
 Dei est, qui plenitudinem legis & propheta-
 rum, in

Jejunium
 quatuor
 tēporum
 institutū.

Matth. 22

cum, in hac geminæ charitatis vnitate con-
stituit: vt nemo ambigeret, Deo se offerre,
quod homini contulisset, dicéte domino sal-
uatore, cum de alendis iuuandisq; pauperi-
bus loqueretur: quod vni eorū fecistis, mi-
hi fecistis . Quarta igitur & sexta feria ieu-
nemus. Sabbato verò apud beatum Petrum
Apostolum vigilias celebremus, cuius nōs
meritis & orationibus credimus adiuuan-
dos , vt misericordi Deo ieunio nostro &
deuotione placeamus , per dominum no-
strum Iesum Christum , qui viuit & regnat
in secula seculorum, Amen.

Matth.

S E R M O S I V E T R A C T A T V S

beati Leonis papæ contra hæresim Eutychetis, ha-
bitus Romæ in Basilica sanctæ Anastasie.

*De vitandis hereticis, de veritate corporis Christi
& fidei Romanae commendatione.*

Sicut peritorum dilectissimi pruden-
tumque medicorum est , passiones
infirmitatis humanæ remedij præ-
uenire , & quemadmodum saluti contraria
declinentur, ostendere : ita pastoralis officij
est , ne dominico gregi hæretica maligni-
tas noceat , prouidere , & qualiter lupo-
rum & latronum improbitas sit cauenda,
demonstrare , quia nunquam potuit hære-
tica impietas sic latere , vt non à sanctis
patribus nostris , & semper deprehensa
sit , & iure damnata . Solitudinem itaque
nostram , quam dilectioni vestrae impendi-
mus, la-

Ec v

mus, la-

CONT. EYTYCHET.

mus, latere nō potuit, quosdam Aegyptios
præcipue negotiatores ad urbem venisse,
eaq; quæ Alexandriæ scelestæ ab hæreticis
sunt admissa, defendere, afferentes solam
deitatis in Christo fuisse naturam, nec car-
nis humanæ, quam sumpsit ex beata virgi-
ne Maria, habuisse penitus veritatem, quæ
impietas, & falsum hominem, & Deum di-
cit esse passibilem. Quod quo audeant ani-
mo, quóve cōsilio, dubitare non possumus.
Quia enim ipsi à veritate Euangeliū recesser-
runt, & mendacia diaboli sunt sequuti, alios
quoque volunt socios suæ perditionis ef-
ficere, & ideo fraterna vos & paterna soli-
citudine commonemus, ut inimicos catho-
licæ fidei, hostes Ecclesiæ, incarnationis do-
minicæ negatores, & instituto à sanctis Apo-
stolis symbolo repugnantes, in nullum re-
cipiatis consensionis affectum, dicēte Apo-
stolo : Hæreticum hominem post vnam &
secundam correptionem deuita, sciens quia
qui huiusmodi est, subuersus est, & deliquit
proprio iudicio cōdemnatus. Propria enim
pertinacia perit, & sua à Christo discedit in-
sania, qui eā impietatē per quā ante se mul-
tos scit perisse, sectatur, & religiosum sibi
atq; catholicum putat id, quod sanctorū pa-
trū iudicio, & in Photini perfidia, & in Ma-
michæi dementia, & in Apollinaris insaniam
constat esse damnatum, ut adhuc quasi no-
uę & necdum damnatę in perniciem anima-
rum suarum cōsentiant prauitati, qui incar-
nationis dominicæ denegant sacramentum.

Quasi

Ad Tit. 3.

¶ si aliud tota Euangelij lectione doceamur, quam hoc vno diuinę misericordię sacramento, humanū genus, in ihs qui credūt esse saluatum, quod vnigenitus Dei filius, æqualis per omnia patri, nostræ assumptione substantię manés quod erat, dignatus est esse, quod non erat, verus scilicet homo, verus Deus, qui absque cuiusquam sorde peccati, integrum sibi nostram perfectamq; naturam, veritate carnis & animæ vniuit, & intra vterum beatæ virginis matris spiritus sancti virtute cōcept⁹, nec æditionē partus, nec primordia fastidiuit infantiq; vt verbum Dei patris humanam sibi inesse substātiā, & deitatis potentia & carnis infirmitate loqueretur, de corpore habens corporeas actiones, & spiritales de deitate virtutes. Humanum quippe est esurire, & sitire, & dormire, humanum est metuere, flere, tristari, humanum deniq; est crucifigi, mori atq; sepeliri. Sed diuinū est super mare ambulare, aquam in vinum conuertere, mortuos suscitare, mūdum propria morte tremefacere, & cum viuificata super omnem cœlorum altitudinem carne descendere, vt qui hoc credunt, dubitare non possint, quid humanitatē ascribere, quid debeant adsignare deitati, quoniam in vtroq; vnu est Christus, qui & deitatis suæ potentiam non amisit, & veritatem perfecti hominis nascendo suscepit. Hos ergo dilectissimi, de quibus loquimur, tanquam venenum mortiferum fugite, exerceamini, declinate, & ab eorum colloquijs, si increpati

CONT. EUTYCHET.

increpati à vobis corrigi noluerint, abstine-
te, quoniam sicut scriptum est, sermo eorum
serpit ut cācer. Iusto enim iudicio ab Eccle-
się vnitate reiectis, nulla est tribuenda com-
munio, quā nō nostris odījs, sed suis sceleri-
bus perdiderunt. Vos ergo dilecti Deo, &
Apostolico testimonio comprobati, quibus
beatus Apostolus dicit: Quoniā fides vestra
annuciatur in vniuerso mundo, custodite in
vobis, quod tantum prædicatorem agnoscit
sensisse de vobis. Nemo vestrū efficiat
tū huius laudis alienus, vt quos per tot se-
cula docēte sancto spiritu, heres nulla vio-
lauit, ne Eutychianę quidē impietatis pos-
sint maculare contagia. Confidimus autem,
quod protectio Dei corda vestra fidēcę cu-
stodiat, vt cui hactenus fideliter obedistis, in
eternum perseverāte catholicæ fidei obser-
uantia placeatis, per Christum dominum
nostrum, Amen.

HOMILIA SANCTI LEO-
nis papæ de Transfiguratione domini.

*In illo tempore: Assumpſit Iesuſ Petrum, Iacobum
& Ioannem fratrē eius, & duxit eos in montem
excelsum seorsum. Et reliqua.*

Evangelica dilectissimi lectio, quæ
per aures corporis interiorem men-
tium nostrarum pulsavit audi-
tum, ad magni sacramenti nos intelligen-
tiam vocat, quam aspirante gratia Dei
facilius assequemur, si considerationem
nostram

nostram ad ea, quæ paulò superius sunt narrata, referam⁹. Saluator enim humani generis Iesus Christus condens eam fidē, quæ & impios ad iustitiam & mortuos reuocat ad vitā, ad hoc discipulos suos doctrinæ monitis & operum miraculis imbuebat, vt idem Christus & vnigenitus Dei & hominis filius crederetur. Nam vnū horū sine altero non proderat ad salutē, & æqualis erat periculi, dominū Iesum Christū, aut Deum tantummodo sine homine, aut sine Deo solū hominem credidisse, quum vtrungq; esset pariter confitendū, quia sicut Deo vera humanitas, ita homini inerat vera diuinitas. Ad confirmandum ergo huius fidei saluberrimam cognitionem interrogauerat dissipulos suos dominus, inter diuersas aliorum opiniones quid ipsi de eo crederent, quidve sentirent, vbi Petrus Apostolus per reuelationē summi patris, corporea superans & humana transcendens, vidit mentis oculis filium Dei viui, & confessus est gloriam deitatis, quia non ad solam respexit carnis substantiam & sanguinis. Tantumq; in hac fidei sublimitate complacuit, vt beatitudinis felicitate donatus, sacram inuiolabilis petræ acciperet firmatatem, super quam fundata Ecclesia, portis inferi & mortis legibus præualeret, nec in soluendis & ligandis quorumcunq; causis, aliud ratum esset in cœlis, quā quod Petri sedisset arbitrio. Hæc autem dilectissimi laudatæ intelligentiæ celsitudo instruenda erat de inferioris substantiæ sacramento, ne

Aposto-

DE TRANSFI. DOM.

Apostolica fides ad gloriam confitendæ in Christo deitatis euecta, infirmitatis nostræ receptionem indignam impassibili Deo atq; incongruam iudicaret, & ita iam in Christo humanam crederet glorificatam esse naturam, vt nec suppicio posset affici, nec morte dissolui. Et ideo dicente domino, quod oporteret eum ire Hierosolymam, & multa pati à senioribus & scribis ac principibus sacerdotum, & occidi, & tertia die resurgere, cū beatus Petrus, qui superno illustratus lumine, de ardentissim filij Dei confessione feruebat, contumelias illusionum & crudelissimæ mortis opprobrium religioso, vt putabat, & libero fastidio respulisset, benigna à Iesu increpatione correptus, & ad cupiditatē participandæ cum eo passionis animatus est. Subsequēs enim exhortatio saluatoris hoc inspirauit, hoc docuit, vt volentes eum sequi, negarent se sibi, & pro spe eternorum, leuissimum ducerent

Matth. 16 temporalium detrimentum. Quia is demum animam suam saluam faceret qui eam pro Christo perdere non timeret. Ut ergo istam felicis constantiæ fortitudinem toto Apostoli corde conciperent, & nihil de suscipiēdæ crucis asperitate trepidarent, vt de suppicio Christi non erubescerent, nec pudendam sibi eam patientiam erederent, que sic subitura erat sœ uitiam passionis, vt non amitteret gloriam potestatis: Assumpsit Iesus Petrum, Iacobū & fratrem eius Ioannem, & consenso cum eis seorsum mōte præcello, clari-

so claritatem suę gloriæ demonstrauit, quia
nec intellexissent in eo maiestatem Dei, ip-
sius tamen corporis, quo diuinitas tegeba-
tur, potentiam nesciebant. Et ideo propriè Ibidem.
signanterq; promiserat quosdam de astanti-
bus discipulis non prius gustare mortē, quā
viderent filium hominis venientem in re-
gno suo, id est, in regia claritate, quam spiri-
tualiter ad naturam suscepti hominis perti-
nentem, his tribus viris voluit esse conspi-
cuam. Nam illam ipsius deitatis ineffabilem
& inaccessibilem visionem, quæ in æter-
nam vitā mundis corde seruatur, nullo mo-
do mortali adhuc carne circundati intueri Matth. 5.
poterant & videre. Aperit ergo dominus
coram electis testibus gloriā suam, & com-
munē illam cum cæteris, corporis formam
tanto splēdore clarificat, ut & facies eius so-
lis fulgori similis, & vestitus cādori niuium
esset æqualis. In qua transfiguratione illud
quidem principaliter agebatur, ut de cordi-
bus discipulorum crucis scandalum tollere-
tur, nec conturbaret eorum fidē, voluntarī
humilitas passionis, quib⁹ reuelata esset ab-
sconditæ excellentia dignitatis. Sed non mi-
nore prouidentia spes Ecclesiæ sanctæ fun-
dabatur, ut totum Christi corpus agnosce-
ret, quali esset commutatione donādum: ut
eius sibi honoris consortium membra pro- Matth. 13.
mitterent, qui in capite præfulsisset. De quo
idem dominus dixerat, cum de aduētus sui
maiestate loqueretur: Tunc iusti fulgebunt,
sicut sol, in regno patris sui, protestante
hoc ip-

DE TRANSFI. DOM.

- Rom. 8.** hoc ipsum beato Paulo Apostolo & dicitur... Existimo enim, quod nō sunt cōdignæ passiones huius temporis ad futuram gloriam, quæ reuelabitur in nobis. Et iterum: Mortui enim estis, & vita vestra abscondita est cum Christo in Deo. Cū autē Christ⁹ apparuerit vita vestra, tunc & vos apparebitis cum illo in gloria. Confirmādis vero Apostolis, & ad omnem scientiam prouehendis, alia quoque in illo miraculo accessit instruc̄tio. Moses enim & Helias, lex scilicet & prophetæ, apparuerūt cum domino loquentes, ut verissime in illa quinque virorum præsentia compleretur, quod dictum est: In duobus vel trib⁹ testibus stat omne verbū. Quid hoc stabilius, quid firmius verbo, in cuius prædicatione veteris & noui testamēti concinit tuba, & cum Euangelica doctrina, antiquarum protestationum instrumenta concurrunt? Ad stipulātur enim sibi inuicem utriusq; foederis paginæ, & quem sub velamine mysteriorum præcedentia promiserant signa, manifestum atque perspicuum præsentis gloriæ splendor ostendit. Quia sicut ait beatus Ioannes: Lex per Mosen data est, gratia & veritas per Iesum Christū facta est, in quo & propheticarum promissio impleta est figurarū, & legaliū ratio præceptoriū, dum & verā docet prophetiā per sui presentiā, & possibilia facit mandata per gratiā. His ergo sacramētorum reuelationibus Petrus Apostolus incitatus, mundana spēnēs & terrena fastidiens, in ēternorū desiderium quodam
- Colos. 3.**
- Deut. 19.**
- Matth. 18.**
- Ioan. 8.**
- Cor. 13.**
- Hebr. 10.**
- Ioann. 1.**

im mentis rapiebatur excessu , & gau-
dio totius visionis impletus , ibi cum Iesu
optabat habitare , vbi manifesta eius gloria
lætabatur. Vnde & ait: Domine , bonum est
nos hic esse, si vis, faciamus hic tria taberna-
cula, tibi vnum, Moysi vnum, & Heliæ vnum.
Sed huic suggestioni dominus non respon-
dit, significans non quidem improbum , sed
inordinatum esse, quod cuperet , cum salua-
ti mundus , nisi Christi morte non posset,
& exemplo domini in hoc laudaretur cre-
dientium fides, ut licet non oporteret de be-
atitudinis promissionibus dubitari , intelli-
geremus tamen inter tentationes huius vi-
tæ prius nobis tolerantiam postulandam
esse, quam gloriam, quia tempora patientiæ
non potest felicitas præuenire regnandi. Ad-
huc itaq; eo loquente, ecce nubes lucida ob-
umbrauit eos , & ecce vox de nube dicens:
Hic est filius meus dilectus, in quo mihi be-
ne complacui , ipsum audite . Præsens qui-
dem erat in filio pater, & in illa domini cla-
ritate, quā ad discipulorū temperarat aspe-
ctum, non separabatur ab vnigenito genito-
ris essentia, sed ad commendādam propri-
tatem vtriusq; personæ sicut visui signifi-
cat filium splendor ex corpore , sic auditus
patrem vox nūciauit ex nube. Qua voce ac-
cepta, discipuli in faciē ceciderunt, & timue-
runt valde, non de patris tantum, sed & de fi-
lij maiestate tremuerunt. Altiori enim sensu
vnam vtriusque intellexerunt deitatem. Ec-
qua in fide non erat hæsitatione, non fuit int-

DE TRANSFI. DOM.

timore discretio. Latum ergo illud & triplex testimonium fuit, & plus in verborum virtute, quam in sono vocis auditum est. Dicente enim patre, hic est filius meus dilectus, in quo mihi bene complacui, ipsum audite, nonne euidenter auditum est, hic est filius meus, cui ex me & tecum esse, sine tempore est: Quia nec genitor genito prior, nec genitus est genitore posterior. Hic est filius meus dilectus, quem a me non separat deitas, non diuidit potestas, non decernit æternitas. Hic est filius meus, non adoptius, sed proprius, non aliunde creatus, sed ex me genitus, nec de alia natura mihi factus comparabilis, sed de mea essentia mihi natus æqualis. Hic est filius meus, per quem omnia facta sunt, & sine quo factum est nihil, quia omnia, quæ facio, similiter facit, & quicquid operor, inseparabiliter tecum atque indifferenter operatur. In patre enim est filius, & in filio pater, nec unquam unitas nostra diuiditur. Et quum alius ego sim, qui genui, alius ille, quem genui: nec aliud tamen de illo vobis fas est cogitare, quam de me sentire possibile est. Hic est filius meus, qui eam, quam tecum habet æqualitatem, non rapina appetit, nec usurpatione præsumpsit, sed manens in forma gloriæ meæ ut ad reparandum genus humanum exequatur commune consilium, usque ad formam seruilem inclinavit incommutabilem deitatem. Hunc ergo, in quo mihi per omnia bene

Ioan. 1.

Philip. 2.

Bene complaceo, & cuius prædicatione ma-
nifestor, cuius humilitate clarificor, incun-
stanter audite, quia ipse est veritas & vita,
ipse virtus mea atque sapientia. Ipsum au-
dite, quem legis mysteria prænunciauerunt,
quem prophetarum ora cecinerunt. Ipsum
audite, qui sanguine suo mundum redimit,
qui diabolum ligat, & vasa eius rapit, qui
peccati chirographum & præuaricationis
pacta dirumpit. Ipsum audite, qui viam ape-
rit ad cœlum, & per crucis supplicium
gradus vobis ascensionis parat ad regnum.
Quid trepidatis redimi? quid pauetis sau-
cij liberari? Fiat quod me volente Chri-
stus vult. Abiçite carnalem formidinem,
& fidi vos armate constantia. Indignum
est enim, ut in saluatoris passione timeatis,
quod ipsius munere nec in vestro fine me-
tuetis. Hæc dilectissimi non ad illorum
tantum utilitatem dicta sunt, qui ea pro-
prijs auribus audierunt, sed in illis tribus
Apostolis vniuersa didicit Ecclesia, quic-
quid eorum & aspectus vidit, & auditus ac-
cepit. Confirmetur ergo secundum prædica-
tionem sacratissimi Euangeli omnium fi-
des, & nemo de Christi cruce per quā mun-
dus redēpt⁹ est, erubescat. Nec ideo quisquā
aut pati pro iustitia timeat, aut de promisso-
rum retributione diffidat, quia per laborem
ad requiem, & per mortem transitur ad vi-
tam, cum omnem humilitatis nostræ in-
firmitatem ille suscepitur, in quo si in con-
fessiōe & in dilectiōe ipsius permaneamus,

Ff ij & quod

DE TRANSFI. DOM.

& quod vicit, vincimus, & quod pro accipimus. Quia siue ad facienda mandata, siue ad toleranda aduersa, præmissa patris vox debet semper auribus nostris insonare dicentis: Hic est filius meus dilectus, in quo mihi bene complacui, ipsum audite, qui viuit & regnat in secula benedictus.

HOMILIA SANCTI Leonis papæ.

Matth. 5.

De eo, quod scriptum est: Videns Iesus turbas, ascendit in montem: & quum sedisset, accesserunt ad eum discipuli eius, & cœt. de gradibus ascensionis in beatitudinem.

PRÆdicante dilectissimi domino nostro Iesu Christo Euangelium regni, & diuersos per totam Galilæam curate languores, in omnem se Syriam virtutum eius fama diffuderat: & multæ ex uniuersa Iudæa turbæ ad coelestem medicum confluebant. Quia enim tarda est humanæ ignorantiae fides ad credenda quæ non videt, & speranda quæ nescit, oportebat diuina eruditione firmandos, corporeis beneficijs & visibilibus miraculis incitari: ut cuius tam benignam experiebantur potentiam, non ambigerent salutarem esse doctrinam.

Vt ergo exteriōres medelas dominus ad remedia interiora transferret, & post sanitates corporum, curationes operaretur animarum, segregatus à circunstātibus turbis, secessum vicini montis ascendit, aduocatis Apostolis, quos sublimioribus institutis ab edito mysticæ sedis imbueret, ex ipsa loci atq; operis qualitate significans se esse, qui Mosen quodā suo dignatus fuisset alloquio: illic quidē terribiliore iustitia, hic autē sacratiore clementia, vt impleretur quod fuerat prophetæ Hieremiæ promissum. Ecce dies veniunt, dicit dominus, & consummabo super domum Israel & super domum Iuda testamentum nouum. Post dies illos dicit dominus, dabo leges meas in sensu ipsorum, & in corde ipsorum scribam eas. Qui ergo locutus fuerat Moysi, locut⁹ est & Apostolis, & in cordibus discipulorū velox scribentis verbi manus, noui testamenti decreta condebat, nulla, vt quondam, circunfusa nubium crassitudine, neque per terribiles sonos atq; fulgores populo ab accessu montis absterrito: sed patēte ad aures circumstantiū tranquillitate colloquij, vt per gratiæ lenitatem remoueretur legis asperitas, & spiritus adoptionis auferret formidinem servitutis. Qualis igitur doctrina sit Christi, sacræ ipsius sententiæ protestantur: vt qui ad æternam beatitudinem peruenire desiderant, grad⁹ felicissimæ ascēsionis agnoscant. [Beati] inquit [pauperes spiritu, quoniam ipsorum est regnum cœlorum.] De

Hierc. 31.

Gradus
ascensio-
nis in bea-
titudinē.
Matth. 5.

Ff ij

quibus

quibus pauperibus veritas loqueretur; for-
tè esset ambiguum, si dicens, Beati pauperes,
nihil adderet de intelligēda pauperū qualita-
te, & sufficere videretur ad pmerēdū regnū
cōelorū ea sola inopia, quam multi sub gra-
ui & dura necessitate patiūtur. Sed cum di-
cit, Beati pauperes spiritu, ostendit eis regnū
cōelorū tribuendū, quos humilitas cōmen-
dat animorū, magis q̄ indigēta facultatum.
Dubitari autem non potest, quod humilita-
tis istius bonum, facilius pauperes quām di-
uites assequantur: dum & illis in tenuitate
amica est māsuetudo, & istis in diuitijs fami-
iliaris elatio. Verūtamē & in plerisq; diuitib.
inuenitur hic animus, qui abundantia sua
non ad tumorem superbiæ, sed ad opera be-
nignitatis vtatur, idque pro lucris maximis
numeret, quod ad reeuandam miseriā alieni
laboris impēderit. Omni generi atq; ordini
hominum datur in hac virtute cōsortium:
quia possunt proposito esse pares, & impa-
res censu: Nec interest, quantū sint in facul-
tate terrena dissimiles, q in spiritualib⁹ bonis
inueniūtur équales. Beata igitur illa pauper-
tas quæ rerū temporalium amore non capi-
tur, nec mudi opibus augeri appetit: sed cœ-
lestibus bonis ditescere cōcupiscit. Hui⁹ no-
bis magnanime paupertatis exéplū primum
post dominū Apostoli præbuerunt, omnia
sua sine differentia relinquentes, ad vocem
cœlestis magistri, à captura piscium in pisca-
tores hominum alaci conuersione mutati
sunt, & multos sui similes fidei sue imitatio-
ne fece-

ne fecerunt, quando illis primiuis Ecclesie
 virtus cor omnium & anima vna erat cre-
 dentiu: qui vniuersis suis rebus possessioni-
 busq distractis per deuotissimā paupertatē
 bonis ditabantur æternis, & ex Apostolica
 prædicatione gaudebat, nihil habere de mū-
 do, & omnia possidere cū Christo. Hinc B.
 Petrus Apostolus, cum ascendēs in tēplum,
 à claudio eleemosynā posceretur , Argētum,
 inquit, & aurum non est mecū, quod autem
 habeo , hoc tibi do. In nomine Iesu Christi
 Nazareni surge & ambula. Quid hac humili-
 tate sublimius ? quid hac paupertate locu-
 pletius? Nō habet præsidia pecuniæ, sed ha-
 bet dona naturæ: quē debilē q̄dedit mater ex
 vtero, sanum fecit Petrus ex verbo : & qui
 imaginem Cæsaris in nūmo non dedit, ima-
 ginem Christi in homine reformauit. Huius
 autē thesauri opibus , nō solum ille adiutus
 est, cui gressus est reddit⁹: sed etiā quinq̄ milia
 virorū, qui tunc ad exhortationem Apo-
 stoli ob eiusdē curationis miraculum credi-
 derunt. Et ille pauper, qui nō habebat quod
 petenti daret, tantā dedit diuinæ gratiæ lar-
 gitatē, vt quēadmodum vnum hominem re-
 dintegrarat in pedibus: sic tot milia credetiū
 sanaret in cordibus, faceretq̄ eos in Christo
 alacres , quos in Iudaica perfidia inuenerat
 claudicantes. Post prædicationem huius
 felicissimæ paupertatis , addidit dominus,
 dicens:[Beati qui lugent, quoniam ipsi con-
 solabuntur.] Luctus hic dilectissimi , cui
 consolatio æterna promittitur, non est cum

Act. 4.

Act. 3.

Act. 5.

Matth. 5.

mundi huius affectione communis, nec hec
tum quenquam faciunt ista lamenta, quæ to-
tius humani generis deploratione fundun-
tur. Alia ratio est sanctorum genituum, alia
beatarum causa lachrymarum. Religiosa
tristitia, aut alienum peccatū luget, aut pro-
prium. Nec de hoc dolet, quod diuina iusti-
tia agitur, sed de eo mōret, quod humana
iniquitate committitur: vbi magis plangen-
dus est faciens maligna, quam patiens: quia
iniustum malitia sua demergit ad pœnam,
iustum autem tolerantia ducit ad gloriam.
Deinde ait dominus: [Beati mites, quoniam
ipsi hæreditate possebunt terram.] Miti-
bus atq; mansuetis, humilibus ac modestis,
& ad omnium iniuriarum tolerantiam præ-
paratis, possidenda terra promittitur. Nec
parua est æstimanda hæc aut vilis hæredita-
tas, tanquam à cœlesti habitatione discreta
sit, cum regnum cœlorū alij nō intelligantur
intrare. Terra ergo promissa mitibus, & in
possessionem danda mansuetis, caro sancto-
rum est: quæ ob humilitatis meritum felici
resurrectione mutabitur, & immortalitatis
gloria vestietur: in nullo iam spiritui futu-
ra contraria, & cum voluntate animi, perfe-
ctæ vnitatis habitura cōsensum. Tunc enim
exterior homo, interioris hominis erit qui-
eta & intemerata possessio: tunc mens vi-
dendo Deo intenta, nullis corporeq; infirmi-
tatis impedietur obstaculis, nec iam dici ne-
cessē erit. Corpus quod corruptitur, aggra-
uat animam, & terrena inhabitatio depri-
mit sen-

nsum multa cogitantē: Quoniā habi-
atori suo no reluctantur terra, nec immo-
deratum aliquid cōtra imperium sui recto-
ris audebit. Possidebunt enim illā mites pa-
ce perpetua , & nihil vñquam de eorum iu-
re minuetur: cum corruptibile hoc induerit
incorruptionem & mortale hoc induerit Cor.15.
immortalitatem , vt periculum vertatur in
præmiū, & quod fuit oneri, sit honori. Post
hæc addit dominus , & dicit:[Beati qui esu-
riunt & sitiunt iustitiam, quoniam ipsi satu-
rabuntur .] Nihil hæc esuritio corporeum,
nihil expetit sitis ista terrenum: sed iustitiae
bono desiderat saturari , & in omniū occul-
torum introducta secretū, ipso domino op-
tat impleri . Felix mens , quæ hunc concu-
piscit cibum, & ad talem æstuat potū: quem
vtiq̄ non expeteret, si nihil de eius suauita-
te gustasset . Audiens autem dicentem sibi
propheticum spiritum , Gustate & videte, Psal.33.
quoniam suavis est dominus, accepit quan-
dam supernæ dulcediñis portionem , & in
amorē castissimę voluptatis exarsit: vt spre-
tis omnibus temporalibus, ad edendam bi-
bendamq̄ iustitiam, toto accenderetur affe-
ctu , & illius primi mandati apprehenderet
veritatē,dicentis: Diliges dominum Deum
tuū ex toto corde tuo, & ex tota mente tua,
& ex tota virtute tua: quoniā nihil est aliud
diligere Deum, quām amare iustitiam . De-
niḡ sicut illic dilectioni Dei , proximi cura
subiungitur: ita & huic desiderio iustitiae,
virtus misericordiæ copulatur , & dicitur:

Ff v

[Beati

Deute.6.
Matth.20
Marc.14.
Lucæ 10.
Diligere
Deū quid
fit.

[Beati misericordes, quoniam ipsorum miserebitur Deus.] Agnosce Christianum tuum gratientiae dignitatem, & qualium disciplinarum artibus ad quae premia voceris, intellige. Misericordem te misericordia, iustum vult te esse iustitia: ut in creatura sua creator appareat, & in speculo cordis humani per lineas imitationis expressa Dei imago resplendeat. Secura esto operantium fides, aderunt tibi desideria tua, & ihesus quae amas, sine fine potieris. Et quoniam tibi per eleemosynam omnia munda sunt, ad eam quoque beatitudinem, quae consequenter est promissa, peruenies, dicente domino: [Beati mundo corde, quoniam ipsi Deum videbunt.] Magna felicitas dilectissimi, cui tantum præmium præparatur. Quid ergo est habere cor mundum, nisi eis, quae supra dictæ sunt, studere virtutibus? Videre autem Deum, quantæ sit beatitudinis, quae mens concipere, quae lingua valeat explicare? Et tamè hoc consequetur, cum transformabitur humana natura, ut non iam per speculum in ænigmate, sed facie ad faciem, ipsam quam nullus hominū videre potuit, sicuti est, videat deitatē: Et quod oculus nō vidit, nec auris audiuit, nec in cor hominis ascendit, per ineffabile gaudium eterne contemplationis obtineat. Merito hæc beatudo cordis promittitur puritati. Splendorem enim veri luminis sordens acies videre non poterit: & quod erit iucunditas metibus nitidis, hoc erit pena maculosis. Declinetur igitur terrenarū caligines vanitatum, & ab omni

Cor. 13.

1. Cor. 1.

1. Tim 6

Esaie 64.

1. Cor. 2.

Omni squalore iniquitatis, oculi tergantut
 interiores. ut ierennus intuitus tatu Dei vi-
 sione pascatur. Ad hoc enim promerendum
 illud intelligimus pertinere, quod sequitur:
 [Beati pacifici, quoniam filii Dei vocabuntur.]
 Beatitudo ista dilectissimi, non cuiuslibet con-
 fessionis aut qualisunque concordiae est, sed
 illius, de qua dicit Apostolus: Pacem habe- Rom. 5.
 te ad Deum. Et de qua dicit propheta Da-
 uid: Pax multa diligentibus legem tuam, Psal. 118.
 & non est illis scandalum. Hanc pacem etiam
 arctissima amicitarum vincula, & indiscre-
 tae similitudines animorum non veraciter
 sibi vindicat: si non cum Dei voluntate con-
 cordant. Extra dignitate pacis sunt impro-
 barum parilitates cupiditatum, foedera scelerum,
 & pacta vitiorum. Amor mundi cum Dei amo-
 re non congruit: nec ad societatem filiorum Dei
 peruenit, qui se a generatione carnali non di-
 uidit. Qui autem semper cum Deo mente sunt Ephes. 4.
 solliciti seruare unitatem spiritus in vincu-
 lo pacis, nunquam ab eterna lege dissentient,
 fideli oratione dicentes: Fiat voluntas tua, Matth.
 sicut in celo & in terra. Hi sunt pacifici, hi
 bene vnamimes, sancteque concordes, vocan-
 di eterno nomine filii Dei, coheredes autem
 Christi: quia hoc merebitur dilectio Dei &
 proximi, ut nullas iam aduersitates sentiat,
 nulla scandala pertimescat: sed finito omnium
 temerationum certamine, in tranquillissima Dei
 pace requiescat. Per dominum nostrum Iesum
 Christum, qui cum patre & spiritu sancto
 vivit & regnat in secula seculorum, Amen.
 Sermo

DE MARTYRIO.
SERMO D. LEO
nis Papæ de Marty-
ribus.

OVotiescunque fratres charissimi sanctorum martyrum solennia celebramus , ita ipsis intercedentibus expectemus à domino consequi temporalia beneficia , vt ipsos martyres imitando , accipere mereamur æterna . Ab eis enim sanctorum martyrum in veritate festiuitatum gaudia celebrantur , qui ipsorum martyrum exempla sequuntur . Solennitates enim martyrum , exhortationes sunt martyriorum , vt imitari non pigeat , quod celebrare delectat . Sed nos volumnus gaudere cum sanctis , & tribulationem mundi nolumus sustinere cum illis . Qui enim sanctos martyres , vel in quantum potuerit , imitari noluerit , ad eorum beatitudinem non potuerit peruenire . Sic enim Apostolus Paulus prædicat , dicens : Si fuerimus socij passionum , erimus & consolationum . Et dominus in Euangelio : Si mundus vos odit , scitote quia me priorem vobis odio habuit . Recusat esse in corpore , qui odium mundi non vult sustinere cū capite . Sed dicit aliquis : Et quis est qui possit beatorum martyrum vestigia sequi ? Huic ego respondeo : quia nō solū martyres , sed ipsum dominum cum ipsius adiutorio , si volumnus , possumus imitari . Audi non

Cor. i.
Ioan. 15.

no clamantē: Discite à me quia mitis sum & Matth. 11.
humilis corde. Audi & beatū Petrū Aposto
lū admonētē: Christus pro nobis passus est, 1. Petri 2.
relinquens vobis exemplum, vt sequamini
vestigia ei⁹. Ecce Christ⁹ dicit, discite à me,
beatus Petrus dicit, vt sequamini vestigia
eius. Similiter Paulus Apostol⁹ clamat: Imita- Ephe. 5.
tatores Dei estote, sicut filij charissimi. Quid
ad hæc respōdebimus fratres, vel quā excu-
sationem habere poterimus? Si tibi aliquis
dicat vt virtutes, quas fecit dominus, debeas
imitari, iusta potest esse excusatio tua, quia
virtutes & miracula facere non omnibus
datū est. Iustē & castē viuere, & charitatem
cum omnibus custodire ex adiutorio, cun-
ctis præceptum est. Nam & ipse dominus
nō dixit: Discite à me mortuos suscitare: su-
pra aquas fccis pedibus ambulare. Non hoc
dicit. Sed quid ait? Quia mitis sum & humili-
lis corde. Et iterū: Diligite inimicos vestros Matth. 5.
benefacite his, qui oderunt vos, atq; orate
pro persequentibus & calūniantibus vos, vt
sitis filij patris vestri, qui in cœlis est, qui so-
lem suum oriri facit super bonos & malos.
Et iterū: Estote & vos perfecti, sicut & pa- Ibidem.
ter vester cœlestis perfectus est. Et licet sint
alia multa, in quibus debeamus dominum
& beatos martyres imitari, ista tamen
duo præcipua sunt, id est, vt mites simus
& humiles corde, & inimicos nostros to-
to affectu diligamus. De diligendis inimicis
fratres charissimi, nullus ynqua in veritatē
se pote-

DE MARTYRIBVS.

se poterit excusare. ~~Et si non possim~~
re, non possum ieiunare, non possum vigilare, nunquid potest dicere nō possum diligere? Potest dicere non possum res meas totas pauperib^o erogare, & in monasterio Deo seruire, nūquid potest dicere, nō possum diligere? Si dixeris, qā nō possum à vino & à carni^b abstinere, credem^o tibi. Si autē dixeris, quod nō possis in te peccātibus indulgere, omnino nō credim^o. Et quia nulla nobis remanet excusatio, dum nō de cellario, sed de corde istā eleemosynā iubemur implere, ut per viā vitę ad ēternā patriā mereamur peruenire. Duobus enim praeceptis, id est, diligēs dominū Deum tuū, & diligēs proximū, quasi duobus spiritualibus pedibus si per viā veræ charitatis volumus currere, ad cœle-

Cor. 5. Iste possumus patriā feliciter pertingere. Iстis pedib^o currebat Paulus Apostol^o quādo dicebat: Ego igitur sic curro, non quasi in incertum. Qui ergo dilexerit inimicos suos, illud in eo impletur, quod dixit dñs, videlicet: Ut sitis filij patris vestri, qui in cœlis est.

Matth. 5. Elige modo, quod tibi placuerit. Si inimicos dilexeris, non solum amicus, sed etiam filius Dei esse mereberis. Si verò inimicos amare nolueris, propitiū Deum habere non

Ioan. 3. poteris, quia scriptum est: Qui odit fratrem suū, homicida est. Et iterū: Qui odit fratrem suum, in tenebris est, & in tenebris ambulat, & nescit quo eat, quoniam tenebræ obcecauerū oculos eius. Et iterū alia scriptura est:

Ioan. 2. Itinera corum, qui iniuriam retinent, dominus la-

Nunquid hæc

verba mea sunt fratres charissimi? De catholicis libris & sanctis libris proferuntur. Ut ergo ne homicidæ simus, ne in tenebris remaneamus, studeamus nō solum amicos, sed etiā inimicos diligere, ut pium & misericordem dominū possimus secundum cautionis suæ vinculum libera conscientia conuenire. Ipse enim dixit. Si dimiseritis hominibus peccata eorum, dimittet & vobis pater vester cœlestis peccata vestra. Si autē nō dimiseritis, nec pater vester dimittet vobis peccata vestra. Diligenter attendite fratres, & scitote aliud esse in Deum peccare, aliud in hominem. Quando enim in nos peccant homines, si pœnitētibus veniam non indulgemus, peccatum incurrimus. Quando aliquis in Deum peccauerit, si sine grandi distinctione indulgere voluerimus, participes nos peccatis eorū efficimur. Dicit ergo Dominus: Si dimiseritis hominibus peccata eorum, dimittet & vobis pater vester cœlestis peccata vestra. Rogo fratres, quid dulci⁹ dici potest? In potestate nostra posuit, qualiter in die iudicij iudicemur. Non dixit, vade in orientem, quærere iustitiam, nauigā vſq; in occidentē, ut accipias indulgentiam. Dimitte inimico tuo, & dimittetur tibi, indulge, & indulgebitur tibi, da, & dabitur tibi. Nihil à te extra te queritur. Ad seipsum & ad conscientiam tuam te Deus dirigit. In te enim posuit, quod requirit. Nō itaq; mediamēta vulneribus tuis lōge habes inquirere.

Matth.6.

DE MARTYRIBVS.

rere . Peccatorum tuorum indulgentia
vis , intus in cellario cordis tui poteris in-
uenire . Sed dicit aliquis : Tanta mala me ini-
micus meus compulit sustinere , vt eū nulla
ratione possim diligere . Attendis , quid tibi
fecerit homo , & non attendis , quid tu fece-
ris Deo ? Si conscientiam tuam diligēter dis-
cutis & inquiris , sine vlla compensatione
maiora tu commisisti in Deū peccata , quam
in te commiserit homo . Et qua frōte vis ut
tibi Deus dignetur dimittere multum , cum
tu non acquiescis dimittere parum ? Sed si
hæc quæ supra diximus , spiritualia medica-
menta , sicut Deo propitiante consueuistis ,
libenter accipitis , & in armario sancto con-
scientiæ vestræ recondita diligentissimè cu-
stoditis , auxiliante domino venena diabolī
non timebitis , & per odium vel iracundiam
aut nunquam vobis amara vulnera inge-
rentur , aut si forte subrepserint , cito per
charitatēm pristinam reuocantur ,
præstante dño nostro Ie-
su Christo , cui est ho-
nor & gloria in se-
cula seculorū ,
Amen.

INDEX S

~~INDEX SCIPVARVM.~~

*in hoc D. Leonis Enchiridio Sermonum &
Homiliarum copiosissimus.*

- A**braham quando viderit diem Christi. 64.b.
Abraham quomodo pater gentium spiritualiter fuerit. 63.a. 146.a.
Abrahæ promissio vt non fuerit de carnis semine, sed fidei fructu. 63.a.
Abrahæ semen cur stellarum multitudini comparata fuerit. Ibidem.
Abrahæ semen spiritale vt fint Christiani. 114.b.
Abstinendum esse à carnalibus desideriis. 172.a.
Abstinendum esse à Quadragesima ab omnibus visitis. 87.a.b.
Abstinentia damnabilis quæ sit. 89.a.
Abstinentia utilis quæ sit. 88.b.
Abstinentia vt non solum carnis castigationi, sed etiam mentis puritati sit necessaria. 98.b.
Abstinentia veræ & pietatis sacrificium quomodo offerendum sit Deo. 90.a.
Adam in statu innocentiae potest mereri. 37.a.
Adam primus & Adam secundus quomodo differant. 156.b.
Adæ inobedientia & superbia quantum nobis nocuerit. 42.a.
Adorandus solus Deus est. 32.b.
Adorare Christum & munera ei spiritualiter offerre quomodo debeamus. 62.a.
Aduentum regni Dei quomodo petamus. 203.a.
Agri dominici cultus vt exerceatur. 16.b.
Agni immolatio in veteri testamento vt Christi passionem significauerit. 124.b.
Alæ duæ quibus ad videndum Deum puritas mentis attollitur, quæ sint. 96.b.
Alæ duæ quibus de terrenis ad cœlestia eleuemur, quæ sint. 119.b.

INDEX.

- A**lienigenæ quando intrauerint in sortem hæreditationis
 lucorum. 63.b
Amor Dei & amor proximi ut sit virtus & sapientia
 fidei Christianæ. 95.b
Amor habendi nūquam satiandus vnde oriatur. 109.b
Amor rerum deficientiū ut sit ad incorruptibilia trans-
 ferendus. 71.b
Amores duo qui sint. 202 b
Anima Christiana ut sit verum & viuum templum
 Dei, & quomodo exornanda sit. 84.b
Anima hominis ut gubernari debeat Deo præfide. 79.b
Animi omnium fidelium quomodo pares esse possint
 inter impares facultates. 94.b
Animus quomodo corporis debeat esse rector. 87.a
Apollinaris hæreticus Christum animam humanam
 non habuisse asserit. 38.b
Arbori infructiferæ comparatur anima neminem iu-
 uans. 25.a
Argumenta mundanæ doctrinæ esse fugienda. 157.a
Arma quibus miles Christi indui debeat, quæ sint. 80.b
Arianorum hæresis cuiusmodi. 38.a
Ascensio domini fuit ratio dandi spiritus sancti. 178.b
Auaritiae lepra quomodo fugienda sit. 23.b
Auaritiae morbus quantus sit. 132.b
Auaritiae morbus quis. 23.a
Auaritiam esse radicem omnium malorum, & inimi-
 cam misericordiæ & charitati. 172.a
Auaritia quomodo delenda sit. 62.a
Auarorum & prodigorum egestas quanta. 13.a
Auditus hominis quibus temptationibus à diabolo pul-
 setur. 200.b
Aurum quomodo quis mysticè offerat Christo. 73.a
Baptismus ut sit quasi virginis uterus. 37.b 42.a
Beata mens quæ sit. 106.b
 Benedictionem in semine Abrahæ, qua se carnis fi-
 lii abdicauerunt, quomodo filii promissionis accep-
 rint. 63.b
Beneficia Dei tam generalia quam specialia sæpius re-
 colere quantum profit. 149.a b
Bene-

INDEX.

- monum vt sint omnibus nocentiora vul-
neribus. 160.b
- Beneficiis vt Christus proditorem suum reuocare co-
natus fuerit. 150.b
- Benignitatis mēsura vt taxetur ex affectu piorum. 88.a
- Bethleem cur Christus elegerit natuitati suæ. 59.a
- Blandimenta huius seculi non esse amplectenda, sed
fortiter transeunda. 172.a
- Bona temporalia despicienda esse æternorum admir-
atione. 110.a
- Bonitatem patris cœlestis vt imitari debeamus ele-
mosynarum distributione. 86.a
- C**alliditas dæmonis quanta. 82.b
- Caro hominis vt regenda sit animo iudice. 79.b
- Carnis cura quomodo non sit facienda in deside-
riis. 163.b
- Caro vt pro toto homine sumatur. 46.b
- Castigatio corporis quando veram obtineat purita-
tem. 25.b
- Castitatis baltheo succingendos esse lumbos. 80.b
- Centurionis fides. 154.a
- Certamina multa intra nosipso quæ sint. 79.a
- Charitatis Christi flamma, vt non potuerit superari in
sancto Laurentio. 194.a
- Charitas vt nullum debeat habere terminum. 104.b
- Charitas vt sit omnium virtutum mater. 78.a
- Charitas vt sit robur fidei. 96.b
- Charitatis & fidei vt esse debeat isolubilis cōnexio. ib.
- Charitatis lance operum pondera pensantur. 11.a
- Charitatis largitas quantum valeat contra dolos dia-
boli. 172.a
- Christiani frustra qui nam appellantur. 42.b
- Christiani quid credere debeant. 58.a
- Christianus vt renascatur ex vtero sanctæ Ecclesiæ, eo-
dem spiritu quo Christus natus est ex virgine. 53.a
- Christianum nomen quis frustra sibi usurpet. 142.b
- Christi potentia & mansuetudo quanta. 112.a
- Christi in carnem venturi promissio vt facta fuerit in
Gg ii primor-

INDEX.

- primordio mundi.
Christi vera diuinitas & humanitas ut nre nidelites credendæ, & quibus argumentis probentur. 99.a.
Christo vt nullum fuerit tempus absq; miraculo. 61.b.
Christus ante vsum linguae quomodo potestatem verbi tacitus exercuerit. Ibidem.
Christum esse Deum & hominem, quam fuerit necesse. 120.b.
Christus cur in Aegyptum deferri voluerit. 60.b. 64.a
Christus intemporaliter de essentia patris genitus, & temporaliter de vtero virginis natus. 46.b.
Christus quare specialiter pro Petro rogauerit. 7.b.
Christus quid egerit inter resurrectionem & ascensionem. 168.b.
Christ qm̄ in passione sua se Deum ostenderit. 112.b.
Christus vt appareat quotidie recte intuentibus. 64.b.
Christus vt fuerit nouo ordine & noua nativitate generatus. 30.a.
Christus vt in egentibus intelligi debeat. 8.b.
Ciborum delectus quomodo obseruandus fit. 199.b.
Ciborum nimietate vt habeatur vigor cordis. 24.b.
Cibus animæ pessimus quis sit. 209.a.
Cicatrices quinque vulnerum cur Christus seruauerit. 169.a.
Clamare cur Christus in cruce voluerit. 153.a.
Clavi continentiae vt desideria carnis transfigere debeat. 97.b. 101.b.
Clavis timoris domini quomodo carnes nostras configere debeamus. 160.a.
Cogitationibus cuiusmodi rationalem mentem inhætere maximè deceat. 149.a.
Colendus quomodo sit Deus. 27.a.
Collis vt significet elationem superborum. 96.a.
Confessio nullas metuens contradictiones, nullisque cedens erroribus, quæ. 57.b.
Conflictus Christianorum qualis sit. 192.a.
Conformari redemptori nostro vt toto corde per ipsius exempla debeamus. 143.a.
Conscientiam suam qm̄ quisq; scrutari debeat. 87.a.
Confuc.

- S**ecundum malorum vincula quo sint rumpeda. 74.b.
Continentiae laus quanta. 110.a.
Continentia vt sit mater virtutum. Ibidem.
Continentia maximè sectanda quæ sit. 94.a.
Cooperatores Dei sumus. 90.b.
Cooperatores Dei vt esse debeamus 45.a.
Corporis Christi veritas in Eucharistia. 204.b.
Corpus Christi non prius fuisse creatum quam animatum. 49.b.
Corpus vt debeat esse subiectum animæ. 25.a.
Correctio nulla, nec remedium satisfactionis est in inferno. 71.b.
Creaturis quatenus vtendum sit. 48.b.
Credentibus vniuersis in se quomodo saluator noster & sacramentum considerit & exemplum. 145.a.b.
Crucem suam quomodo quilibet Christianus post dominum Iesum portare debeat. 101.a.
Crucem suam quomodo quilibet portare debeat post Christum. 159.b.
Crucifigi quare Christus extra ciuitatem voluerit. 129.b.
Crucis Christi mysterium quod. Ibidem.a.
Crucis Christi praesidio quomodo mens rationalis instruatur, ne temptationibus consentiat. 101.b.
Crucis aliena vt nunquam sit pia vita sanctorum. 97.b.
Crucis gloria expenditur. 130.a.
Crucis suscepitio, est imperfectio cupiditatum & occisio vitiorum. 166.b.
Crx Christi quomodo sit saluandis & sacramentum & exemplum. 164.b.
Crx Christi vt habeat sacramentum veri altaris. 118.b.
Crx Christi vt non sit erubescenda. 111.b.
Crx Christi vt sit armatura fortis ad præliandum. 166.a.
Crx Christi vt sit credentium gloria, non credentium poena. 131.b.
Crx Christi vt sit vera ratio & principalis causa fidei Christianæ. 120.a.
Cultor ver⁹ festiuitatis nativitatis Christi q̄s sit. 46.a.
Cupiditas eminēdi vt nunc prolem habeat superbiam, nunc parentem. 109.b.

I N D E X.

- C**urrendum ut sit fidei
bus, amore iustitiae. 131.2
- D**Auid quando viderit diem Christi. 64.b
Declarationis Christi causa, necessitas, & utilitas
quæ. 62.a
- Deficere ut dicatur ille qui non proficit. 130.b
Delectatio edendi corporis saluti contraria. 25.2
- Deliciae Christianorum quæ esse debeant. 83.b
- Desideriorum sanctorum incrementa quomodo suc-
cedere in locum malarum cupiditatum debeat. 195.a
- Deliciae Christianorum quæ sint. 110.a
- Desperandum non esse de alicuius conuersione dum
hoc in corpore viuitur. 68.b
- Desperatiōe ne homo frāgatur, quid agere debeat. 27.2
- Deuotio fidelium Denim maximē delectans quæ. 105.a
- Deuotio prælatorum ut ad commune pertineat lu-
crum. 113.b
- Deus an in nobis sit, vnde sciatur. 104.b
- Deus quomodo omnes ad cognitionem sui incitat ge-
neralibus donis. 78.2
- Deus quomodo piè colatur. 44.a
- Dexter a patris ut sit filius Dei. 52.a
- Diaboli astus & infidiae cuiusmodi. 47.b
- Diaboli malitia in deceptione generis humani quan-
ta. 102
- Diaboli (per Herodem significati) rabies et furor quan-
ta. 73.a
- Diaboli rabies contra Christianos, quomodo vincatur
& supereretur à Christo. Ibidem.
- Diaboli versutiae ut sint cauendæ. 157.a
- Diabolus bene operantibus magis insidiatur. 17.a
- Diabolus ut captus fuerit in morte Christi. 132.b
- Diabolus ut in cruce victus fuerit 135.a
- Dignitas naturalis generis humani quæ sit. 13.b
- Dignitates Ecclesiasticae à quo potissimum conferan-
tur, &c ad quid valeant. 1.a
- Dilectio quæ Deo hominique debetur, quomodo nul-
lis iniquam impediatur obstatulis. 94.b
- Diligent-

INDEX.

Diligendi proximum maiores causas habent Christi-	
aw.	14. b
Diligere Deum quid sit.	218. 2
Dispensatores donorum suorum vult nos esse Deus.	203. a
Diuinitas Christi quomodo credenda sit.	40. b
Diuinitas immutabilis ut nostra infirma suscepit.	52. a b
Diuites bonos quare Deus in Ecclesia sua esse voluerit.	201. a.
Diuitiae propter duplē fructū largiuntur à Deo.	8. a
Dolos diaboli ut non solū in illecebris gula, sed etiam in proposito abstinentiae cauere debeamus.	88. b
E Ecclesiæ stabilitas quanta.	3. b
Ecclesia quomodo persecutionibus tyrannorum creuerit.	73. b
Egenos, infirmos & peregrinos diversis molestiis dens laborare permittit duplī de causa.	19. b
Elationem diuitiis esse familiarem.	216. b
Eleemosynæ fructus quis sit.	19. b
Eleemosynæ meritum quantum.	9. b
Eleemosyna quantum nos Deo commendet.	15. b
Eleemosyna quantum excruciet dæmones, quidve sen- tiendum de collectis	9. a
Eleemosyna ut sit secundum lauachrum à peccatis & opus maximæ pietatis.	8. b
Eleemosynarum bona quæ.	13. b
Eleemosynarum commendatio.	196. b
Eleemosynarum fructus quantus sit.	8. a 184. b
Eleemosynarum utilitas quanta.	22. b 184. b
Elementis huius mundi quomodo utendum sit ad lau- dem Dei.	48. b
Epiphaniæ celebritas quid nobis insinuet.	58. b
Epiphaniæ dominicæ ratio.	60. a
Epiphaniæ festū summis laudibus esse celebrādū.	65. a
Esurire ut magis debeamus verbum Dei, quam cibum corporeum.	83. a
Euangelium (Quem dicūt homines esse filium homi- nis) exponitur.	189. a b
Euangeli Quem dicunt homines, esse filium hominis expositio.	6. b

INDEX.

- Eutichetis hæresis cuiusmodi.
- Examine seuero quomodo anima Christiana cordis
sui interna discutere debeat. 81.a.
- Excæatio Iudæorū vt illuminatio fuerit gētiū. 60.b.
- Exempla esse validiora quam verba. 193.b.
- F**Acultates terrenæ vt sint materia imitandæ bonita-
tis diuinæ. 23.b.
- Facultatum terrenarū fructus spiritualis quis. 27.a.
- Facultatum terrenarum inopiae fructus quis. 27.b.
- Facultatum terrenarum non tam possessionem quam
dispensationem homini esse commissam. 12.b.
- Fatorū obseruatio et solis veneratio supstitionis. 47.b.
- Fœnus pecuniae esse funus animæ. 23.a.b.
- Fœnus sanctum exercendum quod sit. 23.a.
- Festiuis diebus vt sit animus maximè purgadus. 84.b.
- Festorum celebrandorum ratio. 43.a.
- Fidei catholicæ magister & auxiliator est Deus. 55.b.
- Fidei Christianæ commendatio. 39.a.
- Fidei Christianæ virtus & sapientia quæ sint. 95.b.
- Fidei Christianæ virtus quanta. 170.b.
- Fidei Ecclesiæ Romanæ præconium. 4.b.
- Fidei effectus quam fuerit velox in latrone. 118.b.
- Fidei nostræ magnum præsidium vt constituerit pro-
udentia Dei in apparitione Christi 65.a.
- Fidei soliditas in Apostolorum principe laudata vt sit
perpetua. 3.b.
- Fidei veræ potentia quæ sit. 158.a.
- Fidei virtus in quibus constituta sit. 155.b.
- Fides Christiana vt fuerit Christi ascensione aucta &
sancti spiritus munere roborata. 170.b.
- Fides cuiusmodi habenda sit de sancta trinitate. 176.a.
- Fides eadem vt sit nostra & antiquorum. 141.b, 144.b.
- Fides iustificans impios, quæ sit. 65.a.
- Fides quando sit mortua. 14.a.
- Fides qua viuimus vt semper una eadēq; fuerit. 34.b.
- Fides quomodo viuiscetur. 14.a.
- Fides sine charitate non prodest. 96.b.
- Fides vera quid super omnia diligat. 106.b
- Fides vt officia præciosa illa quæ per se sunt vilia. 95.a
- Fides

INDEX.

- F**ides ut sine charitate esse possit
Fides & fortitudo Charitas. 96.b.
Filii persona cur incarnata sit. 139.a. 43.b.
Filius Dei ut sit minor patre secundum humanitatem. 41.b.
Formidinem Christianis à Saluatore sublatam esse, non pugnam. 24.a.
Fortitudo piarum mentium quæ sit. 87.b.
Gaudia inimica esse fugienda. 71.b.
Generatio Christi ut excellat supra omnem originem humanę creationis. 56.a.
Generatio Christi vtraque ut sit inenarrabilis. 15.b.
Generationes mirabiles omnium ætatum. 56.b.
Gentium plenitudo quando in patriarcharum familiam intrauerit. 63.b.
Gloriæ Dei dignitas quomodo acquiritur per duo. 96.a.
Gradus ascensionis in beatitudinem qui sint 216.a.
Gratia Dei ut fuerit aucta Christo nascente, non incepta. 35.a.
Gratiæ Dei ut humana obedientia se subtrahere non debeat. 90.t.
Gratias non per omnia agere Deo, ut sit ex quadam parte reprehendere Deum. 14.b.
Haeredes Dei esse volentes, quales esse oporteat. 45.b.
Hereses diuersæ circa incarnationem verbi. 55.b.
Hæretici ut sint ministri diaboli. 20.a.
Hæretici ut veniant sub vestitu ouium. Ibidem.
Hæreticorum diuersorum circa incarnationem Christi errores & mendacia expenduntur. 50.b.
Hæreticorum diuersorum errores refelluntur. 38.a.
Hæreticorum viperea colloquia esse vitanda. 157.a.
Hæreticos esse prodendos. 11.b. 21.b.
Herodis & diaboli similis insidiandi furor. 73.a.
Hæsitatio discipulorum de resurrectione domini cur permissa fit. 168.a.
Hierusalem cur Christus elegerit passioni suæ. 59.a.
Homo quare ad imaginem Dei sit creatus. 14.b.

INDEX.

- Honorum collatione quid nos moneat Deus. 79.a
- Hostes nostros spiritales. ~~spiritare vacantes~~, quia faciendum. 79.a
- Hostis spiritale à Christianis offerēdæ quæ sint. 5.b
- Hostis antiquus quo tempore magis contra Christi membra saeuat. 85.b
- Hostis antiquus quō se trāsfiguret i angelū lucis. 47.a
- Humilibus & obedientibus nihil difficulte. 71.a
- Humilitas Christi quid nobis attulerit. 42.a
- Humanitas Christi vt fuerit ad credēdū difficilis. 39.a
- Humilitas deitatis, vt sit nostra prouectio. 111.b
- Humilitas & mansuetudo Christi vt sint nobis imitandæ. 42.b
- Humilitas victrix vt triumphauerit in cruce. 118.b
- Humanitatem Christum assumpſisse sine maiestatis diuinæ diminutione. 28.b.34.a
- Humilitatem esse ſectandam. 60.a
- Humilitate vt Christus vicerit diabolum, non potentia. 83.a
- Humilitatis bonum vt facilius pauperes affequantur quam diuites. 216.b.
- Cumilitatis Christi magnum exemplum. 75.b
- Ieiunandi forma à Christo tradita quæ. 206.a
- Ieiunandum esse Hebraorū exemplo & Christi ad victoriam obtinēdā cōtra hostes inuisibiles. 78.b
- Ieiunandum quomodo fit. 80.b
- Ieiunare vt omnes teneantur. 106.a
- Ieiunia christianorū à spiritu ſ. esse iſtituta. 181.b.184.a
- Ieiunia esse iſtituta à sanctis Apostolis per doctrinā spiritus sancti. 101.a
- Ieiunia seruamus non secundum Iudeorum obſeruationem. 199.b
- Ieiunia vana & inutilia quorum ſint. 98.b
- Ieiunii castigatio cur fit affumenda. 94.a
- Ieiunii efficacia quæ ſit. 16.a.18.a.179.b
- Ieiunii vtilitas quæ. 26.b.184.b.196.a
- Ieiuniorum Christianorum tempora quæ ſint. 26.a
- Ieiuniorum præficia contra quæ collata. 179.a.
- 182.a.b.185.a.
- Ieiunium

INDEX.

- Ieiunium corporale absq; spiritali non prodetse. 27.a.
Ieiunium decimi mensis quomodo ad agriculturam
mysticam nos vocet 25.a.b
Ieiunium duplex quod sit 25.b.208.a
Ieiunium in vtroq; testamento obseruatum quid va-
leat contra peccata 17.b
Ieiunium mensis septembbris cur institutum. 16.a
Ieiunium optimum quod sit 209.a
Ieiunium pentecostes quare institutum 182.a.b
Ieiunium quantum nos Deo commendet 15.b
Ieiunium quatuor temporum cur institutum 209.b
Ieiunium quomodo misericordiae operibus supple-
dum & ornandum sit 16.a
Ieiunium sine eleemosyna auari est 19.b
Ieiunium spiritale quod sit 26.a.98.b
Ieiunium verum quod sit 83.b
Ignis species i die p̄ētēcōf. vīsa apost. qd significet. 175.a
Ignorantia infantū vt sit felicior sciētia Iudeorū. 61.b
Imitandus quomodo sit Christus 166.b
Imperatores Romanæ vrbis vt in honore dominicæ
passionis præcipiant reos relaxari 84.a
Incarnatio filii Dei vt non fuerit iniuria deitatis, sc.
potentia 66.b (50.a)
Incarnationis Christi necessitas quanta. 34.b.36.b
Incarnationis Christi mysterium vt diabolo. occulta-
tum fuerit 137.a
Incarnationis Christi ratio quæ fuerit, & quis mo-
dus. 49.a.b.36.a.37.a
Incarnationis Christi vtilitas quæ 32.a.94.a
Incarnatio Saluatoris quare tam diu dilata fuerit. 35.a
Infantia Christiana cuiusmodi esse debeat 76.a
Infantia saluatoris vt sit manifestatio deitatis 77.b
Ingratitudo quantum sit vitium 190.b
Ingratitudinis esse beneficium Dei tacere. 1.a
Inhabitationis diuinæ experimenta quæ 78.a
Infidelitas vt excæauerit magistros 63.b
Infidelitas vt sit omnium errorum mater 155.a
Infirmitates nostras omnes vt Christus suscepere
absq; peccati communione 145.a.151.b.
Infirmi

INDEX.

- Infirmi quomodo iejunium redimant. 110.b.
Inimicos diligere quam in recenaria ad salutem. 220.b.
Iniuriarum remissio ut sit necessaria. 108.a.
Innocens nemo præ vita difficultate. 106.a.
Innocentia perfecta quomodo adipiscenda. 109.b.
Institutiones Apostolorum esse seruandas. 11.a.
Intemperantæ malum quod sit. 24.b.
Intercessio sanctorum quantum iuuet ad obtinendam
misericordiam Dei. 188.b.
Israelitæ spirituales qui sint. 142.a. 58.a.
Israelitæ veri qui sint. 58.a.
Iudeæ desperatio. 115.b. 113.a. 137.b.
Iudeæ scelus quantum. 112.a.
Iudei Christum solum hominem futurum esse cre-
diderunt. 53.b.
Iudei ut inexcusabiles fuerit in possessione Christi. 150.a.
Iudeorum punitio cuiusmodi. 117.a.
Iudeorum reuocatio ad resipiscentiam. 70.a.
Iudeorum scelus quantum. 128.b.
Iudas ut non crediderit Christum Deum. 113.a.
Iudas ut non fuerit à corporis & sanguinis Christi
communione repulsus. 116.a. 125.a.
Iudicij extreimi forma & qualitas cur reuelata sit per
euangelium. 10.a.b.
Iudicium Dei, sicut immitibus vehemens, ita erit mi-
sericordibus clemens. 98.a.
Iudicium suum ut Deus patientia & bonitate diffe-
rat. 71.a.
Iustificandis hominibus quid principaliter opitule-
tur. 57.b.
Iustitia Christiana quomodo in iejunando abundet
super scribas & phariseos. 206.a.
Iustitiae totius plenitudo, ut nascatur ex amore Dei
& proximi. 193.a.
Iustitia perfectorum vera quæ sit. 82.a.
Laborantibus non ociosis regnum Dei promissum
esse. 62.a.
Labor quo vitiis resistimus, quam præciosus sit in
conspicu Dei. 5.a.
Lachry-

INDEX.

- R**. Petri vt habuerint virtutem sacri bapti-
 tismatis. 133. a.
Lapidem fibi oblatum à diabolo , cur Christus in pa-
 nem mutare noluerit. 83. a.
Largitas fidelium vt non sit pésanda de muneris pon-
 dere, sed de benevolentiae quantitate. 9. b.
Latronis in cruce conuersio vnde. 113. b.
Latronum in cruce significatio quæ. 118. a.
Laurétii martyris fortitudo animi quāta fuerit. 193. b.
Leūtia quare omnibus in Christi nativitate habenda
 fit. 27. b.
Legem peccati superandam esse lege Dei. 207. b.
Lex vetus in noua impletur. 22. a.
Libertas Christiana qualis sit. 199. b.
Luctus cui eterna cōsolatio promittitur, quis sit. 217. a.
MAcédonius hæreticus diuinitatem sancti spiritus
 non recipit. 38. a.
 Machabæorum martyrum imitator quomodo
 quis existat. 192. b.
Magi tres Christū in regia ciuitate Hierosolyma æsti-
 mauerunt quærendum. 59. a.
Magi tres cur per ortum noui syderis fuerint excita-
 ad inquirendum Christum. 63. a.
Magi tres vt fuerint primitiæ gentium. 64. a. 61. b.
Magorum munera quid significauerint. 58. b 63. a.
Malum vt nec sit substantia nec natura. 89. a.
Manichæi vt sint vitandi. 68. a.
Manichæorum impietas quæ. 67. a. 20. b.
Mansuetudo vt sit pauperibus amica. 216. b.
Maria Magdalena vt personam gesserit Ecclesię. 171. a.
Maria prius mente Deū concepit quām corpore. 28. a.
Martyres sancti vt imitandi sint. 219. b.
Martyrum cunctorū forma vt in occisione infantium
 præcesserit. 76. b.
Martyrum eloquentia. 193. b.
Mediator Dei & hominum Christus est. 28. b.
Medicina triplex vulnerum peccatorum. 17. b.
Mens dura & ingrata vt sit fibi ipsa supplicium. 71. a.
Misericordia Dei vt sit causa reparatiōis humane 14. b.
 Miseri-

INDEX.

- Misericordia & benignitas Dei quomodo beneficia
inuitet peccatores ad peccatum 71.a
- Misericordiae Dei operum, sublimissimum quod sit
115.a.
- Misericordiae operum excellentia & retributio quan-
ta 13.b
- Misericordiae opera ut saluent hominem 10.a
- Modestia religiosorum qualis esse debeat 87.b
- Montem Christus ascendens quid significauerit. 216.a
- Morborum antiquorum, ut sit curatio difficilis 164.a
- Mori peccatis quomodo debeamus 192.b.109.a
- Mors Christi ut sit liberatio nostra, & accusatio Iu-
dæorum 113.a
- Mors duplex quæ sit 162.a
- Mulieres Christo compassæ cur fuerint. 134.b
- Mulieres Christus, flere inhibet 134.b
- Munera quomodo mystice Christo offerenda 73.a
- Mysteria magna reuelata esse à Christo inter resurre-
ctionem & ascensionem 168.b
- N**Ascens Christus quomodo in se nouæ creature
dederit exordium 47.a
- Nascenti Christo congeniti sumus 43.b
- Nasci cur Christus elegerit ex virginie 30.b
- Natiuitate sua quid Christus humano generi attule-
rit 27.b
- Natiuitas Christi ut excedat omnia miracula, omnēq;
intellgentiæ mensuram 35.a
- Natiuitatem Christi corpoream quæ documenta de-
clararint 69.a
- Natura Christi duplex prædicatur aduersus Eutychen
& Nestorium hæreticos 203.b
- Natura diuina & humana ut in una persona subsistat
in Christo 33.b.115.a.152 b
- Arianorum cæcitas quanta 33.b
- Naturæ humanae infirmitas quanta 24.a (82.a)
- Natura humana ut sit manente mortalitate mutabilis.
- Natura humana quantum per Christum sublimata
sit 32.a.170.a
- Naturam suam utrunque ut Christus in deserto ie-
nans de-

INDEX.

- C**ausa demonstratur 83.a
 Negationis reat quo incarratur à Christianis. 74.a
 Negatur Deus aliquando non verbis sed factis. 10.a
 Negotiator diues & misericors ut sit Christus 116.b
 Neronis furor quantus 188.a
 Non vna est causa certaminis 101.a
Obedientia Christi quid nobis attulerit 42.a
 Offensiones esse remittendas 105.a
 Opera bona necessaria esse filii Dei 44.b
 Opera Christi ut non solum sacramento nobis utilia
 fint, sed etiam imitationis exemplo 42.b
 Operum & laboris commendatio 70.b
 Orandum esse pro haereticis 68.b
 Oratio Christi quid significet 126.a
 Oratio ieiunatis quam grata sit Deo, & terribilis dia-
 bolo 196.a
 Oratio in ieiuniis & eleemosynis ut sit efficacissi-
 ma. 19.b
 Oratio Iudæ quomodo facta fuerit in peccatum. 121.b
 Orationis Christi in cruce virtus quanta 137.b
 Orationis Christi in horto primam petitionem fuisse
 infirmitatis secundam virtutis 120.a
 Orationis instantia quando veram obtineat purita-
 tem 25.b.
 Oratio quantum nos Deo commendet 15.b
 Osculum Iudæ ut fuerit saevis omnibus telis 112.a
 Oves dominicas quomodo B. Petrus etiam nunc pa-
 scat 7.b.190.a
Pacifici filii Dei vocandi, qui sint 119.a
 Pacis commendatio 44.a
 Pax cum Deo qualis sit Ibidem
 Paruuli quomodo effici debeamus malicia. 76.a
 Paschale sacramentum quomodo quis legitimè ho-
 noret 119.b
 Paschale sacramentum ut sit præcipuum in solennita-
 tibus Christianis 100.b.103.a
 Paschalis festiuitatis exules qui sint. 166.b 167.b
 Paschalis festiuitatis proprium quid sit. 94.a
 Pascha quomodo interpretetur. 167.a
 Pascha

INDEX.

- Pascha ut dignè celebretur, quomodo preparare se
debeat homo. 105.
Passio Christi cur facta fuerit in festo paschali. 124. a.
Passio Christi ut contineat sacramentum nostræ salu-
tis. 118. a.
Passio christi ut fuerit ab initio figurata per multa
mysteria. 132. a.
Passionis domini sacramentum quomodo celebran-
dum sit. 87. a.
Passio salvatoris ut inter omnia opera Dei maximè
contemplationem mentis oblectet & superet 136. a
Pastores ut assimilentur medicis peritis 210. a.
Patientia Dei non esse abutendum. 109. a.
Patientiae fortitudo vnde accendatur. 24. b.
Pauor discipulorum in christi passione, ut fuerit ex-
cusabilis. 131. b.
Pauperes sanctos cur Deus in Ecclesia sua esse volue-
rit. 201. a.
Pauperes spiritu quinam sint. 216. b.
Pauperibus subuenire quam sit piū & iustum. 19. a.
Pauperibus verecundis subueniendum. 11. b.
Paupertas christiana ut sit semper diues. 87. b.
Paupertatis spiritus exemplū ab Apostolis nobis da-
tum esse. 216. b.
Pax mundi qualis 45 b
Pax spiritualium & catholicorum hominum qualis
sit 45 b
Pax vera quæ sit, & quando 53 a 79 a
Peccatorum plenissima abolitio quando obtineatur
198 a
Peccatorum remissionem sine spiritus sancti inuoca-
tione non fieri 176 b
Peccatum in spiritu sanctum cur irremissibile 174. b
Peccatum nullum esse sine delectatione. 74. a
Pedes duo spiritales qui 220 b
Pentecostes dies continet magna mysteria 173 a
Periculi non esse minoris, carere desideratis, quā abun-
dare concessis 106 a
Persecutionibus Ecclesiam non minui, sed augeri 188 a
Perse-

INDEX.

- Securio noua dæmonis in Christianos quæ. 73.b
Petrus Apoloni prærogativa quæ. 168.b.7.a 6.b
Petri confessio. 189.a 136.b
Petri negatio cur permissa sit. 133.a
Petri trepidatio & conuersio. 116.b
Petrus Apostolus quomodo nunc glorificatus plenius
& potentius exequatur officia sibi commissa. 4.a
Petrus omnium Episcoporum primus. 4.b
Petrus princeps pastorum à Christo constitutus. 6.a
Petrus quamobrem hæsitare permisus sit. 133.a
Petrus quomodo dicatur petra, super quam fundatur
Ecclesia. 6.b 189.b
Photinus Christum Deum esse non credidit. 38.a
Pietatis affectio Christi erga suos interfactores quæ
fuerit. 137.b
Pilati scelus & iudicium quanta. 128.a
Pilatus cur Christum diuersis contumeliis affigi per-
misit. 128.a.b.134.a
Pœna eorum qui eleemosynas nō fecerunt, quæ sit. 25.a
Pœnitentia Iudæ infructuosa vt fuerit. 113.a
Pontificatus qualitas secundum ordinem Melchisedech
quæ sit. 2.b
Populus Dei quomodo potentissimus fiat contra dia-
bolum. 197.b
Populus Dei quomodo debeat esse sanctus & beni-
gnus. 104.b
Postulatio ad exorandum Deum efficacissima quæ sit.
22.b
Potentiam suam cur Christus non semper in passione
sua voluerit ostendere. 147.b
Præcepta legalia vt etiam apud nos antiquæ authorita-
tis retineant firmitatem. 205.b
Præcepta moralia veteris legis per Christum abolita
non esse. 145.b
Præceptorum diuinorum eruditio, quid maximè agat
apud corda credentium. 207.a
Præceptorum omnium doctrina quomodo concurrat
in duabus. 97.a
Præsumendum nunquā esse de virtutibus propriis. 82.a

INDEX.

- P**räsumere de non peccare. 85.a
 Primitiæ fidei vocationisque gentilium ut cognoscend⁹
 sint in magis adoratoribus Christi 61.b
 Proficiendum quomodo sit de die in diem. 130.b
 Prophetæ locuti sunt futura tanquam præterita. 149.b
 Proxiinus noster quis sit. 14.a
 Pugna continua Christianorum. 17.b
 Pugnandum esse homini continuè. 24.a
 Puritas cordis quomodo acquirenda. 109.b
QUadragesimali tépore cur dæmones acriori astu-
 tia infidientur fidelibus. 79.b 82.b
 Quadragesimali tépore viuēdū esse religiosi⁹ 82.a
RArio hominis quomodo ordinatisimum tenere
 debeat principatum. 79.a
 Redemptionis huianæ sacramento quomodo
 vniuersa præcedentium seculorum mysteria serue-
 rint. 115.a
 Reformari ad imaginē Dei quomodo debeamus. 114.b
 Regeneratione spiritus sancti adoptantur Christiani
 ad beatam æternitatem animæ & carnis. 179.a
 Regeneratio vt faciat nouos homines. 94.a
 Regnum Dei quomodo obtinendum sit. 65.a
 Regula qua omnes animæ affectus dirigendi sunt,
 quæ. 27.a
 Remedium duplex nobis ab omnipotente Medico pre-
 paratum quod sit. 151.b
 Reparatio hominis vt maior sit quam creatio. 141.b
 Reparatione vt Deus plus tribuerit humano generi
 quam creatione. 36.b
 Rerum natura quomodo sit vnicuique fidelium do-
 ctrina ad colendum Deum. 93.b
 Resurgēdū quomodo sit spiritualiter cū Christo. 163.a b
 Resurgere cum Christo quomodo debeamus. 109.a
 Resurrectionis Christi verus confessor & cultor quo-
 modo sit. 98.b
 Resurrectionis dominicæ documenta quæ. 161.b
 Rex quomodo sit quilibet Christianus. 5.b
 Roma vrbis dignitas quanta. 186.a
 Roma-

INDEX.

- Romana fides ab Apostolo commēdata ut fuerit. 211.b
Romanorum superētio quā fuerit. 187.b
Romanum imperium cur ad summa prouectum sit.
187.a
- S Abellianorum hæresis cuiusmodi. 38.a
Sacerdotium quomodo competit omnibus Christianis. 5.b
Sacerdotium supremum quare beato Petro & eius successoribus collatum sit. 5.a
Sacramēta magna esse cōfirmata à Christo, inter ascensionem & resurrectionem. 168.b
Sacramenta legalia ut per Christum fuerint completa. 142.a
Sacramenti diuini neminem hominum non esse capace. 61.b
Sacramentum redēptionis humanæ ut latuerit dialbolum & Iudæos. 196.b
Saluationi nostræ ut seruierit impietas Iudæorū. 112.b
Salus ut nemini vñquā contigerit nisi per Christū. iii.a
Sanctorum ambienda suffragia. 71.b
Sanguinis Christi virtus quanta. 139.b
Sapientiæ Christianæ disciplina in quo confistat. 75.b
Sapientia mundi ut sit cæcitas. 41.b
Scientia imperita, & doctrina indocta Iudæorum, quæ fuerit. 60.b
Scientiæ mundanæ argumenta exosa domino esse abicienda. 100.a.157.a
Securus ut nemo esse debeat. 77.b
Semitæ Dei quæ sint. 96.a
Signa facta in morte Christi quæ. 114.a
Simonis Cyrenæi mysterium quod. 129.a
Solennitatum vniuersarum dignitas ut per paschalem festiuitatem consecretur. 102.b
Speculum splendidissimum, in quo homo suæ mentis faciem consideret, ut Deus cōdiderit in mandatis suis. 108.a
Spiritus immundi ut atterantur veræ religionis obseruantia. 9.a
Spiritus immundi ut lætentur gentilium errore. Ibid.
Hh ii. Spiritus

INDEX.

- S**piritus sancti diuinus in corporeis oculis in die Pentecostes 173.b
Spiritus sanctus ut etiā ante Pétecostē sit datus. 176.b
Spiritus sanct⁹ ut in tribus Magis operat⁹ fuerit. 66.b
Spiritus sanctus ut sit totius causa virtutis 174.b
Splendor lucis æternæ ut sit Christus 41.a
Stella in Ecclesia viam ad dominum demonstrans,
quis sit 64.b
Stella quæ Magis apparuit, quid significauerit. 69.b
Superbia spiritus ut sit origo omniū peccatorum. 95.a
Superbia ne homo infletur quid facere debeat 27.a
Superbia quomodo bonis operibus insidietur 88.a
Superbia quomodo destruenda sit 62.a.95.a
Tela diaboli quomodo blandiantur carni, ut no-
ceant animæ 200.a
 Temperantia virtutem esse sectandam contra o-
mnia quæ corporeis sensibus blandiuntur 185.b
Temperantia modus ac bonum 13.a
Templum animæ ne immundum aut incompositum
inueniatur à spiritu sancto, præcauendum esse. 90.b
Templū spiritus sancti efficitur homo per baptisma-
tis sacramentum 29.a
Tentari cur Christus voluerit 79.b
Tentationibus quomodo exemplo & auxilio Christi
resistendum sit 79.b
Tentationibus diabolis ne quis supereretur, quid agen-
dum 45.a
Tentationibus vt nulla virtus rectius quam continen-
tia opponenda sit 110.a
Tentationis Christi à diabolo ordo explicatur 88.b
Tentationum pericula quæ 106.a
Tentatio quomodo sit omnis hæc vita 101.b
Terra promissa mitibus, ut sit caro sanctorum. 217.b
Terrena esse despicienda Christi exemplo, ut cœlestia
apprehendantur 166.b
Teſtamentum vtrumque ut condemnet impios Iu-
dæos 135.b
Thesauri iustitiae qui fint 206.b
Thus quomodo mysticæ quis offerat Christo. 73.a
Timor

INDEX.

- Timor Dei ut transfigat mentem hominis ne cupiditas
 tib⁹ nox⁹ns contentiar⁹ 101.b
 Tyrannis diaboli ut iuste destruxerit per Christi incarnationem
 fuerit 55.b
 Traditionis Apostolicæ autoritas quanta 183.b
 Traditiones patrum esse seruandas 12.b
 Tranquillitas à tyrannorum persecutione quam sit periculosa 73.b
 Traxerit quō Christ⁹ omnia ad se in cruce. 130.a 123.a
 Tiemendi & metuendi causa sanctis quæ sit 77.b
 Tria potissimum ad religiosas actiones pertinentia
 quæ sint 15.b
 Trinitatis sanctæ opera esse indiuisa 179.b
 Trinitatis sanctæ mysterium quod 175.b
 Tristitiam ut immittat diabolus de labore ieunii. 17.a
 Tristitia religiosa quæ sit 217.b
Vallis ut significet mansuetudinē humilium 96.a
 Veli templi mysterium quod sit. 154.a
 Verbum paternæ maiestatis ut habitauerit in nobis 55.b
 Veritatis cognitioni quo quis magis appropiaret. 52.b
 Veritatis testificatio quomodo nunquam à sua luce
 recedat 155.a
 Veritas ut illuminauerit tres Magos 63.b
 Via ascendendi ad Christum, ut sit charitas 172.b
 Via ducens ad vitam quomodo sit ardua & angusta. 106.a
 Viæ domini quæ sint Ibibem.
 Viæ veritas & vita, quomodo sit Christus 156.b
 Viæ ut sit Christus, & quomodo quis per illam ambulet. 151.b
 Victoria tota saluatoris, quæ & diabolum superauit &
 mundum, ut fuerit humilitate concepta & consummata 75.a.b
 Vigilandum esse sapienter contra insidias diaboli. 172.a
 Vigilandum semper esse animæ Christianæ contra
 diabolum 82.a.b
 Vigilantiam communem contra communes hostes
 habendam esse. 21.b

INDEX.

- Virtutes aliae absque misericordiae operibus non pro-
sunt. 13.b
- Virtutes omnes ut sint nudæ sine charitate 104.b
- Virtutum omnium summa ut nascatur de amore Dei
& proximi 193.a
- Virtutum semina quādo in nobis bene nutriātur. 81.a
- Virtutum verarum natura quæ sit 193.b
- Virtutum via ut sit quodammodo in abscondito. 106.b
- Vita æterna ut per veram fidem obtineatur 39.a
- Vita Christianorum ut respondere debeat professioni
ipsorum 142.b
- Vita duplex quæ sit 162.a
- Vita hęc nostra ut sit in medio insidiorum, & in me-
dio præliorum 80.a
- Vita hac quam plena sit periculis 91.a
- Vita piorum ut non solū sibi, sed etiam aliis utilis esse
deceat 70.b
- Vita sanctorū quomodo nunq̄ crucis sit aliena. 97.b
- Voluntas bona remuneratur 83.b
- Voluntatis initium & effectum operis boni ut habeat
homo semper à Deo 77.b
- C** Voluptates carnales ut militent diabolo 172.a
- Voluptates noxiæ ut sint fugienda 71.b
- Vox Christi in cruce (Deus meus Deus meus) ut sit
doctrinæ, non quærela. 152.a
- Vulnerū nostrorū curatione vulneratur diabolus. 80.b
- Z** Elus pius contra hostes animarum assūmendus
quis sit. 21.b
- Zizania falsitatum quomodo spargat diabolus
inter semina fidei. 157.a

FINIS INDICIS.

INDEX SERMONVM

P ecunia p[ri]mū nissuæ ad pontificis catum, sermones	III.
D e collectis, sermones	V.
D e ieiunio decimi mensis & collectis, sermo- nes	VIII.
I n solennitate Natiuitatis domini nostri Iesu Christi sermones	X.
I n solennitate Epiphanie domini nostri Iesu Christi sermones	VIII.
D e quadragesima, sermones	XII.
D e passione domini, sermones	XIX.
D e Resurrectione domini, sermones	II.
D e Ascensione domini, sermones	II.
D e Pentecoste, sermones	III.
D e ieiunio Pentecostes, sermones	III.II.
I n nativitate Apostolorum Petri & Pauli, sera- mones	II. I
I n octaua Apostolorū Petri & Pauli sermo vnic⁹.	
I n nativitate sanctorum septemfratrum Macha- bæorum,	Sermo I.
I n nativitate sancti Laurentij martyris, Sermo I.	
D e ieiunio septimi mensis, sermones	IX.
C ontra bæresim Eutychetis, sermo siue Tractatus I	
D e transfiguratione domini,	Homilia I.
I n festo omnium sanctorum,	Homilia I.
D e martyribus,	Sermo I.

S I N I S.





